



E

L

E

C

T

28
Pete

FASCICVLVS EXERCITIORVM

ET

CONSIDERATIONVM,

De præcipuis Veritatibus
Christianæ Fidei &
Sapientiæ.

AD

*Efformationem Christianæ Vitæ, consecutionem sa-
lutis Æternæ, collectus: & usui
accommodatus.*

A Rñdo Patre

G A S P A R E D R V Z B I C K I
Societatis IESV


C R A C O V I Æ,

Typis Viduæ & Heredum Francisci Cezary, S. R. M.

*Typographi, Anno Domini, 1662.
Petro Gwächki Procuratore nuncii Lubonicki Soci. J. E.*

E. J. 7

[Faint handwritten notes at the bottom of the page, likely bleed-through from the reverse side.]



APPROBATIO

R. P.

P R O V I N C I Æ P O L O N I Æ S O C I E S V V I S I T A T O R I S.

Cum Librum à P. Gaspare Druzbecki Societatis No-
stræ conscriptum, FASCICVLVS EXERCITIORVM, &c.
nuncupatum, tres ex eadem Societate Patres, perlectum,
edi posse in lucem bono publico censuerint; Ego Stanislaus
Ierzykowic, per Poloniæ Prouinciam Societatis IESV
Visitator, Potestate ab Adm: Reuerendo Patre Nostro
Goswino Nickel Generali Præposito mihi facta, eundem
Librum typis mandari permitto. In cuius rei fidem, has;
Autori, manu meâ, sigilloq; officij mei firmatas, dedi. Po-
snaniæ, 6. Nouembris. 1659.

Stanislaus Ierzykowic.

APPROBATIO
Censoris.

EXercitia Spiritualia ab Admodum Rñdo Patre
Gaspare Druzicki Societatis JESV Theologo
conscripta, & in decem & octo Partes distributa, legi:
plurimumq; utilia reformando interiori homini inueni:
nam & intellectū, variam suppeditando materiam, præ-
clarè instruunt: & affectum piā ac profundā medita-
tione, ad amorem diuinorū mirificè inflammant: digna
propterea censui: ut ad Maiorem Dei gloriam, & pro-
ximi salutem publici iuris & usus fiant. 17. Julij,
Anno 1661.

Hyacinthus Liberius S. T. D.
Præpositus SS. Corporis Christi
Canonicorum Regularium, Li-
brorū in Diœcesi Crac: Censor.



AD MODVM
REVERENDIS
PATRIBUS
ET
FRATRIBVS
SOCIETATIS
IESV.

P. Gaspar Druzbecki Æter: Fel:

NOctuas quidem (ut aiunt) afferre vobis
videri possum: plurimum in Domino No-
stro IESV dilecti Patres Fratresq; Socie-
tatis IESV: dum hunc Vobis FASCICV-
LVM EXERCITIORVM Spiritualium offero. Non
ut vos illis exerceam: qui longè iustius, quàm de se Salo-
mon asseruit, possum ac debeo confirmare, quòd sim stul-
tissimus virorum, & Sapiencia hominũ non sit mecum;
neq;

neq; ut Vobis materiam ansamq; vosmet exercendi sup-
peditem: cum horum abunde ab ipsis Tyrocinij Religiosi
cunabulis habere possitis, atq; etiam habeatis; neq; ut per
hec Vobis oblata, alia perquam solida, & perquam pro-
ficua à manibus vestris submoueam; tantum enim mihi
non sumo, uti præ illis utilissimis, utiliora aliqua vobis
exhibere præsumā. Sed ideo inprimis: ut riuulos quos ab
institutione Societatis Nostræ, veluti fonte deriuauī, in
eandem istam Societatem reuehā, refundamq;: & gra-
ri animi mei, ista aliquantula coronulā, dilectum aqua-
rum viuentium puteum, ex quo aquam hausi coronem.
Deinde, ut copiam satietatemq; utilissimorū quidem, sed
quotidianorum Exercitamentorū, ista mearū cogitatio-
num qualiumcunq; nouitate, si tamen nouitate in se, &
non potius solā in Fasciculū collectione, aliquantum sub-
leuem, & veluti recreem. Solet enim in spiritualibus deli-
tijs, id ipsum quod in escis carnalibus euenire. Nam ut
corporeis qui se oblectant epulis, seponunt interdum gra-
tiores: quibus iam satiati sunt: adhibent autem de minis
exquisitis: quibus appetitum exacuant, famemq; prouo-
cent. Ita & in spiritualibus alimentis accidit: ut exple-
ti grandibus, sublimibusq; Spiritus pascuis, seponant tan-
tisper illa: & ad humiliora, utilia tamen, mentē conuer-
tant,

tant: viresq; tum desideriorū suorū innouent: tum cogni-
tionū assiduā gravitatē leuioribus subleuent. Talia ferē
sūt hac: quæ ego Vestræ Charitati in presenti deferre audeo.

Non puto autem necessarium: ut Vobis, vel dignita-
tem vel etiam utilitatem tractatarum materialium enar-
rem: aut etiam ut styli methodiq; rationem reddam: il-
lud enim primū, pro se apud Vos perorabit: istud autem
secundum, sponte sua, facilitati se debuisse ac voluisse ser-
uire ostendet: deniq; totus operis huius labor, varietate
et breuitate sese forsitan commendabit.

Eat ergo in manus Charitatis Vestræ, libellus iste
meus: et fraterno à vobis animo exceptus, inueniat
beneuolam approbationem.

Ceterum quemadmodū mearū esse partiū agnosco: ut
in omnibus meis ad DEUM orationibus meminerim,
uniuersis ac singulis Societatis huius Filijs, copiosas, simul
ac perennes, ab eius Maiestate benedictiones efflagitare;
ita quoq; exilitatis meæ conscius, omnium Vestrarum, Reli-
giosæ Charitati, et orationū deuotissimis suffragijs, me li-
cet indignum, ob hoc tamen ipsum indigum, commendo.

Posnania, Die S. Michaeli et omnibus Sanctis Angelis dicato.

Anno Salutis 1661.

Minimus omnium in Domino IESV seruus

G. D. S. I.



PIO LECTORI.

Hominem rusticanum, aiunt Domino suo, fauos mellis; obtulisse munus: ex quo cum Herus acceptis fauis, urbanè quæreret: essentnè dulces: respondit ille, Linge Domine, & gusta. Expedita, & idonea, est villana responsio. Nec enim aliter, iudicium de faui dulcedine ferri potest commodè, quàm gustando. Affero & ego tibi, mi Lector, offeroq; fauos spirituales: melle suo plenos: horum tu dulcedinem, scilicet vtilitatem, salubremq; efficaciam, si nosse percupis; respondeo tibi: linge & gusta: lege & proba. Aliam tibi commendationem mellificii huius afferre non est animus: cum Spiritu, Augustino inclamante, repeto tantùm; Tolle lege, tolle lege. Id si feceris, de melle iudicium feres: in corde fructum senties: DEO laudes & gratias red-des. Vale.



EXER-

E



2.
ci, id
non
mi
cum
pos
illo
3-
sent
aby
atq



EXERCITIORVM P A R S I.


ERGA

Vnum & Trinum D E V M.

EXERCITIVM I.

Quid sit, & quòd sit DEVS.

I.



Tatue te in conspectu DEI, Vnius in Trinitate, Trini in Vnitate. Vnius in Essentia, Trini in Personis: Patris, Filij, & Spiritus Sancti. Hic est Verus DEVS, & non apponetur alius ad eum.

2. Cogita, agnosce, confitere, DEVM esse, & cogitari, & dici, id quod Est, &, Eum qui est: & eum, quem, est, non esse, & non existere impossibile: Qui est Ens per omnia: Ens ante omnia: Ens sine omnibus. Ens à se ipso solo, & a nullo alio, neque cum vlllo alio, nisi quod est ab ipso. Ens, ante quod nihil fuit, post quod nihil erit, quia ille semper & tunc vlllo sine erit, & ab illo solo erit, quidquid vnquam fuit, est, erit.

3- DEVS est. Et Ens Entium est. Ens Essentiale, Essentia Essentiarum, Essentialis Essentia, abyssus, & abyssalis Essentia, abyssus Entitatis, pura, plena, simplex vna, omniuna essentia, atque Entitas.

A

4. DEVS

Exerc. I. Quòd sit, & quid sit DEVS?

4. DEVS est: omnia Actū: purus actus, vnus actus, omnis & omnia actus. Omnis possibilitatis & potentiae actualitas, plenusque actus etiam omnipotentiae, ipsissimaque omnipotentia. Pelagus Essentiae. Entitatis Oceanus. Fontalis Entitas. Originalis Essentia, & origo omnium Essentiarum. Originem ipsa nullam habens: sed origo originum omnium ipsa existens. Ens verum, & verè purèque Ens: nihil nihili: omniūque nihilo vacuum, & impossibilitatem habens cum nihilo. Omnis omnitudine: omne omnium, totus actus totumque actu. Potentiā nihil, omnia actu.

5. DEVS est: hoc quod à DEO cogitari solo potest. Nihil horum, & huius, quod à quocunque alio, non DEO, cogitari potest. Nihil horum, sed suprā hoc infinities aliud, melius, plenius, dignius, perfectius, quod nos cogitamus de DEO. Totum, simplex, totum vnum, totum suum, totum sibi, totum omne Esse, & essentialiter, & essentiā esse.

6. DEVS est: & ipsum Esse est: & Essentialiter Esse est: & ipse verè, purè, plenè, essentialiter est. Nemini debet esse, nisi soli sibi: quia à se, ex se, in se, per se, apud se, solo se, est, quidquid est: quidquid autem est, omne quod esse cogitari congruit & potest; hoc verè, & actu & re ipsa, & essentiā, essentialiterque est.

7. DEVS est: & est totum, quod DEVM esse decet: & nihil est; quod DEVM esse non decet. Omne bonum, & omnibonum, & omnia bona, & pura, putaue bonitas, & origo omnis bonitatis, & mare omnis boni. à quo, & per quem omne bonum: sine quo nihil, & nullum bonum: extra quem nihil bonum: imò omne Nihil: & omne Malum: solumque Nihil, & solum Malum.

8. DEVS est: Ens & Essentia. Entitas & existentia. Vnus & Vnitas. Trinus & Trinitas. Viuens & Vita. Sapiens & Sapientia. Omnipotens & Omnipotentia. Iustus & Iustitia. Misericors & Misericordia. Verus & Veritas. Charitas & diligens omnia. Nullius egens, continens omnia. Lux, tenebras habens

Exerc. I. Quid sit, & quid sit DEVS?

3

bens latibulum suum: & tenebræ in eo non sunt ullæ. Immutabilis, mutans & firmans omnia. implens minima, excedens summa. Inferior infimis, intimior intimis, altior summis, latior iatitudine, longior longitudine, abyssis profundior. ex quo omnia quæ sunt: sed coram eo quasi non sunt. cui omnia sunt, etiam quæ non sunt: quia in manu eius sunt, perinde, ac ea quæ de facto ab eo creata sunt.

9. DEVS est: Verus, verè, & Veritas. Viuens & vita: Rationalis, & ratio prima, summa, omnis. Rectus, rectitudo, regula, inflexibilis, infallibilis, indeclinabilis. Huic quidquid congruit, rectum est: quidquid ab eâ declinat, rectum non est, nec esse potest.

10. DEVS est: Pulcher, & Pulchrum, & Pulchritudo. omnium pulchrorum fons. sine quo nihil pulchrum: à quo omne pulchrum: coram quo tamen nihil pulchrum: nisi in quantum ab eo accipit vt sit pulchrum: quod tamen ipsius totali pulchritudini comparatum, non meretur esse, aut dici pulchrum.

11. DEVS est: Bonus, bonum, bonitas. Faciens omnia bona, & dans omnibus bonitatem. Sine quo nulla est ullibi bonitas, bonique nihil.

12. DEVS est: Amor sui & suus. Amans se, & omnia in se, ex se, propter se. Amatius, & Amabilis, & amandus absque mensurâ, absque fine, absque modo, absque præmio, absque spe mercedis. Summum enim, & vnicum præmium est; Amare illum: & Amor illius, tantò maiorem mercedem habens, quantò magis nullam sperat.

13. DEVS est: & eius Voluntas est Potentia. Velle est posse: posse est facere: facere est Sanctum esse. Ei subest cum voluerit omnia posse. In eius ditione cuncta sunt posita. Nec est qui possit eius resistere voluntati.

14. DEVS est: Vincens scientiam nostram. Magnus & incomprehensibilis cogitatu. Magnitudinis non habens finem: im-

4 *Exerc. I. Quod sit, & quid sit DEVS?*

mensus & implens omnia, nusquam tamen conclusus, intra omnia, extra omnia, ultra omnia, super omnia, infra omnia.

15. DEVS est: Maiestas, Dignitas, Celsitudo, Claritas, Gloria, Dominatio, Potestas, Rex, & Regnum, Imperans, & Imperium, Prouisor, & Pater, dans omnibus omnia. Ipse nemine indigens, nisi ad hoc, vt habeat, cui benè faciat.

Iste est DEVS meus: & exaltabo eum: iste est DEVS: & hoc cogito, dum aliquid de DEO, dignum DEO cogito: quamuis ille infinities infinitè perfectius, atque dignius, quiddam est, quam quod, & quomodo ego cogito.

P R A X I S.

O DEVS, ô Diuinum: ô Deitas, ô plenitudo, atque omnitudo Deitatis. Vnus, vnicus, vnissimus, vnitrinus tamen DEVS. Non desertus solitudine, sed beatus Vnitrinitate & Triunitate suâ DEVS. Te ipso Ens. Tua ipsius Essentia. Totus, & semper ex te, & per te, & in te, & propter te. Tu tua tibi omnia. Tu beatus, & beatitudo tua. & hæc est ab æterna omnis occupatio tua, quod sis, & non esse non possis Beatitudo tua. Ob hoc te amat: hoc tibi gratulatur, ex hoc de te gaudet vniuersa Entitas mea: quia Tu es. quia es id quod es: quia ex te, & a te es. quia te, omni bonitate plenus es: quia perfectio tua, & dignitas, & gloria tota tibi es. quia teipso consummatè beatus, completa beatitudo es. Istud te esse, & abs te esse, & æternaliter esse. Tantùm volo, tantùm amo, tantùm gaudeo, tantùm exulto, tantùm praualeo posse: tantùm dignum est, & tu donas me posse: tantùm potest; si tantùm tu potes, tantùm dares mihi posse: tantùm & vellem, si tantùm Tu potes, ego quoque possem.

EXER-

Exerc. II. Quid sit Creatura?
EXERCITIVM II.

Quid sit Creatura.

1. **S**Tatue te in conspectu DEI Vnius in Trinitate, & Trini in Unitate: eo modo; quo S. Franciscus solebat sese constituere, & in oratione DEI pernoctare, sollicitissimâ humilitate, quæstiones has duas repetens, simulque recolens: Quis tu? & quis ego Domine? Quid sit DEVS iam in priore Exercitio vidisti: quomodo Nicticoraces, Noctux, & Talpæ Meridianum solem videre solent. Quis sis, & quid sis Tu, iam vide.

2. Quid est Creatura? quod verius plenius, adæquatiùs, responderi, & affirmari potest; est Nihil: qui Creaturam esse Nihil, dixit; dixit de ea deq; totâ eius Entitate, atque substantiâ, totum quod reuera est: reuera enim Creatura Nihil est. Non ens est, non est.

3. Opposito per omnia modo se habens ad DEVM. Vt enim DEVS est qui est: sic Creatura est quod Non est, seu Nihil est. Vt DEVS est purum, primum, solidum, verumque Ens: sic Creatura est purum, putum, ac solidum merumq; Nihil. Vt DEVS est essentialis essentia, & essentialiter Ens, atque Existens: sic Creatura, essentialiter est Nihil, & non ens, & non est. Vt DEVS, ipsi sibi est fons & origo Essendi: estque id quod est, à semet, & ex semet, & semetipso: sic Creatura ipsa sibi est fons & origo Nihili, & non essendi: & est id quod Non est: à semetipsâ, & ex semetipsâ, ac semetipsâ est Nihil, & Non ens. Vt DEVS est suæ omnisque Essentiæ pelagus: sic Creatura est suæ omnisque Non essentiæ, & Non entitatis & nihili pelagus. Vt DEVS quantumlibet sese exhauriat, exinaniat, & annihilat; tamen impossibile est, vt Non sit: vt Nihil sit: vt id quod Est, non sit: sic Creatura, quantumlibet entificetur, ex non esse extrahatur, in Esse perficiatur, atque compleatur, tamen impossibile est,

Exerc. II. Quid sit Creatura.

est, ut Non sit Nihil: non maneatque Nihil: & non toto Nihili sui innari impetu proruat in Nihil.

4. Quemadmodum Aër iste, quo vivimus atque spiramus: etiamsi per tot iam annorum millia singulis diebus a luce Solis, ita illuminetur, atque lumine penetretur, ut quasi ipsum lumen fiat; singulis tamen diebus, seu noctibus, ita totum lumen perdit, adeoque sequenti mane ac die rursus illuminari indiget, ac si nunquam antea fuisset luce perfusus, aut penetratus; Ita Creatura quantumcunque in aliquod Esse de suo Nihilo educatur, & fiat: quantumcunque perficiatur, compleaturque, quantumcunque solideretur, firmeretur, corroboretur; Nunquam tamen, etiam per absolutam Omnipotentiam, ita à suo Nihilo excedit, extrahiturque, ita perficitur completurque, ita solidatur & obfirmatur, ut vel ad Momentum per se in suo illo obfirmatissimo quamvis Esse permanere possit: si Omnipotentiae manus ab eâ recedat.

5. Quemadmodum lapis Molaris sursum rudente appensus, impediri quidem ille potest retinaculo ne deorsum ruat: tamen ne toto suo pondere deorsum tendat, inhiberi non potest: sed omni momento, quo retinaculum fuerit amotum, deorsum præceps ruet; Ita Creatura, potest quidem conservatrice Omnipotentia in Esse suo conservari, ne in suum Nihilum recidat: non potest tamen præpediri, quin in suum Nihilum primæum assiduò tendat: & quin amota conservatrice manu, in ipso momento, esse penitus desinat: & Nihil, quod fuit, imò quod est, euadat, & existat.

6. Huic suo Nihilo Creatura debet, carentiam omnis boni: quocunque caret, omni autem caret: & impossibile est, ut non careat: nisi illud Deus, à quo est; & cuius est; & qui est, omne bonum ipsi congruum; donet: & omni quidem prorsus momento donet.

7. Eidem suo Nihilo Creatura debet, annexionem siue eman-

na-

natio
non
mo, q
homo
firmu
scrip
quib
quo
tus
tuit
fuit
mom
in me
sue h
bona
lia, pe
tere p
quan
de f
omn
habe
qua b
tori,
rum
hom
8.
ta su
quen
in ip

C

Exerc. II. Quid sit Creatura?

7

nationem omnis Mali, quocunque scatet; & est impossibile ut non scateat; si sibi metipsum relinquatur. Inde Creatura, v. g. Homo, quod non sit in rerum naturâ, suo nihilo debet. quod sit homo non Angelus, suo Nihilo debet: quod corpus habeat infirmum, fluxum, deficiens, morbis obnoxium; quod circumscriptum certâ mole, loco, tempore, duratione vitæ breui, & quibuscunque, aut defectibus, aut miserijs, suo Nihilo debet. quod cæcus, luscus, surdus, mancus, claudus, gibbosus, distortus sit, suo Nihilo debet. quod talis quidem non sit, at esse potuit, esse potest, aut forsitan erit, hoc suo debet Nihilo: quod non fuit ante natalem suum; quod breui non sit futurus; quod omni momento possit non esse, suo Nihilo debet. Procedatur hunc in modum per omnes conditiones cuiuscunque siue Creaturæ, siue hominis, per bona, malæ Corporis, Animæ, fortunæ: per bona naturæ, gratiæ, gloriæ: per mala naturæ, per mala moralia, per mala pænæ. Si homo bona non habet; si habet sed amittere potest; sicut reuerâ omni momento amittere potest; in id quantum in illo est amittere laborat; suo nihilo debet. Si homo defectus habet, qualescunque illi sint; si non quidem habet, at omni momento habere potest, quin & quantum ex se, ad eos habendos tendit; suo id Nihilo debet. Quod autem, vel aliqua bona habeat, vel mala non habeat homo; non sibi, sed Creatori, & largitori omnium bonorum, amotori omnium malorum Deo, debet homo: & omnis alia Creatura, perinde ac homo.

8. ex his, quæ satis modicè de Nihilo omnis Creaturæ delibata sunt, cognoscat omnis Creatura, & in specie omnis homo, quem sensum in veritate habere debeat de se omnis Creatura: & in specie omnis homo.

P R A X I S.

Confiteor tibi Domine, Rex, & Pater cali, & terræ: quia docuisti

Exerc. II. Quid sit Creatura?

cuius me Nihilum meum, quod ex me ipso sum, & quod non esse non possum. Ita Pater, hoc me de me nosse, & confiteri coram te; placitum est ante te. Quia quidquid sum, quidquid possum, quidquid habeo boni, à te, ex te, per te, & per bonitatem tuam elargitricem, sum, possum, habeo: quidquid etiam mali non sum, quod tamen esse potui, aut etiam fui, id etiam ex bonitatis tuæ procuracione habeo. Quidquid autem est in me, quidquid sum, quidquid esse possum, quidquid fui imperfectio- nis, defectus, cæcitatibus, infirmitatis, malitiæ, stultitiæ, perditio- nis, & omnis omnino miseriæ malignitatisque, ad omne malum conuersionis, ab omni bono auersionis: totum hoc meum pro- prium est mei Nihili fructus, & emanatio est. Tu nosti Domi- ne, & ego confiteor coram te, quia sum pulvis & cinis: quia can- nis mortuus: quia vanitas vanitatum, & vniuersa vanitas: quia seruus inutilis, piger & malus: quia filius mortis & perditionis: quia captiuus peccati & diaboli: quia filius prodigus: quia Ovis quæ periit. quia in iniquitatibus conceptus, natus, nutritus: adultus sum, & non est auxilium mihi in me. Sed tu Domine, re- cordare: quoniam opus manuum tuarum sum, & homo infir- mus, atque exigui temporis, magis etiam exigua, imò nullius virtutis: propterea dimitte mihi omnia delicta mea: & conser- ua tibi in me omnia bona mea: quia ipsa sunt dona tua, pro qui- bus, benedictus sis in æternum.

EXERCITIVM III.

Quid sit DEVS Creatura?

1. **S**tatue te, coram DEO, in Vnitate Essentiæ trinopersona- liter, & in Trinitate personarum Vno essentialiter: Hic est DEVS, DEVS noster: ipse est DEVS, & reget nos in sæcula.
2. Aduerte: quòd quoniam Creatura ex se, & à se ipsa, & sibi
nihil

Exerc: III. Quid sit DEVS Creatura? 9

nihil omnino sit: ideo necesse est, vt ab alio, & ex alio, & alicui, atque alicuius sit: eius nempe, à quo habet vt sit. quemadmodum figmentum, quod ab alio effectum est, effectoris sui totum est, à quo habet, quod figmentum sit.

3. Creaturæ ex se se prorsus Nihil existenti, & habenti; nulum quoque ius ad hoc, vt saltem ab aliquo alio quidpiam habeat, obtinenti; DEVS Creator est. non ex vlllo suo ad Creaturam debito; non ex vllâ indigentia; quâ ipse Creaturâ opus habeat: non ex vlllo merito Creaturæ apud se: non ex vllâ spe, alicuius ex Creaturâ, si creetur, emolumenti. non ex aliquâ, cuiuspiam, vel minutissimæ facilitatis subministratiōe, à Creaturâ DEO præbitæ, ad faciendam se; non ex vlllo extraneo inuitatore: non etiam ex vlllo coöperatore: ac ne desideratore quidem: sed ex merâ, vnâ, solâ, Bonitatis, benignitatisq; suæ Diuinæ prouocatione, ac emanatione: quâ complacuit DEO, plenissimè perfectio, & beato in se, à se, egredi etiam quasi foras extrâ se: & producere Creaturas, ex puro quidem illarum nihilo; ex suæ autem Entitatis, ac Bonitatis emanatione, atque communicatione.

4. Si ergo attendatur Creatura, vt ea, ex ipsâ se, & in ipsâ se est; ita illi Deus nihil est, sicut ipsa sibi met nihil est. Sed si attendatur Creatura, vt ea Creatura, & creata, aut creabilis à DEO est; ita Creaturæ iam DEVS est omnia; seu est, & dat omne quidquid est, quidquid potest, habet, in omni naturâ, & Entitate suâ: inque omni conditione congruenti, iuxta artem sapientiamq; Diuinam, Naturæ: & Entitati suæ.

5. Dum itaque indagamus quid nam sit DEVS creaturæ suæ; agnoscere, sentire confiteri, debemus: DEVM, esse nostrum Deū: & omnia nostra, omniaq; nobis. Hoc est.

1. Debemus Confiteri, DEVM esse Creatorem & factorem nostrum, ex nihilo quidem nostrî & nostro; ex Plenitudine autem Bonitatis suæ, per Sapientiam, & Omnipotentiam suam,

B

hoc

Exerc: III. Quid sit DEVS Creatura?

hoc nos fecisse, quod sumus: & quod illi placuit de nobis, ut essemus. Nemo enim nostrum addidit sibi, vel atomum sui de suo: sed omnis substantia, & sufficientia nostra ex Deo est.

2. Debemus confiteri, DEVM esse nostrum absolutum Principem, Regem, Dominum, Possessorem, Gubernatorem, Conseruatorem. dantem nobis esse, vitam, motum, & inspirationem, & intellectum, & voluntatem, & libertatem, & memoriam, & prorsus omnia, siue Animæ, siue Corporis, siue quæ ad hæc sunt idonea.

3. Debemus confiteri, DEVM esse & fontem & largitorem nobis nostri Esse omnis. Nihilq; in nobis esse, aut esse posse proprium nostrum, sed omnia sicut ex Deo, & à Deo gratuito largitore: ita etiam esse omnia Diuina, & Diuinæ illius, sicut donationis, & conseruationis, sic etiam possessionis & dominationis.

4. Debemus confiteri, DEVM esse nobis fontem essendi, lumen seu veritatem noscendi, regulam agendi, centrum tendendi, bonū appetendi, mensuram volendi, finem quiescendi, materiā laudandi, brauiū acquirendi, mercedem laborandi, vitam viuendi, beatitudinem amandi, possidendi, atque fruendi.

5. Debemus confiteri, DEVM, esse nobis Creatorem creaturis. Dominum seruis. Herum mancipijs. Regem subditis. Pastorem iumentis. Imperatorem militibus. Patrem filijs. Magistrum discipulis. Nutritorem lactentibus. Tutorem pupillis, Medicum infirmis. Sponsum sponsis. Pastorem Ouiculis: Iudicem reis. Creditorem debitoribus. Retributorem merentibus. Redemptorem seu Saluatorem perditis. Sanctificatorem, iustificatoremq; impijs. Diuitem pauperibus. Beaticatorem miseris. deniq; DEVM vniuersis, & Omnibus, singulisq; Omnia.

Eccc hoc est DEVS creaturæ. Hoc sciat Creatura de DEO: hoc confiteatur DEO. hoc amet in DEO. hoc veneretur, hoc exaltet, hoc laudet in DEO. propter hoc obseruet, sequatur, obediat

obedi
momen
que O
pit, &
omnis
quem

D
nulla
te Do
meo, d
quod,
eis, &
singula
omnib
Audite
percip
que C
vnum,
mino,
bus aff

x. S
tus in
2. A

Exerc: IV. Quid sit DEVS Creatura?

II

obediat, subijciatur DEO. inhæreat & adhæreat Deo. & nec ad momentum declinet, separetur, discordet ab ipso. bonum atque Optimum ei sit, subditam per omnia se esse ei, à quo accipit, & semper accipit se quòd sit. illi viuat, in cuius voluntate, omnis, & omnium vita est. illum amet ac laudet, ac honoret: quem amando, laudando honorando, beata sit.

P R A X I S.

Diligam te Domine: quoniam DEVS meus es: & factus es mihi in omnia: & bonorum meorum non eges: quæ nulla in me inuenis præter ea quæ ipse in me facis Exaltabo te Domine, quoniam creasti me, & suscepisti me, & de nihilo meo, de Bono autem tuo, formasti atque eduxisti me. propter quod, tua sunt omnia, & non est alius præter Te, qui benefacis eis, & nutricante Gratiâ tuâ foues, & seruas vniuersa, implens singula bonitatis tuæ benedictione. Ideo benedico te cum, omnibus, pro omnibus, & ipsismet omnibus creaturis tuis. Audite hæc omnes Creaturæ quas fecit Dominus: & auribus percipite omnes qui habitatis Orbem. quique terrigenæ & quique Cæligenæ, filij hominum, & populi Angelorum, simul in, vnum, omnis Congregatio Creaturarum. Confitemini Domino, quoniam bonus, & diues in omnes: quoniam dat omnibus affluentem, & in sæculum misericordia eius.

E X E R C I T I V M IV.

Quid sit Creatura DEO?

1. **S**tatue te coram Vni-trino DEO Patre, Filio, Spiritu Sancto: qui est DEVS benedictus, & laudabilis, & superexaltatus in sæcula.

2. Aduerte, quid huic DEO, atque coram ipso, sit omnis Creatura?

Exerc: IV. Quid sit Creatura DEO?

tura? Et quidem si spectetur Creatura prout ipsa ex se, & in se, suisque proprijs principijs, siue dotibus est; Manifestum est: illam, sicut ipsa, ex ipsâ est sibi met omnino nihil, & nihil: ita quoque DEO eandem Creaturam esse prorsus nihil, per omnia nihil, ad omnia nihil, ex toto nihil. Si enim (vt vulgò dicitur) qui sibi nequam est, alteri bonus esse non potest; quanto magis id quod sibi, & in seipso nihil est, alteri Aliquid esse minimè poterit. Creatura ergo DEO nihil est, nisi nihil. & quidquid post se trahit, seu, quidquid in se inuoluit nihil.

3. Nihil, inuoluit in se, trahit post se, habet in se omnem inanitatē, vanitatē, nihilitatē, defectuositatē, infirmitatē, impotentiam, inconstantiam, mutabilitatē.

4. Ex Nihilo manat, Nox, & tenebræ, cæcitas & ignoratio, imprudentia, inscitia, error, & præcipitatio & temeritas, & amentia, & omnis Miseria.

5. Ex Nihilo prodit, omnis Malitia, nequitia, improbitas, impietas, iniustitia. omnis noxa, & iniuriositas, omnē peccatum, & crimen, & scelestâ ac propudiosa, irrequietaq; malignitas, peruersitas, cupiditasq; infrenis. obstinatio quoque, & obduratio, & obcæcatio, & impænitentia, tarditas, negligentia, incorrigibilitas, ac æternum malum.

6. Ad Nihilum consequitur, mendicitas & pauperies, egestas, ac nuditas omnis. Confusio, probrum, pudor, inexcusabilitas, odibilitas, & execrabilitas. Nausea, fæditas, sordities, abominabilitas, turpitudō.

7. Ex Nihilo est, Mortalitas, & Mors, & perpetuus ad defectiōnem, interitumq; conatus, & labor. Perditiōnis quoque omnis necessitas, ac ipsa perditio, omnisq; illam euadendi impossibilitas.

8. A Nihilo est, Indigentia omnis, & omnium: nunquam, etiam per absolutam DEI potentiam explenda. vacuitas abyssalis, impossibilitas omnis boni. nullius mali impossibilitas. Vnde illud:

Non

Non
cere al
quam
mo. E
me ni
nihil

9.

Nibi
quel
repræ
DEO,
natar
accip
perpe

10.

ram c
tiæ ei
illi N
etiam
Dom
vt sci
& sub
uersa
O D
scis
infu
defu
fime
& in

11
omn
quen

Exerc: IV. Quid sit Creatura DEO?

13

Non est peccatum quod fecit vnus homo: quod non possit facere alter homo; dici etiam pariter potest; Non est calamitas, quam subiit aliquis homo, quam non possit subire & alter homo. Propterea & illud rectè dictum est. Homo sum, humani à me nihil alienum puto. dixisset plenius. Nihil sum, nihili à me nihil alienum puto.

9. Ista sunt, & aliæ præterea captui humano non capiendæ, Nihili, infelicissimæ opes, ac dotes. Cum quibus sese Creatura quælibet offert, repræsentatq; DEO, quando sese in suis proprijs repræsentat. Iam quid eadem omnis Creatura, DEO, & coram DEO, quatenus est creata ab ipso, & habet sese ab illo datam, donatamque sibi; & absque vllâ intermissione hanc sui donationem accipientem perenniter ab ipso; paucis saltem perstringamus: perpendamus verò non paucis.

10. Creatura ergo prout à DEO est, est coram ipso, atque coram oculis eius, & in Comparatione Maiestatis & omnipotentia eius, omnino quasi nihil, & suâ existentia ac Entitate addens illi Nihil. Vnde illa Daudica Vox; omnis totiusq; Creaturæ etiam Vniuersim sumptæ, est Vox ad DEVM; Notum fac mihi Domine finem meum; & numerum dierum meorum quis est, vt sciam quid desit mihi. Ecce mensurabiles posuisti dies meos: & substantia mea tamquam Nihilum ante te. verumtamen vniuersa vanitas omnis homo viuens. (omnis creatura existens.) O Daud sapientissime, tu substantiam tuam coram DEO, agnosces esse tanquam Nihilum: fateris esse vniuersam Vanitatem: & insuper scire quæris: quid desit tibi? Desunt omnia ô Sancte. desunt omnia. quia & omnia, quæ tua sunt, & quæ tu es, aliena sunt, non tua: & hæc ipsa sunt tanquam Nihilum coram DEO: & insuper sunt vniuersa Vanitas omnia in seipsis.

11. Creatura, DEO, & coram DEO, est tota, & totaliter, atque omnimodè pleno iure DEI: nec potest vllò modo, vel per se, vel quem alium, vel etiam per ipsum DEVM, ab hoc iure possessio-

[Exerc: IV. Quid sit Creatura DEO?]

nis, subiectionisq̃ue Diuinæ absolui, aut subduci. cū planè impossibile sit, Creaturam esse, Diuini autem iuriseam non esse. Proinde tam frustra, quàm nequiter, ac impiè, dicit Creatura DEO: Nescio Dominum. Non seruiam. Nam volens nolens, & habet Dominum: & seruit: etiam dum non seruit: hoc est, dum seruire refugit: sed seruit ad supplicium non ad præmium: quia seruit ad odium, non ad gratiam: & rebellionē, peruicaciq̃; suā inobedientiā, recedit à DEO placato, accedit autem ad DEVM iratum: excidit & excedit ē manibus DEI tenentis, ac protegentis: incidit autem in Manus DEI reiicientis, atque dispergentis.

12. Creatura DEO, & coram DEO, siue immensitati magnitudinis DEI composita, omnis, atque simul sumpta, & in omnem possibilem perducta, seu molis seu perfectionis magnitudinem, atomi vnus portionem, proportionemq̃; non æquat. Hoc sibi volunt illæ scripturarum exaggerationes. v. g. Ecce gentes quasi stilla situlæ, & quasi momentum stateræ reputatæ sunt: ecce insulæ quasi puluis exiguus. Omnes gentes quasi non sint, sic sunt coram eo: & quasi Nihilum, ac inane reputatæ sunt ei. rursumq̃; alio loco. Multum valere, tibi soli supererat semper: (Domine.) & Virtuti brachij tui quis resistet! Quoniam tamquam momentum stateræ, sic est ante Te orbis terrarum: & tanquam gutta roris antelucani. quæ descendit in terram. Si velit quis holocaustum offerre DEO: huic teste Isaiâ, Et libanus non sufficiet ad succendendum: & animalia eius non sufficient ad holocaustum. Si Vniuersitas Creaturarum conuertat se totam in Vocem, clamantem DEO, Sanctus, Sanctus, sic erit omnis vociferatio eius in auribus DEI, sicut folioli crepitantis in Vastissimo nemore.

13. Omnis Creaturæ duæ sunt coram DEO filiæ, tanquam sanguisugæ, semper dicentes, Affer, Affer. Vna est Natura, altera Gratia. siue Indigentia Naturæ, & Indigentia Gratiæ: (in creatura Rationali:) hæc enim duplicia bona, omni momento potest amittere creatura, & sibi à DEO perenni influxu suppeditari, & quasi

quasi
mè in
lus qu
pende
que si
alioq
volu
Prop
supe
14
æstin
DEO
dus v
turis
Serui
turæ d
sti, qu
Quan
& ma
quam
totum
bat sa
quant
Creat
titud
glori
nus:
Hæc
15.
din no
ligent
Timo

quasi assidue de nouo & nouo conferri, conseruarique totalissimè indiget. Vnde omnis Creatura perinde est DEO, atque tenebrosus quidam infantulus lactens, indigens perpetim ad vbera DEI pendere: omnemq; succum cuiuscunque substantiæ, in quocunque sit statu, Essentiæuè, ac perfectionis gradu trahere, & sugere. alioqui, quomodo posset aliquid permanere, nisi Tu Domine voluisses? aut quod à Te vocatum non esset, conseruaretur? Propterea meritò, & debite, Gratia DEI, tam naturalis, quàm supernaturalis ordinis, Nutrix omnium appellatur a Sapiente.

14. Omnis Creatura coram DEO, est vnus eiusdemq; pretij, æstimationis, vtilitatis, necessitatisuè. Tanti apud DEVM est, & DEO est, vnus terræ puluis, quanti supremus Angelus: tanti mundus vniuersus, quanti, vnus vilissim⁹ vermiculus. Omnib⁹ Creaturis dicit DEVS: Non estis mihi necessaria. omnes illi dicunt: Serui inutiles sumus. Puluis, & Cinis sumus. Ideo omni Creaturæ dicitur. Quid habes quod non accepisti? Si autem accepisti, quid gloriaris, quasi non acceperis? Eidem quoque dicitur. Quantò magnus es. humilia te in omnibus. DEVS enim pusillum & magnum fecit: nec plus ei necessarius, aut vtilis est magnus, quàm paruus, imò & quàm nullus. quia illi tam facile est facere totum Vniuersum, quàm vnicum atomum. Eapropter dictitabat sapientissimè, plenus DEO, Franciscus. Tantùm quisque est, quantum apud DEVM est, & non plus. Ergo non gloriatur vlla Creatura Sapiens in sapientiâ suâ, & non gloriatur fortis in fortitudine suâ, & non gloriatur diues in diuitijs suis: sed in hoc gloriatur, qui gloriatur, scire, & nosse me, quia ego sum Dominus: qui facio Misericordiam, & Iudicium, & Iustitiam in terrâ. Hæc enim placent mihi, dicit Dominus⁹.

15. Ecce hoc DEO, & coram DEO est omnis Creatura. quod diu noctuq; meditari, dixi Sapientiam: & semper cogitare, intelligentiam. In huiusmodi verbis, Prudentia est: & ista scientia Timorem DEI docet, & largitur scientibus Vitam æternam.

P R A X I S.

Domine, mirabilis mihi facta est Scientia tua ex me, & mea quoque ex te. exaltata est, & non possum, neque vnquam satis potero ad eam. Quis Tu? & quis ego? quis Tu mihi? & quis ego Tibi? elongatum est ytrumque hoc nimis à me. Tu quidem mihi Deus meus es, & omnia: Ego autem tibi quid sim planè nescio. sed tantùm quòd nihil tibi sim, scio. Deus meus es Tu: & bonorum meorum non eges: tum quia nulla mihi sunt ex me, qui ex me Nihil sum: tum quia omnia quæ ex te sum, tua sunt magis quàm mea: & quia hæc ipsa tibi comparata, nihil sunt coram te, & apud te omnia. O quem Te Domine, quem me appellem? Vocabo te Magnum? maior es omni magnitudine: & magnitudinis tuæ non est finis. Vocabo te omne bonum, & omnibonum? sed tu es bonum super omne bonum, & bonitas omni bonitate melior. Vocabo te Pelagus Essentiæ: quia omnem Essentiarum plenitudinem, in te habes, & ex te possides, & à te dimanare absque diminutione facis? at tu, Essentia superessentialis es, omni essentiâ, quam Creaturâ cogitare potest, essentialior, ac superessentialior. Me verò quid esse dicam? Nullum Nomen quo me appellem, & confitear, reperio: nisi vt me Nihil, nihil, & Nihil, & Vniuersam vanitatem, & Vanitatem vanitatum, vniuersamq; nihilitudinem profitear: atque per omnem super essentialis essentiæ tuæ infinitam immensamq; vastitatem pronunciem, & proclamem. Esse meum nihil est. Essentia mea nihil. Origo mea nihil. Patria & patrimonium meum, nihil, diuitiæ meæ nihil, posse meum nihil. denique omnia mea, nihil. & peccatum, & perditio æterna, quam parturit ex suis visceribus nihil: cum omni cogitabili, atque possibili, miseriarum, malorumq; multitudine: cuius mare, & abyssus est, nihil.

EXER-

E X E R C I T I V M V.

Quid Deus debet Creaturæ?

1. **S**Tatue te in conspectu Domini Dei tui, in Essentiâ vnus, in Personis Trini. Hic est verus DEVS: & post illum, non est DEVS: sicut & ante illum non est DEVS.

2. Debeatne, & quidnam debeat Creaturæ, siue omni, siue alicui, iste DEVS; expendere, & peruidere diligenter debet omnis Creatura.

3. Et hoc quidem, in considerationem venire potest, imò & debet multipliciter. Vel enim cogitatur DEVS creaturæ debitor, vt illa est ex ipsâ se: vel vt est ex DEO ipso. Deinde etiam, vel cogitatur DEVS debitor Creaturæ absolutâ debendi ratione; vel, ex alicuius conditionis DEO alicunde impositæ; suppositione.

4. Vt Creatura est, spectaturq; vt est ex ipsâ se; sic spectatæ Creaturæ, DEVS; nullâ penitus ratione quidquam, sed solum nihil debet: & quidquid nihil, suâ ex naturâ conditioneq; exigit.

5. Quia enim nihil; est nihil; & nihilo, nihil est vilius, atq; contemptibilius; ideo omni Creaturæ; ob suum, ex quo est, & quod est, & quod in se habet nihil; debetur à Deo contemptus, abiectio, & neglectus, ac derelictio in suo natiuo nihilo, innatâque vilitate.

6. Quia nihil (quod creatura ex se ipsâ est) exigit esse de ipso. se miserrimum, defectuosissimum, omni ærumnâ & infirmitate, atque fragilitate scaturientissimum: ideo Creaturæ ob istud suum nihil, à Deo debetur pariter abiectio, nullaque cura seu reputatio.

7. Quia nihil, (quod Creatura, ex ipsâ se est) exigit esse Malum, peruersumq; omnis malitiæ, nequitiae, scelerositatisque plenissimum, ac feracissimum: ob quod est omnis creatura peccans & peccatrix, tam in genere Phisicæ Entitatis, vt

Creatura irrationalis; quàm in genere moralis rectitudinis, entitatisq; vt creatura Rationalis; ideo Creaturæ debetur à Deo, ob suum istud nihil, abyssaliter malum, omnisq; malignitatis abyssum; odium, & ira, & furor, & supplicium, & perditio & obliuio, ac derelictio, atque planè sepultura in perditione, & punitione æternâ.

8. Quia nihil, (quod Creatura ex se ipsâ sibi est;) exigit carentiam omnis boni, tam ingenere Entis, quam Moris; imò exigit repugnantiam, & exclusionem, & impossibilitatem, quantum quidem ex se, cum omni bono; & cum peruentione ad illud, perdurationeq; in ipso; exigit potiùs perpetuam tendentiam, & præcipationem ad amittendum omne bonum: & ad recidendum in omne nihil, & malum; estque hæc præcipitatio vehementior, omni qui potest cogitari impetu: omnium montium, rupiumuè deorsum ex alto ruentium, omnium fulminum ex nubibus erumpentium, omnis velocitatis in cursu suo Solis aut temporis. adeo vt istam Creaturæ in nihilum, & malum præcipationem, eiusq; violentiam, sola & vna Dei omnipotentia, atque omnipotentissima in Conseruatione virtus, superare possit, atque superet: propterea creaturæ ob hoc suum nihil; à Deo debetur perennis desertio, & in nihilitudinis abyssalitatibus derelictio; Nisi Deum, ad suæ Entitatis Bonitatisq; communicationem, ipsi Creaturæ profundendam, sponte suâ inducat, ipsius incontinentissima Bonitas.

9. Hæc sunt quæ DEVS debet Creaturæ, secundum quod ipsa ex se sibi est, spectatæ. Iam verò quid debeat Creaturæ eidem, considerata vt ex Deo, & à Deo est, seseque ex eius munere gratuitò habet, aduertendum est.

10. Et primò quidem; erga Creaturam vt illa à Deo est; absolutum debitum nullum in Deo est: nullum esse potest. sed sicut ad Creandam, ex nihiloq; in Esse producendam creaturam, nullo debito absoluto, absoluteuè obligatur DEVS: ita etiam Creaturæ

tura ia
te: qu
sequen
nis sua
exiger
Sed q
terat,
tentia
quoc
11
quen
nullu
lùm e
suppo
tantu
vt has
sta ex
irrefra
1.
Natur
est eni
ealder
DEI,
2.
suâ ex
illum
conti
nim h
3.
illis se
cogni
ration

Exerc : V. Quid DEVS debet Creaturæ?

19

turæ iam conditæ, & ex nihiloeductæ nihil eidem debet absolute: quia illam, conditam licet; potest, tam primo, quàm omni sequenti Creationem instanti, annihilare, ita ut vltra Creationis suæ instans non dureret. Sicut enim Creatura, ut à Deo esset, exigere non poterat, ita ut in Esse perdureret exigere non potest. Sed quomodo potentia Creatoris DEI obniti nullo modo poterat, ne Crearetur; & ex nihilo ad Esse prodiret: sic eidem potentia obniti nullatenus potest, ne ab Esse ad nihilum recidat: quocunque momento voluerit eam recidere DEVS.

II. Quodsi DEVS Creaturæ, nec primæ Creationis, nec sequentis Creationem conseruationis debitor est; consequenter nullius alterius rei debitor absolute eidem est, esseue potest. Solum ergo DEVS Creaturæ suæ debitor, vel est, vel esse potest, ex suppositione alicuius, vel aliquarum conditionum: à suâ tamen tantum solius voluntate inductarum: idque nihilominus ita; ut has ipsas condiciones abolere, debitaq; conditionibus inducta extinguere, semper quandoque libuerit; absolute in eius irrefragabili potestate voluntatis sit.

1. Itaque supposito; quod DEVS creaturas velit in rerum Naturâ esse: debet illis dare Esse, & facere ut sint: impossibile est enim eas existere, nisi DEVS faciat: sicut & impossibile est easdem non existere, si DEVS faciat, seu velit illas esse. Velle enim DEI, est ipsius posse: atque facere.

2. Supposito; quod DEVS Creaturas velit esse & perdurare in suâ existentia, debet illis conseruationem. debet inquam illis, illum ipsum viuacem, efficacemq; influxum suum continuum, continuatumq; quo illas primitus è Nihilo produxit; alias enim hoc substracto ipsis, illico illæ ad Nihilum suum reuoluerentur.

3. Supposito; quod DEVS velit Creaturas conseruare in datâ illis semel à se existentia; debet illis perpetuam suæ Sapientia cognitionisq; præsentiam. debet quoque suæ potentia coöperationem. sicut enim primò esse Creaturæ non possunt, nisi

dante illud eis Omnipotentiâ: sic nec vllam virtutem efficiendi, ac operandi potentiam, ipsamq; actualem operationem vllam habere possunt, sine auxilio, concursuq; eiusdem omnipotentiae: sed illa debet concurrere, coöperariq; cum ipsis, ad omnem illarum actionem: tanquam prima Causa.

4. Supposito etiam, quod DEVS velit Creaturas conseruare in Esse, & in consequentibus ad Esse, debet illis Gubernationē, atque Dominium, seu possessionem: Non enim eas conseruare potest, nisi earum Dominus & possessor, & gubernator absolutus sit: à quo Dominio & regimine absolvere illas, sui que iuris facere, & seipsum iure in eas priuare, etiam ipse ille non potest: vsque adeo Essentialiter omnis Creatura DEO subest: vt impossibile sit eam esse, & non subesse: sed eo ipso quo est, subest. vbiq; est, ibi subest. quamdiu est, tamdiu subest. Vtquid ergo insipiens & infelix Creatura, & ea quidem rationalis, renuit subesse Deo? cū ei tam bonum (imò melius) sit subesse, quàm esse, & longè melius sit Nonesse, quàm non subesse? Debet ergo DEVS Creaturæ suæ omni, dominium & possessionem: supposito quod illi det conseruationem.

5. Supposito, quod DEVS Creaturæ sit proprius, essentialis, & absolutus Dominus, ac possessor, vti reuera est; iure (vt attigi) Essentiali: siue Essentialiter inexistente Creaturæ: iure Creationis à Deo ex non esse, & ex nihilo eius; iure deinde Conseruationis quidem omni-momentaneæ, conseruationis eiusmodi, quā creatura tam accipit totum suum esse, omni durationis suæ & tempore, & temporis instanti, quàm illud totum accipit primo, suæ ex nihilo educationis momento: conseruationis deniq; eiusmodi, ob quam, & per quam, Creatura, perpetuò, & semper, & in omnibus, dependet plenè, ac essentialiter à Deo, eiusq; potestate: eo, (imò magis essentiali) modo, quo dependet splendor a lumine, visio ab oculo vidente, volitio à voluntate, intellectio seu cogitatio ab intellectu, animāue cogitante, tem-
pus

Exerc: V. Quid DEVS debet Creaturæ?

21

pus à Motu. Hoc ergo supposito, Dei in Creaturam essentiali Possessionis seu Proprietatis Dominijq; iure: debet DEVS Creaturæ, huius potestatis, dominatusq; in eam sui, circa eā exercitiū.

6. Et quidem propter Possessionem ac proprietatem, debet Creaturæ Amorem, Beneficentiam, Auxilium, Protectionem, Moralem, & omnem penitus congruam cuiusq; conditioni providentiam, subministrando cuique virtutem, & conservandi se, & operandi iuxta potentias sibi inditas, & coniungendi se similibus, & tuendi à Noxijs, & deveniendi ad suum finem sibi à Naturā & autore ipso Naturæ præscriptum, præfinitumq; demum reducendi, ad finem hunc, si ab eo aberret.

7. Iam verò propter Dominium, potestatemq; Gubernativam: debet DEVS Creaturæ gubernationem illius. Cuius munera, & opera sunt: Præcipere, seu præcepta imponere Creaturæ, ad hoc, vel illud faciendum. Prohibere etiam, ne hoc vel illud Creatura faciat. Permittere etiam, siue concedere Creaturæ, ut hoc, illudve, facere possit vel licite, vel saltem impune. Punire quoque Creaturam, si contrā præceptum, prohibitionemve aliquid exeret, committatve: omnis enim præcepti legitimi transgressio habet culpam: omnis autem culpa habet pedisse quam suam pœnam. qua subditus Domini, vel absterretur ne culpæ malum admittat: vel si illud admisit, læsus ordo rectitudinis ac iustitiæ, siue debitæ subiectionis ad Domini legem Voluntatemque, restauratur. Præmiare demum, seu præmio afficere benè operantem, siue benè subditam, seque ad DEI Domini Voluntatem modo debito gerentem: dando Creaturæ, pro Virtutis, honesti ac Rectitudinis, siue Iustitiæ ac suæ Voluntatis placito, amato, exercito, servatoque bono; bonum jucundum: quo Creatura, tum inducatur ad Honestè, iusteque juxta DEI Voluntatem operandum: tum, si iam operata sit, debite, iuste, jucundeque præmiatur. Cuius præmiationis, sicut & punitionis, definitio, atque taxatio, penes Voluntatem DEI est.

C 3

Atq;

8. Atque ab hac DEI, respectu Creaturae tam proprietatis, quam dominij gubernationisq; ac iurisdictionis potestate, nulla penitus eximitur Creatura rationalis, sensibilis, inanimata. cuiuscunq; conditionis, autoritatis, potestatisue sit. similiter. vbicunq; locorum, in caelo, terrâ mari, inferis sit. Item quocunq; tempore, ætate, seculo existat. Ideo enim DEVS, Rex sæculorum, Rex Regum, Dominus dominantium, Solus Dominus, solus potens, Dominus vniuersorum dicitur. Solus esse is, qui postquam occiderit corpus, habet potestatem etiam, Animam mittere in Gehennam. solus ipse facit Angelos suos Spiritus, & Ministros suos ignem vrentem.

9. Adhuc autem, supposito, quod Deus Creaturam ordinauerit, sicut defacto reuera ordinauit Angelos & Homines ad se tanquam ad finem, bonumq; summum, ac vltimum; nec solum Naturalem, sed etiam Supernaturalem; debet Creaturae sic ordinatae, prouidere de Medijs ad finem eiusmodi necessarijs, iuxta sapientissimam, potentissimam, pijsimamq; suam voluntatem. Atque tale est debitum, inter alia, omnis gratiae supernaturalis auxiliantis, siue actualis: gratiae quoq; Filiationis Dei, & sanctificantis: tum etiam Virtutum, ac Bonorum DEI supernaturalium, gratiosam DEO Creaturam facientium: atque etiam collatio luminis gloriae ad fruendum, intuendumq; DEVM necessarium: in quâ re possessio finis vltimi summiq; boni consistit.

10. Denique: si DEVS Creaturam, à suâ Sanctissima lege, per liberum suum arbitrium, à recto in prauum conuersam, desciscientemq; (vt est omnis Creatura rationalis conuertibilis, & peccabilis, inconstans desemetipsâ, etiam semotâ extrinsecâ tentatione ad malum;) si, inquam, Creaturam collapsam, velit, statuâtq; reparare, & ad finem vltimum ex quo exciderit rursus reuocare; debet Creaturae beneficium Saluationis, quo & eruaturs à malis in quæ prolapsa est, & à quibus, nullis, neq; suis, neque alienis creatis, preterquam solius Dei misereantis, viribus
erui

erui potest; & restituatur ad bona quibus excidit: & ad quæ item, nonnisi, solius Dei ope, ac miseratione restitui valet.

11. Sic Homo libero suo arbitrio abusus, & à Deo, eiusque lege, ac obedientiâ auersus, triplex malum incurrit, 1. Malum culpæ, quæ est peccatum, seu præuaricatio legis, & læsio dignitatis Diuinæ. 2. Malum seruitutis atque captiuitatis diabolicæ, cui quia plus consensit quàm Deo, ideo in seruum traditus est à Deo: vt à quo quis superatus sit, eius etiam seruus sit. vtque is qui, legitimo Domino Deo seruire contempsit; illegitimo & violento Tyranno sublit. 3. Malū deniq; Mortis tam corporalis, quàm spiritualis, quàm æternæ ad pænas inferni damnationis.

12. Idem Homo, eodem libertatis suæ contra Dei voluntatem & Honorem abusu, amisit bonum. 1. Iustitiæ ac Innocentiæ atque Sanctitatis. 2. Gratiæ sanctificantis, ac Filiationis Dei. 3. Adeptionis, possessionisq; finis vltimi summiq; Boni, nimirum Dei & beatitudinis æternæ.

13. Ab his malis erui hominem, atque ad hæc bonarestitui, si DEVS voluit; beneficium ei saluationis impendere debuit. & quia de facto restituere perditum hominem illi complacuit; de facto etiam Homini beneficium saluationis impendit. Et impendit ex merâ suâ, gratuitâque, miseratione, atque charitate: Impendit autem tale, quale nec in cogitationem, nec in spem, nec in desiderium, nec in meritum vllijs, siue Hominis, siue Creaturæ cuiuscunque cadere potuit. Sed solus DEVS sic dilexit Mundum, vt Filium suum Vnigenitum daret, vt Mundus saluaretur per ipsum. Quod beneficium, Redemptionem vocamus; de quo nobis grandis sermo, & ininterpretabilis: sed non huius loci: & cuius hic istam mentionem fecisse satis sit. sed considerationem, sed æstimationem, sed gratitudinem, sed vsum, fructumque eius apud omnes nos, immensum, interminatum, incessabilemque esse opus est.

Et hætenus, quid DEVS creaturæ debeat; consideratum esto.

P R A-

P R A X I S.

Domine, Dominus, & DEVS noster, quid dicam omnibus fratribus meis Creatis: quid dicam & ipsi Tibi de Te? audebitne Cor meum, & os meum eructare hoc verbum de Te, & ad Te: quia Tu debitor es Creaturis tuis? Et quis quæso habet quidquam non tuum? Quis obsecro prior dedit tibi, vt Tu restituas ei? Et quis est omnis rei Pater? aut de cuius vtero egressa est vniuersa Creatura? Nonne pusillum, & magnum, vnus, idemque tu fecisti? Nonne omnes nos populus tuus, & opera manuum tuarum: & oues pascuæ tuæ, manusque tuæ? Nonne omnes, quicumque sumus, & quidquid sumus, tibi debemus! & te Creditorem habemus? Et quomodo iam nos Te debitorem habemus, qui omnes non tantum debitores tui, verum etiam debitum tuum sumus? Quid enim tam meum, quam mihi Ego? & quid tam non meum, quam ego, si alterius sum, quidquid sum? Et tamen, ô Domine, ita est, & fieri taliter necesse est: vt Tu sis Debitor noster, & à te debeantur nobis omnia, sicut & à te dantur nobis omnia. Nihil quidem donare nobis debes: qui quidquid donas Voluntate donas: non debito: quia tamen dedisti; donando, te debitorem fecisti: atque vt debitor fieres, donatorem te esse voluisti. Si volueras non esse debitor, donator nec esse, nec velle esse debueras. Quis Pater non debet filiis? quis Pastor non debet ouiculis? quæ Mater non debet infantulis? quis medicus non debet infirmis? quis diues non debet mendiculis? quis tutor non debet pupillis? Et tu Domine quid horum nobis non es: qui nos creas, qui conseruas, qui gubernas, qui nos possides, qui nos redimis, qui saluas, qui vltimus finis, & summum bonum, & Vita æterna nobis es? Desine hoc esse, & desinis debitor esse: sed simul etiam dimittis nos in nostrum non esse. Habemus ergo Te Domine debitorem: & amamus, & gaudemus, & gratias agimus, & à te debita nostra exigimus,

mus,
constit
pietatis
fias: &

1. S

Magn

2. I

turam

tuam:

obnox

3. S

& om

cum

dare

ctus

modo

argillâ

Entira

tore

facta

quent

stentia

Creat

& irre

sicut

Es

metip

Exerc: VI. Quid Creatura debeat DEO? 25

mus, atque recipimus; recipiendo autem; tibi debitores nos constituimus, & confitemur. Hoc est enim arcanum grande pietatis circa nos tuæ, quod exhibendo nobis debita, Creditor fias: & nos, recipiendo à te debita, reddamur tui debitores.

EXERCITIUM VI.

Quid Creatura debeat DEO?

1. **S**Tatue te coram DEO in Essentiâ Vno, in Personis Trino, qui solus habet immortalitatem, solus est Potens, solus Magnus, solus viuens in sæcula sæculorum.

2. Recognosce te; opus manuum DEI esse, facturam, & Creaturam eius: & simul recognosce debitum, obligationemque tuam: (est autem eadem omnis creaturæ reliquæ conditio:) quâ obnoxius es essentialiter, & irrefragabiliter DEO.

3. Si enim factura factori, opus artificii, figmentum figulo, & omnis effectus causæ, in quantum talis est, debitor eius est; cum tamen creati artifices, creatæq; causæ, neque dent, neque dare possint, totum esse suis effectibus, aut operibus: sed ipsi effectus aliquam partem sui offerunt artifici ad se faciendum: quomodo ligna veniunt ædificatori domus ad manus; & figulus ex argillâ præparatâ fingit figmentum suum: ut proinde non tota Entitas figmenti, à figulo, nec tota substantia domus ab ædificatore proueniat: quantò magis factura DEI quæcunque, à Deo facta ex Nihilo subiecti, totumq; suum esse, & quidquid consequenter venit ad Esse, sortita; sortientq; idem, per omnia existentiae suæ momenta; quantò (inquam) magis tota factura, & Creatura DEI, obligata erit debitis, DEO: totaque erit plenum & irrecusabile debitum DEI: à quo ita se nunquam expedire, sicut se à suo etiam Esse, exuere nunquam, possit.

Es igitur (ô Homo) debitor DEI: & debes illi Primò; Te-
metipsum: & omnia quæcunq; in te sunt. ita ut tu totus, sis to-

D

tum,

Exerc: VI. Quid Creatura debeat DEO?

tum, plenum, sincerumq; DEI debitum. Sicut enim nihil omnino es, nisi quod à Deo es, ita etiam totum Deo debes, quod ab eo es: & quia ab eo es: Et quia, non solum te Creauit; sed etiam in eo, quod te Creando fecit, conseruat; & quasi continuo te denouo creat, teque tibi per omnia momenta dat & donat; etiam hoc nomine illi debes te, & tua omnia.

Rursum: quoniam DEVS ob creationem & conseruationem tui prædictam, est Essentialiter Dominus, Possessorque, plenam tui Proprietatē habens, ideo etiam illi totalis debitor es.

Iam quia DEVS, tuus est Rex, gubernatorq;: dirigens te, ac viuendi, agendiq; Normam præscribens, cuius præscriptis stare per omnia obligaris; & stare sic, est salus, sanctitas, Iustitia, virtus, rectitudo, meritumq; tuum totum; ob hoc etiam debitor Deo es vniuersorum.

Insuper: quoniam Deus, te lapsum in omnem cogitabilem miseriam, ex merâ suâ bonitate, & miseratione, in statum è quo excideras restituit: & tam sumptuoso modo (qualis est Filijs DEI vnigeniti Incarnatio, Vita, Passio, Mors, & vniuersa Christi Oeconomia, atque Gratia, Lex, Doctrina, Meritorumq; inexhausta congeries) restituit: hoc etiam nomine, sicut specialiter totus Dei es, sic & specialiter Debitor Dei es.

Denique ex eo; quia DEVS, vltimus finis tuus est, summumq; & omne bonum tuum, à quo totus pendes, & ad quod totis viribus tuis conuerti debes, ex eo (inquam) Dei totus es: & esse debes: & debitum eius totus es: & omnium illi debitor es.

In particulari autem, etsi strictim debita Hominis ad Deum enarrando; hæc pauca de multis, imò de infinitis sunt.

1. Debes ô Homo Deo tuo Agnitionem, tam per naturale intellectus lumen, quam per supernaturalem fidei reuolutionem: quâ mediante, cum cæteris gratiæ Dei auxilijs, peruenire debes ad agnitionem, visionemque intuitiuam & beatificam DEI.

2. Debes

Exerc: VI. Quid Creatura debeat DEO?

27

2. Debes ô Homo Deo, Confessionem tam Cordis, quàm oris, quin & operis. Corde enim Creditur ad Iustitiam: Ore autem fit Confessio ad salutem: nec sufficit mente aut linguâ confiteri DEVM, sed opus est etiam operibus: ac denique cum res ita postulauerit, ipsis Passionibus, atque vitæ & sanguinis, pro DEI veritate, lege, honore, profusionibus.

3. Debes ô Homo Deo tuo, Spem & Fiduciam in ipsum, Recursum ad illū, Inuocationem illius, & Orationem ad ipsum, & quidem solum: non recurrendo ad idola, non ad dæmonum inuocationem. Sanctos autem DEI orare, vel inuocare, est DEVM in Sanctis suis, & inuocare: & orare: & honorare.

4. Debes ô Homo Deo, Amorem & Dilectionem, seu Charitatem: quā diligere debes DEVM ex toto corde, mente, animâ, viribus, fortitudine tuâ. Proximum verò tuum, & omnia alia, & ipsum te, propter DEVM, eiusque Amorem, & Dignitatem, & Voluntatem.

5. Debes ô Homo, Deo, Religionem, seu Cultum, & quidem latricum, venerationem, Sacrificia & Holocausta, aliaque Deo digna: tanquam Principi, principio, & fonti omnium Entium, omnis vitæ, Essentiæ, existentiae, conseruationis: & absoluti omnium Domini, ius vitæ, & mortis habentis, in suâ voluntate seu Potestate.

6. Debes ô homo Deo, obseruantiam, Timoremque filialem, castum, sponsalem: debes & seruilem; qui tamen minus est dignus DEO.

7. Debes ô homo Deo, seruitutem, subiectionem, obedientiam omnem, vsque ad exinanitionem, & defectionem tui, si eam requirat DEVS, eiusque causâ, absque vlla oblectatione.

8. Debes ô Homo Deo, Laudationem, seu laudem, Honorem, Gloriam, Exaltationem, Prædicationem Nominis eius, tam propter bonitatem, beneficentiamq; illius erga omnem Creaturam, quàm propter eminentiam, excellentiam, Maie-

statem, Dignitatem, Perfectionemq; illius, omni capiti Creaturæ altiore, & pleniorē.

9. Debes ô Homo Deo, gratitudinem, & gratiarum actionem, incessabilem, pro omnibus eius Misericordijs, & beneficijs in te, in omnē singulamq; Creaturā, inexhaustè profusis.

10. Debes ô Homo Deo, Desiderium Dei, & famem eius ardentissimam, & inexplibilem, non tam ideo (etsi & ideo) quia tibi, bonum est, cum Deo, in Deo, apud Deum esse: quàm magis, quia ille dignissimus, & superdignissimus est, haberi, possideri, hereditari, intuitivè, beatificè, æternaliter, fruitivè.

11. Debes ô Homo Deo, omnem curam tuæ æternæ salutis: & in omni virtute perfectionis sanctitatisque absolutæ in tuo statu: ut quàm maximè placeas Deo: tibi que Deus: & ut exaltetur Deus salutis tuæ per omnia se digna, tibi possibilia. Tua enim salus & æterna beatitudo, est summa quam ex te habere Deus potest, exaltatio.

12. Debes ô Homo Deo, curam quantum ex te est: ut omnis Creatura Deum agnoscat, amet, laudet, eius voluntati plenè subiecta sit: ei uniatur: eo fruatur: maximè rationalis: pro irrationali autem, tu debes Deo suppletionem, & expletionem, omnis eius officij, quod illa impendere deberet, si posset: & ob quod explementum, illa tuæ servituti addicta est à Deo, usque ad sui consumptionem: uti quotidiano discis experimento: atque oraculo prophetico: Omnia subiecisti sub pedibus eius: oves & boves uniuersas: insuper & pecora campi: terras quoque & maria, & omnia quæ in eis sunt: addixit tibi insuper cælos, & sidera eorum, nubes, & volucres cæli: demum & Angelos omnes fecit administratorios Nostræ salutis spiritus.

13. Debes ô homo Deo tuo, iugem Dei tui tibi semper, & ubique, & intimè, per immensitatem Essentiæ, per plenitudinem Sapientiæ, per efficacitatem omnipotentia, per rectitudinem Sanctimonie præsentis, memoriam viuam, & amantem:

& reue-

& reue-
plus m
to dec

In f
tiam
omni
suffic
cessal
nisi
enim
indul
titur,
origin

Exh

1. S
tuas
De
Tu es
es. T
es, se
Tu
hoc es
mus, b

Exerc: VII. Quid Creatura debeat DEO? 29

& reuerentem. Sicut enim te Oculi Dei, omni sole, & luce, plus mundiores, contemplantur assidue: ita & te omni momento decet, tuum cogitatum in Deo defixum habere.

In summâ, ô homo; debes Deo, omnem penitus sufficientiam tuam. quoniam nihil sufficis cogitare à te, quasi à te, sed omnis sufficientia ex Deo est: & idcirco vniuersa plenitudo, sufficientiaq; quantacunq; est, Dei est: debeturq; à te Deo: & incessabili confessione reddenda est Deo. alioqui perditur tibi nisi reddatur Deo: & nisi seruatur, in ipso, reddita ipsi. Tunc enim verè seruatur quando ad Deum reducitur: tunc autem, indubitatè amittitur, quando ad Deum confessione non remittitur. Sicut tunc flumina siccantur & pereunt, quando ad suæ originis Mare non reuertuntur.

P R A X I S

Huius Exercitiij sit sequens:

EXERCITIUM VII.

Exhibitio eius debiti DEO, quod Creatura debet DEO.

I. **S**Tatue te in conspectu Dei in vnitatè Trini: & te effunde totum coram ipso, per omnes affectiones, & exaltationes tuas. V. g.

DEVS. DEVS. DEVS. Tu solus, Tu verus, Tu vnus, Tu Ens, Tu essentia existens es. Tu à te ipso totus, & totum, & summum es. Tu omne, siue, Omnia; non tamen multipliciter, nec multa es, sed vnus, idem, simplex, & vnitas, & summitas es.

Tu es, & Qui est es, & Deus es: & quidquid dignum te est, hoc es. Viuens, Verus, Sapiens, Potens, Magnus, bonus, altissimus, beatus, æternus, & hæc omnia, tam secum, quam Tecum,

Exerc: VII. Exhibitio eius debiti DEO

vnum, idemq; sunt, & Tu ipse sunt. Non est enim aliud Tibi Esse, & aliud Magnum, aliud Sapientem, aliud Bonum esse, sed Entitas, Essentiaq; tua, est Sapientia tua, & Veritas, & Omnipotentia, & Vita, & Magnitudo tua, & quidquid in Te est, non aliud à Te, sed Tu ipse, est. atque etiam Sapientia, ipsa est Potentia & Veritas. & hæc, ipsa sunt Magnitudo, & Beatitudo, ipsa etiam Iustitia, & Misericordia, vnum, & idem, & ipse Tu.

Ego verò sum horum Nihil. quia sum merum Nihil. non, Ens, non existens, nihil habens, nihil potens, nihil operans, nihil merens. quia sum nihil, inane, vacuum, & egestas, & sterilitas, & infirmitas, & vilitas, & miseria, & malum, & malitia, & odibilitas, & detestabilitas, & omnem perditionem merens, exigens, possidens, ex ipso me.

Tu DEVS, es mihi (id est omni Creaturæ) Omnia. Es enim mihi Deus, es DEVS meus. fons omnium, largitor omnium, Creator, Conseruator, Rector, Dominus omnium, bonus omnibus, bonum omnium. Vita, beatitudo, finis consummatio, centrum omnium.

Ego Domine sum tibi, non aliud quàm quod sum ipsi mihi. Nihil scilicet, Nihil merum, ad omnia Nihil. Neque possum transire à nihilo, & à Non esse, ad aliquid, & ad esse, nisi Tu facias, qui solus ex nihilo potes facere aliquid esse: & miro quidem sed verò; ineffabili; sed palpabili modo, nihil; facis Esse.

Propter quod, omne quod præter te Deum est, quidquid est, ab te est: tuum est: tibi sese suaq; omnia, debet per omnia. quibus, tu quidem reuera & absolute nihil debes, nisi tuam voluntariam gratiam. Sicut enim non debebas illis vt essent, ita nec debes illis, vt sint. sed sicut fecisti omnia, quia voluisti, quod non velle potuisti; ita sunt & manent omnia, quia tu illa esse & manere vis: & volendo esse, facis omnia. quod tamen potes ponere velle; & si non velles, in nihilum suum statimstatim reuoluerentur Omnia. at Omnipotens voluntas tua, quæ illa fecit vt essent, eadem facit vt etiam sint.

Pro-

Pro-
tura, q
meipsi
tuus se
iectus,
subiect
nec de
velle
subiect
possu
& ma
menta
sive ve
per ipse
le esse;
Igitur
& quid
nam, S
omnes
addidi
tuum.
obsequ
& pere
Deb
fession
cation
Debec
nem, c
glorifi
tem.
quium,
bi plac

Exerc: VII Exhibitio debiti DEO

31

Propter hoc ergo Domine; quia ego, & omnis mecum Creatura, quidquid sum, à te sum, & totus tuus sum: ideo debeo tibi meipsū, & cum meipso, etiā cetera quæ sunt in me omnia. Sum tuus seruus, sum mancipium, sum iumentum. sum & magis subiectus, quàm hæc omnia. Cetera enim, quæ irrationalia sunt; subiecta quidem sunt; at subiecta se esse, nec volunt: nec sciunt: nec debere esse nouerunt: nec non subiecta esse aut volunt: aut velle possunt: sed solummodò sunt: at ego rationalis Creatura, subiectus sum: & esse cogor: & esse, cogiq; me noui: & velle possum: & velle debeo: & quamuis nolim, nihilominus sum: & maneo: & manere, ac esse debeo. & ideo magis, quàm aut iumenta, aut bruta, aut saxa subiectioni succūbo. quia siue nolim, siue velim, subiectus sum: & per ipsum tam nolle quàm velle; per ipsum tam subiectum esse, quàm subiectum non esse; ac nolle esse; nihilominus subiectus sum, & omnium debitor sum.

Igitur, debeo Tibi Deo, & Domino meo, totaliter totum me: & quidem etiam toto me. Debeo tibi Corpus, Animam, Personam, Substantiam, substantiæ annexa omnia, substantiæ vires omnes, viriumq; actus omnes. debeo tibi omnia ista quæcunque addidisti mihi, ad omne obsequium meum, propter obsequium tuum. Vnde etiam omnem Creaturam; cum omni, & pro omni obsequio suo, quod exhibet mihi, obsequioque meo: debeo tibi, & perenni obsequio tuo.

Debeo tibi, cognitionem & notitiam Tui: debeo fidem, confessionem, prædicationem. Debeo, spem inte, fiduciam, inuocationem, recursum, refugium, orationem, supplicationem. Debeo, gratitudinem, gratiarum actionem, laudem, adorationem, cultum, honorem, venerationem, timorem, reuerentiam, glorificationem, exaltationem, religionem, deuotionem, pietatem. Debeo, obedientiam, subiectionem, seruitutem, obsequium, in omnibus, rebus, locis, temporibus, circumstantijs tibi placitis, à te, vel tuo Nomine, à tuis locum personamq; tuam

Exerc: VII. Exhibitio debiti DEO:

tenentibus, imperatis. Debeo tibi Amorem, desiderium, dilectionem, Charitatemq; super omnia: ex toto corde, ex totâ animâ, ex toto me.

Propterea, Toto me, amo Te, toto inquam me: siue prout ipse sum: quidquid à te, personaliter & indiuidue sum; siue prout cum omni creaturâ communico, & vinculo communitatis, atque meæ voluntatis vnum & idem sum.

Quod quia Nihil omnino est coram Te; cùm Ego quocunque modo sim; Nihil coram Te sim; & Amor meus, & omnis actus amoris, & omnis amandi te conatus, omnino & necessariò nihil penitus sit;

Idcirco debeo: & velle debeo: & (quod sum, possum) volo, & velle studeo, mendicare à te: vt des mihi ampliùs, digniùs, validiùs Amare Te. Et cùm nihil supersit, vnde vel ego possim petere; vel Tu possis præstare mihi magis amare te: quàm ipsum Te, & ipso Te;

Ideo Toto Te, Amo te; & sic in æternùm, volo, opto, peto, statuo amare Te. Toto nimirum Te, pro toto te, pro toto me.

O Sanctissima Vnitas, ô Sanctissima Trinitas, ô Summa DEITAS. ô te toto me agnoscere, confiteri, prædicare! ô te amare, æstimare, exaltare! ô te desiderare, concupiscere, in te æstare, anhelare, ardescere! ô te quærere, inuenire, apprehendere, tenere! ô te pasci, nutrirî, saginari, impinguari! ô in te liquefcere, languescere! ô in te exhaustiri, absorberi, perire! ô in te transformari, transflammati! ô Deificari! ô Indiuiuari!

ô te possidere, te frui, te
gaudere!



EXER-

EXERCITIORM

PARS II.

ERGA

Sanctissimam Trinitatem.

EXERCITIUM I.

Confessionis, & Postulationis, Benedictionis in omnibus.

1. **S** Tatue te, in conspectu Sanctissimæ Trinitatis: DEI Patris, & Filij, & Spiritus Sancti: cum singulari Fidei Viuacitate, & professione: reuerentiâ quoque Maiestatibus eius: tum viscerali tui ipsius, coram eius Dignitate abyssali, humiliationis pondere.

2. Confiteberis singillatim, necessitates, misérias, periculositates, omnis generis: tam tuas proprias, quàm tuorum: quàm totius Vniuersi: temporales, corporales, spirituales, æternas: humilians te ex singulis, tuo, tuorum, vniuersique nomine.

3. Postulabis; per omnia viscera Bonitatis Diuinæ: cum plenissimâ in eius miserationes fiduciâ; atque tui proiectione: vt misereatur tui; sitque tui adiutor in opportunitatibus.

4. Postulabis quoque: vt misereatur eorum omnium; quos in orationibus tuis commendandos DEO suscepisti: vel habere debes: quos in DEO, eiusque Charitate diligis: & à quibus diligis: atque pro te oratur: pro omnibus etiam tibi malè affectis.

5. Postulabis præterea: vt misereatur totius Ecclesiæ Christi: populi que Christiani: Regni, & populi tui: Prouinciæ: Cunitatis: Domus, &c.

E

6. Qui-

34 *Exerc. I. Erga SS. Trinit: & coram eâ Confessionis.*

6. Quibus omnibus det congruam benedictionem, in supradictis Necessitatibus,

7. Idque sicut Sanctissima Trinitas scit, potest, vult.

8. Adimplendo totum gustum suum, cordisque sui, & Voluntatis, atque Voluptatis suæ Sanctissimæ: sicut in Cælo, ita & in terrâ: hoc est, in te, in tuis omnibus, denique in omnibus Creaturis, pro omni tam tempore, quam Æternitate.

P R A X I S.

SANCTISSIMA, DIGNISSIMA, AUGUSTISSIMA, ADORANDA TRINITAS, DEVS meus, DEVS omnium Nostrum, DEVS vniuersæ Creaturæ: tu enim Nos de Nihilo Creasti, tu Dominus, tu Possessor, tu Rex noster es. Nos autem populus tuus: & oues pascuæ tuæ: pupilli, & planè pusilli pulli tui. Tibi confiteor: totâ spei, fideliæque in tuas Misericordias plenitudine: omnes Necessitates, infirmitates, ærumnas, periculositatesque meas, quas tu Domine plenissimè cognoscis. Per omnia viscera Bonitatis tuæ; cuius apud te est infinitus thesaurus: toto me, totoque Vniuerso, totiusque Vniuersi atomis vniuersalifatis: peto à te; Miserere mei, & omnium meorum, & omnis Creaturæ tuæ, subueniens, & benedicens Nobis in cunctis necessitatibus nostris Naturalibus, personalibus, spiritualibus, corporalibus, temporalibus, officialibus: sicuti potes, scis, & vis, eas gloriæ tuæ maiori deseruire, adimplendo in omnibus suauissimum Gustum Cordis tui, tam in me, quam in omnibus Creaturis, pro omni tempore, & pro omni æternitate.

EXERCITIUM II.

Erga SS. Trinit: & ab eâ Emendicationis omnium, & omnibus.

I. **S**TATUES te in Conspectu Sanctissimæ Trinitatis: ante Thronum gloriæ eius.

2. Pe-

Exerc. II. Erga SS Trinit: & ab eâ Emendicationis: 35

2. Penetrabis memoriâ, & corde tuo; abyssum plenitudinis perfectionum omnium: ac nominatim, Bonitatis, Liberalitatis, Profusionis, & Propensionis eius ad benefaciendum: nec non ad Miserendum omnibus Creaturis suis. quoniam Misericordia eius super omnia opera eius, eminet: & manat incessabiliter, &c. Veluti ex Mari: omnium Fontium Fonte.

3. Penetrabis etiam Memoriâ, & Corde; omnem abyssum Mendicitatis atque Miserabilitatis tuæ: tam ad Naturalia, quam ad supernaturalia bona, & Effecta.

4. Hac totâ abyssso emendicabis omnes necessitates: seu potius miserationes & beneficentias Diuinas; Animæ, Corpori, statui, officio, obligationi tuæ; pro omni opportunitate, & pro omni tempore, atque æternitate.

5. Simili abyssso miseriarum, Necessitatumque omnium, ac singularum Creaturarum, totius Vniuersi; emendicabis etiam ab illâ immensâ Bonitatem, & perfectionum plenitudine Diuinâ, omnem sufficientiam, omniumque necessitatum subsidium, copiosum, efficax, plenum, salutare, DEO gloriosum, & placitum, perseverans & æternum.

6. Iuxta gustum Voluntatis Diuinæ.

7. Allegando in subsidium mendicationis tuæ, Vniuersam Bonitatis ac Munificentiae Diuinæ plenitudinem.

8. Verbi quoque Increati, pro nobis autem Incarnati Maiestatem Humiliatam: Humilitatemque Maieftificatam: cum omnibus laboribus, passionibus, dignationibus, meritisque illius.

9. Pretiosissimæ etiam DEI & omnium nostrum Matris Virginis: Matris misericordiae atque Gratiae.

10. Omnium denique Electorum DEI, Angelorum iuxta & Hominum merita, preces, ac Beatitudines.

11. Repetes hanc Emendicationem sæpiusculè.

12. Et gaudebis totâ Mendicitatis tuæ abyssso, omniumque Creaturarum: quia vnus ac solus est DEVS, apud quem omnia

36 *Exerc: II. Ad SS. Trinit: Gabea Emendicationis:*
 emendicare & debes, & potes: liberaliter, fiducialiter, efficaciter, indefinenter, atque indeficienter, absque verecundatione, absque metu repulsæ, absque metu defectionis, absque metu improperationis. cum certitudine potius, tantò maioris profusionis beneficiorum ex Deo, quantò maiorem crebriorem, audacior, audidioremque mendicationem attuleris: sæpiusque repetieris ad ipsum.

P R A X I S.

Sanctissima, Dignissima, Opulentissima Trinitas DEVS: Sabyssalissimam Bonitatis, ac Munificentiam tuam plenitudine, totam mendicitatis, egestatisque meæ abyssum, mendico: atque supplicissimè postulo: omne subsidium Necessitatibus meis omnibus & singulis, tam pro huius, quam pro alterius, tam pro naturalis, quam pro supernaturalis Vitæ. Mendico etiam totam pariter abyssum mendicitatis omnis tuæ Creaturæ, eidem; omnem bonitatis, liberalitatisque tuæ munificentiam, pro omnibus indigentibus eius, huius, alteriusque vitæ. Mendico autem id; per omnem quanta quanta est Plenitudinem tuam Diuinam: nec non ad sese nobis profundendam promptitudinem: Mendico id etiam, per Verbi Increati, propter nos autem Incarnati, omnes pro nobis exhibitos labores, dolores, Dignationes, ac Merita. Mendico id quoque, per Pretiosissimam DEI, ac nostrum omnium Matris, Mariæ Virginis Maternitatem, atque Maternitatis Dignitatem, & apud te autoritatem. Mendico id quoque, per omnium Electorum tuorum, Angelorum iuxta, & Hominum, tecum in Cælis regnantium Merita, & preces, & beatitudines.

E X E R C I T I V M III.

Erga SS. Trinitatem, traditione sui in Voluntatem eius.

1. **C**onstitu te coram Sanctissima Trinitate, &c.

2. Con-

Exerc. III. Erga SS. Trinit: traditione sui in Volunt: eius. 37

2. Constitue te coram Sacratissimâ, Adorandâ, superbenedictâ ac superbenedicendâ eiusdem Voluntate, tanquam coram Dominâ & Monarchâ plenipotentissimâ, absoluteque omnium Potente Principe, Reginâ, Imperatrice.

3. Trades te totum, ac in specie Cor tuum Voluntatemque tuam, instar tabulæ rasæ & mundæ, atque instar chartæ Virginis & puræ, tum Sanctiss: Trinitati: tum eiusdem Voluntati.

4 Totis tuis Viribus peres ab eâ: vt dignetur in Corde tuo, atq; in Voluntate tuâ, inscribere & insculpere caractere indelebili Notitiam, Amorem, Reuerentiam, Æstimationem, Observantiam, ac Exequendi studiosissimum studium, suæ beneplacitæ, adorandæ, suauissimæ, dignissimæ, sanctissimæque Voluntatis.

5. Vt nunquam ex Corde Voluntateque tuâ deleatur, nunquam refrigescat, aut vel minimùm in te pesceat, aut in leuissimam transgressionem declinet.

6. Sed vt semper maneas Mancipium, atque etiam Iumentum, (sed spontaneâ atque sponsali Voluntatis tuæ necessitate ac deuotione,) Diuinæ ipsius Voluntatis.

7. Inueniarisque semper, in omni occasione & circumstantiâ, insignitus Diuinâ istâ Voluntate: eiusque amore; & ad illam plenissimâ subiectione, tanquam Naturali stemmate & caractere: quò in totâ æternitate cognoscaris, internoscarisque à reliquis Creaturis. velut Deuotum Diuinæ Voluntatis Mancipium;

8. Ignorans omnem prorsus resistantiam, & moram, & lentitudinem, dissimulationem uè, sed cum plenâ, ponderosâ, cæcâ, hilarique resignatione, obedientiâ, executione, quiete, contentatione.

9. Ita; vt sic affici, sic Diuinæ Voluntatis totum esse; sit tibi vnicus cibus: vnica Voluptas; vnica Pax: vnicum Gaudium: vnicum Præmium: vnica Merces: vnica Vita: vnica Beatitudo.

10. Exinde verò, vel excidere, vel exerrare, aut in hac affectione in te pescere, sit tibi morte grauius, sit inferno detestabilius, sit æternâ damnatione damnabilius.

38 *Exerc: III. Erga SS. Trinit. traditione sui in Volunt: eius.*

P R A X I S.

Sanctissima, & Omnipotentissima Trinitas, DEVS meus. Cuius Voluntas, potentia est, atque omnium Voluntatum Regina, & Regula; Ecce tibi Cor meum, & Voluntas mea: Scribe, & insculpe in eâ Vniuersum beneplacitum tuum, tuæque Diuinæ Voluntatis. Vnâ cum cordiali, sponsaliq̃ Amore, & apprehensione illius, in me æternaturo. Non finas eum vnquam aboleri: sed potiùs, fac eum semper innouari: altiusq̃ & profundius insculptum excellere, Non finas me vnquam rebellare, resistere, obniti, obmurmurare, moras, vel recusationes obtendere: sed potiùs, fac me deuotissimum mancipium, ac liberrimũ, liberalissimumq̃ iumentum beneplaciti tui, Voluntatisque tuæ omnis. Characteriza me, signo isto tuo æternaliter, in omnibus substantijs, potentijs, partibus, actionibus, mutationibus, atomis, circumstantijs, occasionibus, momentisq̃ meis. Sit Voluntas tua, Cibus meus: Vita mea: felicitas mea: pax mea: gaudium meum: beatitudo mea.

E X E R C I T I V M IV.

Erga SS. Trinit: per proiectionem sui in eius Prouidentiam.

1. **C**onstitue te, coram Sanctiss. Trinitate: tanquam coram Mari fundo carente, omnibus bonis repletissimo: & cuius plenitudine manant omnia: replenturq̃, & continentur omnia.
2. Collige, omnes Necessitates tuas: (tuorum, & denique omnium creaturarum.) Curas quoque, proposita, intenta, vota, desideria, obligationes.
3. Projice illas omnes, in Abyssum Prouidentix, Voluntatis, Charitatis, Sapientix, Omnipotentix, Fidelitatisq̃ DEI.
4. Sepelias ibique prorsus demerge, in Domino DEO tuo: lactans omnem cogitatum tuum in eo: certus, quia ipse faciet
ca

Exerc: IV. Erga SS. Trin: per sui proiet: in eius Prouid: 39

ea omnia : quæ gustui illius, tuæ autem salutis, atque consolationi plenissimè seruiunt.

5. Id autem eâ fac simplicitate atque securitate : quâ sese infantuli in sinu suarum Matrum, vel Nutricum deponunt : Nihil omnino solliciti dese : ac neque cogitationem sollicitudinis, & curæ sui habentes : sed ex toto prouisioni maternæ innitentes : in eâque tanquam demersi conquiescentes.

6. Pari ratione & tu ; totus quantus in Diuinæ Prouidentia plusquam Materno sinu recumbe : & conquiesce : certus ; quoniam ipsi est Cura de te : de què omnibus.

7. Et eâ quidem tantò maior ac liberalior, quantò tua, in eius Prouidentia curam, est proiectio fidentior : atque plenior. Ex mensurâ enim nostrâ in DEVM fiducia, admetiri consuevit DEVS curam suæ Prouidentia : semper superaddens plurimum : Nōlens nostram in eum fiduciam esse frustraneam : & Volens, suam fidelitatem circa nos, esse superplenissimam, & superexaggeratissimam.

8. Sic ergo sta in Prouidentia DEI fidenter : sicut vel terra in centro ; vel infantulus in Materno sinu : perinde ac si nihil deberes, nihil velles, nihil posses, tibi prouidere, ac procurare. Nihil in te, in tuis viribus, in tuis industrijs, in tuis mentis, in vilius Creaturæ subsidijs promissisue spei, aut fiduciæ habendo : sed horum omnium efficacitatem, ex DEI Prouidentia, que in sui dispositione nunquam fallitur, expectando, acceptando, eidemq; totalissimè attribuendo.

P R A X I S.

SANCTISSIMA, PISSIMA, FIDELISSIMA TRINITAS DEVS, in tuam Diuinam Prouidentiam, Bonitatem, Sapientiam, Omnipotentiamque, me totum, measq; omnes, & singulas, nec non meorum, ac totius Vniuersi, necessitates abijcio, demergo, desero. Itaque tu ô suauissima, atque Dulcissima Prouidentia, mihi, &

omni-

40 *Exerc: V. Erga SS. Trinit. per Collationem sui, &c.*
omnibus mecum provide: sicut potes, scis, & vis. Ego enim
nihil opis mihi afferre, nihil providere ex me sine te possum.
Perdere, & prodere me possum: sed tueri ac servare non pos-
sum. quid enim sum mihi sine te Domine: nisi Dux in præceptis?

E X E R C I T I V M V.

Erga SS. Trinitatem, per collationem sui ad Dignitatem eius.

1. **C**onstitue te coram Sanctissimâ Trinitate.
2. Constitue te, & omnia tua bona Animæ, Corporis, fortunæ, temporalia, spiritualia; præsertim gratias, virtutes, merita, quæcunque habes, si quæ habes, coram DEO, ex Dono Divino.
3. Hæc omnia compara, & commensura cum DEO: eiusque: Eminentissimâ Dignitate, & Maiestate.
4. Commensura quoque hæc eadem, cum omnimodâ tuâ ad DEVM obligatione:
5. Et in specie compara te, tuæque bona, tuas excellentias, cum innumerabiliter multiplicibus, iisdemq; simul inextolubilibus ante DEVM debitis tuis, reatibusque tam culpæ, quam pænæ temporalis, æternæ, damni, & sensûs, præsentis, futuræ, exterioris, & spiritualis.
6. Agnosce, atque confitere, te, sic DEO, eiusque Maieitati & Dignitati, Perfectioni & Sanctitati comparatum, merum Nihil esse: nihil habere, nihil valere, nihil posse, nihil adhuc coram DEO boni egisse: imò bona acta, vix, ac ne vix quidem boni nomine digna esse: & non tantum nihil illis apud DEVM promeruisse; verum etiam demeruisse: ac digna supplicijs plagisq; per-egisse: Nihil omnino propter DEVM laborasse, aut sustinuisse: aut in eius obsequium gloriamve expendisse: quod si quid per-egisti, id potius, & magis DEI, quam tuum esse: teque ex eo ipso, coram DEO debitorem, soluendi impotem, esse: nec vllam debitorum particulam exsoluisse, aut expiassè.

7. Ah

Exerc: V. Erga SS. Trinit: per Coll: sui ad Dign: eius. 41

7. Ah miseram dignitatulam copiolamq; tuam, DEO collatam! tantoq; magis inanem, ac nullam, quanto maiori collatam, atque compositam! O verè non magnificabitur nec iustificabitur homo compositus DEO! sicut fuligo non albescit composita niui, sicut lutum non fit pretiosius compositum auro.

8. Erubescere, & exhorrescere Nuditatem, Nullitatemq; tuam.

9. Obstupesce, & superobstupesce Eminentiam, Maiestatem, Dignitatem, Perfectionem, Sanctitatem, Plenitudinem, opulentiamq; Diuinam: quam, sacro & deuoto horrore perfusus, penetratusq;, demississimè venerare.

10. Exsuscita in te, maiorem, maioremq; in DEVM liberalitatem, & quàm multiplicissimè multiplica feruorem seruiendi DEO, studendi placere DEO, exaltandi DEVM: laborandi & patiendi pro DEO; expediendi te à debitis quæ habes coram DEO.

11. Atque dic cum Prophetâ: Nunc cæpi: reuoua velut Aquila iuuentutem Spiritûs tui: & tanquam hodie primum, de nouo aggredere seruitium DEI: exaltationem, magnificationemque DEI: impensionem, & superimpensionem, euiscerationem, & annihilationem tui, DEO, & propter DEVM.

12. Et cum omnia feceris: dic nihilominus; seruus inutilis sum, quod debui facere, feci: & tamen post hæc omnia Nihil sum.

P R A X I S.

SANCTISSIMA, DITISSIMA, DIGNISSIMA Trinitas, DEVS: Ecce totus ego, & vniuersa Bona mea, dignitatesq; ac merita mea in conspectu tuo. Ecce labores, ecce passionem meam propter te: ecce Virtutes, & opera, & perfectiones meæ coram te. Heu! quàm omnia misera! quàm modica! quàm scatentia sorde! quàm nulla! comparata præsertim, supersuperq; Dignissimo, & Ditissimo tibi DEO. Adiua Domine infirmitatem, nuditatemque meam. Auge robur, auge promptitudinem, auge feruorem, auge constantiam. Volo Domine abhinc tibi feruentius, arden-

42 *Exerc: VI. Erga SS. Trinit: per Eufc. Vniuersi in Charit: eius.*
tius, liberatius, ignitiis, constantius, perfectius, solidiusq; de-
feruire: pro te laborare: pro te pati: pro te impendi: pro te pro-
fundi: pro te exhauriri: pro te exinaniri: pro te annihilari: &
tuum Diuinum beneplacitum exequi: dignitatem exaltare: Glo-
riamq; magnificare: & superexaltare: dignè te, propter te, toto
me, toto te, in æternum & vltra, & amplius, atque amplius.

E X E R C I T I V M VI.
Erga SS. Trinit: per Eufc. Vniuersi in
Charitatem eius.

1. **C**onstitue te coram SS. Trinitate, cum totâ Creaturarum
Vniuersitate in te transformatâ, tibi que impersonatâ, ita
vt tota illa tu: & vicissim Tu, illa tota fias. quemadmodum in
Deo omnia sunt vnitate sibi deuincta, tanquam vnus Patris filij,
cui & dicunt omnia: Pater noster.
2. Toto te, sic omnibus Creaturis coniuncto, & impersona-
to, erumpes, ebullies, eruabis, eiacularerisq; Charitatem, &
Æstimationem Sanctissimæ Trinitatis: appetiando eam super
omnia existentia, & possibilia: tanto conatu, quantus est possi-
bilis omni Creaturæ, in omnibus circumstantijs, & conditioni-
bus illius.
3. Huiusmodi conatum, disce ab eo, qui ita hortatur om-
nes. Multa dicemus, & deficiemus in verbis; consummatio au-
tem sermonum Deus ipse est omnibus. Gloriantes ad quid vale-
bimus? Ipse enim Omnipotens super omnia opera sua. Terri-
bilis Dominus: & Magnus vehementer & mirabilis Potentia
ipsum. Glorificantes Dominum quantumcunque potueritis:
Superualebit enim adhuc: & Admirabilis Magnificentiâ eius.
Benedicentes Dominum, exaltate illum quantum potestis: Ma-
ior est enim omni laude. Exaltantes replemini virtute, ne labo-
retis: non enim comprehendetis. Quis videbit eum, & enar-
ra-

Exerc. VI. Erga SS. Trinit: per Euisc: Vniuersi in Charit: eius. 43
rabit? Et quis magnificabit eum sicut est ab initio? Multa abscondita sunt maiora his: pauca enim vidimus opera eius. Omnia autem Dominus fecit. & piè agentibus dedit Sapientiam, *Eccl. 43. 29.*

4. Quia verò is ipse conatus, quantumlibet actualiter effusus, & exercitus, non plus est coram DEO. quàm vnus folioli in vastissimo nemore moti strepitus;

5. Obsecrabis omnium Creaturarum tibi, impersonatarum Nomine, Entitate, affectu, obligatione, & etiam obedientiali possibilitate atque capacitate, insuper omnibus omnium atomis vniuersalisatis, vt DEVS, qui solus sibi dignè amando, & dignificando, idoneus, & adæquatus est, semetipso seipsum amet, æstimet, laudet, exalter, glorificet: adæquatè suæ dignitati, maiestati, amabilitati, amatiuitatiq̃ue, & suæ ad sese amandum infinitæ, & inexhaustæ facultati.

6. Exultabis toto te, quòd Sanctiss. Trinitas DEVS, naturaliter, voluntariè, necessarioq̃ue, seipsum suo Amore, pretio, æstimationeq̃ue expleat: exsatiat: exæquet; exæquaturusq̃; & expleturus sit per omnem æternitatem,

P R A X I S

SANCTISSIMA, & INÆSTIMABILISSIMA, & AMABILISSIMA Trinitas DEVS, totâ Omnitudine meâ, ex omni Creaturarum mihi impersonatarum, adunitarumq̃ue vniuersitate conflatâ, Amo te DEVM meum; & præfero, atque appetio super omnia: conatu omni, & toti mihi possibili. quia verò hoc ipsum omnino nihil coram te est; cùm ego, & personaliter particulariterq̃; & vniuersaliter, vniuersalisatisq̃ue, totus sim omnino nihil; amorq̃ue omnis, & omne exercitium actuatíoq̃ue illius, sit etiam Nihil; comparatum Maiestatis tuæ Magnitudini, atque Dignitatis Eminentie. Sicut folium crepitans in vastissimâ solitudine, aut sicut gutta roris antelucani decidens in Mare; Idcirco toto me, totoq̃;

44 *Exerc: VII. Erga SS. Trinit: per Exsol: Uniu: deb: illi deb:*
vniuerso, & omnibus atomis Vniuersi vniuersalifatis, desidero:
vt Tu DEVS meus, temetipsum, temetipso, tantum ames, tantum
æstimes, tantum glorifices, tantumq; beatifices, quantum præua-
let Immenfitas tua tota. Et quia Tu, sic te, necessariâ Volunta-
te, voluntariâq; necessitate diligis, & appetias ab omni æterni-
tate: hinc Ego totis meis, totisque Vniuersæ Creaturæ viribus
exulto, & exultabo: & exultare desidero, opto, peto, & propo-
no, in omnem Æternitatem.

E X E R C I T I V M VII.
*Erga SS. Trinitatem, per Exsolutionem debiti vniuersi,
illi debiti.*

1. **S**tatue te coram Sanctissimâ Trinitate.
2. Omnimodam Sanctiss. Trinitatis Maiestatem, Glo-
riam, Amplitudinem, tam eam, quam habet ipsa ex se, suâque
Essentiâ, Naturâ, atque Personis, & Perfectionibus suis; quam
eam, quam habet ex splendore totius Curiaë celestis sibi assisten-
tis, gloriamque sibi cumulantis; statue quoque tibi ob Oculos
Cordis tui.
3. Agnosce, totius subcaelestis Mundi, ac imprimis totius hu-
mani generis, super faciem terræ habitantis, omnimodum De-
bitum: quo debent Sanctiss. Trinitati Notitiam, Fidem, Spem,
Fiduciam, Refugium, Timorem, Inuocationem, Reuerentiam,
Orationem, Religionem, Deuotionem, Pietatem, Obedientiam,
Subiectionem, Seruitutem, Laudem, Gloriam, Exaltationem,
Exultationem, Gaudium, Gratulationem, Gratiarum actionem,
Æstimationem, Amorem, Dilectionem; Charitatem, omnem,
possibilem, atque etiam omnipossibili maiorem.
4. Agnosce, & erubescce, & ingemisce, huius debiti, vix, ac ne
vix quidem minutam particulam, atomum uè Sanctissimæ Tri-
nitati, à Creaturâ suâ, præsertim ab Humano genere, & specia-
lius etiam à te, impendi: atque exsolui.

s. Ergo

Exerc: VII. Erga SS. Trinit: per Exsol: uniu: deb: illi deb: 45

s. Ergo omnem Creaturam, maximè Humanam, tibi superin-
duens, atque in te impersonans, etiamq; cælestem & supercæle-
stem ad hoc adiungens, toto te, ad thronum SS. Trinitatis acce-
dens, pronusq; coram procidens, debitum istud, quo Vniuersa
tenetur Creatura; omnimodum, & æternale, & abyssale, Lau-
dis, Amoris, Venerationis, Subiectionis, Exaltationis, & Exul-
tationis, exhibe Sanctissimæ Trinitati: atque in exhibendo pe-
rennare tum concupisce: tum contende: vt nullum sit momen-
tum temporis & æternitatis, nullum punctum loci, ac immen-
sitatis, in quo non exhibeatur, quantum ex te, Sacrosanctæ Tri-
nitati persolutio debiti huius: vsque ad Nouissimum quadran-
tem, & minutum.

P R A X I S.

SANCTISSIMA, GLORIOSISSIMA, EMINENTISSIMA TRINITAS, VNUS
DEVS; cuius Natura & Essentia est Dignitas: quam Vniuersa
cælestis Curia superexaltare cupit, & gaudet: Tibi etiam Nos
terrarum incolæ, omnem venerationem, omnem laudem, om-
nem subiectionem, omnem Timorem, omnem Amorem, &
Deuotionem debemus: sed (ah probrum nostrum!) in hoc de-
bito persoluendo, plusquam nimium negligentes, rari, sordideq;
parci, quin & iniuriosi, in Te sumus. In huius negligentia com-
pensationem, & adimpletionem, Ego Te nunc amo, adoro,
glorifico, veneror: in æternumq; venerari, & amare, Toto me
concupisco, propono, & adiutor. Nullum sit vt deinceps Mo-
mentum temporis, & æternitatis, nullum punctum spatij & im-
mensitatis, in quo Tu Trinitas DEVS, à Te, à Beatis tuis, à me,
ab omnibus, & singulis, etiam possibilibus Creaturis, non glo-
rificeris, iuxta, condignum Maiestatis, Dignitatisque tuæ Meri-
tum, & iuxta Nostræ coram te, & ad Te, obligationis debitum.

*E R G A**Sanctissimam Trinitatem Exercitium Speciale.*

1. **S**ANCTISSIMA TRINITAS, Pater, Fili, Spiritus Sancte, vnus DEVS in Essentiâ & Naturâ: trinus in Personis, quem nosse & amare Vita æterna, & omne Bonum est: largire mihi Creaturarum tuarum rationalium minimo, cognitionem, amoremque tui, qualem potes, scis, & vis, quem cupio, & peto Toto me, Toto te, propter Te.
2. O IESV, lux vera, quæ illuminas omnem hominem in hunc Mundum venientem, & ad SS. Trinitatis deducis cognitionem: illumina & me: vt cognoscam Sanctissimam Trinitatem, vnum, verum, viuum, DEVM, cumq; amem in æternum.
3. Pretiosissima Parens DEI-Hominis: admirabile Tricliniũ, & ineffabile Complementum Beatissimæ Trinitatis: impetra cum omnibus amatoribus, & laudatoribus SS. Trinitatis, mihi cognitionem, ac fidem; amorem, & æstimationem; reuerentiam & adorationem; laudem & glorificationem; possessionem & fruitionem beatificam, Beatissimæ Trinitatis: tam huic præfenti, quam futuræ vitæ proportionatam.
4. Confiteor, amo, veneror, glorifico, laudo, Te Pater ingenerate, Fili vnigenite, Spiritus Sancte ab vtroq; procedens. Pater ab æterno te ipsum cognitione adæquans: mentisq; tuæ Filium generans, & in eodem tibi ineffabiliter complacens: Fili, ab æterno DEVS de DEO genite, consubstantialis Patri, Patrisq; amator, & glorificator: Spiritus Sancte, Patris, & Filij amor consubstantialis, vnus ab vtroque, vnus vtriusque, vnus amborum, nec tamē quasi duorum, sed quasi vnius.
5. Confiteor, amo, veneror, glorifico, laudo te, ô Essentia primopræma, carens principio, ex Te, & à te omnia, & totum, Ens

Ens à te solum, & fons aliorum omnium Entium. Naturans natura, creans, & conservans omnem Naturam. Principium Naturale Motûs, & quietis, operationis & propagationis, statûs & permanſionis. Vita vivens, Vita beata, Vita beatificans, Vita cui idem est Eſſe quod Vivere, idem Vivere quod Eſſe.

6. Confiteor, amo, veneror, glorifico, laudo te ô Pater lumen, ô fons gloriæ, ô ſecurus poſſeſſor beatitudinis, ipſaq; beatitudo: O Fili, lumen de lumine. Candor lucis æternæ, Splendor Paternæ gloriæ: O Spiritus Sancte, Patris, Filijq; clara Suavitas, ſuaviſq; clâritas: Patris, Filijq; amorosa, & delitioſa, & illuſtris ebrietas, deliciarumq; ſatietas.

7. Confiteor, amo, veneror, glorifico, laudo Te, ô Prima, ô Eſſentialis, ô Originalis, ô Indeficiens Charitas, Benignitas, Pietas. Charitas creans, benignitas ſervans, pietasq; gubernans omnia. Charitas præſens omnibus, benignitas operans in omnibus; pietas prouidens omnibus. Charitas ſollicita pro omnibus. benignitas indulgens omnibus, pietas intendens & ſeruicens omnibus.

8. Confiteor, amo, veneror, glorifico, laudo te; ô ſuperpotens omnipotentia, ô ſuperſapiens ſapientia, ô ſuperdulcis dulcedo. O artifex & conditor omnium Potestas. O idea, & Ars omnium Sapientia. O lac, & fomentum, & nutrix omnium Suauitas.

9. Confiteor, amo, veneror, glorifico, laudo Te, ô Pater, ex quo omnia. O Fili, per quem omnia. ô Spiritus Sancte, propter quem omnia. O Pater, ex cuius Eſſentiâ Filius & Spiritus Sanctus: ex cuius Potentiâ omnis Creatura: ex cuius Voluntate omnis Electio. O Fili, cuius ad inſtar & Exemplar omnia, per cuius Sapientiam ordinantur, & reguntur omnia. Cuius ductu Electi operantur, & Electis cooperantur omnia. O Spiritus Sancte, propter cuius amorem Pater & Filius facit omnia: conſervat omnia, glorificat omnia.

10. Con-

10. Confiteor, amo, veneror, glorifico, laudo Te, ô Pater, Fili, Spiritus Sancte: DEVS, vnus, viuus, verus: Principium omnia condens & regens, stabilitas omnia seruans, & mouens: æternitas præsentibus, præteritis, futurisq; præsens. Immensitas, & plenitudo replens omnia. Simplicitas infinitè varians omnia. Vnitas necens omnia. Finis ordiens omnia, terminans, & perficiens vniuersa.

11. Confiteor, amo, veneror, glorifico, laudo Te, ô Veritas, & ratio, & lex æterna, atque prima. O veracitas, falli, & fallere nescia. O sinceritas incapax doli, & mixturæ. O rectitudo immobilis, & inflexibilis. O iustitia, & æquitas iustitias iudicans, & tamen iudicium misericordiâ temperans.

12. Confiteor, amo, veneror, glorifico, laudo Te, ô Bonitas, bonitatis fons, bonitatis emanatio, bonitatis abyssus: Bona faciens omnia, benefaciens omnibus, bonos faciens omnes, bona excedens omnia. Voluptas, ybertas, repletio, satietas, saginatio, delectatio, dulcedo, amantitas omnium incomprehensa, infinita, omnibus infusa.

13. Confiteor, amo, veneror, glorifico, laudo te ô salus plena, salus secunda, salus beata, salus æterna. Sol, & fons, & redundatio saluificans, & omnia ad salutem ducens. Sanctitas, puritas, innocentia, integritas. Misericordia, longanimitas, patientia, sustinentia, liberalitas: miserationis & causam, & modum, & tempus ex te offerens, & quærens, & habens. Pater misericordiarum, & DEVS totius consolationis.

14. Confiteor, amo, veneror, glorifico, laudo te, ô Essentialis simplicitas, & simplex Essentialia, impermixta Natura. Expers potentia, actus purus, & primus, fons, & virtus omnis actionis: Forma formosissima, pulchritudo integra, Operatio sine mutatione operans, lassitudinem nesciens: Actio sine labore: quies absque otio: Otium beatum: Vnitas, & indiuisio: Insensibilis omnium sensus, Motus omnium absque motu: locus omnium absq;

absque situ. Capacitas omnium absque extensione. Mensura,
omnia indivisibiliter mensurans. Magnitudo sine quantitate.
Numerus omnia numerans, ipse innumerabilis. Pondus o-
mnium: ponderans, & ponderare: in suum finem faciens omnia,
ipse tamen carens pondere.

15. Confiteor, amo, veneror, glorifico, laudo te, ô Regula,
& Rector: Ordo, & series, Decor, & species, Vigor & robur,
Modus & status, Medium & finis, Initium & Clausula, Alpha &
Omega. Radix & fructus. Vita & virtus. Sapor & gustus. Lux &
splendor. Dator & Donum. Pax & gaudium. Præmiator & præ-
mium. Labor & Merces omnium,

16. Confiteor, amo, veneror, glorifico, laudo te, ô Altitudo
humilians, ô profundum erigens ô latitudo adarctans, ô longitu-
do atoma. O ignis consumens, ô lux lucens & latens, ô feruor
refrigerans, ô satietas esurire faciens, ô Ebrietas sitim inducens,
ô sitis inebrians, ô fames satians,

17. Confiteor, amo, veneror, glorifico, laudo te ô Maiestas,
ô dignitas, ô celsitudo, ô gloria, ô felicitas, ô Beatitudo, ô ater-
nitas, ô immensitas, ô incorruptio, ô Diuitiæ, ô Perfectio, ô
Laus, ô honor, ô Exaltatio, ô decus, ô Totum quod esse potest:
ô Nihil eorum, quod Creatura est: ô aliud & aliter, quam à Crea-
turâ cogitatur: ô Dives omni bono, ô Paupertas omni carens
malo & Nihilo, ô Ens Entium, ô Ens Essentiale, ô Essentialis
Entitas, ô Quies, ô Deus.

18. Confiteor, amo, veneror, glorifico, laudo te ô Deus. Sa-
pientia, Omnium Ars, Idea, & Artifex, Consiliarius, Illumina-
tor, reuelatio profundorum, Amor, & amans, Zelus, & Zelator,
Pax, & pacificus, & Princeps Pacis, Longanimis, Misericors,
Consolator, Protector, Iustus. Loquens, & Imperans iustitiam,
Rectus, Iudex, Ultor, Zelotes, Terribilis.

19. Confiteor, amo, veneror, glorifico, laudo te, ô Deus
Deorum, Deus super omnes Deos, qui nomen habes innomi-

nabilis, qui es omne Ens. qui es spiritus simplex, immortalis, perfectus, infinitus, immensus, immutabilis, æternus, inuisibilis, incomprehensus, ineffabilis, excedens omnia, immanens omnibus, cunctis interior quàm sunt ipsa sibi, Veritas, Veracitas, Fidelitas, Bonitas, Pulchritudo, Admirabilis, Vita.

20. Confiteor, amo, veneror, glorifico, laudo te, ô DEVS pijssime, beneficentissime, affabilissime, liberalis, magnifice, patiens, benigne, clemens, mitis, fortis. Suavis, Dulcis, Sanctus, Purus, Creator, Conseruator, Prouisor, Gubernator, Custos, Dominator.

21. Confiteor, amo, veneror, glorifico, laudo te, ô Domine exercituum, DEVS Sabbaoth. Rex Magne, sublimis, excelsæ, Ascensor, & Possessor Cæli, amabilis, desiderabilis, incogitabilis. Diues in omnes. Solus diuitiæ. Omnipotens, Legislato. Beate, Beatitudo, Saluator, Salus, Merces, Glorificator, Suscitorans ex mortuis, Primus, & Nouissimus, Finis finium omnium, Summum, Vltimum, Supremum Bonum, Bonitasq; completissima, & Essentialis.

22. Confiteor, amo, veneror, glorifico, laudo, Te, ô DEVS Vnitas, ô DEVS Trinitas. Pater ingenitus, à quo omnis paternitas, à quo omnia. Filius Verbum, Imago, Vnigenitus, Splendor, & Candor lucis æternæ. Speculum sine maculâ. Figura Paterna Substantiæ. Sapientia genita, æterna, increata. Virtus DEI, brachium DEI, per quem omnia. Spiritus Sanctus, Amor. Vinculum Patris & Filij: Donum. Sanctificatio. In quo omnia.

23. O Trinitas DEVS, qui es id, quod es: qui quod es à Te es: qui abyssus Essendies. Toto me confiteor, amo, veneror, glorifico, laudo, exalto, gaudeo, te esse qui es: te esse id quod es: propter te. Toto me, (quia verò id Nihil est, sicut totus nihil sum ideo) Toto te, volo tibi Te. volo tibi quidquid es. & gaudeo quia es quidquid es: & quia non es quidquid non es: gratias ago tibi, quia es quidquid es. & quia ex te ipso es. & quia hoc nulli, nisi ipsi, soli, vni tibi debes.

Erga SS. Trinit: Exercitium speciale.

51

24. O Trinitas Vnus Deus. Tu quidem Vnum & simplicissimum, purissimum, perfectissimumq; quiddam es: attramen quod est in Te tibi optimum, nempe; Temetipsum; tibi volo toto me: toto Te; propter Te.

25. O Trinitas vnus Deus, quidquid Cordis tui Voluntati præ omnibus placet, intra, vel extra Te, hoc totum Tibi volo; tibi gaudeo: tibi gratulor: toto me, Toto Te, propter Te.

26. O Trinitas Vnus Deus, Omnipotens, Dignissime, Misericors, maxime: quoniam potes, scis, & vis, sicut potes, scis, & vis; inflamma, purifica, posside, illustra, penetra, transforma me rotum Amore tuo: æternaliter, propter te. Ah! quando me tandem, ab omnibus separantibus à te, expedies? quando memoriã meam expurgatã ab omni imagine reddes? quando illam te ipso vno, & solo replebis, & in te plenè, atque inconcussè stabilies? quando te mihi, & me tibi, præsentem habebò iugiter? quando me suprã me eleuabis, & adtrahes ad te, & intrahes in te? quando securè, quietè, defecarè, purè, omniũ oblitus, & ab omni alio non Te, nudatus; te ipso plenus; à te possessus; in te absorptus; te, per te possidebo? & perfectè constanter, & inamissibiliter tenebo?

27. O Trinitas, Vnus, Dignissime, Omnipotens, Altissime, Laudabilissime Deus; sicut potes, scis, & vis, illucesce intellectui meo; & illumina illum: vt Nouerim me, & te. Me in te, te in me, & in Te, propter te. Ah! quandiu intellectus meus circa multa vagabitur, errabit, tenebitur? Ah! quando plenè purgatus, cognitione, & affectione hærebo apud te, & in Te? Ah! quando amoto velo speciei cuiusque, in lumine tuo videbo lumen gloriæ, lumen beatum, lumen superessentiale? quando reuelatã facie vultus mei, vultum tuum Domine requiram, acquiram, & speculabor, gloriam tuam, & cognoscam te: non iam ex parte, sed ex Toto, sicut & cognoscor abs Te? Ah! quando suspensus de te, deficiam à me, & transibo in Te, & in loco tabernaculi tui admirabilis reficiar in admiratione gloriæ tuæ? Ah!

G 2. quan-

quando sine cogitatione cogitabo? sine imagine intuebor, sine intellectu intelligam, sine affectu afficiar, & totus transradiabor, transfigurabor, transformabor, de claritate tuâ in claritatem tuam, tanquam à tuo spiritu, in tuum nihilominus Spiritum?

28. O Trinitas, Deus vnus, superdignissime, superoptime, superadorande, supermetuende, superlaudabilis, superamabilis, supergustabilis, super omnia: sicut potes, scis, & vis: quia potes, scis, & vis, dulcesce Affectui Amoris mei: & aufer a me illum totum: ac transfer in te illum totum: & inebria me affectu tuo: & recrea te affectu in te meo, vt amet te Charitas mea, amet me immensitas tua. vicemq; rependam, ego quidem tibi in mensurâ; tu autem mihi in immensitate. O quando ardescet pigrum frigus meum igne tuo? & transflammatum in te, paruus erit mihi omnis amor, quo Creatura quauis diligit te? O quando vitali Amoris tui morte moriar, & in igne tuo consumptus fauille-sciam, abiboq; in cineres dilectionis tui?

29. O Trinitas, Deus meus, Amabilis meus, & Amator amantium te, & inebriator amabilium, amatorum. O Ebrietas Sanctorum, quando inebriabis me torrente superferaphici ardoris: & ardebit tibi tota substantia mea, totis viribus suis clamans iugiter, in omni momento, in omni tempore, in omni aeternitate, Sanctus, Sanctus, Sanctus Deus: Deus Trinitas. Deus Vnitas. Deus Vna Trinitas. Deus Trina Vnitas, omnipotens, & gloriosus, & superexaltatus in sæcula. O Ignis, qui semper ardes, & nunquam extingueris! ô Amor, qui semper ferues, & nunquam tepescis. Accende me: accendar (inquam) a te, vt amem te totus, & ardeam te totus, propter Te, toto Te.

30. O Trinitas Deus, vnus in Trinitate, trinus in Vnitate, lucem inhabitans, & in tenebris latibulum habens. Originalis abyssus, & abyssalis origo Bonitatis. Pater gratiarum, & Amoris. Verus, Viuus, Vnus, solusque Deus, cui non apponetur alius ad eum: toto me, te adoro, te amo, te prædico, te glorifico, te su-

per-

perexal-
venero
sidero.
me tra-

31.
totus
Ens: t
Nihil
quo o
simp
non
atom
superg

32.
nem t
Mariar
mat, ex
simè, i
ficat n
tissim
simè,
fissim

33.
sumer
& luc
tue,
ca; b
dat, d
gaudi
cat vi

34.
lis Vn

Erga SS. Trinit: Exercitium speciale.

53

perexalto, te laudo, tibi gaudeo, tibi gratulor, tibi gratias ago, te veneror, te timeo, in te credo, abs te spero, in te confido, te desidero, te amplector, ad te anhele, te fringo, tibi supplico, tibi me trado, tibi me dono, tibi me debeo, tibi me dedico.

31. O Trinitas DEVS, totus abyssus omnium: totus omnia: totus totum: totus Esse nostrum: & nihil: totus Essentia: totus ENS. totus DEITAS. totus I'EVS totus pelagus DEITATIS. Nihilum Nihili, Nihil potentiâ, actu omnia: & omnitudo actualis. In quo omnia actu sunt, quæcunque in se esse possunt. Totum & simplex, & Vnum, & omne Esse. Hoc te esse, & ampliùs, quod non capimus te Esse: toto Te, toto me, toto Vniuerso, totis atomis Vniuersi vniuersalifatis: tibi gaudeo, atque gratulor: tibi supergaudeo: superque gratulor.

32. O Trinitas & Vnitas DEVS, DEVS ignitissime: omnitudinem tuam, omnitudo mea; omnitudine Vniuersi, Seraphicâ, Marianâ, Theandricâ, amat, adorat, benedicit, concupiscit, æstimat, exaltat, glorificat, honorat, intendit ignitissimè. incentissimè, intentissimè; laudat laudabilissimè, liberalissimè, magnificat magnificentissimè, optat optatissimè, reueretur reuerentissimè, sitit sitibundissimè, sapit saporatissimè, vult voluntarissimè, voluptuosissimè, vehementissimè, validissimè, zelat zelatissimè, tenet tenacissime, tenerimè, totalissimè.

33. O Trinitas & Vnitas DEVS. O Ignis Essentialis, Ignis consumens. Ignis substantialis. Ignis semetipso viuens, & ardens, & lucens, & omnia viuificans. Ignis ignitissime; Omnitudini tuæ, omnitudo mea. Vniuersa, Seraphica, Mariana, Theandrica; benedicit, concupiscit omnem concupiscibilitatem tuam: dat, donat, deuouet, dedicat sese deuotissimè; gratulatur, gaudet gaudiolissimè, gratias agit gratiosissimè, tradit totalissimè, vilificat vilificatissimè, veracissimè, validissimè, zelat zelantissimè.

34. O superaугулissima Trinitas, ô superincomprehensibilis Vnitas, ô superdesideranda, superque amanda Diuinitas; To-

Erga SS. Trinit: Exercitium Speciale.

to me, desidero nosse te, DEVM vnum, solum, verum, summum; Desidero nosse te, summum, omne, vltimum Bonum. Desidero amare te super omnia. Desidero omnia in te, propter te, & pro omnibus, te, atque super omnia, te amare. Desidero exaltare te, & laudare, & glorificare te super omnia. Desidero videre te, possidere te, frui te, gaudere te, requiescere in te. Desidero inhabitare te, & perire mihi in te. Desidero cognoscere, æstimare, facere, consummare omnem Voluntatem tuam. Desidero prædicare te omnibus, & ad te noscendum, colendum, amandum, habendum, adducere omnes. Desidero adorare, timere, venerari, colere te, cultu digno Te. Desidero credere, sperare, exaltare, te: conquiescere, in te, & in æternum regnare tecum propter Te.

35. O Essentia Trinitatis Vnitatisque abyssus, DEVS meus, aperiquæso abyssos amabilitatis tuæ: Charitatisq; æternæ: & me Atomum, demerge in eis: absorbe in eis: sepeli, obrue, & perde æternaliter in eis.

36. O DEVS in Trinitate Vnus, in Vnitate Trinus. Vnus Essentialiter, Trinus personaliter: Vtinam abyssus essem, totusq; verterer in abyssum amoris, & laudis, & gaudij, & exultationis, & jubilationis, & desiderij, & profusionis, & amplexus & possessionis, & gloriæ, & glorificationis, atque beatificationis, & superexultationis tui!

37. O Abyssalis Amabilitas DEVS, fac me, qui etiam atomus minor sum; fac inquam, me abyssum: Si non entitatis, at saltem Amatiuitatis & Amoris: saltem dilectionis & charitatis: vt absorbeam te amore, sicut & tu absorbes me charitate.

38. O immensitas DEVS, ô Vastitas, ô Essentialis charitas! O charitatis Essentia, & abyssale pelagus! O si, vel ad momentum transeam in te, absorbearq; à te! vt te DEO meo, quantus quantus es, in te; fruar, & satier; poter & inebrier; hauriar & obruar; amando, atque laudando: tenendo atque fruendo: & sic per in-

flans

flans a
narando
nando.

39
abyssali
descen

Te, to
nihil

tua: &
inuoc

super
meeff

to Nih
tuum,

Nihil n
sum. E

tamen

non an
felix, p

posse
amare

40.
obsecr

& pot

te, at

amem

Trinit

Charit

Amo
Te, pr


stans æternitatis semper manendo : semper ardendo : semper innatando : semper viuificè, & beatificè pereundo : atque perennando.

39. Sed enim non licet Domine minimitati meæ, amare te, abyssalis entitatis amore. Scio quid faciam : In Nihilum meum descendo, & in Nidulo Nihilitatis meæ abyssos inuenio. atque Te, totis abyssis, totis immensitatibus, totis infinitatibus, totis nihilitatibus nihili mei diligo. Amat te, DEVS, abyssalis Entitas tua : & amat eundem Te, abyssalis Nihilitas mea. abyssus abyssum inuocat, & prouocat : æmulatur, & adæquat ; nec altera alteram superat. Etenim non est in Te maior abyssus Entitatis, quàm in me est abyssus Nihilitatis. Amaris toto tuo Ente à te, amaris toto Nihilo meo à me. Et par est Amor. Neque ego Vinco amorem tuum, quia Ens non sum. neque tu vincis amorem meum, quia Nihil non es. Tu amas te eo, quod ego non sum : nec esse possum. Ego amo te eo, quod Tu non es, nec esse potes. In hoc tamen ego me vinci à te fateor : quia tu amas te, & non potes non amare te : ego autem si amo te ; non sine te amo te : & infelix, possum non amare Te. Et hæc est abyssus infelicitatis meæ, posse non amare Te. hæc est abyssus Nihilitatis meæ, posse non amare Te : quin & non posse amare Te, sine Te.

40. O Domine, per omnes abyssos Essentiæ, Deitatisque tuæ, obsecro : vt auferas à me, infelicem ; & impotentiam amandi, & potentiam non amandi te : & induas me felicissimâ actualitate, atque Necessitate amandite. O amem te Domine, amem te, amem, & amem, & super, superq; amem. O Amo te DEVS meus, Trinitas DEVS, Vnitas DEVS amo te Abyssus DEITATIS. Amo te Charitas DEVS : Bonitas DEVS : Dignitas DEVS : omnia DEVS. Amo te, amo, & amo, & amo te DEVS. Amo te toto me, toto Te, propter Te : DEVS, DEVS, DEVS, in omnia sæcula Æternitatis : per quæ fuisti, per quæ es, per quæ eris

DEVS.

EXER.



EXERCITIORVM PARS III.

ERGA

Diuinam Præsentiam.

EXERCITIUM I.

Decet Hominem semper DEI sui meminisse.

1. **C**Ogita DEVM tibi præsentem, semper, & vbique, per Essentiam suam, per Præsentiam, & perfectissimam tui intimorumque tuorum omnium cognitionem, & per Potentiam, siue ad omnium singularumque tuarum actionum cooperationem, perpetuamque tui, in tuo quocunque Esse, (naturali, & supernaturali) conseruationem; & per hoc tui semper in sua potestate contentionem.

2. Sine hac DEI ad te præsentia, impossibile est, te esse atque existere, vel per vnicum momentum; impossibile est etiam te vel tantillum corpore animæue commoueri, seu aliquid etiam tenuissimum agere, aut extra absolutum, omnimodumque Dominium DEI, vel ad momentum esse.

3. Huius DEI ad te præsentia, in DEO quidem fons est Immenfitas eius; tum Essentia, quâ necessariò vbique est; tum Sapientia, quâ necessariò omnia intuetur, ac nouit penitissimè; tum omnipotentia, quâ necessariò omnia operatur, & absque eius siue operatione, siue cooperatione fieri omnino Nihil potest, ne quidem ad momentum vnicum. In Homine verò (& in
omni

Exerc:

omni
sentia,
sentiali
comm
quema
omni
cesse e

4.

maui
vniue
tura
opus
mes n
sic nec
qui ma
ne me
esse in
sunt ve
esse, vi
habent
ipso, n

5. H

uis,) re
mini s
atque
Entita
ad op
tione
gnosce

6. E

DEVM
difficu

Exerc: I. Decet hominem semper DEI sui memin: presentis. 57

M omni aliâ qualicunque Creaturâ:) eiusdem Diuinæ ad ipsum Præsentia, fons est, Nihilum hominis: quod homo ex semetipso Essentialiter est: aliquid autem siue esse, siue agere, siue posse, siue commoueri, siue cogitare, penitus ex seipso non potest. sed quemadmodum ad primum suum Esse, atque existere, exigit vt omnino à DEO sit, ita & ad quodcunque aliud esse, aut agere, necesse est, vt pariter hoc sibi conferatur à DEO.

4. Vnde Paulus Apostolus disertè de omnibus Creaturis affirmavit: quia in DEO viuimus, mouemur, & sumus. Est quoque vniuersaliter verissimum de omni Creaturâ, deque omni Creaturæ actione, illud quod Christus Dominus, restrictiùs ad omne opus salutis asseruit. Manete in me, & Ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis: vos palmites: qui manet in me, & ego in eo, hic fert fructum multum: quia sine me nihil potestis facere; Hoc Christi Domini dictum, dico esse in omni sensû latitudine verissimum: quia omnes Creaturæ, sunt veluti palmites in DEO tanquam in vite, ex quâ omne suum esse, viuere, agere, & quouis modo fructificare in rerum naturâ habent: quia sine ipso, & nisi manserint in ipso, conseruatæ ab ipso, nihil possunt esse, nihil possunt facere.

5. Huiusmodi conditio cum sit Hominis, (& Creaturæ cuiusuis,) respectu DEI, manifestum est: necessum esse, vt & Deus homini semper adsit, imò & insit, per suam Essentiam, præsentiam, atque potentiam: & vicissim, vt homo semper Deo adsit, per Entitatem, à DEO illam accipiendo: per potentiam à DEO illam ad operandum quidlibet deriuando: per præsentiam, seu cognitionem, DEVM semper sibi, & sese quoque DEO præsentem cognoscendo: & meminendo.

6 Et de primis quidem duobus, nempe præsentia hominis ad DEVM, per Entitatis, atque Operationis ab eo deriuationem difficultas nulla est, cum hominem sine his, & esse, & agere im-

58 *Exerc: I. Decet homin: semper DEI sui memin: præsentis.*

possibile sit: sed de tertio; nempe de cognitione & memoria apud se DEI præsentia, magna, simulq; admodum homine indigna, DEOq; simul exosa, difficultas est. Magna dico difficultas: non quod reuera magna, & difficilis actio sit, DEI præsentis meminisse: sed quia hæc est misera, & infelix hominum conditio: quod in huiusmodi actione supra modum supinè sint negligentes, consequenterque ignorantes: perinde vt bruti pisces cum in mari uiuant, moueantur, & sint, se tamen ibi viuere, & moueri, & esse ignorant: sic homines licet quantiquanti sint ex DEO, & in DEO uiuant, moueantur, agant, & sint; id tamen ignorant, seu veriùs negligunt, contemnunt, & vsque adeo in DEVM ingrati sunt, vt etiam immemores penitus existant.

7. Aduerte igitur ô homo, aduerte, & medullitus expende, quàm decens, dignum, necessariumque sit; te cognoscere, cogitare ac meminisse, jugiter DEVM tibi præsentem: & te coram illo stare. Expende: quam indecens, quàm probrosum, quàm absurdum sit, vt tu (ô Homo) DEI vel ad momentum obliuiscaris: qui scis DEVM perpetuò tibi adesse, tuique meminisse, atque curam omnem tuigerere: & ita quidem gerere, vt hac tui memoriâ suâ, totum quidquid Es, habes, potes, speras, optas, operaris, tibi conferat: tu autem nihil ei memoriâ tuâ tribuas, sed solummodò tibi ipsi omnia naturæ & gratiæ, & gloriæ bona conquiras.

8. Age gratias DEO, & quia semper tibi præsens ipse est, & quia vult te esse suæ Præsentia memorem semper: Hæc enim memoria; est Animæ tuæ, totiq; tibi, veluti quidam perennis aquæductus, quo in te ex Diuinæ Bonitatis fonte, imò mari, redundant infinita bona. Inde enim manat in Animam tuam Fides viuua: Spes firma, Charitas æstuans, puritas integra, feruor semper increscens, deuotio dulcis, diligentia operandi infatigabilis, reuerentia DEI profunda, oratio, cumque DEO sermocinatio familiaris, refugium certum, requies indubitata & secunda: denique omnium virtutum, gratiarum, & perfectionum thesaurus: præter omnia Naturæ bona.

9. Pu.

Exerc

9.

gratitudi
in te id
vel no
negligi

10.

petua

non c

non a

temp

atque

tuus,

Dom

ple &

Dom

hi ne c

bus di

ipso pe

11.

est, nu

nunqu

bona,

tes eun

buas,

quan

disin

12

le; pe

atque

DE

Exerc: I. Decet homin: semper DEI sui memin: præsentiſ. 59

9. Pudeat te tuæ, ſiue Infirmiſſimæ, ſiue negligentia, ſiue ingratiſſimæ, ſiue malitiæ, ſiue ignorantia, atque cæcitatſ, quâ in te id probri fiat, vt DEVM tibi intimè, & aſſiduè præſentem vel non cognoſcas, vel non cogites, vel cogitare meminſſe que negligas, ac non poſſis.

10. Omni, atque infatigabili conatu labora: vt jugis, ac perpetua in te Diuinæ præſentiæ cogitatio, memoriaq; perſeueret: non cedat à Corde, non ab ore, non ab opere, non à memoriâ, non ab amore, non à deſiderio, non à veneratione, non à contemplatione, non à laude, non à reuerentiâ, non à fruitione, atque poſſeſſione, & à tenuione, atque ab intentione tuâ, DEVS tuus, & Memoria illius. Imple Daudicum Monitum: quærite Dominum, & confirmamini: quærite faciem eius ſemper. Imple & Exemplum eiufdem Prophetæ, dicentis de ſe: Prouidebam Dominum in conſpectu meo ſemper, quoniam à dextris eſt mihi ne commouear. Imple denique Thobia Monitum. Omnibus diebus vitæ tuæ in mente habeto DEVM: & conſilia tua in ipſo permaneant.

11. Pete à DEO: vt quemadmodum ille tibi nunquam non ad eſt, nunquam te non conſeruat, nunquam non tibi cooperatur, nunquam non facta tua reſpicit, & diſcutit, ſeu remuneraturus bona, ſeu caſtigaturus mala: ita tu quoque nunquam non cogites eum tibi præſentem, nunquam non ei omnia tua bona attribuas, nunquam non te totum eidem offeras, atque reddas, nunquam non omni opere, dicto, cogitatu, affectuque tuo, illi ſanctiſſimus, ac feruentiſſimus, appareas, & perſeueres.

12. Propone denique: cum DEI præſentiſ tibi auxilio, te vellet; perpetuam eius præſentiſ memoriam, in mente, & actione, atque affectione circumferre, & nunquam in hoc deſatigari.

P R A X I S.

DEVS, cuius immenſitatſ nullus eſt ſiniſ: & ideo vbique præſentſ,

60 *Exerc: II. Pericul: est homini DEI præsentis non meminisse,*
sens, ubique totus es, in quo etiam omnes & singuli viuimus,
mouemur, & sumus, sine quo etiam nihil facere possumus, & de-
um cuius est omne quidquid habemus; conforta quæsumus,
& adimple luce tuâ corda nostra: vt in Præsentiâ Maiestatis tuæ
semper incedere, semper esse, semper memoriam Tui, cum amo-
re, & reuerentiâ conseruare mereamur.

EXERCITIUM II.

Periculosum est homini, DEI præsentis non meminisse.

1. **C**OGITA DEVM tibi præsentem semper, & ubique, per Essen-
tiam, Præsentiâ, & Potentiam: ait enim: Cælum & ter-
ram ego impleo: quod si hæc; sine dubio etiam te.
2. Cogita, imò statue, tu quoque: te DEO præsentem totum
quantusquantus es, sicut enim pisciculus, vbicunque se verterit,
mare in quo est inuenit; Sic & tu, vbicunque es, in DEO es:
DEVM vbique inuenis, tibi amplius, quam te ipsum tibi, præs-
entem. Et pisciculus quidem è mari egredi, vel extrahi potest, te
autem extra DEVM vel egredi vel extrahi impossibile est.
3. Tunc solum extra DEVM egrederis, quando Præsentis tibi
DEI obliuisceris: atque sicut pisciculus ex aquâ extractus, perit,
& moritur: ita tu ex DEI præsentiâ per obliuionem tuam egres-
sus, necesse est vt subito pereas. Non est (ait Propheta) DEVS in
conspectu eius: (Hominis) inquinatæ sunt viæ illius in omni tem-
pore: & alius similiter Propheta dicit. Diuisum est Cor eorum:
(à DEO, & eius Præsentiæ memoriâ) nunc interibunt.
4. Est ergo extremè periculosum homini: non meminisse DEI
sibi præsentis, neque versari in eius conspectu. Nullâ enim ratio-
ne, vel citius, vel facilius, vel grauius, quicunque Homo prola-
bitur in peccata, vel in vicinam peccatis negligentiam, ac men-
tis cæcitatem, vel in tentationum laqueos, vel in derelictionem
à protectione Diuinâ: quam si memoriam DEI sibi præsentis, à
Corde, memoriâque suâ deponat.

s. Et-

Exerc. II. Pericul: est homini DEI præsenti non memin: 61

5. Et si verò Præsentiæ DEI memoria possit esse, tum explicito, & expresso memorandi, inque mente DEVM vt præsentem habendi actu; quo quis reuerâ, & reipsâ meminit DEI sibi præsenti; & coram eo, atque cum eo actu versatur, operaturque; tum implicita, & virtualis; vt sit, quando quis cum DEO, vel coram DEO, vel de DEO, vel propter DEVM aliquid agit boni; esto tunc de Præsente sibi DEO nihil cogitet, neque ad Præsentiâ eius, suam vel cogitationem, vel memoriam aduertat; & hæc implicita DEI memoria bona sit, nec DEO ingrata; cum etiam sic DEVS laudari possit, & in eius gratiam multa bona fieri valeant; tamen prior ille, explicitæ, & expressæ, actualisq; de Diuinâ apud nos Præsentiâ memoriæ modus, longè est DEI dignissimæ Præsentiæ congruentior: & DEO nobis Præsenti, nostraq; omnia penitissimè, familiarissimè, amicissimèq; insipienti, quin etiam nobiscum operanti, iucundior: & nobis ad omnem in Virtute, in DEI amore, & amicitia, in mentis puritate, in feruore deuotionis, in decursu perfectionis, vtilior, atque facundior: proinde etiam, & iste idem prior modus, habendus est quantum fieri potest, familiarior.

6. Per hunc enim actualis memoriæ Præsenti nobis DEI modum & vsum, admodum nutritur, & augetur in nobis Vnio, & familiaritas cum DEO. Amicitia item reuerentialis, & reuerentia amica, amorosaq; DEI: circumscriptio quoque, & attentio mentis, vt dignè incedat DEO, in omnibus vijs, seu operibus suis; Excitatio insuper efficacissima, atque perpetua, Cordis nostri, ad omnis perfectionis studium, ad placendi DEO amplius, & amplius, incessabilem conatum, ad Dignas DEO resolutiones animi faciendas, exequendasque, pro ipsius gloriâ, per opera heroica.

7. Dum enim Homo cogitat DEVM sibi præsentem, & se coram illo stare, fieri non potest, vt non alienissimus fiat, remotissimusq; ab omni non solum peccato, sed etiam ymbra peccati,

62 *Exerc: II. Pericul: est homini DEI præsentis non memin-*
ab imperfectione, à moru etiam prauo, & in tentationem decli-
nante; fieri etiam non potest, vt Homo DEVM præsentem habens
in memoriâ, non perstringatur eius Dignitatis æstimatione, eius
Bonitatis amore, eius Maieſtatis reuerentiâ, eius beneficentiæ
gratitudine, eius liberalitatis cupidine, eius vóluntatis subiectio-
ne, eius Cordis, cordialisque gustûs, per omnia, & quâm maxi-
mè explendi, nunquam satis explendo desiderio. Hæc autem,
& his similia, omnia sunt acerrimi, simulq; suauissimi, ac proinde
& efficacissimi stimuli: quibus benè se ad DEVM habens omnis
Anima, suprâ modum, mirificè subleuatur, sæcundatur, erigitur,
roboratur, animaturque ad agendum, versandumque cum DEO,
coram DEO, propter DEVM, in DEO, dignè DEO. His verò omni-
bus ferè destituitur, qui actualem memoriâ, præsentis sibi DEI,
non habet: quantumuis virtualem vtcunque habeat. Multò
verò magis omnibus his bonis caret, qui præsentis DEI memo-
riâ caret.

8. Age igitur ô Homo gratias DEO: qui & tibi semper Præsens
est, & te suæ præsentiæ semper memorem esse iubet: & qui te sui,
tam sæpè, tamq; diu immemorem, vel à graui lapsu, qui tibi in
procliui erat, conseruauit, vel grauius prolapsu, tamen non
destituit, sed benignè erexit: magis attendens quid suam Boni-
tatem tibi præsentem, quâm tuam malitiam sui non memorem
deceret.

9. Confundere, quod DEI (& ô quanti Boni!) obliuiscaris tam
sæpè, & quidem tam vilibus causis, siue occasionibus, ab eius
Præsentiæ memoriâ, iustissimâ, vtilissimâ, necessariâque summè,
abductus. Et qui omnium aliarum rerum, etiam meritò obliuisc-
endarum, es memor; DEI solius es immemor: cùm tamen pro-
bè scias, eius te sine grauiſſimo peccandi periculo, quin & ipsius
peccati reatu, obliuisci non posse.

10. Pete à DEO, vt nunquam te ita vllis rebus, curisue immer-
sum esse sinat, quominus illum tibi Præsentem esse cogites,
quod si

Exerc: II. Pericul: est homini DEI præsentis non memin: 63
quodsi quando secus euenierit, non sinat tamen ideo vias tuas in-
quinari, sed potius, vt cortuum, benigno ipsius instinctu, ad sese
reuocatum, te coram DEO præsente statuatur.

11. Denique, propone nunquam à corde memoriam præsentis
tibi DEI deponere: sed magis curare meminisse, & attendere;
quomodo, DEVS quidem tibi coram adsit vt Dominus, tu verò
coram illo sis, vt deuotissimus, & ad omne opus DEI velocissi-
mus seruulus.

P R A X I S

DEVS qui propter nos, in nobis, & nobiscum manere dele-
ctaris, & nos tum Præsentiâ, tum memoriâ tui viuificas,
quæsumus, libera Corda nostra, ab obliuione Præsentiæ tuæ, vt
tui semper Præsentis memoriam retinentes; nunquam ad pec-
candum, semper ad tibi placendum declinemus.

E X E R C I T I V M III.

*Pulcherrimi DEI præsentiæ memoria, facit nos quoque
Pulchros.*

1. **C**Ogita DEVM tibi præsentem, & te vicissim coram illo stare.
2. Huius DEI semper tibi præsentis, tanta est Maiesta-
tis & Perfectionis Pulchritudo: vt de illâ dictum sit; speciosior
est Sole: & super omnem dispositionem stellarum: luci quoque
comparata inuenitur prius. Et rursus: Oculi eius multò plus
lucidiores sunt super Solem, circumspicientes omnes vias homi-
num, & profundum abyssi, & hominum corda, in absconditis
partes.

3. Hic adeo præsens nobis & pulcher DEVS, omne quod pul-
chrum est, siue super Cælum, siue in Cælo, siue sub cælo condi-
dit, atque ornauit; neque sibi quidquam de suâ pulchritudine
detraxit. Quemadmodum Sol, qui à tot sæculis, lucem per hoc
vni-

64 Exerc: III. Pulherr: DEI præf: mem: facit nos pulchros.
vniuersum diffundit, nihil tamen hactenus de sui luminis abundantia deperdidit.

4. Hanc DEI pulchritudinem, quantò quis sæpius intuetur, tantò plus de eâ in sese deriuat, & pulchrior quoque efficitur. Quod huius solius pulchritudinis proprium est: aliæ namque pulchritudines id non habent.

5. Nimirum pulchritudines aliæ, Creatæ, ex Nihilo, & mortuæ sunt, atque ideo steriles: at Diuina Pulchritudo vitalis est, Creatrix est, nec potest nisi communicatrix esse sui: imò neque videri potest ab ullo, nisi ab eo, qui suæ communicationis capax sit, ideoq; idem illi est videri & communicari, ideo etiam quisquis eam intuetur pulchrescit: & quò quis penitiùs frequentiusq; in eam figit obrutus, eò plus pulchritudinis ad se attrahit.

6. Si quis curiosus est, hîc esto: hîc curiositas innocens est: sed Oculos Cordis exere. Nam solo corde hæc pulchritudo videtur: solum Cor hac pulchritudine pulchrius redditur. Hoc ergo emunda. Nam beati mundo Corde, quoniam ipsi DEVM videbunt. Videbunt, & pulchrescent; videbunt, & videndo non explebuntur: quia semper noua inuenitur, licet Nihil eâ antiquius sit.

7. Age gratias DEO: quòd tibi semper præsens esse velit: vt tu eius pulchritudinem, memoriâ, & mente intuens semper; tu quoque pulcher fias: habeasq; ad manum exemplar, cui te conformes, & cuius pulchritudinem mireris, appetas, laudes, imiteris, induas.

8. Confundere: quòd in conspectu tam Pulchri tibi præsentis DEI, tam fædus ipse sis, tam fæda patrare non erubescas, tam imperfecta, & scatentia nâuis bona ipsa tua, illo præsentem facere sustineas: illiq; offerre audeas: qui Nihil coinquinatum admittit: & seruari sibi vult corde mundo, atque perfecto.

9. Pete ab hoc DEO, vt Pulchritudine suâ oculos Animæ tuæ purificet: quò possis dignè speculator esse pulchritudinis eius.

Ne-

Exerc
Neque
tionem
liter def
auellere
deas, D
10.
bet, te
& sic
licet a
splend
Diuin
per pu
11.
tudini
vt dies
Cordis
12.
tas, Bo
tia, Ve
Pulch
æterna
omnis
O
Anim
Hæc
ciosit
milli
ergo
Et pu
dilige

Exerc. III. Pulcherr: DEI præs: mem: facit nos pulchros. 65

10. Propone constantissimè ita viuere, vt in opere tuo quolibet, te ad Pulchritudinem DEI quàm maximè possis, conformes: & sicut Viæ DEI, viæ pulchræ sunt, ita & semitæ tuæ (affectûs scilicet atque studia) sint mirabiles, sint desiderabiles, sint quasi lux splendens procedentes, atq; crescentes, vsq; ad perfectum diem, Diuinæ nimirum pulchritudinis, viarumq; illius similitudinem, per puritatis, atq; perfectionis eius imitationem.

II. Propone quoque familiarem tibi reddere Diuinæ pulchritudinis cogitationem, memoriam, contemplationem: nulla sit ut dies, nulla hora, (utinam & momentum nullum) quin oculos Cordis tui in eam defigas.

12. O quam pulchra enim est Essentia DEI, Trinitas atq; Vnitas, Bonitas, Charitas, Sapientia, Misericordia, Iustitia, Potentia, Veritas: & quidquid demum in DEO, imò DEVS est, totum Pulchritudo ipsissima est, quam videre Vita est, vita beata, vita æterna, vita, in quâ est omnis vita, & sine quâ nihil est, nulla est omnis vita.

P R A X I S.

P R A X I S.

O Pulchritudo antiqua semper, & noua semper, Deus: apprehende, & rape: tene & dulcesce: imple, & posside oculos Animæ meæ; & transforma illam in omnem similitudinem tuā. Hæc est enim Vita æterna, & omne bonum; pulchrescere à Speciositate tuā, & induere illam sibi, quā completissimo, tibi simillimo, atque etiam simul complacitissimo modo, &c. Nunc ergo Domine, qui pulcher es, & decorus, & omnia tibi coniuncta pulchra facis, & decora, infunde mihi pulchritudinem quam diligis in te, quam cupis in me.

EXER.

EXER-

66 *Exerc: IV. Mem: DEI nobis præs: vult & facit nos Sanctos.*

EXERCITIVM VI.

Memoria DEI nobis præsens, vult, & facit nos Sanctos.

1. **C**Ogita DEVM semper, & vbique tibi præsentem, & te quodque coram illo, cuius oculis omnia nuda sunt & aperta, nec est inuisibilis vlla Creatura, vllaue Creaturae conditio, aut operatio, in conspectu eius.

2. Ille est, qui dicit & imperat omnibus: Sancti eritis, quoniam & ego Sanctus sum: ille est: qui Abrahamo praecepit, & id ipsum simul omnibus seruis suis indixit: Abraham: ambula coram me; & esto perfectus. Tales nimirum vult esse suos Amicos, qualis ipse est: perfectos sicut ipse perfectus est, innocentes, sicut ipse innocens est, Sanctos sicut ipse Sanctus est. Sanctificabor (inquit) in eis, qui appropinquant mihi.

3. Propterea, etsi omnibus creaturis, potissimum tamen suis seruis, & iustis, adest semper præsens: tum vt semper paratum habeant in ipso refugium atque auxilium: tum vt semper intueatur omnes commotiones ipsorum, conuersionesq; cordium, & affectionum ipsorum: tum vt se illis in speculum, atque specimen, & regulam exhibeat perfectissimam, adquam quidquid operantur, operentur, exigantq;, tanquam ad normam, & libellam vniuersam vitam suam, quod factitasse praedicantur Zacharias, cum Elizabeth, de quibus affirmatur: Erant iusti ambo ante DEVM incedentes in omnibus mandatis, & justificationibus Domini, sine querela.

4. Vide ergo, o homo, quam sanctè, castè, feruenter, DEO tibi semper præsenti, debeas deservire, quam perfectè coram illo, quam sollicitè cum illo ambulare. Quandoquidem ideo tibi semper præsens est, spectans, & percensens acutissimè, simul & æquissimè, omnes vias tuas, omnes conatus tuos, quos in ipsius perfectum seruitium expendis, quibus & seipsum suamq; Sanctissimam Voluntatem, in Regulam, & ideam proponit: quibus,

fi

Exerc:
si eos t
ternaru
cationi
largitur
Sancti
fecta c
aut co
minu
ficetur
5.
adhar
ponit
sanctè
fection
omnia f
stusq;
cias, an
6. E
cùm se
omne
luri si
lius or
parum
buerit
intue
seruia
sequi
esse n
dicat
7.
coran
quã a
Sanct

Sanctos.
Sanctos.
te quo-
aperta,
itio, aut
uoniam
idipsum
ram me;
s, qualis
cur ipse
(inquit)
en suis
ratum
ntuea-
um, &
speci-
idquid
libel-
Zacha-
o ante
is Do-
, DEO
n illo,
o tibi
ul &
psius
San-
ibus,
II

Exerc. IV. Mem: DEI nobis pres: vult & facit nos Sanctos. 67

si eos tales, quales par est sedulo adhibes, copiosa gratiæ suæ, internarumq; consolationum, æternæ etiam beatitudinis, sanctificationis quoque & perfectionis eximiæ, præmia, & in præsentia largitur, & in futuro seruat. Quodsi in conspectu Maiestatis, & Sanctitatis eius exemplaris, negligentius te geris, & opera perfecta corameo non facis, & ignem non sanctuarij, sed fatuum, aut communem in sacrificium eius adhibere audes; seuerè, non minùs, quàm irremissibiliter castiget insipientiam tuam: sanctificeturq; in suâ iustitiâ, & in castigatione tuâ.

5. Gratias age DEO, quia per suam intimam Præsentiam tibi adhærendo, omnesq; gressus tuos exactissimè inspiciendo, imponit tibi necessitatem, proponitq; simul perfectam regulam, sanctè, & perfectè semper agendi: minutissimas quasque imperfectiones, & negligentias, dilationesq; damnosas, cuitandi: omnia feruentissimo, cumulatissimoq; cum Gratiæ merito, gustusq; Diuini explendi studio elaborandi, vt pote qui cuncta facias, ante serenissimos Dignissimi DEI oculos, cuncta cernentes.

6. Erubescere de tuâ somnolentiâ, inconstantiâ, temeritate, qui cum scias, DEVM ita die noctuq; super custodiam tuam vigilare, omnesq; commotiones tuas internas, & externas, annotare, veluti si totius reliquæ creaturæ oblitus, vnum te solum, tuq; solius omnia gesta consideret; tu tamen adeo nihil, vel admodum parum hac DEI super te Vigilantiâ commoueris: vt quidquid libuerit, etiam licere putes tibi: DEOq; præsentì, & vniuersa tua intuenti, non solum negligenter, verùm etiam fraudulenter inservias: miserrimamq; ac inquinatissimam in Diuino ipsius obsequio curam adhibeas: perinde, ac si vel DEVM esse, & tibi adesse non crederes; vel opera tua, ab eo videri, suoq; tempore iudicatum iri seuerissimè, non timeres.

7. Pete à DEO, vt etiam sicut Abrahæ, ita tibi dicat: Ambula coram me: & esto perfectus: detq; tibi gratiam suam magnam, quâ adiutus efficaciter, sollicitè ambules cum DEO tuo, & cum Sancto sanctus sis.

68 *Exerc. V. DEVS nobis præsens semper, adiuuat nos semper.*

8. Propone exactissimam cunctis in operibus diligentiam, feruentissimamq; ac in DEVM liberalissimam mentis curam: ita vt tibi obijci non possit: non video opera tua plena coram DEO meo: potius dies pleni inueniantur in te: & ex veritate attestantis conscientiae tuae, nec non Diuinæ, dicas DEO; In toto corde meo exquisiui te, vt non peccem tibi.

P R A X I S.

DEVS, cuius Natura Sanctitas, & cui cum Seraphinis omnis creatura clamat, Sanctus, Sanctus, Sanctus, Dominus DEVS Sabaoth, qui Creaturas tuas Sanctas, & vis, & facis, & amas; effunde super nos Sanctissimæ Præsentiae tuae lucem, sanctificationisq; Spiritum, vt per Sanctitatis tuae Præsentiam, vniuersus Vitæ nostræ famulatus, coram te in Sanctæ Perfectionis gratia procedat, tuæque Sanctitatis plenitudine semper coram te fulgeat, fulgendo crescat, crescendoq; perseueret.

E X E R C I T I V M V.

DEVS nobis præsens semper, adiuuat nos semper.

1. **C**onstitue te DEO præsentem, simulq; DEVM tibi: te quidem DEO, tanquam indigentissimum opis Diuinæ: DEVM autem tibi, tanquam adiutorem in opportunitatibus. Neq; enim alia de causâ, vel DEVS te, vel tu DEO præsentem indiges, nisi vt ille tibi opem in omnibus exhibeat: quoniam alius non est qui adiuuet; tu autem opem ab illo per singula momenta in omnibus vijs tuis, partim exposcas, partim expectes, partim accipias, & pro acceptâ illi gratias agas, eumq; glorifices.

2. Hoc est ipsiusmet Domini DEI nostri iudicium, ita per prophetam dicentis. Inuoca me in die tribulationis: eruum te: & honorificabis me. Et quia nulla est homini vlli horâ, nulla horæ particula sine tribulatione, sine tentatione, sine discrimine; Ten-

Exerc: V. DEVS nobis præs: semper, adiuuat nos semper. 69

ratio enim & Militia est vita hominis super terram; estq; homo natus ad laborem, sicut avis ad volatum; nulla etiam esse debet horæ, & vitæ portio, sine opis Diuinæ inuocatione, & emendicatione, & acceptione, & demùm pro eâ acceptâ sine gratiarum actione, atq; Dei adiutoris glorificatione.

3. DEVS ergo habet super te, ô homo, intentos oculos: vt te in hac miserâ vitâ, & præsertim in sui obsequij operibus, laborantem adiuuet, & confortet: hostem qui te conatur in negotio salutis impedire, & in exitum etiam æternum impellere, à te repellat: teq; in viâ quâ graderis ne aberres manuducat, ne labaris sustineat, vt lapsum erigat, languentem confortet, pugnantem adiuuet, victorem coronet: dummodo tu illum in his omnibus cogites, illi confidas, illum inuoces, & in eius adiutorio inhabites, & illum glorifices.

4. Age gratias DEO pro tantâ ipsius circa te, tuæq; Animæ salutem curâ: quâ perpetuò tibi præsens, & adstans, nec te ad vnicū momentum deserens: ad omne tibi salutare bonum te prouocet, & deducit per vias rectas: nec aliud quidquam exigit à te, nisi vt memor eius sis, semperque illum præsentem tibi cogites, inuoces illum semper; vnde & tenerrimè tibi blandiens dicit. Meuses tu: ne obliuiscaris mei.

5. O quæ tua ingratitude, homo! quâ tu Dei tui, nunquam tibi non assistentis, nunquam tibi non beneficientis, nunquam infirmitatem tuam non adiuuantis, per supinam incuriam, perq; summam iniuriam obliuisceris: & sæpenumerò ita liberè Præsentem ipsum, peccatis imperfectionibusq; offendis; quasi aut pessimè de te meritis ille sit, aut stultitijs nequitijsq; tuis delectetur, aut ita sit in se abiectus, & coram te vilis, vt dignus non sit cuius præsentix & personæ aliqua abs te ratio habeatur.

6. Postula à DEO, vt te sui reddat semper memorem, nec non pro suis in te beneficijs gratum, ac etiam in suo adiutorio fidentissimè habitantem, & conquiescentem: tum verò, vt te ita Mo-

70 *Exerc: V. DEVS nobis præs: semper, adiuuat nos semper.*
bilem, facilemque, & promptum indefessè, ad omne suum bene-
placitum explendum, ac insuper adeo alacrem, feruentemq; &
generosum in laboribus pro suâ gloriâ reddat, nullis vt humanis
respectibus, nullis vt difficultatibus, nullis (in vniuersum) ratio-
nibus creatis, ab eius Sanctissimâ Voluntate omnimodis adim-
plendâ præpediari vnquam. Sit tibi theatrum Mundus, Spe-
ctator autem DEVS: quis talem habens Spectatorem, ab homine
spectari, aut ab humano die iudicari desideret?

7. Firmissimè constitue DEI præsentis semper esse memor: &
illius Beneficiæ gratiâ tibi auxiliante, ad omne opus perfe-
ctissimè, feruentissimèq; semper consummandum te offer: ita
vt in plenitudine Cordis ante DEVM, incedas semper: nec vllam
habeas Creaturam, quæ te separare possit à Charitate Christi, à
solidarum virtutum exercitio, ab assiduâ tui mortificatione &
victoriâ, à studio obseruandi ad vnguem, & ad litteram ea omnia,
ad quæ vel lege obligaris, vel DEO gratissima esse cognoscis.

P R A X I S.

O Fortissime Protector, & paratissime Auxiliator, & in tri-
bulationibus Vnicus Adiutor DEVS noster, quæsumus ex-
tende super nos Brachij tui Virtutem: nosq; dignatione Præsen-
tiæ tuæ semper ab omnibus aduersitatibus protege: semper in
omnibus bonis confirma: vt Diuinâ tuâ Præsentia magnificè de-
lectati, atque roborati, per omnia Victores, ad Coronam Iustitiæ
à te recipiendam peruenire mereamur.

E X E R C I T I V M VI.

De Fructibus quos nobis profert Memoria Præsentia DEI.

1. **C**ogita DEVM tibi præsentem, & te illi vicissim: à quâ cogi-
tatione nullis quoad fieri potest, & ista fragilis vita permit-
tit, sinas te auocari in currentibus occasionibus, atq; suggestio-
nibus, etiam spiritualis cuiuspiam boni spem facientibus, aut spe-
ciem exhibentibus.

4
Exerc: VI. De fructibus quos nobis prof: mem: præs: DEI. 71

2. Libratis enim iuxta sua momenta, spiritualibus etiam exercitijs, ac doctrinis, & examinatis omnibus, quæ per nos exhiberi possunt DEO, in hac vitâ ministerijs, atq; in ministerio profectibus; vix vnum, vix vllum, par, maiusvè, isto de Diuinâ Præsentia exercitio, reperire, & assignare licebit. Id quod ex fructibus eius, vel in parte cognoscatur.

Primus Præsentia Diuinæ memoriæ, exercitijque circa illam fructus censendus est, ipsa DEI præsentia. quid enim maius vel intellectui, vel voluntati, vel toti Homini optabilius, nobiliusq; proponatur quàm DEVS, & quidem intimè præsens, DEVS? Hunc DEVM, non facit quidem absolutè præsentem nobis in nobis, memoria nostra; nam sine nostrâ memoratone, aut cogitatione, aut affectione, præsens est in nobis DEVS: facit tamen suo modo præsentem nobis, & in nobis DEVM, cogitatio, & cognitio nostra: quia vt salutariter nobis præsens DEVS sit, hoc facit cogitatio, atque cognitio nostra. Alioqui non plus nobis conferret eius Præsentia in nobis, quàm brutis, aut saxis proficit, eadem DEI præsentia in ipsis.

2. Fructus Præsentia DEI memoriæ, est ipsa memoria & cognitio DEI præsentis. Hæc est enim (ait Dominus IESVS) vita æterna, vt cognoscant te verum DEVM. Et ipse apud Prophetam Dominus. In hoc gloriatur, qui gloriatur: scire, & nosse me, quia ego sum Dominus.

3. Fructus, Præsentia DEI memoriæ, est Incentivum Amoris Diuini, paratum semper, atque veluti in promptuario reconditum. Sicut enim ex pharetrâ sagittas ad jaculandum, ita amoris Diuini jacula, ad cuibrandum ex memoriâ DEI præsentis, promerite facillimum est. Nam quis non amet DEVM, summum utique bonum, habens illum, & videns, sibi, & in se, propter omnia sua bona, Naturæ, Gratia, Gloriaq; æternæ impertienda præsentem?

4. Fructus, Desiderium DEI. Anima dicitur vivere desiderijs, sed si feratur in bona veram vitam conferentia. Tale bonum est
solus

72 *Exerc: VI. De fructibus quos nobis prof: mem: Præs: DEI.*
solus DEVS, & ex eo reliqua. DEVM ergo desiderare vita est Ani-
mæ. Atqui scire, & habere DEVM sibi præsentem, & facit, &
implet omne desiderium.

5. Fructus, Æstimatio, exaltatio, laus DEI. qui DEVM præsen-
tem sibi nouit, quid primum, quidue aliud agat non habet, nisi
vt inæstimabiliter æstimet, atq; super omne pretium appetiet
DEVM: & totus laudem, in laudemq; eius operetur, corde, ore,
manu, toto se.

6. Fructus memoriæ Præsentis DEI, pretium Hominis ipsius,
quis enim se DEO plenum sciens, contemnat se? Acceptus ho-
mo, (& omnis Creatura) sine DEO, non aliud quàm nihil est: at
DEO plenus, vnde contemnatur non habet: nisi fortè quantum
minùs de DEO habet: & vnde pretiosissimus sit, vtique ipsum
DEVM habet.

7. Fructus, Possessio, fruitioq; bonorum DEI, & gaudium de
illis, DEVS enim homini præsens, non nudus, neque vacuus inest,
sed omnia bona sua secum infert. Nec infert, vt tantùm ostendet:
sed vt ea homini elargiatur etiam vniuersa, si audeat homo dila-
tare se ad capiendum vniuersa. Quod si homo inops bonorum
DEI est, habens DEVM; ipse sibi imputet. Vsq; adeo diues est
Homo DEO, & eius Bonis, vt non possit ijs priuari, nisi se ipse
ijs priuet: quamuis & tunc illa habet in se, sed non sibi, nec vsui
suo habet.

8. Fructus, Assiduus DEI contritus. DEI, qui Pulchritudo,
qui Dulcedo, qui Serenitas, qui Suauitas est: & cum in quo est
talem facit. Nam DEVS nec videre quenquam, nec videri à quo-
quam potest, nisi cum sibi assimilet: quomodo lux, seu videat
seu videatur, illuminat.

9. Fructus, Regula, & Norma viuendi, agendiq; infallibilis,
& semper expedita, atque applicata. Ex præsentis enim DEI aspe-
ctu, quisque discit, & habet, quid agat, quomodo, quare agat,
discit agere propter DEVM, & instar DEI, discit ambulare cum
DEO,

Exerc. VI. De fruct: quos nobis prof: Praes: DEI. 73

DEO, coram DEO, in DEO, ex DEO: discit normam & mensuram omnis actionis, omnis desiderij, omnis pretij: discit gradum, ideamq; omnis Virtutis, & in Virtute perfectionis.

10. Fructus, Auxilium DEI ad omnia. Ex DEO namque cum procedant omnia tanquam ex fonte, quisquis DEVM habet; omnem & omnium fontem habet: omne auxilium, omne robur, omne leuamen, omnem stimulum, omne pretium, omne premium habet: & non fide, neque spe solâ, neque desiderio aut promisso solo, sed reipsâ, & vsu, suo proprio, in manibusq; suis, si modò scit, & vult, penitus habet. Inde est gloriatio Davidis, gloriatioisq; etiam causa. Prouidebam Dominum in conspectu meo semper: quoniam à dextris est mihi, ne commouear. Propter hoc lætatum est cor meum: & exultauit lingua mea, in super & caro mea requiescet in spe. Ita nulla portio hominis destituitur auxilio, quando DEVM in homine præsentem, non destituit hominis recordatio.

11. Fructus, Promptus, paratus, proximus, & in manu, ac planè intimus DEVS. Adquid enim semper præsens: nisi ut ubique sit in promptu? Audi homo DEVM contestantem tibi præsentiam promptitudinemq; suam: Ego Dominus DEVS tuus, apprehendens manum tuam, dicensq; tibi; Ne timeas: ego adiuui te. Noli timere vermis Iacob: ego auxiliatus sum tibi, dicit Dominus, & Redemptor tuus Sanctus Israel. Audi & iterum repetentem. Et erit, antequam clament, Ego exaudiam: adhuc illis loquentibus; Ego audiam. Orare vult aliquis? habet DEVM in semetipso quem oret. Consulere vult, opem vult, vitam, saninitatem, refugium, veniam, gratiam, indulgentiam, sapientiam, iustitiam, misericordiam, quidquid demum vult: cum omnibus his ad manum habet DEVM. Non enim longè est ab vnoquoque nostrum: (ait Paulus): in ipso enim viuimus, mouemur, & sumus. Eidem etiam cum Ieremiâ dicimus. Tu autem in nobis Domine: & nomen tuum inuocatum est super nos, ne derelin-
K
12. Fru-

74 *Exerc. VI. De fruct: quos nobis prof: Præs: DEI.*

12. Fructus, Vnio cum DEO, atque coniunctio, omnino ar-
cta & inseparabilis: non cogitabitur intimior, non arcta magis,
non est aqua intimior spongiæ, non ignis candenti ferro. non
lumen aëri, non anima corpori, quàm DEVS homini. Quod si
accedat Vnio DEI per gratiam, atque per beatificam gloriam,
summa, omnis, completa est. Et quænam felicitas huic compa-
rabitur felicitati: suam si homo felicitatem norit?

13. Fructus, Assiduus conuictus, conuersatio, familiaritas
cum DEO quid tam assiduum, quid uè tam familiare, quàm neq;
spirare sine DEO, neq. ictum oculi, nec motum digiti, nec men-
tis cogitatum facere posse, quin simul tecum faciat idipsum
DEVS? Neque tamen tecum ô homo, quando tu peccas, peccat
DEVS: sicut quando claudus claudicat, non tamen Anima eius
claudicat, quamuis sine Anima ille non claudicat.

14. Fructus, Transitus in affectiones, in mores, in Vitam ipsam
DEI. Sanè qui ex DEI Præsentiâ, seu ex Præsentis memoriâ vi-
uit, ille verè potest dicere; Viuo ego iam non ego, sed uiuit in
me DEVS. Vulgò dicitur: qui cum claudco ambulat, claudicare
discit: quia nimirum familiaribus mores familiarium adhære-
scunt: Cur non etiam: si quis cum DEO uiuit, viuere diuinè di-
scat? si quis familiariter cum DEO agat, cur non moribus eius
imbuatur, & insuescat? Hoc DEVS optabat euenire Abrahamo
amico suo: cùm ei præcepit: Ambula coram me, & esto perfe-
ctus: hoc fecit DEVS euenire amico item suo Enoch: qui ambu-
lauit cum DEO, & non apparuit: quia tulit illum DEVS: hoc etiam
accidit Amico DEI Moyfi: cuius facies radiante lumine cornuta
videbatur spectantibus, ex frequenti, & longo consortio sermo-
nis DEI.

15. Hi: & plures his sunt (de quibus Exercitio sequenti) fructus
exercitij, & memoriæ Præsentiæ DEI. Quos si hætenus non per-
cepisti, tuæ id deputa culpæ, siue ignauia, siue inconstantia, siue
ignorantia.

16. Eru-

Exerc: VI. De fruct: quos nobis prof: Præs: DEL. 75

16. Erubescere coram DEO propterea: atque dolo, quod per tuam culpam, tot, tantisq; fructibus priuatus inueniaris?

17. Propone deinceps resolutissimâ constantiâ, huic te Exercitio totum impendere: exercitiumq; hoc omnibus actionibus vitæ, internis, externisq; accommodare: ita vt nulla à te suscipiatur agaturuè, quæ non ex memoriâ Præsentia DEI, non ex mente, gustuq; eiusdem Præsentis profecta, & perfecta sit.

18. Ad extremum, pete à DEO: vt faciat te gustare suauissimos huius Exercitij fructus: vt (inquam) faciat te gustare: quoniam dulcis, & rectus, & suavis est Dominus his, qui adhærent illi, memoriâ, intellectu, voluntate: quoniam quicunque requirunt, & & reuerentur faciem eius semper, eorum corda viuent in sæculum sæculi.

P R A X I S.

O Scire, ô meminisse, ô Amare DEVM Præsentem! ô ex illius Amore, Dignitate, Honore, Voluntate, Normâ omnia semper agere! ô gustum cordis eius semper explorare! ô coram illo: ô cum illo ambulare! ô in ipso: ô ipsum esse!

E X E R C I T I V M VII.

De fructibus quos in nobis facit memoria Præsentia DEL.

1. **C**onstitu te coram DEO præsentem, vicissimq; coram te, imo in te DEVM intimè habitantem: Hanc tui constitutionem perface per recordationem, cogitationem seu contemplationem, & per affectionem quantum præuales ardentem, simulq; assiduam.

2. Ad hunc laborem (si tamen reuera labor, non potiùs requies est) animent te, tam multi, quam & magni fructus, quos tibi labor iste fecundissimè parturiet, dummodò ne ipse impedimentum opponas?

K 2

3. Est

76 *Exerc: VII. De fruct: quos in nobis facit Mem: Præs: DEI.*

3. Est enim memoria præsentiæ Diuinæ, exercitiumque Animæ circa illam, simile illi terræ bonæ, quæ Diuino semine suscepto, facit fructum, tricesimum in incipientibus, sexagesimum in proficientibus, centesimum, millesimum, & ampliorem etiam in perfectis.

4. Memoria Præsentiæ DEI, excitat peccatores ad penitentiam fructus dignos faciendos, ad perseverandum in eis, ad euellendas spinas peccatorum, ad tollenda saxa vitiorum, ad edomandas passionem, ad moderandos sensus, ad odium, & mortificationem sui, ad contemptum mundi, propter timorem DEI.

5. Memoria præsentiæ DEI, promouet iustos ad opera Virtutum, ad Misericordiam, ad Charitatem DEI, & proximi: ad imitationem Christi, ad amorem Crucis, ad dominium cupiditatum, ad frenationem desideriorum, ad studium placendi DEO, ad cultum conscientie, ad curam puritatis cordis, ad amorem celestis Patriæ, ad cupiditatem & conquisitionem meritorum, & Gratiæ.

6. Memoria Præsentiæ DEI, inflammat perfectos ad assiduitatem orandi, & cum DEO loquendi, conuersandi, familiariter agendi, ad contemplationem Maiestatis & Dignitatis eius, ad reuerentiam Charitatis eius, ad Zelum gloriæ eius, ad Unionem intimam cum Vnitate eius, ad transformationem in Voluntatem eius: ad imbibendam similitudinem eius, ad perdendum se in vitâ eius, ad sepeliendum se in beatitudine eius: ad perfruedum facie Vnitatis, atque Trinitatis, Essentiæq; illius.

7. Memoria Præsentiæ DEI, facit hominem impeccabilem suo modo: non minus singulari, quam efficaci: sicut enim in oculis parentum filij, in oculis moderatorum pueri, in manibus directorum, ipsi equorum, aliorumq; brutorum pulli, cohibent licentiam, dediscunt ferocitatem, induunt disciplinam: sic, atq; certe multo magis, in oculis Præsentis, atque omni reuerentiâ dignissimi DEI, facile omnis dediscitur petulantia: discitur moderate

Exerc: VII. De fruct: quos in nobis facit Mem: Pras: DEI. 77

destia : frenatur effrenatio : abijcitur cupiditatum præcipitatio :
omnis autem assumitur & custoditur disciplina. Idq; tantò effi-
caciùs, simul ac suaviùs, atq; constantius, quantò promptior est
DEVS (est autem promptissimus) ad confirmandum Gratia suæ
Auxilij, eos; qui seriò connituntur per omnia placere, cauent
in aliquo displicere Diuinis oculis eius.

8. Beatus Dorotheus, discipulum in spiritu suum Dositheum,
Adolescentem nuper in sæculo satis licentiosum, vnico memo-
riæ Præsents sibi DEI exercitio, non tantum omni morum exuit
licentiâ, sed etiam adeptione omnis Perfectionis, præcipuis or-
dinis sui Sanctis in cælo æquauit : & quidem tantum intra quin-
quennium vitæ religiosæ: idq; valetudine semper infirmâ vtentē.

9. Atque ideo hoc etiam est inter fructus memoriæ Præsents
DEI computandum: quòd isto Exercitio, & vix vllò similiter
alio, deueniatur facillimo, suauissimo, citatissimo ad omnem in
Virtute & Sanctitate perfectionem, consummationemq; cursu,
& gradu. Neque hoc cuiquam mirum aut incredibile esse debet :
sed potius debet esse omnino certum. Cætera enim Exercitia
spiritus, anfractibus quibusdam circumducunt animam religio-
sam, piâq; ad perfectionem : ad quam etiam, quia tardè du-
cunt, sæpè non deducunt : morte vitam breuem, viam verò lon-
gam abrumpente. At Exercitium memoriæ præsents DEI, feli-
ci, & simul facili, omninoque efficaci compendio, ab imo ad-
summum perfectionis, fundatè & solidè ducit, atq; deducit.

10. Vt enim si calefacere aut ignire velis massam ferri, quid-
quid alterius industriæ ad id adhibueris parum quidem in propo-
sito promouebis : at si ferrum igni grandi admoueris, seu inieci-
ris, inibi q; constanter tenueris ; ferrum quidem ferri naturam
non exuet, sed ignis naturam penè assumet : & omnia quæ natu-
ræ ignis sunt obtinebit : sic planè, si Virtute ac Sanctitate Animum
imbuere, varijs industrijs conatus fueris ; aliquid quidem fortè,
etsi tardè, & lento passu facies : at si Memoriam Præsents DEI,
con-

78 *Exerc: VII. De Fruct: quos in nobis facit Præs: DEI Mem:*
constanter, & instanter Animo tuo admoueris; omnibus Virtu-
tibus, hoc est, Diuinis ornamentis, sanctitatisque gradibus, tam
facile, quàm & citò, feracissimoq; prouentu, nec non & solido,
atque constanti, adimplebis. Neque enim mînds ad Diuinam
Præsentiâ pertinet, subiecta sua sibi assimilare, & quasi indiu-
nare, quàm est igni naturale, ea quæ sibi iniecta habet, ignire.

11. Memoria Præsentiæ Diuinæ, facit hominem imperturba-
bilem: atque ad omnia quæ vel in ipso, vel circa ipsum variè, &
quouis etiam turbato, confuso, tumultuario modo aguntur, im-
motum, ac veluti non sentientem: vel extrâ supraq; omnia ele-
uatum. Est enim Deus, & eius in homine, seu mente præsentia,
atque eiusdem Præsentiæ memoria adinstar Olei: Oleum enim
effusum nomen Domini, quod sæuas maris æstuationes sedat
superinfusum, & omnibus eius fluctibus supernatat: sic enim
etiam DEI præsentis memoria, menti humanæ immanens, quos-
cunque siue passionum ipsiusmet, siue circumuallantium cura-
rum, negotiorum, turbaturumq; tumultûs compescit, componit-
que, & calcari à mente sic facit, ac si esset (vti de facto est) & supra,
& valde remotè, procul extra omnia turbamenta: soli Deo in-
hærens, & tanquam petræ inuiolabili insitens, ideo de huius-
modi dicitur. Qui confidunt in Domino, sicut Mons Sion.

12. Hisce fructibus, diligenter, pro eorum magnitudine, atq;
dignitate æstimatis; Exardesce quam potes famelicissimo eorum
desiderio: eorumq; comparandorum quàm resolutissimo, & ob-
firmatissimo studio: tum quia sine eo haberi nihil potest eiusmo-
di bonorum Diuinorum: tum quia hæc bona adeo sunt singula-
ria, vt in eis conquirendis operæ pretium sit etiam plurimùm
conari.

13. Quia verò conatûs humani hîc possunt nihil, nisi adsit co-
piosa, & efficax Gratia DEI, quæ conatus nostros & excitet, &
adiuuet, & conseruet: istam diffidente, & desperante de te, deq;
viribus tuis, fiducia, & supplicatione, à Deo emendicare semper

Exerc: VII. De Fruct: quos in nobis facit Præs: DEI Mem: 79
in vñu habe: certus, quia Dominus dabit Spiritum suum bonum
petentibus se.

14. Admirare, tum profusam liberalitatem DEI, tam prodigè
Creaturis suis Præsentiam suam, fructusq; ipsius indulgentis:
tum supinam, inueteratamq; tuam negligentiam, vel ignoran-
tiam: quâ factum est, vt tu hucusque, vel penitus, vel magnâ ex
parte, tam pretiosis fructibus priuatus, tamq; simul grauib; ob
hanc priuationem damnis afflictus sis.

15. Exardesce, ad hæc damna reparanda, fructusq; hos conqui-
rendos: tantum insudare postmodum, ad eorum obtentionem
statuens; quantum & superiorum temporum negligentia da-
mnisq; doles: & ipsorum fructuum insignis raraque excellentia,
merito suo, & iudicio tuo exigit.

P R A X I S.

Domine Deus noster: qui Præsens habitare in nobis, pro tuâ
ineffabili Bonitate, non tantum eligis, sed etiam delectaris:
fructusq; huius Præsentia tuæ in nobis liberalissimè multiplicas:
da nobis copiosum gratia tuæ auxilium, vt per eius opitulatio-
nem, & tua Præsentia digni, & fructibus eiusdem Præsentia
tuæ pleni esse mereamur.



EXER.



EXERCITIORVM PARS IV.

ERGA

DEVM amandum & reuerendum.

EXERCITIUM I.

*De Necessitate, Æquitate, Vtilitate Amoris ac Reuerentia
erga DEVM.*

1. **S**Tatue te coram DEO, summo, immenso, infinito per hæc
Somnia, quæcunque benè cogitari possunt de ipso: te verò
vilissimum vermiculum, eius tamen opus manuum, illi per o-
mnia obligatissimum quàm condignissimè affici: quod vt præua-
leas; desidera, conare, postula, perfice.
2. Inter has Affectiones, quibus præcipuè Hominem (& o-
mnem Creaturam, Rationalem imprimis,) erga DEVM condignè
affici oportet; omnino, sunt duæ: nimirum Amor & Reuerentia.
Siue Amor reuerens, & Reuerentia amans DEVM.
3. Huius siue duplicis, siue vnius ex duabus conflatae Affectio-
nis erga DEVM, in omni Homine (& Creatura) est summa Neces-
sitas, summa æquitas, seu obligationis congruitas, summa utilitas.
4. Necessitas amandi & reuerendi DEVM tanta nobis incum-
bit hominibus; quantum incumbit necessariumque est cuilibet
nostrum, Hominem esse. Imò verò, magis, & longè quidem ma-
gis, incumbit nobis illud, quàm istud. Vt enim Homo sit, vel
existat, nihil cogit, neq; cogere potest: sed est totum hoc, solius
libe-

Exerc: I. De Neceſſ. Æquit: Vtilit: Amoris, &c. Ba

libera Voluntatis DEI Creatoris, quem ad Creationem alicuius Creaturæ, nulla ſimpliciter cogit Neceſſitas, niſi ſola eius Voluntas: at verò, vt Homo DEVM amet, ac reueretur; hoc exigit, atq; cogit, ipſa Hominis Eſſentia, & Exiſtentia: ita vt præſtet non eſſe Hominem, quàm non amari, & non reuereri, ab illo DEVM: quod Dominus IEſus aſſeruit de Iudâ proditore: quia melius erat ei ſi natus non fuiſſet.

5. Æquitas & congruitas, atque obligatio amandi à nobis, atq; reuerendi DEVM, tanta eſt; vt nullum ſit maius & ſtrictius obligans debitum, quo quidem poſſit Homo vel Creatura obſtringi DEO; quàm hoc; vt in Amore, & Honore atque Reuerentiâ ſit apud illam DEVS. ab omnibus alijs debitis eximi forſan poteſt: ſed ab onere, debitoq; amandi & reuerendi, ne quidem per abſolutam, omnemq; DEI ipſius potentiam, abſolui poteſt: niſi per ſolam hominis annihilationem: aliàs vt exiſtente in rebus hominem, DEVS, à ſui amandi, & reuerendi honorandiq; debito abſoluat, debet prius negare ſeipſum tam ſibi, quàm Homini: debet negare ſe eſſe id quod eſt: nempe DEVM: & ſummum, & perfectum Bonum: & debet Homini negare: eum à ſe eſſe, à ſe iugiter dependere, ſibiq; omnis ſui Eſſe debitorem eſſe: quæ omnia impoſſibilia, ac DEO repugnantia ſunt.

6. Vtilitas, ſimulq; Honeſtas, ac lucunditas amandi, & reuerendi, honorandiq; DEVM, hæc ipſa vna, prima, ſola, ſumma eſt: quia nihil vtilius, nihil dignius, honeſtius, delectabiliusq; agere poteſt Homo; (& quævis Creatura) quàm circa DEVM ſuum occupari, cum eo agere, cum eo eſſe, illi eſſe, illi affici. Hoc verò totum ſit non aliter, niſi amando, honorando, reuerendo illum, amanterq; ac reuerenter tractando cum illo. Omnia alia quæ cum DEO, vel circa DEVM, vel propter DEVM facimus, ſi non facimus amanter, & reuerenter; non tantùm vtilia, honeſtaue non ſunt, ſed potiùs inepta, inſipida, inhoneſta, inutilia ſunt: potiùs indigna homine, magisque etiam DEO; eidem iniurioſa, con-

82 *Exerc: I. De Neceſſ: Æquit: Vtilit: Amoris, &c.*

7. Atque hæc quæ dicta, licet paucis, ſunt; manifeſtè declarant, hominem, prout nihil connaturalius, æquius, honeſtius, vtiliusque agere, quàm cum DEVM amat, honorat, reueretur: ita contrà, nihil magis contra Naturam, & ſuam, & DEI, facere, nunquam iniquiorem, probroſiorem, damnoſiorem ſibi, ac etiam DEO eſſe, quàm dum DEO amorem, reuerentiam, honoremque; derogat, & quidpiam aliud magis quàm DEVM diligit, atque veneratur.

8. Inde eſt, & hoc ſibi vult magnum illud, ſummumque; in Legge DEI mandatum, in omnis Naturæ & Eſſentiæ Creaturæ (rationalis præcipuè) viſceribus, medullisque; ſculptum, & indelebiliter exaratum. Diliges Dominum DEVM tuum ex toto Corde tuo, & ex totâ Animâ tuâ, & ex totâ fortitudine tuâ, & ex totâ mente, tuâ, & ex tota virtute tuâ, & ex omnibus viribus tuis: eruntque verba hæc in Corde tuo: & narrabis ea filiis tuis, & meditaberis in eis, ſedens in domo tuâ, & ambulans in itinere, & dormiens, atque conſurgens: & ligabis ea quaſi ſignum in manu tuâ, eruntque & mouebuntur inter oculos tuos, ſcribesque, ea in limine, & oſtis domus tuæ. Quia adeo diligenti præcepti huius intimatiōne, declarare vtique DEVS voluit, & neceſſitatem, & æquitatem, & vtilitatem, honeſtatemque; iſtius affectionis, quam DEO Creaturæ omnes inprimis; homo debet.

9. Nec aliud ſibi vult illa Pauli, Paulo digniſſima Vox. Si linguis hominum loquar, & Angelorum, etſi habuero prophetiam & nouerim myſteria omnia, & omnem ſcientiam: & ſi habuero omnem fidem, ita vt montes transferam; & ſi diſtribuero in Cibos pauperum omnem ſubſtantiam meam; & ſi tradidero Corpus meum ita vt ardeam; Charitatem autem non habuero, nihil ſum: nihil mihi prodeſt: quæ dicta; pariter Reuerentiæ DEI competunt.

10. Nihil enim poteſt eſſe in Diuinis oculis pretioſum, & ad præ-

prami
more &
more a
merced

II.
notiſſi
quent
Hono
omni
exiſte
ment
Creda
ſeum
reum
reuer

D
Subſta
eſſem
te. In
Amo
quod
reuer
non
te, re
ribus
ſæcul

Exerc: I. De Necess: A. quit: Virilr: Amoris &c. 83

præmium conducens homini apud DEVM, nisi quod sit cum Amore & reuerentiâ DEI perfectum: & versa vice: quidquid Amore ac reuerentiâ DEI condideris, id acceptissimum DEO, id mercede dignissimum coram ipso.

11. Quare ex omnibus quæ homini debent esse certissima & notissima in intellectu, & commendatissima in Affectu, & frequentatissima in effectu: hæc sunt duo; Amare, & Reuereri, seu Honorare DEVM, ex omnibus, totisque viribus substantiæ suæ, omnibus quoque momentis (quantum hæc vita patitur) vitæ, & existentiae, & operationis suæ: vt credat pro certo, se eo momento non vixisse, quo DEVM non amauit, vel non honorauit. Credat etiam pro certo, omnem tam actionem quam passionem seu mutatione suam se planè perdidisse, & minimum, otiositatis reum esse, quam Diuino Amore, amoriuè, reuerentiâ item, & reuerentiæ, honoriq; non sacrauit.

P R A X I S.

Domine DEVS meus: tu cognouisti, atq; de Nihilo per tuam omnipotentem Bonitatem eduxisti, efformasti que omnem Substantiam meam. Tu creasti, & dedisti mihi totum me, vt essem tibi in seruum amantem, & reuerentem, honorantemq; te. Impressisti tanquam indelebile signaculum, debitum istud Amoris, ac Venerationis tui, vniuersæ substantiæ meæ. Inde est quod non viuo si non amo te: inde est quod mors mihi est non reuereri te: imò hoc mihi est omni morte prius, non amare, non reuereri te. Ergo Domine DEVS meus: diligo, & diligam te, reuereor, & reuerebor te, ex toto corde meo, ex omnibus viribus meis: ex omni substantiâ meâ: & nunc, & in æternum, & in sæculum sæculi.

EXERCITIVM II.

De Fontibus Amoris & Reuerentia DEI.

1. **S**Tatue te coram DEO, super omnia summa summo : super omnia Entia Essentialissimo : super omnia perfectissima perfectissimo : te verò super omnia contemptibilia contemptibilissimum.

2. Metire DEVM in excelsum sursum, te autem in profundum deorsum : ibi enim sunt inexhausti, atque planè abyssales fontes amandi, reuerendique DEVM super omnia : humiliandi & vilificandi teipsum infra omnia, factâ comparatione horum inter se per omnia.

3. Metiri seipsum Homo (& omnis Creatura) & potest, & debet modis duobus. Primò secundùm quod est ex ipso se : secundò secundùm quod est etiam ex DEO : Si homo se metitur secundùm quod ex semetipso est : videt se ex se Nihil merum esse, nihil posse, nihil habere, nihil agere, nihil mereri boni, quod vel tantillum bonum sit : sed purum suum, essentialique patrimonium esse, Nihilum, & ex Nihilo manantem, omnis generis defectum : & specialiter, omne peccatum : inde verò omnis supplicij reatum atq; debitum. Quare si rectè homo de se, Deusque, & quisquis alius de ipso iudicet ; iudicare debet se esse abyssalem quandam abyssum miseriæ, abiectionis, ac perditionis, & ruinæ in omne malum.

4. Si homo metitur seipsum secundùm quod ex DEO Creatore, conseruatore, benefactore est ; Est quidem Homo sic spectatus aliquid, & habet bona aliqua, & quidem quoad hominem magna satis, & eximia : omnia tamen humanis miserijs ex Nihilo eius emanantibus intimè permixta, fragilia, limitata, inquinata, amissibilia, aliena, hominem non tam ornantia, quam onerantia, debitoremq; inexsolubilem DEO constituentia : deniq; adeo
exi-

Exerc. II. De Fructibus Amoris, & Reuerentia DEI. 85

exilia, & minuta; vt DEO, eiusque summitati collata, sint planè nulla, & instar nihili: iuxta illud Prophetæ; Vniuersa Substantia mea tanquam nihilum ante te.

5. Hæc duo: Si in se permetiatur Homo, & si horum duorum ratione se DEO comparet homo; infinitum, immensum, abyssale quoddam Chaos, inter se & DEVM aduerteret homo: & DEVM quidem æstimandi amandi, exaltandi, honorandi, reuerendi, nullum finem, nullum modum inueniet: se verò ipsum contemnendi, conculcandi, exinaniendi, odiendi, nihilificandi, & DEO subdendi, de se diffidendi, se accusandi, & exercendi, nullum terminum, nullum limitem, reperiet.

6. Hic est ille Spiritus atque Sensus apud Isaiam, & apud Joannem, Seraphinorum, & Animalium Sanctorum, ante thronum DEI stantium, atque volantium, ora sua atque etiam pedes suos velantium, & sine requie nocturnâ diurnaque clamantium: Sanctus, Sanctus, Sanctus Dominus Omnipotens. Hic est etiam Spiritus Præciosissimæ DEI Matris MARIE, nihil aliud nisi Magnificentiam, Magnificationemque DEI, suum verò Ancillatum, & Humilitatem, seu Vilitatem, occinere scientis: quasi aliud nihil spirare sciret, ac posset, nisi summam DEI æstimationem ac reuerentiam, suam verò extremam Vilificationem, & Nihilificationem. Hic etiam est spiritus omnium DEI Sanctorum, qui coram DEO suo aliter ambulare nunquam sciuerunt, nisi hisce pedibus duobus: consideratione & confessione scilicet vilitatis suæ propriæ, Diuinæ autem summitatis & excellentiæ: & vtriusque inter se collatione: quâ institutâ, impossibile est non erumpere in Amorem cum Reuerentiâ DEI, & abiectionem despectionemque sui.

7. Sic ergo si metiatur se Homo, & comparet DEO; reperiet fontem, contemptum, & humiliationis sui coram DEO: & simul Appropriationis, amorisque, & Reuerentiæ DEI debitæ DEO. Ab hoc plenius elucescet ex mensurâ DEI facta (vt initio dictum) in excelsum sursum, cuius sit hæc initium aliquod, cætera in alijs Exercitijs erunt prosequenda.

86 *Exerc: II. De Fontibus Amoris, & Reuerentia DEI.*

8. DEVS ergo, etiā si reuera sicut est vna & simplicissima & infinita atque immensa sibi met ab ipso se Essentia: sic etiam vna, & simplicissima, & immensa, infinita; bonitas; & quæuis alia pariter perfectio; tamen duobus modis à nobis cogitari potest Bonus. Primò quidem sibi met ipsi; alio verò nobis Creaturis. Priore modo DEVS est ita sibi bonus, vt non possit non esse bonus, sed Naturā, & Essentiā suā est bonus, & infinite, interminatè; bonus, nec potest aut minùs, aut magis esse bonus, sed est omnimodò possibiliter bonus. Posteriore modo DEVS est bonus Voluntariè, ac liberè: siquidem ex purā Voluntatis suæ beneplacentiā, & creat nos, & conseruat, & omnia confert nobis: ita vt omnimomento, & omni instanti possit eadem omnia auferre nobis.

9. Priore modo impossibile est, vt DEVS bonus non sit sibi, ita pro vt defacto est, & est ab æterno, eritq; in æternum, omni necessitatione essentia suæ. Posteriore modo, possibile est DEVM bonum non esse nobis: quia & potuit, & fuit, & esse potest semper, nullā bonitatem suam communicans nobis. Et non potest quidem DEVS carere potestate benefaciendi nobis: quodcumque eius Voluntati placuerit: potest tamen carere tam affectu quam effectu benefaciendi nobis: sicut caret erga Creaturas possibiles quidem, at nunquam à se creandas.

10. Ex dictis cognosce: quòd propter vtramque suam bonitatem DEVS amabilis, & amandus; honorabilis, honorandusq; sit: & quòd sese DEVS propter vtramq; Bonitatem amet ac exaltet: quia prior dat illi ipsum se: & omnia quæ ille est, atque habet: posterior autem est emanatio prioris, non quidem in DEVM ipsū: nihil enim accedit DEO ex nostri Creatione, vel existentia, nisi quadam accidentalis gloria, quia videt cuncta quæ fecit esse valde bona.

11. Agnosce quoque ex dictis: quòd propter eandem vtramq; Bonitatem, amabilis & amandus sit, reuerendusq;, ac honorandus à nobis, tam necessariā (imò & magis) obligatione, quam ipsi

Exerc. II. De Fontibus Amoris & Reuerentia DEi. 87

ipsi sumus necessarij nobis. Nos enim nostro esse priuari possumus: at obligatione amandi reuerendique DEVM, stante nostro Esse, priuari non possumus.

12. Agnosce insuper ex dictis quòd etiam si DEVS defacto non esset (& per impossibile esse non posset) Creator, Conseruator, Gubernator, Dominus, Rex, Benefactor, Pater, Iudex, Remunerator, Saluator, & nullum omnino bonum nostrum: tamen DEVS, propter vnâ, solamq; Bonitatem quâ sibi desemetipso bonus est, & amatur, & amaretur, & reuera ab æterno a semetipso amatus est superessentiali dilectione: & à nobis quoque, si existereamus, & quoniam existimus, amandus, honorandusq; esset: atq; est omnino, super omnia, supremâ effusissimâq; dilectione charitatis. Propter suam enim immensam excellentiam, & infinitam infinitè perfectionem, atq; summitatem, dignus, & supersuperq; dignus est, omni Amore, omni honore, omni reuerentiâ, omni Cultu & veneratione, omni laude & exaltatione omni obedientiâ & subiectione. Quò enim quid est excellentius in se, & in bono; eò quoque dignius est, vt ab omnibus & agnoscatnr tale, & iuxta hoc deferatur ei totum hoc; quod eius excellentiæ dignitariq; competere ratione ipsâ magistrâ iudicatur. Hoc autem nullâ ratione, nullâq; affectione sit conuenientiùs, quàm Charitate, & Reuerentiâ, atq; appretiatione. Istis enim affectionibus præstamus, id est, volumus, optamus, gaudemus esse alicui quàm optimè, hoc est, esse illi eo modo, quo dignus est, vt ei sit. Nulla enim potest iustior reperiri ratio, ob quam alicui benè esse velimus, quàm hæc; quia dignus est, vt ei benè sit, benèque esse ei velimus.

13. Cùm ergo DEVS, sit, & ex semetipso sit, & ipsum Esse sit, & sit proinde summa Essentia: summa Existentia, summa Vita, summa Ratio, summa Salus, summa Iustitia, summa Sapientia, summa Potentia, summa Sanctitas, summa Veritas, summa Bonitas, summa Misericordia, summa Charitas, summa pulchritudo,

38 *Exerc: II. De Fontibus Amoris, & Reuerentia DEI.*

do, summa Dulcedo, summa Magnitudo, summa Simplicitas, summa Identitas, summa Incorruptibilitas, summa Immensitas, summa Immortalitas, summa Immutabilitas, summa Infinitudo, summa Virtus, summa Opulentia, summa Communicabilitas, summa Vnitas, summa Beatitudo, summa Æternitas, summa Omnia, summum Vnum, summa Omnis summitas, summa omnis Puritas, summa omnis Actualitas; hæc omnia, & infinities infinita alia, cum sit Essentialiter, identicè, & actu summo DEVS: euidenter sequitur, summum quoque, & infinities infinitè summam deberi illi, tam à semetipso, quàm à quocunque alio, Charitatem, æstimationem, reuerentiam, benevolentiam, exaltationem, honorem.

14. Sequitur quoque euidenter, DEVM ex semetipso talem, debere sibi, & quemuis alium debere illi, summum & infinities infinitè summum gaudium, exultationemque & congratulationem, de tantis eius, quæ est, quæq; sibi ex semetipso est, bonis, perfectionibus, & perfectionum plenitudinibus, atque essentialiter summis summitatibus.

15. Sequitur deniq;, DEVM, quoniam talis est, & id est, quod est, talisq; qualis est; debere sibi, & à quocunque alio deberi illi, summum, & infinitum desiderium, atque studium, impendendi, atque promptissimè, & totalissimè, semperque profundendi, omnes vires, omnes opes, omnem etiam Vitam, & omne Esse suum, ad DEI glorificationem, & exaltationem, ad omnis eius Perfectionis summitatem, atque summam plenitudinem manifestandam, prædicandam, honorandam, colendam. Idq;, etiam si DEVS, nihil esset vlli alteri, præterquam ipsi sibi, esset soli, ac vni, hoc, quod est; nempe DEVS.

16. Age igitur ô Homo: admetire altè, simul & profundè, tum quantus sit DEVS, tum quantus tu ad DEVM: tum quantus DEVS ad seipsum: tum quantus sit DEVS amator sui ipsius. tum quantus tu Amator, & Honorator eius; & cum in amore, & honore,
re-

Exerc: II. De fonte Amoris & Reuerentia DEI: 89

reuerentiâq; DEI æquaueris DEVM, tunc satis scias à te amari, & honorari DEVM: quod si iudicas esse (sicut reuera est) impossibile: ergo quantumcunque potes euiscera, & exhauri te, totum in amorem, & reuerentiâ DEI, & intelligas; quia semper superualebit adhuc: & non poteris vnquam, vix ad initiũ operis huius peruenire.

P R A X I S.

Domine: Hæc est lex filiorum Adæ, insculpta à te cordibus illorum: vt quantò quis abiectior in se, cum sublimiore aliquo excellentioreque congregitur, tantò illum honorificentius, reuerentiusque tractet, tantò plaris æstimet, atque appetiet. Nihil est mihi me vilius, imperfectius, abiectius. Nihil est rursùm, mihi, magis autem Tibi, Te nobilius, perfectius, excellentius: ideo hæc est lex mihi à te æternâ lege fixa, vt tibi tantò maioris reuerentiæ ac submissionis debitor, & exhibitor sim, in omni tam vitæ, quam operationis meæ momento; quantò tu summus magis, perfectus magis, suprâ omnem possibilem cogitatu excellentiam, excellens magis. Non attendo Domine nunc ad hoc, quòd sis omnia bona nostra nobis: & quòd absque tuâ inexhaustâ & gratuitâ bonitate nihil possit boni esse in nobis: sed hoc solum, & vnum præcipuè attendo: quia tibi es, tu solus, ex te solo, totum id quod es: omne bonum, omne perfectum, omne summum, quod summè, & supersummè es. Ideo Domine nihilominus omnis possibilis, & super possibilis, agnosco, & statuo me tibi debitorem esse Amoris, honoris, reuerentiæ, exaltationis, obsequij, & subiectionis, & laudis, & glorificationis. Et quia hoc quantumcunque est, ad tuam immensam summitatem, nihil est; & ipso nihilo abiectius est; propterea Domine, Te ipsum tibi, à te ipso, Te, amandum, exaltandumque remitto, ac resigno. Atque hunc Amorem tuum, quo tu amas te, ipso te, ego amo, & gaudeo, & gratulor Tibi: offero quoque & effundo in te, non solum tanquam tuum, sed etiam tanquam meum, te, vt sit meus, mihi indulgente illum. Amas enim Tu, Domine, amare te, non

90 *Exerc: II. De Reuer: DEI propter eius Dignitatem*
tantum pro te, sed etiam pro quocunq; Corde, amante, optante,
te, gaudente amare te, & amari te, ipso Te.

E X E R C I T I V M III.
De Reuerentiâ DEI propter eius Dignitatem.

1. **S**Tatue te coram DEO infinitæ Dignitatis & immensæ Maiestatis: ante cuius thronum millia millium assistunt, & decies centena millia ministrant Angelorum. Ministrant autem, cum summâ, & super, superq; summâ, tum dilectione, tum exultatione, tum reuerentiâ, tum submissione.
2. Quia enim faciem DEI semper vident, & gloriam Maiestatis eius assiduò limpidissimè contemplantur: & eius excellentiâ, supra omnia, etiam possibilia Creatâ, infinities excedere, vident; propterea ex sua quidem Creatâ conditione intra sese quasi extabescunt, & evanescent in Nihilum sui: ex Diuina verò super omnes dignitates cogitabiles digniore Dignitate, in immensam quandam deuoluuntur, absorbenturq; æstimationem, pretium, admirationem, venerationem, atque profundissimo horrore sacram reuerentiam.
3. Apprehende & tu, prout melius, metire prout excelcius, scrutare prout profundius præuales; DEI dignitatem: & ex eâ dimensione, condignam quantum potes elice, ac edisce, eiusdem reuerentiam: quam illi omnibus Vitæ momentis, omnibus actionum tuarum atomis, omnibus conatûs & capacitatis tuæ instantibus, exhibeas: vt, quantum ex te, ac per te, totum, & semper, quàm reuerentissimè, atque condignissimè exaltetur Dignissimus omni exaltatione, & reuerentiâ DEVS.
4. Affirmare de DEO; quod sit dignus, aut dignissimus, non admodum multum est: in veritate enim DEVS, neque omnino dignus, neque dignissimus, neque immensæ dignitatis est; sed est ipsa Essentialis, superessentialisque Dignitas: est Essentia Dignitatis, est meracissima, purissima, ipsissima, ipseq; DEVS dignitas: est

Exerc. III. De Reuer. DEI propter eius Dignitatem. 91

est alia, est altior, est à nullo Creato intellectu inuestigabilis Dignitas: est talis Dignitas, cui omnis à quocunque Creato, & possibili intellectu efficta, & assignata dignitas, non est ullomodo dignitas: sed indigna DEO vilitas, atque indignitas.

5. DEVS, sicut omnia quæ in se est, aut habet, idem ipse est: ita & Dignitas eius, ille ipse est: neque est aliquid ab ipso: si tamen nostro modo Diuina concipiendi cogitemus loquamurque de DEO, & eius Dignitate, Dignitas DEI omnium Attributorum Perfectionumque illius cogitanda, & dicenda erit Perfectissima, atque Excellentissima. Sicut enim ex luce & ex omnibus attributis eius splendor emicat, estque ex omnibus lucis bonis, vnus ipse lucidissimus. Ita ex vniuersis DEI excellentijs, tanquam splendor colligitur, resultatque Dignitas DEI. Et cum Excellentiarum DEI nullus sit finis, tam in numero, quam in perfectione illarum: nullus pariter erit finis, nullus modus, nulla mensura Dignitatis, Maiestatisque DEI, ex illa omnium Excellentiarum summitate resultantis.

6. Imò verò illud etiam de Diuinâ Dignitate rectè, atque merito affirmandum est: quòd Dignitas DEI, sit veluti basis, & radix vniuersorum DEI bonorum, tam quoad se, quam quoad excellentiam omnem illorum: illa etiam est, quæ à DEO remouet, repellitque omnem penitus imperfectionem.

7. Cur enim hoc vel illud agnoscimus & affirmamus de DEO perfectionis genus? Cur in ipso quoque perfectionis genere, infinities infinitam summitatem excellentiamque prædicamus? Nonne hæc vnica nobis est affirmandi ratio: quia hanc, & talem perfectionem, in tantâ excellentiæ immensitate, inesse dignum, non inesse indignum DEO est? Et rursus: cur hanc illam uè imperfectionem à DEO submouemus: nonne ideo solùm, quia illam inesse DEO indignum, abesse verò à DEO dignum est? Dignitas ergo est & Basis & Mensura immensissima omnis Perfectionis, & Excellentiæ in DEO: quæ proinde non potest abesse, & nonnisi summa inesse DEO.

92 *Exerc: III. De Reuer: DEI propter eius Dignitatem.*

Ergo DEVS etiam si totus sibi est inestimabiliter pretiosissimus: atque pretiosissimè inestimabilis: neque atomus DEI vilior est toto DEO: neque totus DEVS grandioris est pretij atomo suo: tamen si indagare & assignare volumus in DEO, aliquid quod ex DEO pretiosissimum est DEO: hoc erit, & esse debebit, Vna, & sola Dignitas DEI.

9. Quod si apud DEVM ea est Dignitatis eius conditio, quantò magis esse deber apud nos; (qui sumus omnes, vermiculi vnus per terram reptantis ad instar;) immensè abyssalis Diuinæ dignitatis reputatio, appretiatio, veneratio seu reuerentia? Si DEVS quidquid facit, primariò & principaliter, & absolutè & totaliter, ad suæ Dignitatis, Maiestatisque exaltationem, & glorificationem facit: & facit eo modo, eaque accuratione, quam in suâ Sapientiâ iudicat exaltandæ Dignitati suæ competentissimam: quid nos vilitates vilissimas, in Diuinæ Dignitatis reuerentiam, & honorem non oportet facere? imò, quid oportet non facere? quantum non, attentionis, & circumspectionis, & conatûs, & euiscerationis effundere, ad tractandum dignè DEVM: ad tractandum dignè Diuina: ad tractandum dignè cum DEO, dignè coram DEO?

10. Nihil attinet immorari in enarrando quomodo DEVS dignitatem suam honoret in omnium, & in singularum, in maximarum, & in minimarum rerum procreatione, & procuratione: quomodo gloriæ suæ exaltandæ non minùs attendit in Creatione puluisculi, quàm in Creatione Cæli: non minùs in creatione Culicis quàm in creatione Angeli: quomodo non minùs exactè laborauit Sapientia & Potentia DEI, in prouidendis omnibus necessarijs ad Esse & operari vni formicæ, quàm in exhibendis omnibus homini necessarijs ad Esse viuere, agereque hominis. Et hoc solùm propter magnam gloriam suam vbique exhibendam, & extollendam.

11. In hoc est super omnia attendendus DEI circa suam Dignitatem.

Exerc: III. De Reuer: DEI propter eius Dignitatem. 93

gnitatem sensus, atque Zelus, sanè plusquā admirabilis. 1. Quòd DEVS omnes bonas, & sibi placitas omnis Creaturæ operationes meriatur & æstimet, ex solius Dignitatis suæ in eis æstimatione. Si moueas digitum in DEI gloriā, & dignè DEO; æstimat hoc, acceptat, præmio cælestis gloriæ reputat dignum, rependitque DEVS: ædifices cælum, fundes terram, mortuum resuscites ad vitam, te ipsum morti exponas, si in hoc DEI dignitatis exaltationem non quæras; Nihil omnia sunt apud DEVM talia.

12. Ecce in omnibus peccatis Creaturæ, nihil displicet DEO, nisi vel neglectus, vel contemptus, aut quæuis iniuria Dignitatis Diuinæ. Ecce item in omnibus penitentia fructibus ac operibus, in omnibus omnium Virtutum, etiam ipsius Charitatis, Contritionis, Religionis actibus, nihil acceptum est DEO, nisi æstimatio, exaltatio, reparatio, dilectio, veneratio, reuerentiaq; Dignitatis Diuinæ. Summa causarum omnium ob quas DEVS homo factus est: ob quas aut egit, aut sustinuit, quidquid in mortali vitâ egit, aut sustinuit: non est alia, nisi reparatio condigna violatæ Dignitatis, ac Maiestatis Diuinæ. Summa item constitutæ Beatitudinis æternæ à DEO pro rationali Creaturâ non est alia, nisi exaltatio quàm condignissima DEI, eiusq; Dignitatis à Creaturâ. Summa æternorum in Inferno tam Damni, quàm sensus suppliciorum, non est alia, nisi audax, & indigna, & irreparata oblæsis, violatioque Dignitatis Diuinæ, per scelera, per inobedientiam, per irreuerentiam impiæ, ingrataque Creatæ Voluntatis. Summa denique causarum omnis indulgentiæ, remissionisq; omnium peccatorum, & peccatis debitorum suppliciorum, à DEO institutæ, est vna, sola, sincera, legitima (esto fuerit, vel solum momentanea) æstimatio ac reparatio, reuerentia, exaltatioq; Dignitatis Diuinæ.

13. Habent peccatores istius Veritatis clementissimæ obsidem ipsiusmet DEI sententiam: ait enim: Impietas impij non nocet ei, in quacunque die conuersus fuerit ab impietate suâ. Impie-

94 *Exerc: III. De Reuer: DEI propter eius Dignitate m.*
pietas autem hæc est: DEVM, & eius Voluntatem, dignitatemque
contemnere, & transgredi: Conuerti verò ab impietate, est læ-
sionem, & indignam tractationem Voluntatis, atque Dignitatis
Diuinæ, dolere, deflere, retractare: & dignis deinceps modis ha-
bere, amare, venerari, reuereri.

14. Si quid ergo circa DEVM congruè, & in bonitate sentire,
sapere, & agere volumus: hoc præ omnibus procuremus: vt
DEVM, eiusque Dignitatem, ardentissimâ, & super, superque summâ
appretiatione æstimemus, ac simul profundissimâ, intimissimâ,
summè summâ reuerentiâ, atque submissione in omnibus vitæ,
actionumque momentis, reuereamur, & prosequamur, omniaque
& digna, & dignè Domino DEO nostro, & cogitemus, & ame-
mus, & loquamur, & operamur.

P R A X I S.

DEVS, cuius celsitudo Dignitatis omnem excedit eminen-
tiam, quam tu solus & condignè possides, & amas, & hono-
ras, eandemque à nobis condignissimè tractari, & iubes, & gau-
des, & retribuis: huic Ego me totum deuoueo: eamque tam
meo, quam omnium Creaturarum nomine, in omni momento
Vitæ, existentiaque meæ, cordialiter, profundissimè, atque pro-
ut ex gratiâ potero abyssalissimè colere, amare, reuereri, deside-
ro, & simul æternali firmitate statuo. Tu Domine propter Amo-
rem tuum tuæ Dignitatis: imbue & adimple me reuerentiâ illius
tibi debita, mihi possibili, tibi placitâ, mihi desiderabili. Nolo
Domine, vllum, etiam momentaneum actum alicuius irreue-
rentiæ tuæ, in me vnquam reperiri: volo autem, & desidero, atque
statuo, in omni etiam instanti vitæ meæ, Reuerentiâ dignâ Te
colere, & venerari: Volo etiam omni possibili mihi, gratiosissi-
mo tibi modo, Reuerentiam, Cultum, Amorem, pretiumque
Dignitatis tuæ, semper, & ubique, & in omnibus Creaturis plan-
tare, propagare, confirmare, zelare, ad gustum Voluntatis tuæ,
ad

Exerc. IV. De Reuer: DEI propter eius Sanctitatem. 95
ad exaltationem immensissimæ, & inestimabilissimæ Dignitatis
ac Maiestatis tuæ.

EXERCITIUM IV.

De Reuerentiâ DEI propter eius Sanctitatem.

1. **S**Tatue te coram DEO immensæ, incomprehensæque Sanctitatis, atque puritatis: coram quo, tam omnia, quam te decet, seu necesse est, sanctum esse, sanctè agere, omni que puritate nitere: ac demùm reuerentissimè in omni tuo & motu, & actu, & affectu erga illum te habere.
2. Sanctis enim non tantum personis, sed etiam rebus debetur propriè reuerentia: adeo vt Deus præceperit de vasis suo cultui seruientibus. Lauamini, Mundi estote qui fertis vasa Domini. Vnde hoc magis incomparabiliter inesse debet omnibus cum DEO, Sanctorum Sanctissimo, tractantibus, atque versantibus. Nemo autem non tractat, nemo non versatur cum ipso (etiam nesciens, aut nolens) cum omnia sint eius sicut Deitate, ita & Sanctitate plenissima.
3. Sanctitas est ipsa Charitas. Charitas autem est affectio Sancta. Affectio vero sancta nulla esse potest, nisi adhæreat quàm maximè, ei, quod est Sanctissimum: scilicet DEO, eiusq; legi ac Rationi æternæ: quæ adhæsiō ad DEVM, eiusque Voluntatem, seu æternam legem, primamque rationem, cum maximè in DEO resideat, imò ipsemet identicè DEVS sit; DEVS enim seipsum sicuti summè nouit solus, sic etiam summè se amat solus: adhæretque sibi, semper, & per omnia solus. Propterea etiam ipse est Sanctus, ipse Sanctorum Sanctus, ipse immensa Sanctitas est.
4. Ille est fons Sanctitatis, & origo, ipse Regula, & Norma. Ipse dator, & auctor, & infusor sanctitatis: ipse idem finis omnis Sanctitatis, & sanctæ operationis: Nihil enim est Sanctum nisi quod illum respicit, quod ad illum ducit, quod illi inhæret amore,

96 *Exerc: IV. De Reuer: DEI propter eius Sanctitatem.*

re, subiectione, religione, æstimatione, similitudine, puritate.

5. In quo, quantò aliqua mens Creatà propior, & Charitate adiunctior DEO, eiusque Sanctitati similior est; tantò & Sanctior est: quantò autem quæpiam Anima ab eo disiunctior est, tantò & sanctitatis minùs, impuritatis plus habet. Nihil enim est purius DEO: proinde adiungi illi, purificari est: recedere autem & abesse ab illo, est à puritate abesse: & in impuris versari, volutarique. Quantò autem quæ inferiora, tanto & impuriora sunt, ideo in inferioribus hære inquinari est: lutum tangere, luto est maculari: & qui tangit picem, maculatur ab eà: & ad Carnem affici carnalis impuritas est. Ad superna autem, ad sublimia, ad Diuina affici, adhærere, adiungi; est trahere, & imbibere puritatem, atq; sanctitatem: quoniam puritas, & sanctitas, Caritas quoque & DEVS est.

6. Itaque quisquis Sanctus esse vult, purus etiam esse velit: quisquis purus esse vult: ardeat Charitate DEI: ardens Charitate DEI, necessariò & purus, & sanctus efficitur; quia fontali, & originali, & immensæ puritati, sanctitatiq; cohæret: & coniungitur. Et omnis qui habet hanc spem in eo, sanctificet se, sicut & ille sanctus est.

6. Propter hoc amatores huius mundi, nec sancti, nec puri esse possunt: quoniam quidquid in mundo est, aut est concupiscentia carnis, aut concupiscentia oculorum, aut superbia vitæ, & hæc est vniuersitas impuritatis. Contrà verò, amatores DEI, & Charitatis, atque Puritatis & Sanctitatis eius, carnem suam crucifigunt cum vitijs & concupiscentijs eius, mundus eis Crucifixus est, & ipsi mundo: omnia huius mundi lucra arbitrantur vt stercora: & nesciunt gloriari nisi in Cruce & Humilitate Christi: sic enim Christus eos edocet, dicens: Discite à me, quia mitis sum, & humilis Corde.

8. Ita ergo DEVS noster Sanctus, & ipsa substantialis Sanctitas est: & nos quoque Sanctos esse, coram se, à tuâ sanctitate vult, quia

Exerc: IV. De Reuer: DEI propter eius Sanctitatem. 97

quia & facit. Ita retrahit & extrahit nos ab omni inquinamento carnis, & mundi, & spiritus omnis nequam. Ita totum Mundum istum visibilem, multoque magis illum Inuisibilem, replet Sanctitate suâ: ita ut quod olim de vno templo DEI, hoc semper de isto Vniuerso creato dici potuit, & potest semper; Sanctum est templum tuum Domine, mirabile in æquitate: ut propter hoc, in omni loco, anguloq; Mundi sic deceat, sic inquam debeant homines conuersari, atque se, coram, & cum, & in DEO, ubique præsentem suâ sanctitate gerere, sicut in augustissimo quopiam templo.

9. Cum verò Anima cuiuslibet hominis, specialissimum sit Diuinitatis, diuinæque Sanctitatis templum: imagine Sanctissimæ Trinitatis exornatum, Sanguine autem Iesu Christi purificatione, & in maiorem, quam est huius totius Mundi, amplitudinem, capacitatemque, DEI Spiritu efformatum: augustiusq; factum, ac Diuino amori, cultui, venerationi, laudi consecratum: viderit quælibet Anima, tanto honore à DEO suo dignata, quanto vicissim illa honore & amore, & reuerentiâ DEVM inhabitatorem suum adeo Sanctum, colere, & prosequi, & exaltare debeat?

10. DEVS certè, sicut ipse Originalis, purissimaq; Sanctitas est in se, & ex se, ita etiam omnes, qui ad eam accedunt, (omnes autem accedunt) summâ puritate nitere, summâ sanctitate fulgere, summâ Charitate sibi adnecti: summâ cum reuerentiâ coram se, & secum versari, desiderat, iubet, atque gaudet. Quoniam Sanctitas, & Magnificencia, Puritas, & Reuerencia, Opus eius.

P R A X I S.

DEVS, qui Sanctitatis omnis Dominus, & autor & fons, & regula, & finis es, cui nihil placet non sanctum, nihil displicet Sanctum: & qui ad Sanctitatem, sanctificationemq; nostram, Vnigenitum Filium tuum, tuam scilicet Substantialem

98 *Exerc: V. De Reu: DEI propter eius Omnip: & Domi:*
 Sanctitatem, Humanitati nostræ Hypostaticè adglutinasti, in
 eodemq; nobis omnem Sanctitatis fontem perenniter constitui:
 sti: Huic ego tuæ inestimabili Sanctitudini, æternam laudem, &
 dilectionem, & adhesionem, & venerationem, & reuerentiam,
 pro me, & pro omni simul Creaturâ exhibeo: & exhibere æter-
 naliter volo, atque propono. Volo Domine, vt omne momen-
 tum vitæ meæ, omnis motus substantiæ meæ, aliud sit nihil, aliud
 spiret nihil, aliud sonet nihil: nisi Sanctus, Sanctus, Sanctus Do-
 minus DEVS Sabaoth: plena est omnis terra gloriâ tuâ. Tu Do-
 mine qui nos Sanctos esse vis: sicut & ipse Sanctus es, Sanctum
 in me opus omne inspira, vt cogitem: compelle vt faciam: suade
 vt diligam te: confirma me vt teneam te: custodi me, ne per-
 dam te. Duc me, vt perueniam ad te: da mihi te, vt possideam te,
 & in æternum perfruar te.

E X E R C I T I V M V.

*De Reuerentiâ DEI, propter eius Omnipotentiam, &
 Dominium.*

1. **S**Tatue te coram DEO, immentæ, omnipotentisq; Poten-
 tiæ, atque Dominij: cuius Voluntati, & potestati nemo
 potest resistere: cui subest cum voluerit omnia posse: & qui Do-
 minus Vniuersorum est: & cui non tantum rationalia, sed irra-
 tionalia etiam & inanimata: nec ista solum, sed etiam possibilia
 obediunt: & denique ipsum Nihil subijcitur: & iuxta Volunta-
 tem eius prodit ad Esse: & tamdiu durat, quamdiu ipse vult, &
 volendo facit illud esse.
2. Quomodo ergo & te, ô Homo: non oportet totum esse
 factum, totum fingi, totum subijci paratum, ad eandem Poten-
 tiam, Dominationemq; DEI?
3. Grande, ac planè intolerandum absurdum est, vt Nihil, &
 quod penitus non est, DEI tamen subsit potestati: & fiat hoc
 quod

Exerc. V. De Reu: DEI propter eius Omnip: & Dom: 99

quod Deus illud fieri iubet: Homo autem, ratione, & libertate præditus, & à Deo factus, dependensq; totus, non tamen sublit, nec subesse velit eiusdem Potentiæ, Voluntatiq; totus.

4. Quia Deus potens sit, ipsum Omnipotentia nomen indicat. Qui enim omnia dicit, nihil excludit. Ergo Deus omnia potest, & non est apud illum impossibile omne verbum. Omnia potest, etiam ex nihilo. Omnia potest solus, & absque auxiliatore. Omnia potest, sine vlllo labore, solo nutu, & voluntate suâ. Omnia potest, absque vllâ morâ temporis, in quocunque instanti. Omnia potest, non tantum semel, sed quoties, & quanto numero vult.

5. Itaque potest, tales Mundos, infinitos numero facere: potest etiam alios perfectiores isto, infinite infinitos creare: potest infinitos Angelos, Angelorumq; ordines, perfectiores, & perfectiores alijs alios producere. Potest infinitos Cælos, Soles, Sydera, Maria, Terras efficere: potest infinita Regna, Imperia, Vrbes, Arces, infinitos Auri, argenti, gemmarum, omniumque opum thesauros multiplicare. Potest (vno verbo) omnia possible: quæ Homines, aut Angeli concipere possunt, vel non possunt: coram DEI tamen Sapientia esse illa non repugnat, & Ars ideoq; illorum, in Mente DEI residet.

6. Potest etiam omnia Deus hoc modo: quia omnia etiamque possible sunt, ipsam hanc possibilitatem suam, à DEI potentia accipiunt. Omnia enim ex se nihil sunt, & ad summum solam non repugnantiam ad essendum productione Diuinâ habent: sed quod verè possible sunt, à DEI potentia tanquam radicali causâ habent.

7. Potest etiam omnia Deus hoc modo: quia & potest omnia in Esse conseruare: & sine hoc eius posse, nihil, ne quidem ad momentum durare potest: & omnia quocunque assignato momento, in nihilum primæum redigere potest: neque vllam remorâ habere ab vllâ re potest.

100 *Exerc: V. De Reu: DEI propter eius Omnip: & Dom:*

8. Hæc Omnipotentia DEI, facit DEVM Dominum omnium, Dominum summum, Dominum absolutum, Dominum solum, Dominum æternum, Dominum omnium locorum, temporum, sæculorum, personarum, rerum, iurium, legum, potestatum, proprietatum: Dominum ad Esse, & ad non esse: Dominum Vitæ & Mortis. Dominum reatus & meriti. Dominum supplicij & præmij: Dominum Indulgentiæ & Vindictæ: Dominum omnis vsûs, omnium rerum, ad quodcunque illi placet.

9. Inde armat omnem Creaturam contra insensatos, imperat ventis, & mari, & obediunt ei: armauit bonos Angelos contra Apostatas: induxit aquas immensi maris super eos qui in diluio perierunt: pluit sulphur & ignem super Pentapolim: quadraginta annis pluit Manna, cibum Angelorum hominibus. Immanibus plagis contriuit Ægyptum. Virgæ Moisis dedit virtutem faciendi prodigia in Mari rubro, producendi fluuios de petra: tubis sacerdotalibus, & voce populi euertit muros Ierichuntinos. Nihil attinet omnia (sunt enim innumera) ineffabilia opera potentiæ atque Dominationis Diuinæ recensere.

10. At ex his perparcè perstrictis, agnoscere debet omnis rationalis Creatura, & in specie Homo, qualiter de DEO Domino, suo sentire, qualiter illi affici debeat. Tanta DEI Dominatio atque Omnipotentia, facit hominem; DEI, absolutum & omnis conditionis seruum, subditumque: facit & iubet timere DEVM Dominum suum valde: facit in solius DEI adiutorio habitare confidenter: facit honorare, adorare, audire, reuereri DEVM Dominum suum valdè valdè: facit humiliari sub potenti manu DEI.

11. Facit denique, & iubet confiteri Domino. Domine, Rex, Omnipotens: in tuâ ditione cuncta sunt posita: & non est qui possit resistere voluntati tuæ, si decreueris saluare Israel. Tu fecisti cælum & terram, & quidquid cæli ambitu continetur: Dominus omnium Tu es.

Exerc: V. De Reu: DEI propter eius Omnip: & Dom: 101

12. Audite hæc Homines: audite sermones istos Domini DEI vestri. Ecce enim timorem suum docet vos: Dominus vester, & Sanctus Israël: Vos ergo non timebitis me, qui posui arenam terminos maris? ita vt nec arena tam mollis, & exigua, cedat tam vastæ moli ingruentis maris: nec tam furens æstus aquarum maris, audeat arenæ puluisculos transilire mollissimos, à DEI potentiâ sibi obiectos.

13. Et tu homo audebis stare, & contendere iudicio cum DEO? Homo, vide quæso, quis tu es, qui respondeas DEO? vide quis tu es, qui in iudicio contendas cum DEO? vide quis tu es, qui cum non possis respondere DEO vnum pro mille, præsumas te responsurum mille, pro vno.

14. Vilis vermicule: putide homuncio, canis mortue: audi: & totis membris, potentijsque edisce vocem Domini tui docentis, ac dicentis. Dico Vobis amicis meis: ne terreamini ab his qui occidunt corpus: & post hæc non ampliùs habent quid faciant. Ostendam vobis quem timeatis: timete eum, qui postquam occiderit: potestatem habet mittere in gehennam. Ita dico vobis, hunc time.

15. Qui legit intelligat: & qui habet aures audiendi audiat. Coram adeo Magno, coram adeo absoluto, coram adeo omnipotente, coram tam immensæ Potestatis Domino; audeat vilis vermiculus, fæda ranuncula, canis mortuus, abiectissimus homuncio, sese iactare, atque ostentare superbè, iniquè, propudiosè, stultè, irreuerenter, irreligiosè, blasphemè? Neque timet conspectum, neque veretur auditum, neque honorat præsentiam, nec reueretur Maiestatem Domini omnipotentis? Si ego, (ait hic Dominus) Si ego Pater, vbi est honor meus? & si ego Dominus, vbi est Timor meus? & iterum ait: Vos ergo non timebitis me: qui posui arenam terminos Maris? tam furiosæ & immanis vastitatis Elementum, mollissimâ arenâ circumdedi & & coërcui: & edixi illi, huc vsque procedes: & hinc confringes
tu-

102 *Exerc: V. De Reu: DEI propter eius Omnip: & Domi-*
rumentes fluctus tuos: Homulus autem vanitate & fragilitate
quauis fragilior, & vanus magis: audet crepare & obstrepere Vo-
luntatibus, & Mandatis Domini: aut faciem non reuereri O-
mnipotentis?

16. Et miramur manum furoris eius à nobis non auerti; à cu-
ius Vultu nunquam auferuntur iniquitates nostræ? Timete Do-
minum homines, mortales, fragiles, leui statu dissipandi: & da-
te illi honorem: quoniam DEVS, magnus Dominus: & Omni-
potens Nomen illi: à facie eius turbantur abyssi, respicit ter-
ram, & facit eam tremere: tangit montes & fumigant.

P R A X I S.

OMnipotens, tremende, adorande, æterne, Domine vniuer-
sorū, Domine Dominator, solus, & summus, & insupera-
bilis dominationis atque Maiestatis. Sub te curuantur qui por-
tant orbem: tibi vniuersa debent timorem, & seruitutem: tuam
cuncta sentiunt Voluntatem & Potestatem: etiam si non anima-
ta sed tamen subiecta sunt: te adorant & reuerentur omnia: quia
factor omnium es. Sola infelix Creatura rationalis, cui maximè
competit te Dominum agnoscere, & tibi libenter, gaudenterq;
seruire; & ecce à sæculo confregit iugum, rupit vincula, dixit,
non seruiam: denique, non noui Dominum: Non est DEVS,
Prò insaniam! quam ipsi lapides derident: & eam tamen ru-
tant ij etiam, qui linguâ confitentur se nosse DEVM, factis autem
negant. At ô Domine, tu es DEVS noster: ô DEVS, tu es Dominus
noster: te confitetur, te amat, te adorat, te reueretur, te exultat,
te timet, tibi curuatur & subditur tota substantia mea, tam pro
ipsâ se, quàm pro vniuersâ Creaturâ tuâ. Tibi Domino: tibi Re-
gi sæculorum, immortalis, inuisibili, omnipotenti, æterno, soli
DEO, honor, & gloria, à me, toto me: & à totâ Creaturâ tuâ;
in sæcula sæculorum.

EXER.

EXERCITIVM VI.

De Reuerentiâ DEI, quia Sapiens, Rex, Pater, Iudex.

1. **S**Statue te coram DEO Sapiente, Sapientissimo, Sapientiâ primâ, omnisciâ, summâ, quam nihil later, quæ scrutatur etiam profunda DEI, quæ considerat, & conspicit omnes vias hominum, & cordium ipsorum in absconditas partes.
2. Inter primas Sapientiæ consummatæ dotes, est hæc: vt cui illa inest, cum faciat omnibus venerandum, admirabilem, & honorandum: quomodo omnis terra cupiebat videre vultum Salomonis, & audire Sapiëntiam eius: & cum hoc fructu potita fuisset Regina Saba, non remanebat in eâ ultra spiritus.
3. Et quid est Sapiëntia Salomonis, aut omnium hominum, aut etiam omnium Angelorum, ad Sapiëntiam DEI, cuius Sapiëntiæ non est numerus? Quod est puluisculus vnus ad molem terræ: quod vmbra ad lucem solis, quod acies talpæ ad vniuersum Mundi lumen.
4. Ecce (ait Sapiens) cælum & cæli cælorum, abyssus, & vniuersa terra, & quæ in eis sunt: in conspectu DEI commouebuntur, montes simul, & colles, & fundamenta terræ, cum conspexerit illa DEVS, tremore concutientur. Domino enim DEO antequam crearentur, omnia sunt cognita: sic & post perfectum respicit omnia.
5. Si respicit omnia, & respicit penitissimè, & respicit Oculus ille tam magnus, quàm magnus est DEVS; & respicit tam intimè, quàm intimè ab infinitè penetrante acumine mentis Diuinæ; & respicit omni loco, omni tempore, omni circumstantiâ, omni latitudine: quàm reuerenter ergo nos cum eo, & coram eo, versari semper oportet: quàm cautas, quàm sanctas, quàm puras, quàm rectè constitutas, quàm per omnia DEO dignas esse decet, coram ipso nostras, omnes, & singulas actiones, commotiones, in-

104 *Exerc: VI. De Reu: DEI quia Sapiens, Rex, Pater, Iudex.*
intentiones, affectiones, intus, & extra, qui est scrutans, inuestigans, dilucidè contemplans corda, & renes: sine vllâ dubietate, sine perplexitate, sed cum plenâ, atque plenissimâ Veritate.

6. Iam verò DEVS est Rex, & omnium potestates, atque iura regnorum habens, omnemquē Principatum tenens. tam factorum, quam possibilium: tam visibilium, quàm inuisibilium, tam presentium, quam futurorum, tam materialium & corruptibilium, quàm immaterialium & incorruptibiliū; tam quæ sub cælo, quàm quæ super cælos sunt; tam rationalium & liberorum, quàm brutorum, & sensus expertium, tam naturalium, quàm supernaturalium. Rex Regum, Rex sæculorum, Rex omnium finium vniuersi.

7. In eius Regis Regno, potestate, seruitio, obsequio esse, viuere, morari, agere, ab eo conspici, & gubernari, ab eo dependere in omni momento; Nonne opus est talem, hoc est, omnem, & maximè rationalem Creaturam, ita agere, & stare, & morari, vt dignum, & æquum est, tanto Rege, tantique Principis Maiestate, autoritate, potentiâ, reuerentiâ. Exemplum sint Seraphim coram DEO, sic stantes vt volarent: sic volantes vt starent: sic ante conspectum, vt & faciem & pedes velarent: à laude, & proclamatione assiduâ, Sanctus, Sanctus, Sanctus, nunquam cessarent. Sic decet omnem Rationalem Creaturam adstare semper DEO, & Regi suo: vt nullus motus eius sit, nisi qui DEI Sanctitatem, & Regis Maiestatem spiret.

8. Ecce autem DEVS noster: Pater etiam noster est. Pater (inquam) nostrum omnium. Pater sumus. Pater piissimus. Pater per omnia, dans nobis esse, viuere, motum, inspirationem, durationem, sensum, intellectum, & voluntatem, disciplinam, & scientiam, legem quoque vitæ; corpori animam, Animæ gratiam, Gratiae beatitudinem æternam.

9. Iste est Pater noster, Pater spirituum, & vniuersæ carnis, Pater Misericordiarum, & DEVS totius consolationis. Pater ex quo

Exerc. VI. De Reu: DEI, quia Sapiens, Rex, Pater, Iudex. 105
quo omnis paternitas, & quæ in cælo, & quæ in terrâ, & quæ in ipso, & quæ in nobis est. Pater noster, faciens nos filios sibi fratres autem nobis: vniens nos admirabili vinculo pacis in idipsum, castigans etiam in Virgâ filiorum errores nostros, vt non excidamus ab eius hæreditate: Denique Pater noster est: omne Patris officium gerens, & complens circa nos: nec in vilo deficiens vsque ad nouissimum momentum æternæ salutis nostræ: omnem providentiam suam seruans super nos, ita manifestam; vt neque passerulum sinat absque suo nutu cadere in terram: vt etiam minuta quæuis terræ, aquarum, aeris, animalcula ipse pascit: vt etiam quodlibet fœnum agri ipse vestiat: quamlibet pluuiæ & roris guttam ipse descendere iubeat super terram. Denique ipse pluit super Iustos, pariter & super iniustos, facitque Solem suum oriri super bonos, & malos.

10. Iste ergo Pater noster, verè Patër, & verè DEVS; dicit omni Creaturæ: Si ego Pater: vbi est Amor meus? vbi est Honor meus? vbi est Timor meus? vbi est reuerentia, obsequium, & cultus meus? Itane? filios enutriui, & exaltaui: illi autem spreuerunt me, ablegârunt me, & calce abiecerunt mandata mea, dixerunt lapidi, & auro, carni & sanguini, ventri & gulæ, voluntati propriæ ac dæmonio, tu pater noster es?

11. Heu! ita est: quotidie hoc faciunt homines. Non agnoscunt Patrem, qui fecit eos, qui pascit eos, qui seruat, & extollit eos, qui corripit, & ad se attrahit eos: sed abeunt magis vagi post desideria sua, vnusquisque in viam cordis sui prauæ.

12. Et quousque sic, graui corde filij hominum? Tandem ergo filij amate Patrem: honorate eum qui fecit nos: date gloriam & reuerentiam ei: qui vos & genuit, & omnes pietates, ac voluntates misericordiasq; suas, mirificauit in vobis.

13. Præter hæc omnia, est etiam DEVS noster Iudex. Iudex iustus, & rectus. Iudex iustitias ipsas iudicans. Iudex finium terræ. Iudex excelsos iudicans. Iudex fortis, & patiens, & longa-

106 *Exerc: VI. De Reu: DEI, quia Sapiens, Rex, Pater, Iudex.*
nimis. Iudex iustum & impium, pusillum & magnum, pauperem & diuitem, humilem & superbum dijudicans. Iudex non in muneribus, neque in acceptione personarum, neque in timore vllius iudicans: sed omnes viæ eius Æquitas: & in Vniuersâ terrâ iudicia eius.

14. Est autem Domino DEO nostro Iudicium triplex. Vnum Vniuersale in fine mundi: cò quòd statuit diem in quo iudicaturus est orbem in æquitate. Alterum Particulare in fine Vitæ cuiusq; nostrum: in quo reposcet ab vnoquoque rationem omnium quæcunque gessit, etiam de omni verbo otioso: tunc vnus cuiusque opus ignis probabit in probationem auri, vel in combustionem stipulæ. Tertium est: Iudicium DEI quotidianum, & potius perpetuum: quòd DEVS cum vnus cuiusque corde, conscientiaq; exercet: scrutans, & arguens illum, & ponens faciem illius coram se semper: vigilans assiduò ad laudem, & benedictionem, retributionemque boni operis, ad reprehensionem verò, & pœnam mali.

15. In omnibus his, iudici DEO nostro, debemus nos, viles homines, timorem, & honorem, & gloriam, & reuerentiam: at maximè assiduam oportet nos dare eam illi, secundum postremum iudicium eius: quo assiduè vigilat super nos: gressus nostros dinumerans, & cogitatus attendens, atque discernens.

16. Istud iudicium DEI, & ita iudicem, iudicantemque DEVM, si quis non agnoscit: cæcus; si quis non reueretur; lapis: si quis non audit, aut non timet; effrons, & durus corde, ac insensatus est.

P R A X I S.

DEVS, cuius Sapientiæ infinitus est thesaurus, qui Rex Regum, iura omnium Regnorum in manu tuâ tenes: Es etiam Vniuersæ Creaturæ Pater: ac demum Iudex omnium, non tantum personarum, sed etiam actionum, cogitationumque inspector,

Exerc: VII De Reu: DEI propter Hominis vilit: Ec. 107
 Stor, discretor, remuneratorque iustus. Te tota substantia mea,
 talem & agnoscit: & confitetur, & veneratur, & reueretur. Quis
 enim tuam Sapientiam non admiretur? quis non magnificet
 Regnum tuum, & te Regem suum? quis Te Patrem non amet?
 non honoret? Quis iudicem te non vereatur, non veneretur?
 Quis ad Maiestatem tuam omnem, timore tremore, & reueren-
 tia non concutiat? O Domine! ô DEVS! Tibi omnis Amor,
 tibi omnis gloria, tibi omnis subiectio, tibi omnis benedictio,
 tibi omnis timor, & reuerentia à me, & ab omni me, cum tuâ
 Creaturâ, per sæcula, & in sæcula omnia.

EXERCITIUM VII.

*De Reuerentiâ DEI propter Hominis vilitatem, Virtutisq;
 præstantiam.*

1. **S**tatue te coram DEO Deorum, coram Domino Domino-
 rum; coram Rege Regum, coram summo Patre, coram
 supremo Iudice.

2. Et statue te Nihilum, te de Nihilo factum, & creatum, te
 seruum & mancipium, & iumentum creatoris: te vermem terræ
 vilissimum: te ad omnia, ex te infirmum, & insufficientem bo-
 na: te ad omnia mala in præceptis ruentem: te abiectione ipsa ab-
 iectionem: te stultissimum virorum: te damnationis æternæ
 reum: te DEO rebellem: te nequam & prodigum filium: te ser-
 uum pigrum, & malum: te operarium iniquitatis: te sponsam
 adulteram: te inferni pabulum, te cubile demoniorum: te
 peccatorum sentinam: te odium DEI.

3. Statue te coram DEO, immensæ Maiestatis, & Gloriæ Do-
 mino. Coram Sapientissimo, Omnipotentissimo, Immortali,
 Æterno, Altissimo. Statue te in Essentiâ, & Entitate tuâ, quia
 de nihilo; ideo vilissimum, in corpore fragilem, sædum, mise-
 rum, ex luto & fæce compactum, in Animâ corpori adstrictum

108 *Exerc: VII. De Reu: DEI propter Hominis vilitat: &c.*

ac immersum: eiusque seruum, in Intellectu cæcum, dubium, erroneum, stultum, in memoriâ fluxum, labilem, obliuiosum. In Voluntate malignum, puerum, ad bona tardum, ad mala præcipitem, & in eis obstinatum. In concupiscenciâ absurdum, effrenem, spurcum, ipsi tibi, & omni recto, honestoque repugnantem.

4. Statue te coram DEO, Sancto Sanctorum, Sanctissimo, Sanctitatis atque Puritatis Oceano. Cuius oculi, infinitè sunt mundiores super Solem, & super omnem Lucem: qui omnem auersatur iniquitatem, & ad malitiam respicere non potest. Cuius voluntas, iustitia est, lex est, vîta, & veritas est. In domo eius gloria, & beatitudinis diuitiæ: Dignitas & Magnificentia, & Sanctimonia in conspectu eius.

5. Coram hoc DEO statue te, meram, & puram, & inexhaustam, & immedicabilem impuritatem, indignitatem, vilitatem, inutilitatem, infirmitatem, ægitudinem, malitiam, malignitatem, ingratitude, odibilitatem, temeritatem, stultitiam, defluxum perennem in perditionem æternam, non solum quia Nihil es; verum etiam quia quidquid à DEO es, nihilominus, ex Nihilo es.

6. Statue te coram DEO fonte omnis Bonitatis, Miserationis, Liberalitatis, Munificentia, Charitatis, Opitulationis, Auxilij, Refugij, Clementia, Indulgentia, Venia, Protectionis, Salutis, Redemptionis, Reconciliationis, Gratia, Medicina, Beatitudinis, Gloria ac Vita æternæ.

7. Et statue te totum omni bono vacuum, omnisq; bonitatis indigum, & mendicum, Miserum, Nudum, Miserabilem, Perditum, Morbidum, Captiuum, Debitorem, Reum, Inexcusabilem, à solâ, & purâ DEI Miseratione, Charitate, atque Gratiâ, viam, & spem, & modum salutis habentem: de cætero iuxta nullam comparationis rationem, nisi iuxta vilificationem, & dejectionem, subiectionemq; DEO componendum: vt Creatura
Crea-

Exerc. VII. De Reu. DEI propter Hominis vilitat: Ec. 109

Creatori: vt vile mancipium, Domino: vt extrema subiectionis portio, DEI: vt iumentum Possessori: vt operarius Patrifamilias: vt ouicula Pastori: vt infirmus Medicò: vt debitor Creditori: vt Mendicus diuiti: vt reus Iudici: vt malus Filius Patri: vt discipulus discipulus Magistro: vt figmentum figulo: vt sponsa nequam, constanter amanti Nobili Sponso: denique vt per omnia inutilem, imparem, ingratum, indignum, miserum, Charitate, & Miseratione, insuperabili intusctoq; Deo.

8. Hæc attende in Deo Domino: & hæc in te postremorum postremo: & cum videas DEVM te nullatenus egere, te illi per omnia indignum, inutilemque: DEVM sine te esse: te sine Deo permanere non posse: ex te, Deo nihil bonæ frugis: in te, bona omnia ex DEI manu dimanare: indignum te, super quem oculos suos ponat Deus: te extra oculos Prouidentia DEI, nec ad momentum permanere posse: tandem ergo quæ sunt Officij tui erga DEVM partes addisce: tandem quæ te præditum esse oporteat in DEVM dilectione, pietate, submissione, obedientiâ, veneratione, reuerentiâ, æstimatione, religione, deuotione, gratitudine, obseruantia, timore, diligentia, cognosce: atque vt reipsa in his omnibus summus, & per omnia erga DEVM dignus existas; toto virium tuarum conatu satage, atque perface.

9. O homines, ô lutea vasa, ô ipsâ fragilitate fragiliores & vanitate vaniores, & vilitate viliores, & inutilitate inutiliores: discite: quàm dignè Deo, agere, coram Deo, atque cum Deo vos oporteat: discite: quantâ corporis demissione, quantâ mentis humilitate, quantâ Cordis veneratione, quantâ Animi reuerentiâ, in conspectu, & præsentia DEI, (extra quam nunquam estis, nunquam esse potestis, cui etiam plus quam ipsi Vitæ vestræ debetis) viuere vos, morari, versari, operari, stare, necesse sit?

10. O Reuerentia DEI! reuerentia debita Deo! quàm inexcussæ, ineluctabilisq; necessitatis es! ô quàm vix in aliquo vsu vix Creaturis es? Viuimus, mouemur, & sumus in Deo: moramur, agi-

no *Exerc: VII. De Reu: DEI propter Hominis vilit: &c.*
gimus, cuncta coram, & cum presente, cooperante, & omnem
nostrum motum mouente DEO: & quotus quisque actus noster
dignus, aut dignè DEO! Pròpudor! Loquitur Homo homini,
vermis vermi, par pari, & circumspicit qui loquitur, & se, & cui
loquitur: & attendit ad decorum suum, & alterius: & cauet, ne
quid inurbanè, ne quid ruditer, ne quid suà alteriusuè personā,
indignè, ne quid incomptè, ne quid præposterè, aut indecens
admittat. At verò agentibus nobis cum DEO, coram DEO, in
DEO, propter DEVM, presente, & iudice DEO: nihil nobis curæ
horum, quis agat, cum quo agat, coram quo agat, quid agat, quo-
modo agat? Er quid est quæso indignum, seu Creatore seu Crea-
turâ; si ita inconsultè, inconditè, irreuerenterq; cum Creatore
agere indecens & indignum non est?

11. Vnus defectus Reuerentiæ debitæ à nobis DEO, in agendo
cum DEO & coram DEO, causa est omnium sterilitatum: quas fi-
lij DEI, filij Ecclesiæ, & tota penè Ecclesia ordinariè perpetitur à
DEO. Petitis, petitis, & non accipitis, quia malè (ruditer, indi-
gnè, irreuerenter) petitis.

12. Nulla est religio religiosa, nulla pietas pia, nulla deuota
deuotio, nulla glorificans gloria, nullus honor honorans, nul-
lum opus bonum, bonum: nisi quod internâ & externâ, intimâ
& cordiali reuerentiâ conditum peragitur, & exhibetur DEO.

13. Omnia quæ faciunt homines, quamuis DEO faciunt, ta-
men ingrata DEO sunt, Angelis, Sanctisq; despecta: dæmonibus
ridicula, agentibus ipsis instructuosa fiunt, quæcunque absque
condignâ Reuerentiâ DEI fiunt.

14. Reuerentia DEI in agendo, collegium Virtutum & affe-
ctionum, DEO dignarum, debitarumq; a nobis, est.

15. Absentia Reuerentiæ DEI ab animo & ab actione, est
effectus, & signum, vel exulantis, vel languentis Fidei, Spei,
Charitatis, Timoris, Deuotionis, Religionis, & penitus omnis
erga DEVM dignæ affectionis. Quidquid offers, si absque dignâ
re-

Exerc. VII. De Reu: DEI propter Hominis vilit: Ec. III
reuerentiâ offers, non tantum non placet, non tantum non pla-
cat, verum etiam offendit.

16. Quid multa? ipsius celestis beatitudinis atque Vitæ, Co-
rona est, Reuerentiâ DEI summa, & summè DEO digna.

P R A X I S.

DA nobis Domine DEVS noster, intimam in cordibus nostris,
perpetuamque Reuerentiam tui: quia DEVS es, quia super
omnia Dignus, Dominus, Omnipotens, Sapiens, Rex, Pater,
Iudex: vt nos vilissimorum vilissimi: coram te, dignè te, cum
omni debirâ tibi reuerentiâ, tam in hac, quam in futurâ Vitâ,
coram te, dante Te, stare valeamus, consueſcamus,
gaudeamus.



EXER-



EXERCITIORVM PARS V.

ERGA

DEVM ex toto corde diligendum.

EXERCITIUM I.

DEVS Amandus est, quia per omnia Amabilis est.

1. **S**Tatue te coram Domino Deo tuo: cumque tibi Mandantem audi: Diliges Dominum DEVM tuum, ex toto corde tuo, ex tota mente tuâ, & ex totâ Animâ tuâ, & ex totâ fortitudine tuâ.
2. In hoc præcepto duo potissimum homini demonstrat DEVS. Vnum est, quantum sit Bonum, quantumq; pretium Amoris: summum nimirum, & supra quod in suo genere maius est nullum. Nisi enim tale esset: non iuberet DEVS illud sibi impendi: & præsertim, cum tantâ integritate impendi, vt nec minimam particulam sibi ex eo detrahi velit: sed omnino totum, integrumque velit, præcipiat, exigat; iniuriam suam & contemptum reputans, si quis vel minutum, vel ad instans vnum amoris sui, aliorsum conuertat, quàm ad ipsum, non propter ipsum: iam enim hoc esset, non ex toto corde, neque ex totâ Animâ, aut mente, aut fortitudine DEVM amare.
3. Alterum, quod demonstrat DEVS per hoc præceptum, est: quantum bonum sit DEVS, & quantum pretium eius. Summum nimirum, & ita summum, vt nullum ei sit adæquandum, multo-
que

Exerc:
que mi
homine
lum, ac
totâ m
DEVS b
bonum
ex tot
dine:
sa ac d
esse, a
num e
quid b

4.
summ
bat vt
esset D
nitudin
Corde
busq;
5. M
denter
dispen
da, off
illum,
exigit
ment
â Dec
idem
6.
sicut
conti
Amal

Exerc: I. DEVS amandus est, quia per omnia Amabilis est. 113
que minus preferendum. Vno verbo: tantum ac tale, quod ab homine (ac idem dic de omni Creaturâ rationali) vnum, ac solum, ac semper sit diligendum ex toto corde, ex totâ animâ, ex totâ mente, ex totis viribus; nempe super omnia. Nisi esset DEVS bonus, & super omnia bona bonus, & omnium bonorum bonum, & solum istiusmodi ac tale bonum; non deberet amari ex toto corde, & ex totâ animâ, totâque mente, ac totâ fortitudine: sed posset, imò & deberet, diuidi amor illius, sicut & diuisa ac diminuta esset bonitas illius. Nunc autem, absit ita DEVM esse, absit cogitare talem esse, in quo desit aliquid ad plenum Bonum esse, extra quem, & sine quo, aut supra quem contingat aliquid bonum esse.

4. Nemo bonus nisi solus DEVS: dixit ipse DEI Filius, idemq; summus in bonitate DEVS: qui cum sit æterna Sapientia; noscebat vtique, quantâ plenitudine Bonus, quantâ Bonitate plenus esset DEVS: tum consequenter, quantum ob hanc bonitatis plenitudinem amabilis, atque amandus esset DEVS: scilicet ex toto Corde, ex totâ Animâ, ex totâ mente, ex totâ fortitudine, omnibusq; Viribus.

5. Magna res est Amor: pretiosa res est Amor: cautè ac prudenter seruanda atque dispensanda res est Amor: quin imò neq; dispensanda, neque partienda res est Amor: sed integra seruanda, offerenda, impendenda DEO res est Amor. DEVS enim totum illum, suum esse; & sibi soli atque vni impensum esse; vult, iubet, exigit: & ingentes omni Amatori minatur misérias, si vel ad momentum, vel tantillum Amoris minutum, ad quempiam alium à DEO conuertat amandum, præter quam ad ipsum, vel (quod idem est) propter ipsum.

6. Amabilis enim est DEVS, & amabilis summè, & omnimodè: sicut est bonus & summè, & omnimodè. Absorbens in se, & continens intrâ se, imò & existens ipse omnimodum bonum. Amabilis est DEITAS? habet illam plenè & perfectè & essentialiter

114 *Exerc: I. DEVS amandus est, quia per omnia Amabilis est.*
DEVS. Amabilis est Substantia? habet illam plenè DEVS. Amabilis est Vita? habet illam plenè DEVS. Amabilis est Sapientia? habet illam plenè DEVS. Amabilis est Omnipotentia? habet illam plenè DEVS. Amabilis est Pulchritudo, Maestas, Iustitia, Misericordia, Sanctitas, Immensitas, Aternitas, Immortalitas, Dulcedo, Beatitudo, Veritas? omnia hæc habet, omnia hæc est, perfectissimè plenissimè, essentialissimè DEVS: ac propter hoc amabilis, & amandus est summè, & essentialissimè, vnus ac solus, æternaliterque DEVS.

8. Bonum & Amor, adamantino nexu sibi colligata sunt. Bonum est, quod amant & appetunt omnia. Amor est qui amat bona omnia. Bonum & Amor ita ad sese tendunt: vt Amor si bonum non amet, iniuriosus & iniquus in illud sit. Bonum quoque si se Amori non probet, id est, non communicet; indignum quoque Amore, & malum, aut inutile Amori sit. Ita est Amor appetens boni, vt non potest ferri nisi in bonum: idque siue in Verum, siue saltem putatum sit: Atque hic est cautela amoris necessaria permaxima: vt sciat quid boni amet, vt sciat reprobare fictum falsumque bonum, eligere autem & amplecti verum & sincerum Bonum. Fictum & falsum bonum est, omnis Creatura: nisi DEVS in illâ agnoscatur, & propter illum ametur. Verum, & sincerum bonum est DEVS: & quidquid in DEO, propter DEVM, secundum DEVM, & ex DEO est, atque vt tale amatur. Itaque nemo bonus nisi solus DEVS, & id in quo est DEVS, & quod ex DEO est. Nullus etiam est Amor, amoris nomine dignus, nisi qui DEVM solum super omnia, & cætera propter DEVM diligit omnia. Qui autem non diligit DEVM: aut diligit non DEVM, & propter non DEVM, hic non est Amor: sed est vesana, & praua cupiditas: est mera insania: quæ pretiosum balsamum in Paradysum & in Cor Diuinum conuertendum, diuertit in sterquilinum, in cloacam, & infernum. Facit autem hoc eo dispendio; quod & quantum est; amisso DEO, lucrari dæmonem: perditâ
sa-

Exerc: I. DEVS amandus est, quia per omnia Amabilis est. 115
salute, consequi perditionem; eiurata beatitudine, hereditare
maledictionem.

9. Ille autem Amor verus, & suo nomine dignus est qui ad
suum, ex quo emanat, reuertitur Principium: & qui ad suum,
ad quod semper debet tendere, pergit centrum. Principium
enim & centrum amoris DEVS est. Pondus meum, amor meus.
Centrum & locus meus, DEVS meus. illuc ferri debeo, quocun-
que amore tendo. Amore enim feror, quocunque feror: si mo-
do ad Principium meum feror. Principium enim Amoris boni
(& solus Amor bonus, solus amor DEI, verus amor est;) solus
DEVS est: sicut & solus DEVS principium, & fons, & esse, & cen-
trum, boni amandi est. Quamobrem, neque potest, neque de-
bet, alium Amor tendere nisi ad DEVM, aut propter DEVM:
quia nihil amabile, nihil amandum, possibile est Amori reperi-
re, nisi DEVM: & quod in se habet, repræsentatque DEVM.

10. Ergo Creatura, ergo homo, ergo Anima mea, recogno-
sce Amorem tuum: purga illum, dirige illum: & non sine ad vi-
litatem, malitiamque creaturarum decurrere: ibique inquinari,
& sordescere illum, teque simul propter illum: sed conuerte il-
lum ad puritatis fontem, ad quietis centrum, ad sanctitatis inte-
gritatisque principium, ad solidum & omne Bonum, ad omnis
Amabilitatis originalem plenitudinem. Vbi Amor tuus pro-
prium obtinebit sedem, infinitum nanciscetur pastum, immen-
sum possidebit Regnum, omnis boni bonum hereditabit DEVM.

11. Dole, & desle, & quantum vales impedi, infelicitatem, &
insaniam hominum, & omnium rationalium Creaturarum, quæ
pro eo, quod debuerant quodque debeant diligere Dominum
DEVM suum, ex toto corde suo, ex tota Anima sua, ex tota men-
te sua, ex totis viribus suis; prodigunt, & perdunt amorem
suum: & diligunt Mundum non mundi Conditorem: diligunt
Carnem, non spirituum Spiritum Sanctum DEVM: diligunt dæ-
monem DEI inimicum, non DEVM super omnia benedictum;

116 *Exerc: I. DEVS amandus est, quia per omnia Amabilis est.*
diligunt maledictionem pessimam, pro benedictione æternâ.

12. O homines! quos DEVS ad amandum se, ad perennandum
secum, ad fruendum omni bono suo, id est, semetipso, fecit:
quid peccauit in vos hic amator vestri DEVS: quia ex proposito,
ex destinato, ex conspiratione veluti communi, & publico vna-
nimiquè consensu toti, & omnes, conuersi estis, cum vestro
amore in prauum, ad consecretandum omne id; quod nostis DEO
exosum: ad DEVM vestrum ex toto corde, ex totâ Animâ, ex totâ
mente, ex totâ fortitudine vestrâ negligendum, odiendum, con-
temnendum?

13. Hæccine reddis Domino DEO tuo, popule stulte, & insi-
piens: qui fecit te, qui creauit te, qui redemit te, qui possedit, &
possidere in æternum, propter bonum tuum, (neque enim pro-
pter suum) concupiscit te, quærit te, expectat te, & conuerti te
desiderat ad se?

P R A X I S

O Amabilis: ô Amande: ô superamabilis: ô super, superque
solus atque VNus amande DEVS: qui pro omni bonitate tuâ,
quæ est ipse Tu, & pro omnibus bonis tuis, quæ fecisti, nos &
accipere, & habere à te; non aliud exigis, non aliud expectas,
non aliud desideras, quàm vt diligamus te, ex toto Corde, ex to-
tâ Animâ, ex totâ mente, ex totâ fortitudine nostrâ. Prô: quàm
tenuis, & exilis res est apud nos amor noster! quem tamen tu
DEVS, sapiens non minùs, quàm bonus, vnum & solum exigis,
atque imperas nobis, pro vniuersis bonis, quæ partim in te tibi
seruas, partim ex liberalitate tuâ & iam deposuisti in nobis, &
adhuc deposita recondis nobis. O Amor vilissime, & pretiosis-
sime. Vilissime ex conditione meâ, pretiosissime ex æstimatio-
ne Diuinâ. Viquequo Anima oblectaberis DEO: & amorem, qui
tibi quidem verè constat nihili, at Domino DEO tuo constat non
nihili, sed super omnia, quæ à te habere vult, & potest, constitit,
& con-

Exerc: II. Amandus est DEVS, quia ipse Amat se. 117

& constat summi: vsquequo (inquam) auara es, & denegas illum DEO: impendis autem (quis credat te sic insanire!) mundo, carni, diabolo: impendis cupiditatibus, & concupiscentiis tuis malis, vanis, fædis, etiam temetipsâ indignis? Ô tandem resipisce, & purga amorem tuum, atque pretiosam DEO aquam, currentem in cloacam, conuerte in hortum. Ama DEVM, solum, summè, & summum bonum: ama DEVM summè amabilem: ama DEVM solum summè amandum. Amabilis & amande DEVS. Age, age: tolle amorem meum totum à me, & conuerte ad Te, accende, & rape, flagra, & dulcesce, iam amem te, iam rapiar in Te.

EXERCITIUM II.

Amandus est DEVS: quia ipse Amat se.

1. **S**tatue te coram Domino DEO tuo: & illum hæc tibi mandantem audi. Diliges Dominum DEVM tuum ex toto corde tuo, ex totâ Animâ tuâ, ex totâ mente tuâ, ex totâ Virtute tuâ.
2. In huius Mandati omnium maximi, atque primi, omnium iustissimi atque grauiissimi, omnium suauissimi atque facillimi, omnium dignissimi, honestissimi, atque fructuosissimi, obseruatione; præit tibi DEVS exemplo suo proprio.
3. Etsi enim Legislatores, ac præsertim supremi, qualis est DEVS, soluti legibus sunt; hac tamen lege, de Diligendo DEO, ne ipse quidem DEVS solui vult, aut solui potest, aut solutus est. Sed solus ille maximè & essentialissimè diligit se ex toto Corde suo, ex totâ suâ Diuinitate, ex totâ virtute, & ex omnibus viribus suis: diligit verò se non tanquam ob præceptum, ab alio quopiam à se, sibi latum, sed ob Essentiam naturamque suam ad amandum se existentem, amoremque sui à se Essentialiter exigentem.
4. Amat autem se DEVS Amore complacentiæ, beneuolentiæ, amicitæ. Amat enim se propter se, quia sibi est per omnia & es-

118 *Exerc: II. Amandus est DEVS, quia ipse Amat se.*

essentialiter bonus, essentialiter Amicus, essentialiter, omni bono omni amabilitate tam plenus quam dignus. Amat se DEVS, quia Amor est, & amor sui, & amat sibi quidquid est sibi, & quidquid est sibi, est amore suo; sui que, sibi.

5. Amat se DEVS Amore appetitiuo, & aestimatiuo sui super omnia: quoniam est pretiosus, dignus, estimandus super omnia. Est sibi suum pretium, sua dignitas, sua estimabilitas: pretium immensum, dignitas infinita, estimabilitas inestimabilis, bonum essentialiter, & Essentia essentialiter Bona.

6. Amat se ipsum DEVS Amore, non qui sit aliud quid a se, aut qui aliunde adueniat sibi, aut quem aliquando erga se, intra se, & a se non habuerit: sed amat se amore aeterno, amore suo proprio, sibi cum sua Entitate a se proueniente: amat se Amore non tantum suo, sed Amore qui non est aliud a se, sed est idem ipse, idem qui ipse: ita ut sit DEVS, ipse Amor, & Amor, ipse DEVS.

7. Amat se DEVS, quia nec potest negare, nec potest velle posse, negare sibi Amorem sui: perinde ac non potest negare se ipsum, Essentiamque suam sibi. Si possit DEVS non amare se, posset quoque, id quod Essentialiter est, non esse: propterea amat se DEVS tam ab aeterno, quam in aeternum: sicut est DEVS tam ab aeterno quam in aeternum. Amat se DEVS amore Voluntario, & simul necessario. Voluntario; quia Voluntate sua vult sibi amorem, & delectatur illo, & delectabiliter dat & vult illum sibi. Non autem ita Voluntario, quasi possit negare illum sibi, vel cessare ab illo dando sibi. Necesario autem amore amat se, quia Natura & Essentia est illi, eiusque Voluntati, amare essentialiter se: & velle, ac dare Amorem suum sibi.

8. Amat se DEVS Amore non tantum naturali, sed etiam Personali: ita ut Amor DEI non solum sit Deo Natura, sed etiam Persona. DEVS enim Pater, amans DEVM Filium, & DEVS Filius amans DEVM Patrem, hoc communi amore sui, producant & spirant tanquam vnus Spirator Spiritum Sanctum, Amatricem sui

Exerc: II. Amandus est DEVS, quia ipse Amat se. 119

sui Personam, Amatorem sui Amorem, qui est vocaturque Spiritus Sanctus, Charitas Patris & Filij, Vinculum Trinitatis: dulcedo Denatis: Amor DEVS

9. Amat se DEVS: & amando Rectus est, Iustus est, Moderatus est, Rectus est: quia hæc ipsa summa est rectitudo DEI, Amare seipsum: Nihil est enim aliud quod amet extra se ipsum nisi propter seipsum, super omnia tamen seipsum: quia nihil est, nihilque esse potest amabile illi, nisi in quo venit, & quantum in eo inuenit seipsum: inuenit autem quia inibi deponit, & seruat semetipsum: propter eundem semetipsum. Est etiam Iustus amando se DEVS: quia cum sit summè bonus, & ipsa Bonitas; bonitati autem omni iure debetur Amor; iniquus esset DEVS in bonitatem suam, si non ex æquo amaret illam. Amat ergo Bonitatem suam, seipsum, & est iustus: quia reddit sibi quod debet sibi. Denique est Moderatus DEVS in Amore sui: quia tantum se amat, quantum se Bonum, & Amabilem habet atque nouit. Est verò infinite in infinitum bonus & amabilis: ideo ad mensuram se suam amat, quando se infinite in infinitum amat.

10. Ex hoc autem etiam DEVS semper occupatur, & nunquam otiosus est: quia amando se prout dignus est Amare se; adæquatè occupatus est, amore sui: beatum faciendo se. Beatum autem esse, est summè, est verè, est dignè, est adæquatè occupatum esse. Atque taliter occupatum esse, est DEO nostro essenziale: est ab Amore sui emanans: DEO dignissimum & propriissimum esse.

11. Hanc ergo habes causam ô homo diligendi DEVM tuum: quia agnoscis diligentem semetipsum DEVM tuum. Agnoscere debes, DEVM tuum, esse summum & totum Bonum suum, proptereaque summè amabilem, & amandum: debes propter hoc, totis affectibus desideriorum tuorum, DEO tuo desiderare, patrem amabilitati atque Bonitati eius amorem: quem cum impossibile tibi sit, vel in ipso te, vel in Creaturis omnibus simul iunctis reperire; (quo vno detectu suo, & tu, & omnes Creaturæ de-

120 *Exerc: II. Amandus est DEVS, quia ipse Amat se.*
 deberent iuste contabescere) & videas officium hoc Amoris, DEO
 impendi ab ipso met DEO: impendi autem, omni plusquam pos-
 sibili ac desiderabili, Diuino enim, & DEO digno, atque adæqua-
 to modo; DEVMq; essentiali & æterno amore Beatum reddi;
 quid hic aliud, & tu, & omnis creatura, facias, sentias, conerisq;
 quam vt gratuleris DEO hunc talem Amorem eius: congaudeas
 immensè bono amabiliq; DEO, ob immensum pariter infinitumq;
 Essentialiter Amorem eius. Ames Amorem hunc Diuinum, tam
 DEO dignum, DEO parem, cum ipsoque DEO eundem & v-
 num. Ames denique ipsum DEVM, tanto & tali Amore sese
 amantem, & sibi pro te, & pro Creaturâ omni, vicem officiumq;
 Amoris plenissimè impendentem. Nihil enim Creatura, vel si-
 bi, vel alijs, vel ipsi DEO, debet, & potest optare aliud, quam vt
 siue in maximo, siue in minimo, bene, & dignè sit DEO: hoc
 autem aliter non fit: nisi cum dignè habetur, colitur, amatur
 DEVS: id autem ipsum tunc solùm fit, quando seipsum, seipso
 amat, exaltatq; DEVS,

P R A X I S.

DEVs, qui solus es perfectus, plenus, dignus, & par tibi, tuus
 Amator; debuerat quidem esse mea, & Creaturarum o-
 mnium mecum affectatio, sicuti erat & obligatio, amare Te,
 condignè Te: sed hoc, non est vlla ex nobis sufficiens, præstare
 dignè te: deberetque hæc esse vna æterni mæroris & tabescen-
 tiæ causa in nobis coram Te; sed hoc solatij habent Animæ no-
 stræ: quia agnoscimus, quoniam Amor tuus, par, essentialis,
 idemque tecum, explet abundanter omnia debita, omnia vota,
 omnia studia nostra, amando te, per omnia dignè te. Ideo, te,
 diligentem te, dignè te, Amore tuo digno te, amamus, & gaude-
 mus, & glorificamus. Ideo etiam & Amorem istum tuum, tan-
 quam condignum Amatorem tui diligimus, exaltamus, magni-
 ficamus. Sis Domine benedictus, & beatus in isto Amore tui;
 & pro-

Exerc. III. Amandus est DEVS: quia ipse amat nos. 121

& propter illum elargire quoque nobis ipsum illum, ut diligamus te per illum: quia & tibi nihil placet in nobis, & nihil debetur tibi à nobis aliud, quam ut toto corde, totâ Animâ, totâ mente, totis viribus diligaris à nobis. Qui es benedictus DEVS in sæcula.

E X E R C I T I V M III.

Amandus est DEVS: quia & ipse Amat nos.

1. **S**tatue te coram Domino DEO tuo, & audi illum tibi præcipientem: Diliges Dominum DEVM tuum, ex toto corde tuo, ex totâ Animâ tuâ, ex totâ mente tuâ, & ex totâ virtute, ac fortitudine tuâ.
2. Ad huius Legis, DEO quidem dignissimæ, atque debitissimæ, tibi verò, & omni homini, suauissimæ, nec non fructuosissimæ, ac saluberrimæ, obseruantiam; & amandam, & curandam, exequendamque; præiuit, præitque semper, præiturus etiam in æternum DEVS: exemplis suis, & numero plurimis, & sumptu grauissimis, & imitatione tuâ, omniumque hominum dignissimis.
3. Amor omnis, at maximè Diuinus, tam quo diligit, quam quo diligitur DEVS, operosus est: si enim operosus non est, amor non est: sed quò maior & ardentior est, eò se per grandiora opera distendit ac ostendit: ideoque certus, an sit, & quantus sit, cognosci non nisi ex operibus consuevit: quoniam opera ipsius, sunt speculum, sunt specimen, sunt mensura, sunt fructus, & opes ipsius, sunt gloria, & commendatio ipsius.
4. Et DEI quidem Amoris, magna opera sunt: sicut & ipse tam DEVS, quam Amor eius magnus est. Si rectè aduertis ô homo; Amor Diuinus quo te ille amauit, & amat, est eiusmodi; ut te amet ex toto Corde suo, ex totâ Animâ seu Deitate suâ, ex totâ mente, & ex totâ virtute suâ.
5. An non ita te dilexit: qui te ad imaginem & similitudinem suam

122 *Exerc: III. Amandus est DEVS: quia ipse Amat nos.*
suam fecit: Si nosti quid sit; quàm speciosus, quàm perfectus,
in omni bonitate, & pulchritudine suâ sit DEVS; scies, quàm ma-
gnum bonum tibi contulerit, quando tibi imaginem suam indi-
dit: teque similem sibi fecit DEVS: quando ad imaginem suam te
fecit; hoc ipso ad Amandum te à se, ad curandum, ad ditandum,
ad protegendum, ad conseruandum, ad saluandum, beatumque
faciendum te fecit: quasi ad instar vnigeniti sui fecit te: qui per
hoc vnigenitus est eius, quia est verissima Imago eius. Tanti est
ô homo DEO, Imago in te eius: vt eius in te, à te inductam pec-
cati labem, vnigeniti sui sanguine, atque morte, non dubitauerit
sibi esse emaculandam Et hinc æstima: quanti æstimet DEVS Ima-
ginem in te suam: qui tanquam vile aut nihilum aliquid, conte-
mnis & deturpas illam.

6. An non ex toto corde diuino suo dilexit te DEVS, qui vt te
perditum inueniret, vt te conuulneratū sanaret, vt te mortuum
viuificaret, vt te confractum solidaret, vt te cæcum illuminaret,
vt te captiuum liberaret, vt te seruum redimeret, vt te miserum
beatificaret, vt te sibi exosum sibi reconciliaret, vt te omni bono
gratiæ destitutum suâ gratiâ ditaret, filiumque ac heredem suum
redderet; Filium suum Vnicum tibi donauit: & in hos omnes
usus impendi, expendique fecit: & cum illo omnia sua bona tibi
erogauit? Tibi inquam, tibi homini vili, & inutiles, tibi indigno
& ingrato: tibi inimico, & tam odienti quam exoso: tibi negle-
ctori & contemptori: tibi iræ filio, & diaboli mancipio: tibi
exuli à cælo, & inferni pabulo: tibi denique in malitiâ tuâ obsti-
nato, insepulto, infordidato: cani ad vomitum, porco ad volu-
tabrum luti reducto, & reuerso: in omnem æternitatem ad sem-
piternam combustionem destinato, atque damnato.

7. An non ex toto Corde suo Diuino amauit te DEVS, qui post
Vnigenitum suum, insuper quoque misit & dedit tibi Spiritum
suum Sanctum, per quem diffudit in Corde tuo Charitatem
suam, cuius templum fecit te: per quem, & per cuius dona San-
ctificauit te.

8. An

Exe
8. An
qui in p
tatem,
vllum a
sed sem
sibi est
mensit
buat it
magna
9. V
extorti
in DE
per ill
de, no
DEVS
ni, (ab
sic ama
scilicet
10.
res, illa
nugaci
stultiti
tiosissi
illas m
amore
impru
gaude
illo b
mino
11.
usque
tantu

Exerc: III. Amandus est DEVS: quia ipse Amat nos. 123

8. An non ex toto Corde suo Diuino amauit, & amat te DEVS, qui in præmium, in Vitam æternam, in possessionem & hereditatem, in fruitionem, atque beatitudinem sempiternam, non vllum aliud, quodcunque posset facere, tibiñe exhibere bonum; sed semetipsum tibi exhibet, offert, donatque: ita vt sicut ipse sibi est omnis felicitatis atque beatitudinis fons, origo, & immensitas: sic etiam tibi eundem seipsum tibi designet, ac attribuat in Bonum sempiternum? Ego (inquiens) ero Merces tua magna nimis.

9. Videñe Homo, quomodo ex toto corde, ex totâ Deitate, ex totis viribus visceribusque suis amat te DEVS? quæ nam alia in DEO viscera reperis, quænam ab illo alia requiris, & vt te insuper illis diligat concupiscis? Non alijs visceribus, non alio Corde, non aliâ Deitate semetipsum amat, & implet, & beatificat DEVS: & sufficit sibi, sic se amare in æternum: tibi autem homini, (ah cui homini!) non sufficit ita amari à DEO: Neque enim vel sic amatus, tuum amorem dignaris impendere DEO: tanquam scilicet inuenturus sis aliquid præ DEO, dignius Amore tuo.

10. Ac vtinam ô Homo sapieres, & intelligeres, & peruerderes, illa vilissimarum vilitatum vilissima, illas nugas nugarum nugacissimas, illas turpitudinum turpitudines turpissimas, illas stultitiarum stultitias stultissimas, illas malitiarum malitias malitiosissimas, illas ingratitudeum ingratitudeum ingratisissimas, illas minimarum minutiarum minutissimas: propter quarum amorem, studium, vsum, oblectationem, occupationem, homo imprudentissimus, atque scelestissimus impediri se sinit, facit, gaudet; ab amando, poriuendo, fruendo, hereditando, illo bono, illo bonorum bono; illo summo bono, illo vltimo bono: Domino scilicet DEO suo!

11. Ehem Homines! quousque pueri, quousque stulti, quousque nihil dignum homine, quousque nihil iustum DEO, sed tantum vana, tantum mala, tantum fæda, tantum caduca, tantum

124 *Exerc: III. Amandus est DEVS: quia ipse amat nos.*
rūm pereuntia atque perdentia, tantū exosa & ingrata DEO,
tantū æternam dæmonis tyrannidem damnationisque eius So-
cietatem cogitabunt, laborabunt, suo æterno exitio, interna-
liūq; malorum lucro mercabuntur?

12. Boues ad herbam camporum creati sunt: Lupi ad carnes:
Cerui ad serpentes: Canes ad prædam: Corui ad Cadauer: Porci
ad siliquas: alia omnia Animalia, ad sua condita sunt cibaria: &
amant illa, norunt, appetunt illa, viuunt & oblectantur, pingue-
scunt de illis. Homo autem conditus ad æterna, ad superna, ad
casta, ad pudica, ad honesta, ad rationi consona, ad virtutum
propria, ad cælestia, ad Christiana, ad Sancta, ad Diuina, ad ipsum
DEVM; horum nihil cogitat, nihil amat, nihil cupit, nihil curat,
nihil quærit: imò omnia hæc cum ipso etiam DEO, eiusque di-
lectione, & voluntate, & promissis, & præmijs, aspernatur, præ-
terit, contemnit. Malunt fieri sicut equus & mulus: sicut canis
& lupo, sicut coruus & porcus, sicut sathan & diabolus, quorum
DEVS non est Memor amplius.

13. O non sic homines non sic: non sic impij non sic: non sic
stulti, & insipientes, egentesque corde: sed tandem, tandem de-
finite sapere vt paruuli, loqui vt paruuli, ambulare vt paruuli, lu-
dere vt paruuli: euacuate ea quæ sunt paruuli, & incipite, & per-
gite, & peragite, & perseuerate sapere, amare, operari quæ sunt
Viro-
rum peruenientium ad mensuram ætatis plenitudinis Chri-
sti: vt impleamini in omnem plenitudinem DEI, & in augmen-
tum ædificationis vestri in Charitate: quæ diligatis DEVM, quo-
niam ille prior dilexit, & diligit nos.

P R A X I S.

O Dulcis Charitas DEVS: qui etiam dum adhuc inimici tui
essemus, amasti tamen nos in plenitudine Amoris tui: &
vniuersam substantiam DEitatis tuæ impendisti nobis; infunde
quæsumus nobis, notitiam, & gustum, istius dilectionis tuæ: &
aufer

Exerc: IV. Ex quibus libris Amor in DEVM discendus est. 125
aufer à nobis neglectum, contemptumque viscerosæ emanantis
bonitatis super nos tuæ. Dedisti nobis Domine Amorem tuum,
quo ab usque æterno amas nos: da etiam quæsumus illum Amo-
rem tuum quo in æternum usque amemus Te. O Domine: ame-
mus te per te, in te, & pro te. Regna tu in nobis Amatus noster,
sicut regnas etiam Amator noster: ut amans nos, ameris quoque
à nobis, diffundente Spiritu tuo Sancto Charitatem tuam in
cordibus nostris, Amen.

EXERCITIUM IV.

Ex quibus libris Amor in DEVM discendus est?

1. **S**TATUE te coram Domino DEO tuo: eumque tibi præcipientem audi. Diliges Dominum DEVM tuum ex toto Corde tuo, ex totâ Animâ tuâ, ex totâ mente tuâ, ex totâ fortitudine tuâ.

2. Hanc legem, quia DEVS observari vult ab omnibus, semper, exactissimè, æquè, in magnis, ac in parvis rebus, occasionibusque: ideo descripsit, describique etiam fecit eandem in libris quibusdam multis, magnisque: characteribus etiam valde expressis: eos exposuit omnium oculis: omnibus dedit accessum ad eos: dedit etiam omnibus scientiam legendi in eis, & intelligendi omnia quæ in eis scripta sunt: ita ut nemo sit peritus, qui ignorantiam legis huius, ubique tam vulgatæ & promulgatæ prætereundæ possit.

3. Filijs Israël præceperat per Moysen DEVS, ut decalogum, descriptum, ad fimbrias vestium, ad volas manuum, seu ad extrema Manticarum, ad infima pileorum frontem legentium, alligatum, & ob oculos eorum ad omnem motum volitantem, suique memoriam, & observantiam refricantem, circumferrent. De Lege Charitatis erga se maiorem diligentiam fecit DEVS, in infinitis tabulis, paginis, libris, descripsit, & omnium oculis ad-

126 *Exerc: IV. Ex quibus libris Amor in DEVM discendus est.*
mouit, omnium intellectibus insculpsit, in omnium voluntati-
bus, affectibus, memorijsque impreſsit eam.

4. Fatigabant Dauidem Sanctum nescio qui: sed valde multi
hac vnâ quæſtione, dicentes: Quis ostendit nobis Bona? Intel-
ligeant, vel certè intelligere debebant per ista Bona, Charita-
tem, seu Dilectionem DEI, & legem de illâ à DEO latam. Hæc
enim Dilectio, & simul lex de illâ, non est aliquod tantum bo-
num, sed est prorsus omnia Bona: quorum quæſito respondit
Propheta. Signatum est super nos lumen vultus tui Domine:
dedisti lætitiā in corde meo. Quæſitorum, & quæſtionum ra-
tium plenus est Mundus, plenæ omnes ætates Mundi: omnibus
autem his respondit, & satisfecit Dauid, frustra nimirum moue-
ri hanc quæſtionem, cum signatum sit super omnes lumen vul-
tūs Diuini: in quo lumine, atque etiam in ipso vultu DEI, legere
quilibet potest, imò nemo legere non potest, Legem de dilectio-
ne DEI ex toto corde, ex cuius Legis lætione, magis autem ex
obſeruatione, impossibile est non dari, non nasci, non abundare
lætitiā cordis, legem obſervantis.

5. Sed accedendum est ad Libros, siue malis dicere Bibliothe-
cas relegendas, reuoluendasque: in quibus lex, de diligendo ex
toto Corde, & Animâ, & mente & fortitudine totâ DEO, est de-
scriptâ digito DEI.

6. Ecce autem; Primus liber, qui ita exaratus in manus cuique
venit, est ipse sibi Homo quilibet. Paruus liber iste videtur, sed
reuera magnus est: & incredibiliter magna scientia dilectionis
DEI ex toto corde, descripta est in eo: Mirabilis facta est scientia
tua ex me: (aiebat Dauid) exaltata est, & non potero ad eam. In
veritate namque, tantum est in vnoquoque nostrum nobis, (quin
& alijs,) de Diligendo à nobis DEO scriptum à natrâ ipsâ, vel ma-
gis à Creatore Naturæ nostræ; vt ad terminum legendi perueniri
non possit, nisi hoc modo, vt sciamus in toto libro isto, id est,
in totis nobis, hanc vnicam esse clausulam scriptam; Diliges Do-
mi-

Exerc: IV. Ex quibus libris Amor in DEVM discendus est. 127

minum DEVM tuum ex toto Corde tuo. Vide Personam tuam, vide Animam, vide Caput, vide Intellectum, Voluntatem, Memoriam, Iudicium, Ingenium, Liberum arbitrium, Mentem, & Animum. Vide potentias, passiones, appetitusque Animæ. Vide corporis symmetriam, iuncturam, mutuam obsequiū, idemque tam varium, partes singulas, earumque officium. Vide formam cuiusque, robur, sanitatem, molem, usum, capacitatem, perpetuitatem. In corpore humano, ultra sexcentos musculos reperire est, singuli habent decem fines ac usus, atque ita soli musculi sex millia finium habent. In eodem corpore sunt ossa plura ducentis, singula horum habent scopos ultra quadraginta: unde omnium ossium scopi sunt octo millibus plures: & tamen hæ partes corporis videntur esse rudes: in quibus tamen tam est in bonum hominis exactus artifex DEVS. Qui longè est exactior in Animâ, & potentijs eius. Quid de supernaturalibus dicam infinitis rerum excellentijs? de remissione peccatorum, & pænarum temporalium, æternarum, spiritualium: de justificatione, de filiatione DEI adoptivâ, de gratiâ sanctificante, auxiliante, de meritis, & valore operum nostrorum ad vitam æternam, de beatitudinis æternæ promissione, adeptione, fruitione, de Virtutibus incipientium, proficientium, perfectorum: de gradibus perfectorum, de Sacramentis, Sacrificio, Ecclesiâ, Donis Sancti Spiritus, & Vniuersim de toto Christo, eiusque Oeconomîâ, totâ in salutem hominum æternam dispositâ, dispensatâque. Hæc omnia in homine inculcant & inelamant homini: Diliges Dominum DEVM tuum ex toto Corde tuo: id enim vnicum exigit ab Homine, hominis factor, & benefactor DEVS: quod paulò distinctius indicauit, qui dixit, ab omnibus omnino Rebus, homini inelamari istas tres voces; Accipe, Redde, Fuge: nimirum. Accipe beneficium, Redde debitum, Fuge supplicium. Accipe beneficium dilectionis diuinæ erga te. Redde debitum dilectionis tuæ erga DEVM. Fuge supplicium non redditæ dilectionis DEO de-

128 *Exerc. IV. Ex quibus libris Amor in DEVM discendus est.*

debitæ abs te. Quæ ipsa supplicij comminatio, beneficium est exigens debitum dilectionis Dei ab homine. DEVS enim non ideo condidit minaturuè infernum, vt mittat, sed potius, vt non mittat ad infernum: potius (inquit) vt omnes fugiant infernum, & DEVS nullum habeat, quem mittat ad infernum: reddentibus omnino Deo dilectionis ex Corde toto debitum. quid enim habet homo quod non acceperit? si autem accepit, quidni dilectionem, gratiarum actionem, & laudationem ei debeat, ei que reddat, à quo vniuersa quæ habet, vnâ cum semetipso accepit?

7. Alius Liber totus pariter dilectione Dei, & præcepto de illâ, toto Corde, totâque Animâ, & Mente, & Virtute impendendâ scriptus, & exaratus, est Vniuersus iste Mundus: cum omnibus quibus est à Deo impletus, ordinatusque, ac in vsum & obsequium hominum destinatus. De hoc libro dixit Propheta Moyses: Vidit DEVS cuncta quæ fecerat, & erant valde bona: dixit de eodem libro alius: Cæli enarrant gloriam Dei, & opera manuum eius annunciat firmamentum. Dies diei eructat verbum, & nox nocti indicat scientiam. Innumera & obuia sunt eiusmodi. Sacræ etiam Scripturæ de hoc libro, & scriptis in eo Dei laudandi, amandique præceptis. Solummodò necessaria est diligens & perspicax libri huius lectitatio: quot enim Creaturæ sunt in eo, tot sunt paginæ. Legebat ille, qui dicebat: Domine Dominus noster, quàm admirabile est Nomen tuum in Vniuersâ terrâ. Eleuata est Magnificèntia tua super cælos. Eleuauerunt flumina Domine vocem suam. Mirabiles elationes maris, mirabilis in altis Dominus. Legebat & ille qui dicebat. Vide Arcum (nubium) & benedic eum qui fecit illum: quod hic de Vnius Iridis aspectabili decore mandat; istud de omnis Creaturæ aspectu meritis faciendum. Vides cælum: benedic eum qui fecit illud. Vides solem, lunam, stellas; benedic eum qui fecit hæc. Vides Aërem & Volucres eius. Aquam & pisces eius: benedic eum qui ista fecit. Et sic videns omnes Creaturas, oculis mentis inuisibiles, oculi-

Exerc: IV. Ex quibus libris Amor DEI discendus est? 129

oculis carnis visibiles, benedic eum qui fecit illas: & ex toto corde tuo dilige eum: quoniam propter te, & propter vsum tuum, tam corporalem quam spiritualement fecit illas. Ergo & hinc etiam, Accipe beneficium muneris: redde debitum dilectionis: fuge supplicium non impensæ seruitutis atq; Amoris.

8. Tertius Liber de dilectione DEI, DEO à nobis debita exaratus, est Liber Sacræ Scripturæ: quæ non est ab humano sensu reperta; sed Spiritu Sancto DEI inspirati, DEI homines, eam exararunt, & hominibus legendam tradiderunt. In hocigitur Diuino libro: hoc vnum præ omnibus legatur, & discatur, & opere exerceatur: vt DEVS cognoscatur, diligatur, honoretur. Nulla pagina, nulla periodus, nullus apex Diuinæ scripturæ caret hac omni utilitate. Est enim Sacra Scriptura, Sermo DEI, Verbum veritatis, Lux mentium, Legis æternæ promulgatio, Cibus cordium, Animarum præseruans, conseruans, sanans Medicina. Inflammatio frigidorum, Stimulus tardantium, Manuductor ad DEVM, Instructio ignorantium, Dux errantium, Lac humilium, Frenum præsumptuum, Ablorptio superbiorum. Est Plana simplicibus, inaccessa præfidentibus, Impertransibile Mare, Originem & ordinem explicans Naturæ, Secretaria spiritûs & gratiæ, Enarratio Magnalium DEI, Modesti sensus, & purgati cordis Magistra, Cordis quoq; emundatio, Inflata mentis conformitas, Arrogantiæ excacatrix, Liber totius Mundi Magisterio maior, Thesaurus sensuum, Mysteriorum scaturigo, Magistra Virtutum, & veræ scientiæ, Clavis Cæli, Filiorum DEI gloria, Impiorum flagellum, Electorum & Reprobiorum discriminatrix, Doctrina disciplinæ DEI, Speculum omnium Animosum, Correctrix vitiorum, Norma viuendi, Lucerna DEI lucens in Caliginoso loco, Explanatrix Sanctitatis, & iustitiæ, Præteritorum, præsentium futurorum historia, Alueare Voluntatis DEI, Mellificium Diuini Timoris, Depositu Sapientiæ arcanorum, beneficiorum, promissorum, decretorum. Terra Charitatis aurum inex-

130 *Exerc: IV. Ex quibus libris Amor DEI discendus est.*

haustâ copiâ ministrans, & aurum terræ huius optimum est. Index salutis, perfectionis, beatitudinisque æternæ. Lydius lapis omnis scientiæ & conscientiæ. Hæc, & alia innumera sunt Sacræ Scripturæ bona, & hi illius indeficientes thesauri atque fructus; sed Vniuersum illius ingenium, officium, propositum, atque beneficium est, prædicare DEVM, exaltare gloriam eius: Voluntatem enarrare: seruitium, & obedientiam, venerationemque persuadere: Timorem, pietatem, dilectionem super omnia, & ex toto corde exigere. Librum ergo Sacræ scripturæ, & sermones Domini DEI nostri pariter, & jugiter omnes audiamus. DEVM time, & Mandatum eius obserua. Diliges Dominum DEVM tuum ex toto Corde tuo, & ex totâ Anima tuâ. Hoc est enim omnis homo: & sine hoc nihil est omnis homo.

9. Quartus Liber Dilectionis DEO à nobis debita, ex totisque Cordis & Animæ viribus exhibenda, scientiâ atque præcepto exaratus, est DEVS Homo, Christus IESVS, & hic Crucifixus. Hic est Liber Vitæ. Hic liber est scriptus iustus Diuinitate, foris Humanitate. Huius libri legendi desiderio; flebat multum Iohannes: eò quod nemo esset dignus aperire, neque aspicere illum, & soluere septem signacula eius. Quis enim solueret 1. Decretum de redimendo homine per ipsum in Personâ DEVM! 2. Quis solueret Figurarum, Prophetiarumque obscuritatem, & dilationem? 3. Quis solueret desponsatæ Viro, in Matrem DEI electionem? 4. Quis solueret conceptionem Hominis DEI, ex homine Virgine de Spiritu Sancto? 5. Quis solueret DEVM Hominem infantem, in stabulo, & præsepio, totâ vitâ pauperem, humilem, contemptum? 6. Quis solueret persecutionem DEI, Passionem, Crucifixionem inter latrones? 7. Quis solueret Mortem & sepulturam Redemptoris & Saluatoris Agni? Hæc omnia sigilla aperuit, librumque soluit Leo de Tribu Iuda: IESVS in resurrectione suâ, Mortem, peccatum, infernum, diabolum, & damnationem hominum, vincens, atque triumphans. Hunc librum

Exerc: IV. Ex quibus libris Amor DEI discendus est. 131

brum vnum, solumque lectitabat assiduò Paulus, vnde & dicebat: Nihil arbitratus sum me scire inter vos nisi IESVM, & hunc Crucifixum, Iudæis scandalum, gentibus stultitiam, DEI autem electis Virtutem & Sapientiam. Ad hunc librum legendum vna tantum est Clavis Dilectionis: legere scilicet, & cognoscere dilectionem, amare & æstimare dilectionem, reddere & retribuere dilectionem. Hac clavi vsus est ipse Dominus: dixit enim: Maiorem hac dilectionem habet nemo, quam vt Animam suam ponat quis pro amicis suis. Hanc clauem idem Dominus Nicodemus ostendit. Sic enim DEVS dilexit Mundum, vt Filium suum vnigenitum daret, vt mundus saluetur per ipsum. IESVS ergo totus, maximè verò Crucifixus, est Liber, in quo tota Charitas descripta est: Hunc legit qui diligit: & contrà, qui diligit, hunc legit. Legit librum, & scientiam eius deuorauit, & factum est in ore eius quasi mel dulce: Nihil enim dulcius Charitate: venter autem eius amaricatur: zelo & dolore, quia Amor non amatur: quia DEVS, qui nos ex toto Corde suo, totaque mente, & virtute suâ (quæ omnia Christus est) dilexit, non diligitur: quia liber totus amore nostri scriptus, non legitur, non relegitur, non capiti quasi corona circumdatur: non per singulos passus pronuntiatur. Ideo egemus Charitate; (& nulla est egestas grauior, nocentiorque, Charitatis egestate:) quia librum istum IESV Christi Crucifixi non legimus: si hunc lectitarem, vtrique in dilectione IESV maneremus: & Voluntatem eius faceremus: & Pater eius diligeret nos, & cum illo, atque cum Spiritu Sancto, veniret ad nos, & mansionem faceret apud nos. Totis ergo animorum medullis, totis præcordiorum affectibus, Librum IESV Christi Crucifixi legamus, relegamus, diu, noctuque meditemur: & illum super omnia, vnâ cum eius DEO Patre, Spirituque Sancto, ex toto Corde, totâ Animâ, Mente, atque Virtute diligamus. Aliàs qui non amat Dominum IESVM, anathema: Maran Atha.

132 *Exerc: IV. Ex quibus libris Amor DEI discendus est.*

II. Quintus Liber, exaratus, & præcepto Dilectionis, DEO debita, à nobisq̃ue ex toto Corde exhibendæ semper, est ipsemet DEVS: DEVS enim Charitas est, & qui manet in Charitate in DEO manet: ille autem in Charitate reuera manet, qui ex toto Corde, & ex totâ Animâ, ac Mente, & Virtute DEVM semper amat. Vt verò id quis strenuè, & libenter, constanter, fructuosèq̃ue exequatur, opus est, vt multus, ne dicam totus sit in lectione huius libri qui DEVS est: & in cognitione, ac peruestigatione, ac scientiâ DEI: seu, quid DEVS est. Ignoti enim (vt vulgò dicitur) nulla cupido: sic & DEVS nisi cognoscatur, & consideratione legatur, atque discatur, diligere à nobis non potest: eam ob rem, prima & suprema dilectionis, & quæ ex dilectione DEI manat, omnis virtutis, atque perfectionis regula, est Scientia, & Cognitio DEI, fidesq̃ue in ipsum, aut certè (quod Cæli proprium est) visio illius. quæ cognitio DEI, quò perfectior est, eò magis ducit & adducit ad DEI amorem, omnemq̃ue dignum DEO affectum: & in eo radicat mentem: immobiliter quidem in Beatis, in mortalibus verò plus minùs constanter, pro firmiore, aut infirmiore nostrâ de DEO scientiâ: propterea Dominus noster assererat; Hæc est vita Æterna, vt cognoscant (homines) te DEVM verum, & quem misisti IESVM Christum. Paulus etiam sapissimè orat, & optat Christi fidelibus, vt crescant in scientiâ DEI, in cognitione veritatis, in Scientiâ supereminentis Christi Charitatis. Ista enim Notitia excitat in nostro Animo Amorem & æstimationem DEI. Amor excitat studium Iustitiæ, sanctitudinis, & rectitudinis, iubetq̃ue, ac facit ea quæ DEO placita sunt facere semper. Eadem DEI notitia, hunc affectum quem excitauit in nobis, seruat, auget, perficit. Vnde ideo; est certa & absoluta omnis nostræ coram DEO rectitudinis, & perfectionis regula, nec non æternæ salutis consummatio. Sed non loquor hîc de notitiâ DEI ac Diuinorum, merè speculatiuâ, nec vltra cognitionem procedente: hæc enim parum prodest: sapè multum obest:

Exerc: IV. Ex quibus libris Amor DEI discendus est. 133

est: quoniam scientia inflat: loquor ergo de tali notitiâ DEI & bonorum illius, quæ ex sese pullulat in affectionem. Hoc est: ex quâ mens allurgit in Admirationem, appretiationem, dilectionem, benedictionem, gratiarum actionem, subiectionem, venerationem, timorem, imitationem, conuersationem, colloca- tionem, laudationem, desiderium, famem, unionem, & fruitio- nem DEI: descendit verò eadem mens ex hac ipsâ notitiâ DEI, in notitiam sui, in diffidentiam, in humilem de se sensum, in ab- iectionem sui ad DEVM, & ad omnes propter DEVM: in con- temptum mundi, in amorem patientiæ, in odium & fugam pec- cati, &c.

12. Talem DEI notitiam qui negligunt, in ijs nihil esse bonæ & sanctæ mentis affectionisque omnino certum est: & vtinam hoc infinitis exemplis, etiam inter ipsos Christianos non sit com- probatissimum. Vnde enim adeo redundant scelera? vnde mo- res DEI Voluntati & doctrinæ Christi per omnia contrarij? vnde tanta raritas veræ Virtutis, atque bonæ operationis? vnde tanta crassities, incapacitas, stupor, ad spiritualia, ad supernaturalia ad æterna, ad Diuina? vnde tantus contemptus, ac obliuio sa- crorum, & omnium ad DEI venerationem, Voluntatis, præce- ptorumuè DEI executionem, nec non ad salutis æternæ studium concernentium, præteritio, omissio, dilatio, illusio? Vt magis gentiles, quàm Christiani esse videantur.

13. Nimirum hodie apud Christianos, nihil DEI cognitione, memoriâ, præsentiaque neglectius. Nihil etiam apud eosdem tadio sius, & ingratius, quàm Diuina cogitare, meditari, legere, loqui, ijs affici: sed acsi talia agere, esset otiosorum, aut inepto- rum, aut nihil sapientium, ita in his tempus ponere, esse illud perdere, putant: qui alioqui in terrenis, in carnalibus, in spurci- tijs, ac sæditatibus, infiniti, sagacissimi, & infatigabiles sunt. Ni- mirum sicut nosse DEVM (verba sunt Spiritus Sancti) consum- mata iustitia est, & sicut scire iustitiam ac Virtutem DEI, radix est

134 *Exerc: IV. Ex quibus libris Amor DEI discendus est.*
immortalitatis : ita contrario modo, ignorare DEVM, consummata iniquitas est : & non nosse Iustitiam ac Virtutem DEI, radix est æternæ damnationis. Omnis enim peccans, ignorans est : & ante omnia abijcit à se circumspeditionem DEI : & quasi dicit corde ; Non est DEVS : aut nescio Dominum : non obedio, non intendendo sermonibus, & præceptis eius. Sicut è contrario, omnis qui benè agit amat lucem, & venit ad illam, DEVM prouidet in conspectu suo semper, eiusque timor & lex, & amor ante oculos eius est omni tempore : & curat cupitque esse iuxta cor DEI, faciens omnes Voluntates eius semper.

14. Omni ergo tempore, & ab omni homine lectitandus est hic Liber DEITATIS : & per hoc in DEI cognitione, ex hac in dilectione, æstimatione, honore, laude, reuerentiâ, subiectione, imitatione, Vnione proficiendum.

15. Et quia infinitus, immensus, ipsaque Abyssus Essentiæ, DEVS est, infinita sunt in eo, quæ legi in libro eius DEITATIS possint : sed ad hæc quis idoneus, in hac præsertim vitâ ? in aliquot ergo classibus disponi, & disposita legi considerari, ex eisque Amor DEI addisci & ipsa Deitatis bona possunt.

16. In Primâ classe, sint, & legantur ea, quæ DEVM & eius esse constituunt : vt Diuinitas ipsa, seu DEVS. Ens à se. Est qui est. Vnitas, seu Vnus DEVS. Trinitas personarum in Vnâ numero Essentiâ, Processiones Personarum : Patris à nullo : Filij à Patre nascentis ab æterno & consubstantialis : Spiritûs Sancti à Patre Filioque procedentis, vtrique consubstantialis.

17. In secundâ classe sint & legantur perfectiones DEI quæ sunt quidem in re ipsa, idem quod Essentia DEI, ad nostrum tamen captum cogitantur, & ad amandum, imitandum, honorandumque proponuntur, tanquam distinctæ & plures. Harum aliæ sunt quæ primario DEVM respiciunt : aliæ verò quibus DEVS Creaturas respicit. Priores sunt : Vita DEI, Veritas, Charitas, Sapientia, Omnipotentia, Bonitas, Perfectio, Sanctitas,

Exerc: IV. Ex quibus libris Amor DEI discendus est. 135

tas, Dignitas, Pulchritudo, Suauitas. Posteriores sunt, Potestas & Dominium absolutum Creaturarum, Prouidentia, Gubernatio & Conseruatio: & in his Electio, Prædestinatio, Reprobatio, Veritas, Benignitas, Beneficentia, Iustitia, Ira, Misericordia, Clementia, Patientia siue Sustinentia, Charitas, Finis vltimus, Summum Bonum, Vita & Beatitudo æterna.

18. In tertia classe sint, & legantur perfectiones quasi communes tam Essentiæ, quàm eius attributis modò enumeratis: tales sunt: Æternitas tam ab ante, quam in post, Infinitudo, Simplicitas, Immutabilitas, Incomprehensibilitas, Immensitas, vbique Præsentia.

19. Hæc pro modulo cuique homini sunt recogitanda: ita vt ex recogitatione enascatur, DEI æstimatio, pretium, honor, amor, desiderium, laus, reuerentia, subiectio, exaltatio, gratiarum actio.

20. Hæc etiam populis, pro captu, per partes, sæpè intimanda: vt sciant omnes DEVM esse: & quis, ac qualis, & quantus sit noscant: quòd scilicet sit Creator omnium, exinde Dominus, Rex, Pater, Benefactor, Medicus, Saluator, Iudex, Remunerator: ex quo omnia: cuius sunt omnia: cui homines quidquid sunt debent: cui obedire, subdi per omnia tenentur: cui amorem ex toto Corde, & Animâ, & Virtute semper rependere obligantur: aliaque his similia: quæ DEO homines ob suam ad illud conditionem, & ob DEI ad ipsos, & super ipsos Dominum, beneficentiamque tenentur præstare. Reuera enim, quia ista & similia, homines de Domino DEO suo non edocentur; ideo immanis est inter eos inscitia: & DEI, & dominatûs beneficentiæque eius, & obligationum, debitorumque ab hominibus DEO negligentia: exindeque multiplicatissima DEI offensa, & salutis eorum certissima, & frequentissima discrimina.

21. Sextus Liber, ex quo Lex amoris DEI super omnia legenda & discenda est, Conscientia cuiusque est. Hic liber suus cuique est:

136 *Exerc: IV. Ex quibus libris Amor DEI discendus est.*

est: hic liber in Iudicio cuiusque relegetur: hic liber nunc dum vita superest crebro reuidentus, & lectitandus est: videndumque in eo, quid desit ad Charitatem DEI super omnia, & ad dilectionem ex toto Corde: quid sit in eo quod censuram oculi iudicii; diuini mereatur. Vide ergo o homo in Libro Conscientiae tuae; 1. Admissa à te mala, Corde, ore, opere. 2. Omissa à te bona, pariter Corde, ore, opere. 3. Facta à te bona quidem, sed imperfectè, negligenter, & ingrati diuino gustui. 4. Accepta bona & beneficia obsequiaque Naturalia, à DEO, à te ipso qui tibi beneficium DEI es, à Creaturis omnibus. 5. Accepta bona & obsequia supernaturalia à DEO, à Christo, ab Angelis, à DEI Matre, à Sanctis, ab Ecclesiâ. 6. Obligationes exinde natas in te erga DEVM, amoris, gratitudinis, laudis, venerationis, &c. Plura de hoc conscientiae libro legendo, videantur in parte de Contritione.

22. Septimus Liber docens nos Dilectionem DEI super omnia est sui nihili: de cuius cognitione etiam actum est, parte propria: unde hic nihil addendum videtur.

23. Octauus Liber est amor DEI super omnia in nobis fundando utilis est, Liber Caeli & Beatitudinis aeternae: qui liber sufficienter, quantum ad praesens; traditus est parte sua propria.

P R A X I S

DA nobis Domine DEVS noster, lumen gratiae tuae sanctae in intellectu: eiusdem efficaciam in affectu: denique eiusdem perseverantiam finalem, in omni tibi placentis boni inceptu. ut praeceptum Dilectionis tibi à nobis debitae, & ex nostri ipsorum, & ex totius Vniuersi, & ex Diuinae Scripturae, & ex IESV Christi DEI Hominis pro nobis facti, passi & in Cruce mortui, & ex tuae quoque Diuinae Maiestatis, nec non in nos bonitatis charitatis, profusionisque, cognitione, ediscentes; toti, & omnes, & semper, in omni tibi placita Virtute proficiamus, ac potissimum
Te

Exerc: V. Quæ sit Excellentia Amoris nostri in DEVM? 137
Te Dominum DEVM nostrum, omnis Boni nostri fontem, omnique Charitatis sedem, ac centrum, super omnia, ex toto Corde, ex totâ Animâ, ex totâ Mente, ex totâ virtute, efficaciter, ardentè, constanterque diligere condiscamus, & consue-
scamus.

EXERCITIVM V.

Quæ sit Excellentia Amoris nostri in DEVM?

1. **S**Tatue te coram Domino DEO tuo, cumque tibi mandantem, ac dicentem audi. Diliges Dominum DEVM tuum ex toto Corde tuo, ex totâ Animâ tuâ, ex totâ Mente tuâ, ex totâ Virtute tuâ.
2. Maximum præceptum: quia & maximæ rei præceptum est. Quid enim maius DEO: qui diligi iubetur? quid maius dilectione, quæ impendi DEO iubetur? quid denique maius eâ re, eoque negotio, ad quod peragendum totum cor, tota anima, tota mens, tota virtus, fortitudoque hominis exigitur, & exhauritur?
3. Non potest esse parva & vilis res Dilectio: quam DEVS (bonus utique & prudens æstimator) tam vult; ut nihil aliud, sine illâ & præ illâ velit: tam vult; ut totam absolutè velit: & sibi, & soli sibi, & semper soli sibi integrè velit, & ab omnibus velit.
4. Quid autem tantopere placeat DEO in Amore nostro? Est inprimis illemet ipse qui Amatur: quia scilicet ipsiusmet in eo Natura & Essentia, & Dignitas Divina, non tantum honoratur amore, sed etiam dignè honoratur: neque id solum, sed etiam ipsiusmet DEI erga semetipsum Amor imitatione, impari quidem, quoniam Creatâ, suppari tamen, quia totali, & non diuisâ affectione amatur.
5. Aliud verò, ob quod DEVS, adeo se amari ex toto Corde & Animâ, vult, ac iubet, & gaudet; est ipsa Natura Amoris, siue amorosæ affectionis: quæ in ordine creato, est omnium præstantissi-

138 *Exerc. V. Quæ sit Excellentia Amoris nostri in DEVM?*
tissima, DEOq; sola dignissima. Nullus enim excogitari potest affectus mentis Creatæ, quo DEVS ab illâ coli dignius debeat, & possit, quàm est Amoris. Omnes alij affectus nostri, & actus ad DEVM, faciunt nos aliquid DEI, v. g. Credentes in DEVM, aut de DEO, aut DEO: Sperantes item in DEO, & à DEO, obedientes mandatis DEI: & similia; quæ tamen absque dilectione impensa DEO, non placent coram DEO: nec nos faciunt placitos illi: at Amor DEI & placet DEO, & facit nos bonos, placitosq; DEO: facit amicos, & gratiosos, filios, sponfas, possessores fruitores, beatos DEO, insuper quâ potis nostra est, Beatum facit ipsum DEVM. Est enim quædam beatitudo DEI, amari à suâ creaturâ, ad quod & ab ipso condita est; ideo cum quærimus sitnè aliquis Bonus: non quærimus quid credat, aut quid speret, aut quid agat, sed quid amet.

6. In Diuinis, Pater & Filius per hoc maximè, viscerosissimè, suauissimeque secum occupantur; seseque mutuo perfruuntur; quia sese mutuo amant: & ita amant, vt hic Amor sit eis substantialiter Personalis: sitque Spiritus Sanctus, tertia Trinitatis Persona: cuius rei ad instar, Mens quoque creata per hoc maximè visceraliter in DEVM se effert, atque infert, DEOq; fruitur, quia illum amantem se vicissim redamat: in eumque immigrat, non personaliter, aut substantialiter, affectione tamen & Vnione Charitatis illius, quæ diffunditur per Spiritum Sanctum in cordibus: & eo modo, quo, qui adhæret DEO, vnus spiritus est cum illo.

7. Habet etiam Amor DEI cum Spiritu Sancto similitudinem in hoc; quia Spiritus Sanctus, quoniam procedit vt Amor, procedit etiam in ratione primi doni: estque primum Donum, & ratio donorum omnium, quæ DEVS dat: non enim ea dat nisi per Spiritum Sanctum, per quem multa & varia dona diuiduntur membris Christi, seu mentibus nostris: iuxta illud. Diuisiones gratiarum sunt, idem autem Spiritus. Sic & Amor noster
in

Exerc: V. Quæ sit Excellentia Amoris nostri in DEVM? 139

in DEVM: quatenus nobis à DEO aduenit, primus omnium donorum aduenit: DEV Senim ideo aliquid dat, quia bonum ei vult, cui dat: bene autem alicui velle, est illum amare: ante omne ergo donum, est amor volens bonum ei, cui datur donum. Idem Amor noster in DEVM, quatenus à nobis in DEVM tendit, primus est omnium obsequiorum nostrorum quæ offerimus DEO: si ea offerimus ideo, quia volumus placitum DEI; quod est bonum DEI: si enim aliter illa facimus; non obsequia, sed offensas facimus: nec placitum, sed displicitum DEI facimus. Proinde etiam Amor noster in DEVM, primus est omnium nostrarum Voluntatum, & affectionum in DEVM: sine quo nullus alius affectus noster placet DEO: & ipse est radix omnium cæterorum affectuum Virtuosorum, & placitorum DEO.

8. Vnde qui Amorem DEI in se non habet, frustra & in vanum cætera omnia habet: si tamen habet, & non magis videtur sibi habere: at falsò: frustra etiam & in vanum operatur quidquid operatur; si tamen operatur: quomodo enim cadauer sine Animâ nihil operatur; (aut certè solum factorem & horrorem operatur:) ita Anima sine Charitate nihil operatur, quod DEO placeat, salutique proficiat: quod graphicè valde, Paulus inculcat fidelibus, quanquam parum eius inculcationem, attendentibus. Si linguis, hominum loquar & Angelorum, si habuero omnem fidem, ita vt montes transferam, si tradidero omnem substantiam meam in cibos pauperum, si tradidero corpus meum ita vt ardeam, charitatem autem non habuero, nihil sum, nihil mihi prodest. Hæc Apostoli verba certè seria, & efficacia, ita homines Christiani non attendunt, vt passim totam vitam suam, in statu peccati mortalis, mortuum in spiritu cadauer, fatentibus & putrescentibus Animabus suis transigant: per quod assequuntur, vt quoniam extra DEI gratiam & charitatem viuunt, & operantur, frustra coram DEO viuant, & sine vllò salutis merito operentur. E contra interim Iusti, siue in Gratiâ & Amore DEI vi-

140 *Exerc: V. Quæ sit Excellentia Amoris nostri in DEVM?*
uentes, atque ex amore operantes, ex omnibus operibus suis fructum salutis sunt consequentes.

9. Eam ob rem Christianus quisque nihil magis amare, & aestimare in suâ vitâ curareque debet; quam ut omni vitæ præsentis suæ momento, in Gratiâ & Charitate sit: in eaque, & ex eâ operetur: ac demum ut in eâ singulis quoad fas momentis proficiat, & succrescat: Nihil autem æquè abhorre ac defugere debet, quam ut ne vnquam vel ad Momentum à Charitate gratiaque excidat: proficiendi in eâ, vllam occasionem prætermittat: reuera enim, nisi status damnationis inuoluat statum peccati, & extra gratiam charitatemque; magis est abhorrendus faciendusque, status peccati, quam status inferni. Neque ipse DEVS damnatos idcirco odit quia in inferno sunt: sed ideo quia sine Amore DEI, & in statu peccati; inferno digni sunt.

10. Amor, & Caritas in DEVM, sanctitas vera, & propria perfectio sanctitatis est: recta voluntas, ab omnibus terrenis ac præsentibus prorsus auersa; DEO inseparabiliter vnita, igne Spiritus Sancti à quo est, & ad quem refertur incensa, omnis iniquamenti extranea, corrumpi & mutari nisi in melius, siue in perfectiorem sui gradum nescia, superior omnibus quæ carnaliter diliguntur, affectionum omnium potentissima, diuinæ contemplationis auida, & præsentiae studiosa. In omnibus semper inuicta; Omnium bonarum actionum summa, Radix, medulla, vertex, Regina Virtutum, Salus morum, finis cælestium præceptorum, Mors criminum, Vita bonorum operum & Virtutum, Virtus & robur pugnantium, Palmâ victorum, Anima sanctarum mentium, causa meritorum bonorum, præmium perfectorum. Hæc in peccatis suis mortuos suscitât, languentes sanat, perditos instaurat, spem desperatis inspirat, pacificas mentes inhabitat, fructuosa in penitentibus, lata in proficientibus, gloriosa in perseuerantibus, victoriosa in Martyribus, operosa in omnibus fidelibus: quam fides concipit, ad quam spes currit, cui profectus om-

Exerc:
omni
obedi
uotio
DEO p

11.
quam
mina
Mors
non p
olenti
contra
do m
viole

12.
Dei co
centis;
Corde
tute tu
plenit
dilecti
sunt, a

O
tatis
bus i
affect
te tot
dilect

Exerc: V. Quæ sit Excellentia Amoris nostri in DEVM? 141
omnium seruit, ex quâ quicquid est boni operis viuit, sub quâ
obedientia crescit, per quâ Patientia vincit, propter quam De-
uotio religiosa carnis blandimenta contemnit. Sine quâ nullus
DEO placuit, cum quâ nec potuit aliquis peccare, nec poterit.

11. Ex his intellige vim Charitatis. Ipsa enim est virtus
quam nemo vincit: huius ignem, nulli fluctus seculi, nulla flu-
mina tentationis extinguunt. De hac dictum est; fortis est ut
Mors dilectio. Quomodo enim quando Mors venit, resisti ei
non potest. quibus libet artibus & medicamentis occurras, vi-
olentiam mortis vitare non potes, quia mortalis natus es; sic
contra violentiam Charitatis Mundus nihil potest: sed quomo-
do mors ad auferendam vitam violentissima est; sic Charitas
violentissima est ad saluandam Animam.

12. Diligenter ergo; quisquis te Hominem, & Creaturam
DEI cognoscis, audi, & exequere magnum Mandatum DEI di-
centis; ac iubentis. Diliges Dominum DEVM tuum ex toto
Corde tuo, ex totâ Animâ tuâ, ex totâ mentē tuâ, & ex totâ Vir-
tute tuâ. Qui sic diligit; legem implet, & ampliùs nihil debet:
plenitudo enim legis est dilectio: & omne mandatum de se solâ
dilectione est, omniaque præcepta in radicē dilectionis, vnum
sunt, atque si hoc vnum fiat, sufficit.

P R A X I S.

Omnipotens, sempiterna, idemq; Charitatis largitor DEVS:
da nobis Fidei, Spei, Charitatis augmentum: & qui Char-
tatis dona, per gratiam Spiritus Sancti tuorum fidelium cordi-
bus infundis, da cordibus nostris inuiolabilem tuæ Charitatis
affectum, & gressus nostros in semitis tuæ dilectionis perface, ut
te totâ Virtute diligamus, & ea quæ tibi placita sunt, totâ semper
dilectione perficiamus. Per Dominum nostrum, &c.

142 *Exerc: VI. Quod Amor DEI graua alleniet: &c.*

EXERCITIVM- VI.

*Quod Amor DEI graua alleniet, leuia aggrauet: & aliena,
sua faciat.*

1. **S**tatue te coram Domino DEO tuo: eumque tibi præcipientem audi. Diliges Dominum DEVM tuum ex toto Corde tuo, ex totâ Animâ tuâ, ex totâ Mente tuâ, & ex totâ Virtute tuâ.
2. Magnum & mirabile Mandatum: in hac præsertim aggrauatione: quia ex toto Corde, ex totâ Animâ, ex totâ Mente, ex totâ Fortitudine impleri iubetur. Non habet hanc in se conditionem præceptum de fide, de spe, de timore, de humilitate, de obedientiâ, de iustitiâ, prudentiâ, temperantiâ, fortitudine, misericordiâ: sola Charitas, & dilectio DEI, cum hoc onere præcipitur; vt ex toto Corde, & ex totâ Animâ, Mente & Virtute impleatur.
3. Quis hominum potest metiri totum Cor suum, totamque Animam, & mentem, & virtutem suam; vt vel sciat, vel affirmet, vel securus sit, se ex toto Corde, Animâque totâ diligere, & nihil vel deficere, vel excedere in diligendo? Confessus est aliquando Dauid (& quis secundum Cor DEI sicut Dauid?) & dixit: Confitebor tibi Domine in toto Corde meo: verum tamen ex cepto sermone Vriæ. Ezechias quoque confessus est Domino dicens: obsecro Domine, memento quæso, quomodo ambulauerim coram te in veritate, & in Corde perfecto: & quod placitum est coram te, fecerim; Nihilominus in iactantiâ diuitiarum coram Babylonijs displicuit Domino: sic scilicet dilectio DEI ex toto Corde arduum quiddam est.
4. Attamen ista aggrauatio & arduitas adeo est admirandæ Naturæ; vt dum aggrauat alleniet, & tantò quidem alleniet magis, quantò aggrauat magis: propter quod Ioannes Apostolus
non

Exerc: VI. Quod Amor DEI graua alleuiet : &c. 143

non dubitauit de mandatis DEI dicere: Hæc est enim Charitas DEI, vt mandata eius custodiamus: quod si à nobis fiat, mandata eius graua non sunt; leuia enim illa facit Charitas DEI. Ad quam etiam normam ipsemet Dominus, admonens nos tollere jugum eius super nos, addit: jugum enim meum suaue est, & onus meum leue.

5. Quod Domini pronunciatum, inde plus habet admirationis, quia videtur alijs eiusdem pronunciatu repugnans. Cum enim idem Dominus noster seriò affirmat; Nolite putare quia veni soluere legem: non veni soluere sed adimplere. Audistis quia dictum est antiquis. Non occides: ego autem dico vobis: Nolite irasci omnino; dictum est antiquis: Diliges amicum tuum, & odio habebis inimicum tuum, ego autem dico vobis, diligite inimicos vestros, benefacite his, qui oderunt vos. Hæc aliaque à Domino nostro denunciata, non videntur esse jugum suaue & onus leue.

6. Verumtamen stat verbum Veritatis, quia Onus præceptorum eius leue est, & jugum Mandatorum eius suaue est. Leue, & suaue est amantibus & Charitate feruentibus: graue & acerbum est frigidis, & negligentibus. Cuicumque præcepta Domini graua sunt, in veritate nouerit, quia non est Charitas Patris in eo: & in dilectione pusillus valde est: si tamen in eâ est: at vbi abundauit Charitas, leuis & suaui facta est omnis grauitas & difficultas. Qua de re audi Apostolum abundè testantem. Quis (ait) nos seperabit à Charitate Christi? tribulatio? an angustia? an fames: an nuditas? an periculum? an persecutio? an gladius? sed in his omnibus superamus propter eum quid dilexit nos. Certus sum enim, quia neque Mors, neque Vita, neque Angeli, neque Principatûs, neque Virtutes, neque Instantia, neque futura, neque Fortitudo, neque Altitudo, neque Profundum, neque Creatura alia poterit nos separare à Charitate DEI, quæ est in Christo IESV Domino nostro.

144 *Exerc. VI. Quod Amor DEI graua alleuiet: &c.*

7. En quantas grauitates, quantasque amaritudines contemnit, & ridet Apostolus; abundante, & urgente Charitate DEI! scilicet prout Alæ volucrum ita grauant vt subleuent, & ab infimis terræ attollant; sicut rotæ currui, sicut armamenta naui, sic oneri sunt, vt profint motui; ita Charitas facit omnia nobis commodiora, gratiora, & insuper desiderabiliora: quæ sine Charitatis ac spiritûs vnctione fuissent onerosa, dura, & tristia. Ergo præceptum de DEO à nobis ex toto Corde, & Animâ diligendo, totalitate suâ, & vniuersalitate, vsque adeò non grauat nos, vt etiam, si ad eius mensuram, nescientem mensuram, in illo proficiamus progrediamurque; omnia nobis alleuiet, ac deliniat, in dulcedinemque & delicias conuertat.

8. Porro interim hæc eadem Charitas, quæ (vt vidimus,) omnia etiam grauissima facit leuia: eadem (inquam,) omnia etiam alioqui leuissima, facit & graua, & grandia: idque coram ipso DEO, æquissimo Charitatis ponderatore, ac æstimatore, ac denique remuneratore. Quid vilius ac leuius duobus minutis, quæ pauper vidua in gazophylacium misit? & tamen teste ac iudice Christo, plus omnibus largè mittentibus misit, quia nempe maiore præ omnibus in DEVM liberalitate ac dilectione misit. Dare potum calicem aquæ frigidæ sitienti: certè non grandis operæ beneficium est, & tamen iudice DEO, si in nomine iusti fiat, mercedem iusti à DEO reportat. Quid multa? Charitas est, & summum, & omne pretium, omnisque valor, omne meritum, cui debetur præmium omne nostrum.

9. Subi Martyrium ita vt ardeas: expende omnem substantiam in egenos, ita vt ipse egeas: sis verè à Charitate extraneus, nihil es, nihil tibi prodest: Moueto manum, vel pedem imperante Charitate, DEO places: in gratiâ, in charitate, in omni virtute, in merito, in præmio æterno apud DEVM crescis. Ita mirabile est ingenium Dilectionis DEI. Si magna & graua imperauerit tibi ad agendum perferendumue DEVM, dilectio tua quò gran

Exerc: VI. Quod Amor DEI grauiā alleviet: &c. 145

grandior & auctior erit, eò leuiora tibi reddet vniuersa: Si verò quælibet etiam leuissima & minima, DEO cum dilectione multā obtuleris; maximi coram DEO æstimatore, ponderis, & præmij meritoria perficies.

10. Amandus est ergo DEVS nobis: iuxta Voluntatem eius, ex toto Corde nostro, ex totā Animā, ex totā Mente, ex totā Virtute: & per hoc, quidquid onerosum in viā DEI nobis obtigerit, siue nuditas paupertatis, siue mortificatio carnis, siue abnegatio propriæ Voluntatis ac honoris; siue amor inimicorum, siue condonatio iniuriarum, siue tolerantia contemptuum, siue ereptio bonorum, siue incursus calamitatum, siue conflictatio morborum ac dolorum, siue instantia mortis, siue violentia Martyrij, siue ingratitude, & malorum pro bonis retributio, siue detractio maleuolorum, siue liuor inuidentiæ, siue persecutio propter iustitiam, siue odium gratuitum: quidquid denique huiusmodi; quo exerceri Charitas DEI potest, totum leue & momentaneum, fiet: & inter gaudia, atque delicias, & lucra computabitur.

11. Aliās autem quidquid ex Amoris ejusdem in DEVM redundantia à nobis profectum & peractum fuerit; siue magnum, siue paruum illud erit; coram DEO nonnisi magnum, nonnisi pretiosum, nonnisi immenso pondere gloriæ dignum, nonnisi æternitatis bonis remunerandum erit. Amore; cuncta nostra cogitata, dicta, facta, intenta, desiderata, in Aurum cæleste, gemmasque conuertente, & in diuinos thesauros recondente.

12. Quā quidem efficacitate Amoris nostri in DEVM, vti nobis licet, non ad nostra tantum, & à nobis profecta opera appetianda: verum etiam ad aliena: ita vt quidquid quæcunq; Creatura facit, nostro, id totum, in DEVM amore, nostrum fiat: nobis ad meritum proficiat; amore nostro coram DEO pretiosum & remunerabile nobis euadat. Admirandā prorsus Amoris virtute: adeo, vt siue alius quis suo labore operuē ditescat apud

T

DEVM,

146 *Exerc: VI. Quod Amor DEI grauiā alleuiet: Sc.*

DEVM, siue non; siue otiosum ei sit, siue etiam malignum opus eius; Certā nihilominus nostri Amoris in DEVM ratione ac virtute, quantum ex nobis, DEO proficiat ad gloriam: nobis verō ad gratiam, & ad gloriam: sic prosperitas stultorum perdit stultos, labor impiorum perit impijs: at iusto, & amatori DEI, DEVM in illā prosperitate laudanti proximumque amanti, & laborem quantum ex amore suo, in DEVM referenti, & prosperitas in salutem transit, & labor in æternitatis præmium abit.

P R A X I S.

O Diuinum Charitatis bonum: quā inenarrabilis est virtus tua: quā ineffabile pretium tuum! quā inæstimabilis apud ipsum etiam DEVM æstimatio & remuneratio tua! Domine, fons omnis boni, sed inprimis Amoris erga te nostri: immitte nobis hunc ignem tuum, vt vero tui Amore semper ardescerent, non solum omnia nostra, verū & omnium Creaturarum opera in Amorem tuum conuertamus: per omnia, & in omnibus te amemus: omnem Creaturam, quantum ex nobis est, in amatricem, imō in Amorem tuum conuertamus.

E X E R C I T I V M VII.

De Amoris DEI perfectā plenitudine.

1. **S**tatue te coram Domino DEO tuo: cumque tibi mandantem audi. Diliges Dominum DEVM tuum ex toto Corde tuo: ex totā Animā tuā, & ex totā Mente tuā, & ex totā Virtute tuā.
2. Isto præcepto tam exaggerato, DEVS non tantum se diligijubet, verū etiam plenā & perfectā dilectione se diligij, & insuper istam ipsam tui Dilectionem diligij vult. Tanti nimirum est DEO, dilectio in se nostra, vt non tantum diligij illā, sed etiam perfectam illam esse, & præterea, vna secum ipsam quoque diligij velit.
3. *Quod*

Exerc: VII. De Amoris DEI perfectâ plenitudine. 147

3. Quod ad perfectionem Charitatis Amorisque nostri in DEVM attinet, Inprimis DEVS talem vult esse nostrum erga se amorem; vt non solum ab illo absit penitus omne quod ei est directe inimicum, vt est peccatum mortale quoduis, etiam vnicum: (cum hoc enim Amor DEI nullus, qui Charitatis & Amicitiae sit consistit, sicut lux cum tenebris, aut Vita cum Morte;) verum etiam, vt à Corde, atque amore hominis in DEVM, exulet; quam maximè hac in vitâ fieri potest; omne illud quod impedit, ne noster affectus totus ad DEVM tendat, in eumque dirigatur: & totus illi incommutabiliter, nisi in melius, tanquam incommutabili quoque bono inhæreat.

4. Illud prius, nempe excludere noxam mortalem, essenziale est omni Charitati, etiam incipientium: & est de necessitate salutis æternæ: hoc verò posterius, potest abesse ab amore & Charitate incipientium, imò & à proficientium, sed ad Amorem perfectorum, necessarium est: ab his enim, si respondere volunt statui suæ Charitatis atque gradui, oportet omnem affectum ad mundi, & carnis commoda, quæ mentem visco suo retinent, & ad DEVM liberis dilectionis alis euolare prohibent; exulare, atque penitus exesse. Neque hoc adhuc satis ad integritatem, seu perfectionem charitatis, carere scilicet impedimentis, remorisque, ac in frigidantibus ardorem illius: sed præterea indiget omnium Virtutum perfecto valde usu, aliisque adiumentis ad tendendum in DEVM: inhærendumque illi iugiter: ac denique indiget hac ipsâ, semper habituali, frequentissimâ autem actuali in hæsiione, immansione, adiunctione, & vnione per Charitatis affectum: vt verè pro statu huius vitæ, diligatur DEVS ex toto Corde, ex totâ Animâ, & Mente, & Virtute.

5. Impedientia cursum & ardorem Charitatis DEI, sunt in cupiditatibus nostris sita: quas Ioannes ad tria capita reuocauit: ad concupiscentiam oculorum, ad concupiscentiam carnis, ad superbiam vitæ: harum prima est cupiditas & amor externorum

148 *Exerc: VII. De Amoris DEI perfectâ plenitudine.*

bonorum, à Domino spinis comparatorum; qui enim volunt diuites fieri, incidunt in tentationem diaboli, & desideria multa nociua, quæ mergunt hominem in interitum: ideo facilius est camelum ingredi per foramen acûs; quàm diuitem, re, & maxime cupiditate, in regnum cælorum intrare. Altera est cupiditas & amor, carnis, & sanguinis, voluptatum quoque & commoditatum carnalium, etiam aliàs licitarum: quæ quoniam hominem valde à statu mentis deiciunt, debet eas Anima perfectæ Charitatis cupida, resecare à se, vt cogitet quæ Domini sunt, sitque sancta & corpore quod viuificat, & spiritu quo viuificatur. Tertia denique est cupiditas, amorque sui ipsius, propriæ item Voluntatis ac libertatis, item iudicii & honoris: quæ ad superbiam vitæ spectant: quorum amotionem ab Animâ suâ sequelæ cupidâ, Dominus sæpè præscribit. Qui vult venire post me: abneget semetipsum, & tollat crucem suam, & sequatur me, qui de cælo descendi, non vt faciam voluntatem meam, sed eius qui misit me, Patris, cuius Voluntatem facere semper, meus cibus est. Non etiam veni ministrari sed ministrare, & dare animam meam pro multis.

6. Ad hæc quoque Charitatis DEI impedimenta pertinent: (quamquam ferè in supradictis continentur) Vita, seu prauæ consuetudines peccandi, induci à frequentatis peccandi actibus solitæ, manentes in Animâ, etiam post deleta pœnitendo, ipsa actualia peccata. Item passionum Animæ, Amoris potissimum, desiderij, timoris, ac iræ, odij, ac tristitiæ viuacitas: & vt vocare solemus, immortificatio: quibus Anima nostra, non secus ac Mare ventis, turbulenter, agitur: omnisque illius pax, & sapientia deuoratur. Huc accedunt frequentes lapsus in peccata, venialia quidem, peccata tamen: præsertim si deliberata, & contempta, à conscientia incurrantur. Insuper curarum etiam bonarum multitudo, mentisque in illas effusio, & vehemens applicatio. Ideo namque monet Sapiens. Ne sint in multis actus tui, & qui minoratur actu, sapiens.

7. Ista

Exerc: VII. De Amoris DEI perfecta plenitudine. 149

7. Ista Charitatis perfectæ impedimenta, DEO infirmitatem nostram adiuuante, impugnantur primò, deinde expugnantur constantiâ abnegationis internæ, & Virtutum omnium exercitatione. Monente per Prophetam Domino; Ecce constitui te hodie super gentes, & super regna peccatorum, vitiorum, passionum, cupiditatumque, ut euellas, & destruas, & disperdas, & dissipēs, ut ædifices, & plantes, arbores fructiferas Virtutum, & domos æternarum mansionum, in fundamento fidei, ac spei, super ædificando aurum, argentum, & lapides pretiosos, perfectæ, & elaboratæ Charitatis. Estque hoc vnum ex adiumentis perfecti in DEVM Amoris: nimirum vsus abnegationis, & mortificationis, quæ internæ, quæ externæ perpetuus: sed discretus: sunt verò alia etiam adiumenta, & nutrimenta, ornamentaque eiusdem Amoris, à quo vicissim illa succum, & vitam, valorem, decoremque accipiunt: talia sunt iugis oratio, & meditatio, contemplatioque DEI, & perfectionum, beneficiorumque illius: Vera, interna, humilitas cordis, plenaque de semetipso dissidentia: Resignatio in omne DEI placitum, conformitasque cum eius Voluntate: Vsus Sacramentorum, & in eis participatio, unioque meritorum Christi: Amor quoque & sitibunda imitatio passi pro nobis Domini nostri eiusque Matris & Electorum: Studium efficax & assiduum cordis mundandi, & ornandi, atque ditandi à Virtutum perfectis operibus, & à familiaritate cum præsentem DEO: Super omnia verò Zelus, & sitis, & procuratio generosa Gloriæ DEI, salutisque ac perfectionis Animarum: quo cibo par est famelicissimum Amorem nostrum in DEVM, iugiter pasci, confortari, consolari, irritari.

8. Charitas enim vera, illa demum, talis est; quæ & DEVS diligitur super omnia ac propter semetipsum: (nam causa diligendi DEVM, DEVS est, & modus sine modo diligere:) & tam ipsemet homo, quam omnis proximus eius: amicus, siue inimicus, omnisque alia Creatura in DEO, & propter DEVM; siue secundum DEVM.

150 *Exerc: VII. De Amoris DEI perfectâ plenitudine.*

9. Neque enim vlla Creatura amabilis aut amanda est, aut esse potest, nisi quatenus à DEO, & aliquid DEI est: deque bonitate, ac perfectione eius participat. Et quia omnis aliquomodo participat, idcirco omnis aliquomodo amabilis, amandaque est: idcirco, etiam inimici quanti quanti illi sunt, diligendi sunt: quia semper aliquid DEI, sunt: semper DEI participatio, semper DEI filij, & nostri fratres sub vno Patre DEO sunt.

10. Extra DEVM verò, & quatenus sine DEO, vel contra DEVM aliqua Creatura est, eatenus diligenda non est: nam vel nihil est, vel malum quid est: quorum vtrumque amari indignum est.

11. Si verò aliquid amatur, non propter, nec secundum DEVM; iam eo ipso DEVS non ex toto corde diligitur, quoniam aliquid diligitur, quod non in DEO, nec propter DEVM, ac non ex dilectione DEI diligitur. Sicut etiam quando aliquid in DEO diligendum non diligitur; etiam tunc ex toto Corde DEVS non diligitur: quoniam in aliquo, in quo DEVS est, & consequenter inibi amore dignus est, nequaquam tamen diligitur. Ex quo manifestum est: ad dilectionem DEI ex toto Corde, totaque Animâ, totâ Mente & Virtute, pertinere etiam Dilectionem tam sui, quam proximi cuiuscunque, quàm omnis Creaturæ, quatenus est, & quia est aliquanta participatio DEI.

12. Præter ista quæ dicta sunt, ad perfectionem Amoris DEI pertinet quoque Amor ipsius Amoris, atque Charitatis: tum quia DEVS Charitas est: & qui amat Charitatem, DEVM amat, qui non amat Charitatem, DEVM non amat: tum quia reuera non habet ille Charitatem, qui Charitatis non habet amorem: ille autem non habere conuincitur, qui illam propter quamlibet cau sam, occasionem uè, perdere, lædere, prostituere conuincitur.


13. Et quid tam inter homines, inter Christianos, inter Charitatem atque fraternitatem, Christi sanguine sancitam profitentes, quid (inquam) adeo frequens, frequentatunq; quàm
vul-

Exerc. VII. De Amoris DEI perfectâ plenitudine. 151


vulnera Charitatis? An verò inter hæc; conseruetur integra
tam Dilectio DEI ex toto Corde, quàm dilectio proximi sicut sui
propter DEVM; iudex esto, tam Veritas, quàm Charitas DEI.

P R A X I S

Domine DEVS, qui indeficiens thesaurus Charitatis, & ipsa
Charitas es: tu es qui doces eam: per Spiritum tuum San-
ctum, diffundens, & radicari nec non crescere faciens illam in
cordibus nostris: quæsumus amoue à nobis omnia quæ sunt huic
bono adversa: insere autem quæ illi sunt amica: vt cum tuæ
Charitatis gratiâ, Te super omnia, nos verò, & proximos no-
stros omnes sicut ipsos nos, propter te, omnesque Creaturas in
te, ac demum ipsam Charitatem, dignè te,
diligamus.



EXER.



EXERCITIORVM

PARS VI.

ERGA

Æternam Sapientiam propter nos
Incarnatam.

EXERCITIUM I.

Per Indiuinationem in ipsam.

1. **R**ecognosces DEVM propter tuam, & totius Humanj generis salutem incarnatum esse.
2. Impendes te totum, cum omnibus viribus, partibus, actionibus, passionibus tuis, totali Charitate, huic Incarnato DEO, in eumque te plenissimè transformare gesties.
3. Ad hoc enim ille Homo factus est, vt nos diuinitatis suæ tribueret esse participes: Diuinæq; suæ Naturæ consortes redderet.
4. Facies ergo; vt cum Psalmistâ Cor tuum, & caro tua, exultent, & transformentur in DEVM viuum; facies; vt tota caro tua, tota Anima tua, totus tu, tota capacitas, tota obedientialitas, tota possibilitas tua in DEVM transeat; ita vt sibi plenè, & planè perditâ, possit ex Veritate dicere; viuo ego, iam autem non ego, sed viuit in me Christus.
5. Viuat assiduitate cogitationis & memoriæ: viuat puritate intellectus ac sapientiæ, viuat flagrantiam charitatis & affectionis, viuat denudatione creati desiderij & spei: viuat puritate cordis & corporis: viuat simplicitate vnionis & vnitate spiritûs,

vi-

Exerc
uiuat e
scientiæ,
& effigie
6. Ad
hominis
efficieri
castitati
militate
mortifi
alter te
terinte
nation
identit
vnus sp
7. Et
omnis
vitæ inst
8. Co
non eac
cutione
litudin
quand
te, & ex
9. E
bimetip
retiner
hoc fo
DEVM

Sapi
Hun

Exerc: I. Erga Sap: Incarn: per Indiuiuationem in ipsam. 153
uiuat edomatione sensus, & nullitate effrenationis concupiscentiæ, uiuat obliuione & sepulturâ sui in DEO; uiuat imagine & effigie Christi Crucifixi, uiuat vitâ DEI & Deificatione.

6. Ad ista vt idoneus fias; efficiet Amor IESV Christi, DEI hominis, practicus & expressiuus atque sigillatiuus, per quem efficieris alter quasi Christus: alter paupertatis nuditate, alter castitatis puritate, alter obedientiæ subiectione, alter mentis humilitate & exinanitione, alter cordis mansuetudine, alter crucis mortificatione, alter gloriæ DEI zelo, alter heroicâ Charitate, alter terrenorum contemptu, alter Virtutum exemplaritate, alter intentionis simplicitate, sublimitate, vnitate, alter adglutinatione ad DEVM, ad eiusque Voluntatem conformitate & identitate. Sic enim affici, DEIFICARI est. Et qui sic adhæret DEO, vnus spiritus est cum ipso.

7. Et talis fuit Vita vniuersa Domini nostri IESV Christi, talis omnis Actio, talis professio, tale institutum, & decursus à primo vitæ instanti, vsque ad vltimum terminum viuendi.

8. Confer tuam professionem cum eius professione, numquid non eadem est? confer professionis executionem cum eius executione, numquid eadem est? Heu! in quanta regionis dissimilitudine vita tua disiuncta est ab eius Vitâ? Et quamdiu sic erit? quando indues Dominum IESVM Christum? quando totus in te, & ex te eminebit IESVS Christus: & hic Crucifixus?

9. Exeas tandem à creaturis, exeas à te ipso, desice & peribimetipsi: ingredi ad interiora IESV: nihil attingens, nihil retinens, nihil agens, quod vel te, vel creaturam redoleat: sed hoc solum, quod aut DEVM ad te, aut te, aliosque per te, ad DEVM ducat.

P R A X I S.

Sapientia Æterna, increata, pro nobis autem incarnata, atque Humanitatis nostræ vilitate vestita: quid obsecro retribuam tibi

154 *Exerc: I. Erga Sap: Incarn: per Indiuinat: in ipsam.*
tibi DEO Redemptori, & tanto Amatori meo: tantoque profu-
tori tui, pro dilectione, pro salute, pro possessione mei? Scio
equidem me nec ad vnicum atomum Dignationis tuæ, propter
me susceptæ, adæquandum, sufficere: attamen etiam scio, nihil
posse æquè tibi optabile fieri à me propter te; quàm vt per omnia
desciscam à me, totus verò per omnia superinduam Te, fiamq;
alter Tu. O incarnata Sapientia Domine IESV, da quod jubes,
& jube quod vis. Induisti carnem meam, vt me induas Deita-
tem tuam; tactus es particeps Humanitatis meæ, vt me faceres
Diuinæ tuæ naturæ consortem; Da quod jubes, & jube quod vis.
Inductionem Tui à me mihi jubes: transformationem mei in te
jubes: da quod jubes, & jube quod vis: da quod jubes, & fiam
quod vis: fiam alter Tu, fiam totus Tu. Viuam ego iam non ego,
sed viuas in me Tu: qui es cum Patre & Spiritu Sancto vnus in
Trinitate DEVS benedictus in sæcula.

EXERCITIUM II.

Erga Sap: Incarnatam, per Exercitationem Virtutum.

1. **R**ecognosces: propter tuam, & totius humani generis sa-
lutem, incarnatam esse Æternam Sapientiam.
2. Confiteberis tuam in DEVM incarnatum Fidem: prout il-
lam Sancta Catholica Christi Ecclesia proficitur, & tradit.
3. Excitabis, & profiteberis tuam in eum spem, & fiduciam:
præsertim quoad remissionem peccatorum, tam quantum ad
culpam, quam quantum ad penam æternam, temporalemque:
item quoad assecutionem vitæ æternæ, per merita, & mortem
illius: item quoad filiationem & Hereditatem DEI: item quoad
vitam nostram spiritualem in Christo, tanquam palmitum in Vi-
te: item quoad meritum nostrorum, in vnione cum meritis
Christi factorum, valorem, & condignitatem ad Vitam beaitu-
dinemque æternam, ex condigno, & iustitiâ.

4. Effun-

Exerc: II. Exga Sap: Incarn: per Exerc: Virtutum. 155

4. Effundes tuam in eundem Incarnatum DEVM Charitatem, eiusque super omnia, super Vitam tuam, super totum Te appretiationem. Diligens, & complectens, æstimansque illum ex toto Corde tuo, ex totâ Animâ tuâ, ex totâ Mente, Viribus, fortitudine tuâ.

5. Agnosces, quin & simul exeres, exercebisque tuam in eum, & propter eum Obligationem Obedientiæ, Imitationis, Venerationis, Gratitude, Zelationis, Subiectionis, humiliationis, desiderij, comprehensionis, communicationis, & fruitionis.

6. Atque totum hoc ages, & agere propones, hoc intuitu, ac motiuo, quia ipse est DEVS, & Caput, & Rex, & Dominus, & Heres, & Bonum omne nostrum, & Homo propter nos, & Redemptor, Saluator noster, Misericordia, Iustitia, Sanctificatio, Beatitudo, & Vita æterna nostra.

7. Est idem Via, Veritas, & Vita: est Pastor Ouium, est Ostium, est Ouile, est Pascuum, est Pax nostra. Est Sacerdos, & Hostia, & Altare. Est Exemplum, est Lex, est Lux, est Magister, & Legislatorque, & Discretor, ac Iudex Meritorum, Brauiumque certaminum nostrorum.

8. Hæc tibi commendent DEVM pro te incarnatum, omniaque ista tibi factum. Hisce condigna age, condignè illum tracta, obligationes tuas per omnia, cumulatè etiam, explere contende: vt inueniaris in tempore suo, hoc est, in horâ iudicij eius, dignus stare coram ipso: vt quemadmodum Sponsus gaudet super Sponsam: sic gaudeat super te DEVS tuus; & tu vicissim gaudeas gaudens in sponso tuo, Dominoque DEO tuo.

P R A X I S.

Sapientia Increata, pro nobis autem Incarnâta Christe IESV: Scedo in te, & de te, ea omnia; quæ tu, & quia tu, per Ecclesiam tuam reuelas de te. Spero in te, & expecto à te, ea omnia,

156 *Exerc: III. Erga Sap: Incarn: per subiect: omnium ad ipsam.*
 quæ tu, & quia tu promittis, & quia promeruisti nobis tua in nos
 Charitate, & pro nobis passione, atque Crucis Morte. Amo te,
 & super omnia æstimo te, sicut dignus es: & quia dignus es,
 & sicut ego debeo, debereque volo, & gaudeo, propter Digni-
 tatem tuam Diuinam, propter Dignationem tuam Humanam.
 Propter quæ etiam, te audire, tibi subdi, tibi obedire, te du-
 cem, & Exemplar sequi: tecum, & propter te pati, humiliari,
 contemni, peto, appeto, propono. Tibi laudes, & gratias o-
 mnimodas ago. Te denique in Vitâ, & Morte, & in Æternitate
 perfrui concupisco.

EXERCITIUM III.

Erga Sapien: Incarnatam: per Subiectionem omnium ad ipsam.

1. **R**ecognosces DEVM propter tuam, totiusque Humani ge-
 neris salutem Incarnatum esse.
2. Subdes te huic DEO pro te Incarnato, tum quâ ille DEVS,
 tum quâ Homo est: secundum vtramque enim Naturam Domi-
 nus est omnium, & Rex Vniuersorum, propter quod in femore
 suo habet Scriptum, Rex Regum, & Dominus Dominantium.
 Natura enim est Dominus, & Rex, sicut Naturâ Dei Filius, &
 DEVS.
3. Cui etiam propterea omnes res, naturâ suâ subditæ, & sub-
 iectæ sunt: & curatur illi omne genu, siue celestium, siue ter-
 restrium, siue infernorum: nequid se potest quisquam subducere,
 à subiectione ad potestatem, & dominationem voluntatis eius.
4. Propter quod etiam istam subiectionem & incarnatum
 DEVM, laudes non tuo solum quasi particulari, & personali, ve-
 rum etiam communem. Hominum, & Angelorum, & Creaturarum
 bonæ obligatione, conatu, affectu, sollicitudine, corde, tub-
 lantia, atque viribus vniuersis.
5. Coniungendo cum omni ingenuitate, tam te, quàm omnem
 Crea-

Exerc. III. Erga Sap: Incarn: per subiect: omnium ad ipsam. 157

Creaturam, debere subiectionem istam omnimodam, absolutamque huic Homini DEO. Non solum propter eminentiam Diuinitatis eius, nec solum propter naturalem innatamque omni Creaturæ, respectu DEI, subiectionis, & seruitutis obligationem, sed etiam propter Humanitatis ipsius per Hypostaticam ad Personam Verbi, Filijque DEI, assumptæ dignitatem: atque etiam propter meritum ipsius, in susceptis pro nobis in assumptâ Humanitate laboribus, acquisitum, atque Patri æterno perquam humillimè, submississimèque oblatum.

6. Per hunc tuum præsentem subiectionis ad incarnatam Sapientiam Actum: intendes, atque satages supplere, omnem quarcunque Creaturarum subiectionis ad illam defectum.

7. Ideoque in tali actu exercendo, occupaberis quàm frequentissimè: si quidem nequeas assiduè; occupaberis quàm plenissimè, absque vllâ diminutione; occupaberis quàm constantissimè, absque animi delassatione; occupaberis quàm deuotissimè, cum possibili cordis latitudine, atque iucunditate: occupaberis quàm liberalissimè & gratuitissimè, absque vlllo ad priuatum tuum commodum, sed purè ad solam tuam, creaturarumque obligationem, & ad vnicam DEI Hominis Dignitatem, respectu.

P R A X I S.

Sapientia Increata, propter nos autem incarnata, Christe IESV, subdo me maiestati tuæ, tam quàm DEVS: quàm quàm Homo es. Subdo autem, non meo tantum, sed etiam omnium hominum, & Angelorum, & Creaturarum nomine, obligatione, affectu, corde, feruore, substantiâ, plenitudine. Omnes enim debemus tibi hanc subiectionem nostri omnimodam. Non tantum quia DEVS noster es: nec tantum quia opus manuum tuarum, & naturalia mancipia tua sumus omnes, sed etiam quia Humanitate ad Personam DEI Filij assumptâ, Homo DEVS

158 *Exerc. IV. Erga Sap: Incarn: per Exinanit: nostri coram ipsâ.*
es: & hanc subiectionem nostri ad te, per opera, labores, passionem, mortem tuam in Humanitate, pro nostra salute, proque DEI Patris æterni Gloriâ susceptam, promeritus es.

EXERCITIUM IV.

Erga Sap: Incarn: per Exinanitionem nostri coram ipsâ.

1. **R**ecognosces DEVM, propter tuam, omniumque Humanum salutem incarnatum esse.
2. Coram eius Diuinâ præsentia & Maiestate effundes, & exinanies totam tuam substantiam, potentiam, plenitudinem, efficaciam, virtutem.
3. Assumes ad hoc opus in Societatem, omnes Incarnatæ Sapientie speciales Amatores: eorumque omnes, substantias, personas, potentias, efficacias, capacitates.
4. Hanc Æternæ incarnatæ Sapientie Societatem constituunt, imprimis quidem & primarius ipse DEVSHomo Christus IESVS: deinde Diuina eius Mater Virgo MARIA: tum Supremus Seraphim in Amorem Sapientie Æternæ destinatus conditus: qui Sanctus Michaël esse creditur: tum vniuersus Seraphinorum atque Cherubinorum Chorus: tum Petrus, Paulus, Andreas, Ioannes, Apostoli, vniuersusque eorum cætus: S. Ioannes Baptista, SS. Ioachim, Anna, Ioseph, Martha, Magdalena, Lazarus, Susanna, Iohanna, Simeon iustus, Anna Phanuelis, Zacharias, Elizabeth, cæteraque Sancta Christi cognatio: item Discipuli Domini, post hos Sancti plerique; ardentissimi DEI Hominis amatores: in quibus videntur eminere, SS. Athanasius, Cyrillus Alex: Franciscus Seraphicus, Bonauentura, Ignatius Martyr: Ignatius Confessor, Laurentius Iustin: Henricus Suso: Gertrudis, Mechtildis, Catharina Martyr: & Senensis, & Adorna, &c.
5. Huius totius Societatis Incarnatæ Sapientie, atque Seraphicæ, substantiam atque plenitudinem omnem, effundes coram

Exerc: IV. Erga Sap: Incar: per Exinaniti: nostri coram ipsâ. 159
ram Incarnati DEI maiestate: in eius honorem, amorem, ardorem, æstimationem, exaltationemque: sicut effudisti tuam: cum omni profusione & Exinanitione.

6. Id verò hoc fine, ac intento, vt per hanc effusionem, atque exinanitionem vestri, impleatur, suppleatur & super superque impleatur, vtcunque effusio, & exinanitio Verbi æterni: propter nos in Incarnatione plusquam exinaniti.

7. Vt nimirum, quoad fas est, quàm valde DEVS Homo, humiliavit, & exinaniuit semetipsum in nostræ humanitatis vilitate: tam valde, tamque altè sit per omnes Amatores suos, quin & per omnes Creaturas suas, amatus, exaltatus, appetiatus, dignificatus, & quasi expletus, instauratus, accumulatusque, ac saginatus.

P R A X I S.

Sapientia Increata, pro nobis autem Incarnata, Christe IESV: Sin conspectu Maiestatis tuæ Diuinæ, propter nostram salutem Incarnatione exinanitæ, effundo & exinatio totam meam, totam omnium Amatorum tuorum substantiam, potentiam, efficaciam, plenitudinem: & cum istis omnibus Amatoribus tuis, per istam nostri propter Te, & in Te profusionem, atque exinanitionem, suppleantur, & expleantur, quantum nostræ paruitati fas est, omnes tuæ propter nos exinanitiones, atque humiliationes: vtque tantum, quoad conatus nostros pusillos, exalteris, & magnificeris a nobis, & in nobis, quantum humiliatus, & minoratus es Tu maximus in nobis, & pro nobis.

EXERCITIUM V.

Erga Sap: Incarnatam per eius ad nos appropriationem.

1. **R**ecognosces DEVM pro tuâ, omniumque hominum salute incarnatum esse.

2. Col-

160 *Exerc: V. Erga Sap: Incarn: per eius ad nos appretiat:*

2. Colliges in vnum veluti cumulum, acervumque huius incarnati DEI vniuersam substantiam, inchoando ab Æternitate & Maiestate Diuinitatis eius, & Originis ex DEO Patre. Deinde ab instanti conceptionis eius ex purissimis Mariæ Virginis Matris eius sanguinibus. Omnia deinde puncta consequentis vitæ illius congregabis: puta Vitam, & Moram in vtero, Natalem in Mundum, Vitam in eodem, labores, fatigationes, prædicationes, passionem, indigentias, miseras, miracula, beneficia, contradictiones, persecutiones, inuidias, contemptus, odia, dignationes, indignitates, dolores, vulnera, cruciatus, probra, blasphemias, crucis mortem, sepulturam.

3. Adiunges his Descensum ad inferos, Victoriâ diaboli, inferni, peccati, mortisque: eliberationem captiuorum Patrum, Resurrectionem ex mortuis, confirmationem discipulorum, institutionem Ecclesiæ, Ascensum in Cælos, Spiritûs Sancti missionem, Regimen præsens Ecclesiæ, aduentum ad iudicium extremum, Regnum cum Sanctis æternum, Traditionem eiusdem Regni Æterno Patri, cum subiectione suâ ad ipsum.

4. Præterea congregabis omnia eiusdem Incarnati Verbi Merita, Gratiâs, Excellentias, Priuilegia, Dona, Virtutes, operationes, eminentias, qualitates, remunerationes, glorificationes, denique omnes conditiones, atque circumstantias ad ipsum quoquomodo attinentes.

5. Ista omnia, sic accumulata, & collecta, assumes tibi cum summâ veneratione, æstimatione, cupiditate eorum: assumes deliberatè, voluntariè, deuotè, in pretiosissimum vnicum, solum thesaurum tuum, cordisque tui: in possessionem, in hereditatem, in proprietatem, in opulentiam, in ornatum, in Delicias, in Munimen, in Solatium, in Refrigerium, in Refugium, in Gloriationem, in præmium, in beatitudinem.

6. Omnes alias Creaturas à te, à corde, ab amore tuo, procul, & penitus amandabis, excludes, perireque tibi, & curæ, & amoris,

Exerc: V. Erga Sap: Incarn: per eius ad nos appropriat: 161

ri, & omni affectui, propter incarnatum Verbum constantissime facies, & neq; timori, neq; amoris earum apud te locū relinques.

7. In prædicto solius IESV tui thesauro acquiesces: illo desideria, vota que tua explebis: in illo solo tibi complacebis, congaudebisque: eius te prædictis possessionibus ditabis: vestibus eius atque insignibus indues: dignationibus eius adornabis. In ipsum te transformabis, & quasi alter ille ipse fies: in ipso te sepelies, in ipso peribis tibi, atque disperibis, in ipsum Deificaberis atque indiuiaberis.

P R A X I S.

Sapientia Increata, pro nobis autem incarnata Christe IESV, omnem substantiam tuam Dininam ex Patre: omnemque humanam ex Matre, omnia quoque momenta Vitæ tuæ Theandricæ, rebus omnibus pretiosiora, tum ea, quæ ab Æterno vixisti cum Patre, tum ea quæ ex tempore viuere cepisti perrexisti que conceptus & genitus ex Matre, tum etiam ea, quæ ab instanti resurrectionis ex mortuis viuis, & viues totâ æternitate: Omnes quoque diuitias tuas siue ex Diuinitate, siue ex quouis alio fonte in te promanantes, & existentes: Omnes etiam actiones, virtutes, gratias, doctrinas, veritates, passionēs, miseras, dignationes, indignitates, probra, vulnera, contemptus, egestates, dolores, mortem: Omnia quoque merita, dona, præmia, posteriores glorias, priuilegia, exempla, exaltationes, glorificationes, recompensationes, ac remunerationes tuas: & quid tandem Tu es, quidquid in Te est, quidquid à Te gestum toleratumque, quid Tibi debitum, te dignum, & condignum est: totum hoc, quantum quantum est, & quidem solum atque vnum: amandatis, ablegatisque omnibus alijs creaturis, à me, meoque corde, quatenus ex elongant, & elongantur à te; deligo, assumo, accepto mihi in vnicum, in solum, in solidum cordis mei thesaurum, in possessionem, in hereditatem, in opulentiam, sufficientiam, abund-

162 *Exerc: VI. Erga Sap: Incarn: per Æstimationem &c.*
 abundantiam, ornatum, gloriam, pretium, præmium, mercedem, coronam, beatitudinem, atque in beatificam æternitatem, æternitatemq; Beatificationem. Te solo & vno, mi DEVS meus IFSV contentus sum, plenè, abundanter, superabundantissimè. Te solum induo, in Te amores, desideria, vota mea omnia transfero, transfundo, transplanto, irradico, transflammo. In Te me transmuto, transformo, in Te demergo, in Te sepelio, in Te perdo, in Te annihilo, in Te Deifico, & indiuiuo: ut nusquam sim amore extra te: totus autem in vno & solo Te: imò totus vnus, & solus Tu, per omnem Æternitatem, quā Æternus es Tu.

EXERCITIUM VI.

Erga Sapientiam Incarnatam, per Æstimationem sumptuum illius pro nobis.

1. **R**ecognosces DEVM pro tuâ omniūq; salute Incarnatū esse.
2. Ruminabis, & expendes apud Te hanc DEI propter te resolutionem, atq; impensam: sanè sumptuosissimam: quam tui causa profudit, in descensu vique in virginis utero, in conceptione ex eius sanguine: in Natali, in Vitâ pauperrimâ, contemptissimâ, atperrimâ; in passione acerbissimâ, in morte probro-
fissimâ; quod totum Apostolus vno verbo vocauit; Exinanitionē.
3. Attendes, & aduerteres ad te ipsum: quomodo nunquam fuisti, nunquam es, nunquam esse potes, dignus hac DEI tui adeo sumptuosâ, adeo prorsus incogitabili, insperatâ, inoptatâ, immani denique resolutione, profusione, exinanitione. Attendes, inquam, quomodo non es dignus, propter paruitatem, imò nihilitudinem, propter abiectionem, propter inutilitatem, propter iniquitatem, propter miseriam, propter fragilitatem, propter mendicitatem, propter ingratitudinem, propter incorrigibilitatem, propter reciduationem, propter obstinationem in malo, tuam.
4. Tu enim, talis, dignus sis, fuerisue, non dico tantâ, tamq;
im-

Exerc: VI. Erga Sap: Incarn: per Æstimationem &c. 163

immensâ, & inæstimabili, sed vel infinities quamuis minori DEI tui super te effusione, & propter te inanissimum exinanitione? Si vel scintillam tuæ vilitatis indignitatisque, & si vicissim atomum Diuinæ Dignitatis, nec non propter te Dignationis, exinanitionisq; cognoueris comparauerisq; impossibile est te non ipsâ profunditate profundius deprimi.

5. Super omnia attendes & expendes; quomodo non tantum indignus, sed etiam omnibus oppositis modis extremè dignus & fueris & sis, propter ingratisissimam malitiosissimamq; ingratitudinem, sterilitatem, malorum pro bonis, pessimorum pro optimis retributionem, inque retribuendo fecunditatem; adeo vt certasse; certareque videaris cum profusione nimia beneficentiæ DEI super te: per continuam effusionem ingratitudinis tuæ contra DEVM.

6. Stupore magno stupefces; quòd tantus DEVS pro te tantillo, & vndique indignissimo, miserrimo, ingratisissimo, exosissimo, tantos sumptûs profudit, ac etiamnum profundit.

7. Abominaberis te ipsum, & excuties à te procul omnem ingratitudinem tuam

8. E contra verò æstimabis, & appretiabis te, etiam coram ipso te; propter tantam tui apud DEVM ab ipsomet DEO æstimationem, atque appretiationem: neque tibi ampliùs vilis eris; quandoquidem sapientissimus, atque adeo ipsa vera Sapientia DEVS, tanto te pretio dignum æstimauit. Ex hoc iam agnosce Dignitatem tuam: quoniam diuinæ consors factus es naturæ: & ideo in veterem vilitatem degeneri deinceps conuersatione caue redire: sed intelligens à quo, & quanti æstimatus es: etiam, quem, & qualem te esse viuendo deceat; omnia quæ sunt DEO digna sectare.

9. Accendas te, & conuestias, imò & commutes totum, in dilectionem, in æstimationem, in exaltationem, in desiderium, in vsum efficacem, condignumque tantorum sumptuum pro te

164 *Exerc: VI. Erga Sap: Incarn: per Aestimationem &c.*
profusorum, & in te effusorum: qui non alij, neque minores
sunt, quàm ipse Amator, profusorq̃ue, ipse, inquam, pro te in-
carnatus DEVS.

10. Ergo applica te, & adfige, atq̃ue adglutina huic tuo Ama-
tori, huic Amori tuo, sicut lactens ad vbera, sicut Hirudo ad san-
guinem, sicut spongia ad aquam, sicut flamma ad stipulam: cum
omni simplicitate, sinceritate, securitate, amorositate, fiducia,
acquiescentiâ, proiectione, immersione, æternalitate.

P R A X I S.

Sapientia Increata, propter nos autem incarnata Christe IESV. Oh! quantum impendisti, quantum profudisti totius
Substantiæ tuæ pro me! Pro me inquam: qui minimâ gratiâ
tuâ, fui semper indignus: & nunc etiam insuper illius existo in-
gratus. Omi IESV quàm insuperabilis est Bonitatis tuæ super
me immensitas! quæ cohiberi nequit à sui supra me profusione,
etiam istâ perenni meâ ingratitudine, atque indignitate: sed vsq̃;
modò manat, & promanat super me. O abominabilis ingratitu-
do mea! quousque mecum eris? quousque non facesses procul,
& procul à me? quousque Amatori, quousque Amori meo IESV,
molesta, & onerosa eris? Recede a me, & excede ô pestis, ô
virus Boni mei vniuersi, excede in æternum. O Anima mea: ab
IESV sic dilecta: saltem nunc, & ex nunc, ardesce Amore Ama-
toris, Amorisque huius tui: adfige te, adglutina, adcreesce
huic tuæ mamillæ, huic Matri, vndique lac miserationum, atque
gratiarum, beneficiorum & amorum, efficacissimorum & inces-
sabilium, super te jugiter, perenniterque leaturienti: atque pro-
fusione profusissimâ profundenti.

E X E R C I T I V M VII.

*Erga Sapientiam Incarnatam per Gratiarum actionem pro
Gratis illius in nos Amore.*

1. Re:

Exerc: VII. Erga Sap: Incarn: per Gratiar: act: pro Ec. 165

1. **R**ecognosces DEVM pro tuâ, omniumque Hominum salute incarnatum esse.

2. Incarnatum autem sine ullius sui commodi intuitu : sed purè gratis, ex amore atque commiseratione tui, & simul aliorum omnium Hominum.

3. Non etiam eum pellexerunt aut pertraxerunt ad hoc vlla merita, vlla dignitates, vlla excellentiæ, vlla singularitates tuæ, aut aliquorum aliorum.

4. Quin imò retrahebant illum infinitæ, certò, certissimòque prauisæ, & perspectæ indignitates, & ingratitudines, sterilitates, morositates, malitiæque, tam tuæ, quàm omnium reliquorum hominum. Quibus non obstantibus, ad incarnationis suæ omnem Dignationem descendere non abhorruit.

5. Reddes, tuo, omniumque hominum nomine, grates quàm gratiosissimas; huic tuo Amatori, pro hac Dilectione, atque commiseratione.

6. Ex hoc ipso gratitudinis gratiarumque actionis affectu, totam tuam, quin etiam omnium hominum, imò & vniuersarum singularumque Creaturarum, Vitam, Actionem, Entitatem, atq; Substantiam, destinabis, exercebis, offeres : æternaliter, ad omnem quàm gratissimum Gustum, huic eidem DEO : pro te, & pro omnibus Hominibus Incarnato.

7. Petes ab eodem, per istam eius Charitatem Dignationemq; misericordissimam, atq; gratissimam, vt te aliquando, imò quàm primum, atq; statim, iuxta beneplacitum cordis sui, extrahat ab omni admixtione Creaturæ, ab omni Amore tuo proprio, ab omni proprietate, libertate, propensione, quiete, pondere sensu, litatis, & concupiscentiæ, vsq; ad omnem denudationem affectus.

8. Introducat autem te, in Se, atque simul Se in te, vt tu in illo, & illo, & per illum viuas, vicissimque ille in te, & te viuas : iuxta illam normam Apostolicam : Vivo ego, iam non ego, vivit verò in me Christus : transmutando te in suum Spiritum, &

166 *Exerc: Erga Sap: Incarn: per Gratias: act: pro Ec.*
in indolem naturamque cælestem. Imbuendo te moribus suis,
amore suo, omnibusque studiis propensionibus, votis, ac inte-
rioribus suis. Faciendo quoque te mancipium atque Sponsum
Voluntatis suæ, pabulum Charitatis suæ, obiectum subiectumque
ac materiam occupationis, operationis, delectationisque suæ,
perennis, & æternæ.

P R A X I S

Sapientia Increata pro nobis autem incarnata IESV Chritste.
Incarnata verò ex puro Amore, & gratuitâ miseratione super
me perditum, sine ullâ tuâ commoditate ac necessitate: sine ullo
meo, omniumue nostrum merito, aut dignitate. Ago tibi gratias
meo, & omnium hominum nomine, me item ipso toto, omni-
busque, & singulis hominibus: pro hac incomprehensibili, &
incompensabili, & gratitissimâ Charitate, atque miseratione
super nos tuâ. Et per eam ipsam: mendico à te, toto me, totoque
vniuerso: vt me, vel nunc statim, vel quando Tibi melius placi-
tum fuerit, eliberes, atque extrahas, ab omnibus Creaturis, &
affectionibus creatis: inprimis verò à me ipso, & ab amore mei,
à libertate, à propensione, à fiduciâ, à proprietate, à gustu, à quie-
te, à sensualitatis pondere, à concupiscentiarum illecebrâ, ab
omni denique facie, & nidore creato: vt nullatenus ad vllam
creaturam, aut ad meipsum, propter meipsum incliner, sed libe-
ratus & expurgatus ad purum, ab omni fermento proprii, crea-
tisque amoris, in Te totaliter, plenè, intimè transferar, & trans-
eam, & transferenter, interiora tua subintrem, & superin-
duam, in spiritum tuum transubstantier, moribus tuis, indo-
leq; tuâ imbuar, amere tuo transflammer, vitâ, præsentiam, gratiâ,
efficaciâ tuâ, penetrer, & transradier, siamque mancipium, & Spon-
sus Voluntatis tuæ, occupatio cordis tui, subiectum operationis
tuæ, cibus & pastus Animæ Deitatisque tuæ in
Æternum.

EXER-

EXERCITIORVM

PARS VII.

ERGA

IESVM Christum pro nobis Passum.

EXERCITIUM I.

*Qualis propter nos IESVS factus: tales nos propter illum
fiamus.*

1. **S**Tatue tibi ob oculos Cordis IESVM Passum, liuidum, sanguinolentum, conuulneratum, concisum vulnere super vulnus, de Cruce pendulum, mortuum.
2. Intuere & inspicere illum diligenter totum: ex omnibus circumstantijs, Personæ, Naturarum, Dignitatis, Innocentiæ, Sanctitatis, Sapientiæ, Omnipotentis, Bonitatis, Charitatis; Ex Paupertate quoque, contemptu, humiliatione, maledictis, calumnijs, tormentis, vulneribus, doloribus, morte: Ex Virtutibus, Amoris DEI & nostri, Puritatis, Castitatis, Obedientiæ, Mansuetudinis, Patientiæ, Modestis, Affabilitatis, Benignitatis, Prudentiæ, Iustitiæ, Misericordiæ, Temperantiæ, Fortitudinis. In Patrem reuerentiæ, in voluntatem DEI resignationis, Veritatis, Zeli gloriæ DEI, & salutis nostræ, &c. Ex officijs quoque Summi Sacerdotis, atque Pontificis, Regis, Legislatoris, Patris, Pastoris, Magistris, Ducis seu Imperatoris, Medici, Sponsi, Advocati, Pacificatoris, Hostium nostrorum debellatoris, Redemptoris, Sanctificatoris, Iudicis, Saluatoris nostri.

3. Re-

168 *Exerc. I. Qualis propter nos IESVS factus : tales &c.*

3. Recordare illum talem esse propter te : hoc est, propter salutem tuam, propter peccata tua, propter Amorem tui, quo amat te, & quo amari vult, ac debet, à te : denique propter exemplum tibi ad imitationem dandum : ait enim; Exemplum dedi vobis, &c. Christus Passus est, vobis relinquens exemplum, &c.

4. Cogita, atque delibera, & decerne : quo ille dignus sit ? quid tu illi debeas ? quomodo velis ei retribuere gratiam pro gratia ? quid retribuam Domino pro omnibus, quæ retribuit mihi ? quid dabimus Homini isti, per quem omnibus bonis repleti, omnibus malis miserijque erepti sumus ? &c.

5. Non potes aliter, nec melius, nec gratius, nec condignius, quam Amorem Amore rependendo : Amore autem, quam efficacissimo, inflammatissimo, generosissimo, robustissimo, constantissimo, insatiabilissimo. Et præterea, imitatione quam accuratissimâ, quam deuotissimâ, quam plenissimâ, vestigiorum, exemplorumque illius.

6. Constitue itaque & propone, viuacissimis, resolutissimis, capacissimis, & irrevocabilibus omnino propositis, totum te in hoc conferre, atque convertere : per omnem vitam tuam, perq; omnes actiones, internas, externasque tuas : ut ad viuum, exprimas in te, IESVM, transformerisq; & prorsus transcas in ipsum : reddasque te Christiformem, ac planè alterum ipsum : tam in Corpore, quam in Corde, Animoq; tuo : tam in desiderijs, quam in factis, studijsque tuis, ut tu viuas in Christo, & viuat in te Christus : regnet, ac triumphet, emineatque in te Christus.

7. Christus autem ille Pauper & non habens ubi caput suum reclinet. Christus ille contemptus, & opprobrijs saturatus. Christus ille afflictissimus & dolentissimus, Vir dolorum, & sciens infirmitatem. Christus ille patiens, & patientiâ miserijque, ac ærumnis satiatus. Christus ille Humilis Corde. Christus ille obediens usque ad Mortem Crucis. Christus ille, non querens gloriam suam, sed Patris. Christus ille cuius Cibus fuit, ut
fa-

Exerc: I. Qualis propter nos IESVS factus: tales &c. 169

faceret Voluntatem eius, qui misit illum. Christus ille Benedi-
ctus in gloria Patris, sed pro nobis factus Maledictum. Christus
ille Sapientia, Iustitia, Sanctitas, Veritas; sed propter nos stultus,
infans, demonium habens, in furorem versus, homo non à Deo,
sed blasphemus, sed seducens turbas. Christus ille Bonus Pastor,
qui non solum Verbo veritatis, & vitæ, non solum Carne & san-
guine suo pascit nos, sed etiam Animam suam posuit, & ponit,
pro nobis, ut oves eius Vitam habeant, & abundantius habeant.

8. Talis Christus formetur in te, talis in virum perfectum crescat
in te, in mensuram ætatis plenitudinis suæ: talis viuat in te, & tu
non viuas in te, sed viuas in eo: ut iam ultra non viuas tibi, sed vi-
uas ei, qui pro te mortuus est: ut absit tibi in vilo aliquo gloriari,
nisi in Cruce Domini nostri IESV Christi: per quem tibi mundus
Crucifixus sit, & tu quoque mundo. Talem Christum prædica:
Vitæ, & Verbo: & pro tali Legatione fungere, tanquam Deo ex-
hortante per te, & omnibus penitentiam annunciante, ut recon-
ciliantur Deo. Talis Christi, Caritas urgeat te ut non possis
non loqui, & non prædicare Christum Crucifixum, Iudæis scan-
dalum, gentibus stultitiam, falsis fratribus neglectum & vilita-
tem, ipsis autem Electis, Dei Virtutem, & Sapientiam, & Veri-
tatem, & Vitam æternam. Talem Christum indue, ut exspolia-
tus veterem hominem, novum indutus viuas, ac incedas: exhi-
beasque te in omnibus exemplum bonorum operum, per arma
iustitiæ, à dextris, & à sinistris; per gloriam, & ignobilitatem;
per infamiam & bonam famam; per prospera & aduersa. Talem
Christum indue, qui pro omnibus mortuus est, etiam inimicis: ut
tu quoque libenter sustineas impendi, & superimpendi pro A-
nimabus redemptis morte Christi: exoptesque Charitate non
ficta, sed sincerâ, anathema esse à Christo, pro fratribus tuis in
Christo: ut te vno, & solo, & toto obstruatur porta infernalis,
ne vllus amplius Christi sanguine redemptus, descendat in æter-
nam corruptionem, & combustionem.

170 *Exerc: I. Qualis propter nos IESVS factus: tales &c.*

9. Petegratiam istam à Christo, per vulnera Corporis, visceraque Charitatis ipsius Christi, ut in talem transformeris Christum, efficaciter, ardentem, innocenter, constanter, libenter, mansuetè, propter amorem, ex amore, in amore, cum amore, deniq; ipso Amore.

P R A X I S.

JESV in tormentis posite, atque in congeriem omnium dolorum traducte, ex omni decore Diuinitatis, & Humanitatis exute, in abyssis miseriarum, calamitatum, & indignitatum, propter me demerse, atque sepulte. Ecquid tandem retribuam tibi, tanto, talique amatori, qui me amasti Charitate, & immensitate: ego autem non possum ad reddendum sufficere, nisi cum amoris pauperuli modicissimâ, & planè guttali adensione. O mi robustissime Amator IESV, compensa tibi Amorem omnem in me tuum, ita quidem sicut potes, scis, & vis, at specia-liter per viam hanc: ut facias me quàm simillimum Tibi: ut me Crucis tuæ omnis, quàm copiosissimâ participatione digneris: ut in me nihil permittas, aut sustineas, quod communicatione, societateque Dolorum, Contemptuum, Dignationum, Exinationumque tuarum non sit conditum, non imbutum, non planè repletum, fermentatumque, sed omnia sint mihi Cruciformia, & ego totus sim alter, Tu Christus Crucifixus.

EXERCITIVM II.

Quàm nos Christo Passio dissimiles simus.

1. **S**Tatue tibi ob oculos seu mentis seu Corporis passum IESVM.
2. Intuere illum quàm accuratissimè in hoc eius statu, in quo à plantâ pedis, ad vsq; verticem capitis non est in eo sanitas.
3. Quem ille subire dignatus est pro te, tum ne talis tu esses, imò longè in deteriore; quia in irâ DEI, & damnationis aeternæ: tum ut in statu salutis, ac vitæ, beatitudinisq; aeternæ esses, à quo

ater-

Exerc. II. Quam nos Christo Passio dissimiles simus. 171

æternaliter, cum impossibilitate, & desperatione recuperandi, tuâ iniquitate excideras: reducereris autem ad eum Misericordiâ, & Charitate DEI, Meritis, & Passione, atque Crucis Morte Redemptoris, Obseruatione Doctrinæ, & imitatione Morum, Virtutumque Saluatoris.

4. Animaduerte, quam tu sis huic tuo Redemptori & Saluatori, & pro Charitate, Meritisque ingratus: & Doctrinæ, Morumque, ac Virtutum exemplis per omnia dissimilis.

5. Imò, & quam totis viribus tuis, perpetuisque conatibus, atque industrijs tuis, hanc dissimilitudinem confeceris, similitudinem autem defugas: planè ac si in hoc sita sit vniuersa Christiana professio, aut perfectio; quam maximè, longissimè, à Christo Passio, Humili, Mansueto, Paupere, contempto, fatigato, crucifixo, exinanito, innocente recedere.

6. Christus namque in hac vitâ mortali viuens, perpetuò crucem suam baiulauit: passionisque suæ amarissimum calicem bibit: at nos etiam nomen, etiam vmbra, etiam guttam passionis Crucis, calicisque horremus, & abominamur. Christus, huius mundi & substantiam, & iactantiam, & voluptatem penitus penitusque respuit: nos toti, & cuncti, concupiscentiâ Carnis, concupiscentiâ oculorum, & superbiâ vitæ, famescimus, exedimur, absumimur. Christus Angustam semitam, & arctam portam, quæ ad Vitam ducit, & iniuit ipse, & ineundam edixit: Nos tamen lata porta, quæ ad perditionem ducit, delectat, detinet, & in præcipitium damnationis deuoluit.

7. Leges Christi, & Sapientiæ DEI æternæ Incarnatæque, in quibus est Salus, & Vita, & beatitudo; nobis mera sunt deliramenta, & stultitiæ: Christo, Spiritus paupertas, Beatitudo est: nobis abominatio cordis est. Christo, beati sunt qui lugent, nobis lugere, & de flere peccata, miseria est. Christo, beati sunt qui esuriunt, & sitiunt Iustitiam: nos Iustitia, & Sanctitas, & perfectio Christiana minimè delectat, delectat autem licentia vitæ, sollicitu-

172 *Exerc: II. Quàm nos Christo Passio diffimiles simus.*

cituidines diuitiarum, gloriolæ ab inuicem consecratio, proximos quoslibet negligendi, aut iniurijs afficiendi nequitia: Deniq; Christo contraire, Vita nostra est.

8. Erubescere, quòd tam longè absis ab istà IESV similitudine, Erubescere quòd tam horrescas illi assimilari, quòd tantis eius ærumnis, malitiâ tuâ, & perditione, malitiam secuturâ, causam dederis: quòd tam paruos, & feros, fructûs colligas ex tantis eius laboribus, sumptibus, sudoribus: quòd tantis eius beneficijs & amoribus tam ingratum te exhibeas: quòd tanta tamq; indigna mala pro tantis bonis & donis retribuas.

9. Excitabis, & exiges ab ipso te alacritatem, & generositatem, cordialem ad patiendum, ad desiderium & famem patiendi, ad gustum in tribulationibus, in humiliationibus, in ignominijs, in doloribus pro Domino, & cum Domino, in Corpore, in Animâ, in personâ tuâ, aut etiam tuorum, in bonis externis, internisq;que, naturalibus, spiritualibus, in honore, famâ, dignitate, officio, in libertate, in delectatione, in consolatione, in omnibus omnino circumstantijs, in omni mensurâ, in omni consecutione & clausulâ: & quidquid demum visum fuerit DEO, reputans pro summè singulari, eximiâque Gratiâ, si te dignum iudicauerit, vt patiaris, & humilieris, & in passionibus, humiliationibusq; sepeliaris: pro nomine quidem, neq; tamen quasi pro nomine suo, sed quasi pro vilitatis & iniquitatis tuæ commercio.

P R A X I S.

JESV in Doloribus posite, atque in Calamitatibus planè propter me demerſe & defixe. Heu me! qualis Tu es propter me, & quàm ego diſſimilis tibi in hoc ſtatu tuo? quàm potiùs præ erubescendâ mollitiem eam horreo, & erubescō, & fugio esse similis tibi, vel in modico: licet hic ærumnosus ſtatuſ omni iure eſt mihi debitiſſimus, quippe qui incomprehenſibiliter ſum vilis, & peccator, & omnis ſupplicij reus. O mi vnice Amator, &
Be-

Exerc: III. Quid IESVS passus loquatur ad nos. 173

Benefactor IESV, largire mihi, Passionis tuæ, cuius quidem piæ omnibus alijs peccatoribus ego maxima sum causa, fructum hunc præcipuè: vt fiam Tibi quàm simillimus, in passionibus, in afflictionibus, in contemptibus, in paupertate, in doloribus, in opprobrijs, in Cruce, in Morte. Omī IESV: sustenta, corrobora, vires, & animos adde: perseverantiam, & efficaciam largire, huic misello, patiendi tecum & pro te desiderio: & fac me dignum, habere consortium, & gustum, & famem Crucis tuæ.

E X E R C I T I V M III.

Quid IESVS Passus loquatur ad nos?

1. **S**Tatue tibi ob oculos Cordis, IESVM Passum, & vndique serumnis circumdatum; iuxta illud Propheticum: Veni in altitudinem maris, & tempestas demersit me.

2. Intuere illum accuratè in hoc statu positum, non habentem speciem, neque decorem, sed totum quasi leprosum, nouissimumque virorum, & percussum à DEO, atque humiliatum propter Te.

3. Aures si habes audiendi; arrige: ad audiendam vocem sermonum huius Prophetæ atq; Concionatoris: (Patris, Magistri, Medici, Domini, Benefactoris, Amici, Legislatoris, Sponsi, &c.) ad te non tam Ore, aut Verbis, quàm Vulneribus & Doloribus, sanguineisque guttis, & lachrymis perorantem. Dicit ergo tibi:

1. Ego sum pastor ille bonus, qui animam meam posui pro te.

2. Maiorem Charitatem habet nemo: quàm vt Animam suam ponat pro Amicis suis: ego autem posui pro inimicis, pro ingratis, pro inutilibus, pro vilissimis, quorum vnus, & primus es tu.

3. O vos omnes, qui transitis per viam præsentis vitæ, attendite, & videte, si est Amor, sicut Amor meus: & si est Dolor sicut Dolor meus: si est sumptus, sicut sumptus meus?

4. Ecce quomodo dilexi te? Vide quanti mihi constes? attende

174 *Exerc: III. Quid IESŪa Passus loquatur ad nos?*

de quanto labore sudatum est, vt exiret à te rubigo tua, & egressa non est.

5. Quis sum ego? & Tu quis es? quid ego egi ac pertuli pro te: & tu quid pro me? imò, quid tu non egisti, atque etiam pertulisti, protulisti que contra me?

6. Quid debui (potui) vltra facere vineæ meæ, & non feci? Lapidem collegi ex eâ, sepem circumdedi ei, fodi in eâ torcular, plantaui vitem electam: ædificaui in eâ turrin; locaui eam agricolis, omnem palmitem non ferentem fructum præcidi, & purgaui: vt fructum plus afferret: expectaui triennio, & triennio, vt faceret vuas, fecit autem labruscas, fecit etiam spinas: & vuaeius vua fellis, botri amarissimi: fel draconum vinum eius.

7. Si in viridi Ligno me, hæc fecerunt peccata tua: in te arido quid fiet?

8. Quo vltra argumento comprobabo tibi, ô homo, Amorem meum erga te, & sollicitudinem meam pro te? Quibus pretijs emam à te, vt diligas me? quibus laboribus, aut meritis emerbor apud te obsequium, fidelitatem, sinceritatem, constantiam? quibus Armis aut Machinis expugnabo Cor tuum, vt subijciam mihi, vt conuertam ad me, vt adhærescere faciam illud mihi?

9. O quousque dissolueris filia Vaga, insipiens Anima: quousque fodies tibi Cisternas dissipatas, non valentes continere, neque exhibere aquas salutis, sed tantum aquas salvas, & amaras valde?

10. O Anima dilecta, & electa, de millibus vna: Cur deseris me, & recedis à me, & vadis post amatores multos? & certè illi non sunt Amatores, sed illusores, sed inimici, sed proditores, sed despoliatores, sed vulneratores, sed interfectores tui. Quid inuenisti in me DEO, Redemptore, Patre, Medico, & Sponso tuo, iniquitatis; vt displiceam tibi, & post tergum tuum abijcias me? quid verò bonitatis, & salutis, & amoris inuenisti in Æmulis, & Aduersarijs meis, magis autem in hostibus & mactatoribus,

Exerc: III. Quid IESVS Passus loquatur ad nos? 175

bus, deuoratoribusque tuis, vt præponas eos mihi, & vadas post eos ad indubitatam perditionem!

11. Quousque facies me pendere in Cruce, non Iudæorum sed scelerum tuorum? quousque configes me, quousque flagellabis, quousque spinis coronabis, quousque blasphemabis, quousque Barabbæ postpones me, quousque dabis in escam meam fel, & in siti meâ potabis me aceto? quousque iterum iterumque crucifiges tibi ipsi me, & ostentui habebis me? quousque inimici mei os suum aperient super me, & amarissimas amaritudines improperebunt mihi, quia plus illos dilexisti quàm me: & quia ampliùs ab illis emeruisti æternam mortem, quàm æternam vitam à me?

12. Ad vos ô Pastores Ouium mearum isti sunt sermones mei: Os meum patet ad vos: & cor meum vulneratum atque dilatatum est. Emi mihi Animas non auro, neque argento, neque corruptibilibus, sed pretioso sanguine meo, quo totus rubeo, sed lethali bus vulneribus quibus concisus sum & emorior. Has vobis curandas, pascendas, commisi: has vos in curam vestram suscepistis, harum lacte vescimini, harum lanâ operimini, harum salute ego non gaudeo, sed earum perditione impropereat mihi diabolus, & saginatur ac repletur infernus: Vos ergo effugietis Iudicium meum, cum venero ad requirendum de manibus vestris sanguinem tam pretiosarum mihi Animarum? Ah! quomodo vos effugietis qui tantam neglexeritis salutem!

4. Potes & vltima septem Christi verba, huic ipsi negotio, id est, sermone ad nos Dominico accomodare.

1. Exorat Christus suis Crucifixoribus Patrem: & te non exorabit, vt benignum & amantem te exhibeas erga fratrem?

2. Commendat Matrem Ioanni, & Ioannem Matri: commendat & tibi eandem Matrem suam: tum ipsissimam Genitricem: tum eam quæ tua in spiritu Mater est communitatem. Et accepistine vtramque in propria?

3. La-

176 *Exerc: III. Quid IESVS Passus, loquatur ad nos.*

3. Latroni Paradyſi conſortium promittit Chriſtus, & largitur: quæ ſors nulli etiam diſcipulorum à Domino contigit: nimirum publicani & meretrices, & peccatores, & latrones præcedunt ad Regnum DEI, filij autem regni eiſciuntur foras. Nempe non ſublimitas ſtatûs, ſed virtutis in ſtatu ſublimitas, & feruor in ſtudio placendi DEO: placet DEO.

4. Conſubſtantialis, & coæternus Patri Filius, ſubtractam ſuæ Humanitati ad horam protectionis partem lamentatur: Nos etiam ridentes, iocantesque effugimus, & effugamus à nobis DEVM noſtrum: cogimusque ipſum, vt vel nolens derelinquat nos.

5. Sitire ſe proteſtatur IESVS: & Calicem quidem aquæ frigidæ: ſed magis infinities ſalutem noſtram, amorem noſtrum, ardorem & conſtantiam noſtram, fructum gloriæ ſuæ & ſalutis Animarum; Et quis, quotuſque eſt, qui expleat ſitim Domini?

6. Conſummatum eſſe ſuum laborem, Amorem, Dolorem, Opus ſuum, Dominus aſſerit pro nobis: cùm nos pro DEO nequidem inchoauerimus.

7. Non ſoli Patri ſuo commendat in manus Dominus IESVS Spiritum ſuum: etiam cuilibet Fidelium ſuorum commendat eundem. Neque ſatis eſt illi, quòd in manibus Patris æterni ſit; vult etiam illum in noſtris Cordibus, Amoribus, Manibus, Operibus eſſe, manereque; non tantùm viuentem ac ſecurum. ſed etiam vegetum, etiam ſuccreſcentem, etiam ſuperadultum vſque ad menſuram ætatis plenitudinis Chriſti. Spiritum Chriſti, qui non habet: hic non eſt eius.

5. Hos, ſimileſque ſermones Paſſi & Crucifixi IESV audiens, deliberabis, iudicabiſque tecum ipſe, quid te reſpondere ad hæc Domini dicta par ſit: reſpondebiſque ſtatim, & quidem magis affectibus, quàm vocibus, Corde potiùs quàm ore, opere & effectu, potiùs copioſo, quàm ſterili affectu.

PRA-

P R A X I S.

IESV in doloribus demerſe, atque in Virum & Regem ærum-
narum transformate, & non tam vulneribus concife, quàm
totus vnum quoddam immane vulnus façte; Heu! quàm iſta vul-
nera, tormentaque tua clamant ad me! heu! quomodo vim fa-
ciunt cordi meo clamore ſuo! Audio Domine, audio, ac planè
etiam video, manibusque iſſis palpo, quid tu iuſtiſſimè requiras
à me: & quomodo nullam excuſationem, præter ignauiam
meam, habeo coram Te. En Domine, en Cor meum, en Vo-
luntas, & Intellectus, & Memoria. En Amor, & Libertas, &
Honor. En Corpus, & Anima, & Vita, cum omnibus partibus,
potentijs, ſenſibus, actibusque ſuis. En tota ſubſtantia mea, cum
totâ capacitate ſuâ, tibi parata, tibi ſubdita, tibi reddita, tibi do-
nata, oblata, & deuota. O Domine, da quod jubes: & jube quod-
vis. Amorem jubes? da quod jubes, & jube quod vis, pati jubes?
contemni jubes, laborare jubes, ſubdi jubes, condonare jubes,
condemnari jubes, mori jubes? da quod jubes, & jube quod vis.
Portio mea, Voluntas tua, & portio tua Voluntas mea: portio
mea Sanguis tuus, portio tua ſanguis meus: portio mea Digni-
tas tua: portio tua dignitas mea: portio mea Subſtantia tua:
portio tua ſubſtantia mea, in æternum.

E X E R C I T I V M IV.

IESVS Passus, Aquæ Medicæ, in ablutionem, & ſanitatem.

1. **S**tatue tibi ob oculos IESVM Paſſum.
2. Inſpice illum diligenter in hoc eius admirabiliter mi-
ſerabili ſtatu, eſſe velut Balneas, & Medicas aquas: in ablutionem
& ſanationem omnium morbidorum.
3. Conſidera hoc balneum: tibi quoque, vnâ cum Mundo vni-
uerſo, præparatum & inſtructum: ac te ad illud inuitari. Inuitant

178 *Exerc. IV. IESVS passus, Aqua Medica, in ablut. &c.*

voces illæ; Omnes sitientes venite ad Aquas. Et, erit fons patens domui Israël ad ablutionem peccatoris & menstruata. Et, venite ad me omnes qui laboratis & onerati estis, & ego reficiam vos cibo meo, potu meo, medicatione meâ. Et adhuc; Effundam super vos aquam mundam, & mundabimini ab omnibus inquinamentis vestris, & dabo vobis Spiritum novum, & viuetis.

4. In hoc balneo te demerge: atque in his thermalibus fontibus; sudore, sanguine, lachrymis, laboribus, tormentis, opprobrijs, contemptibus, egestate, morte, meritis, & gratijs IESV Christi exundantibus: ac propter te manantibus.

5. Lauare in his aquis tanquam immundus: calefias tanquam tepidus: conforteris tanquam debilis: ditescas tanquam egenus: saneris tanquam morbidus: sanctificeris tanquam profanus: nobiliteris tanquam vilis: excoquaris tanquam sordibus immixtus: pretium & pondus acquiras tanquam pretij & valoris nullius: coram omnium, at imprimis coram Diuinis oculis.

6. Habet quidem Ecclesia Christi multiplex balneum: in quo filiorum eius Corda & Animæ abluantur, sanentur, sublimentur. 1. Est enim Balneum Pœnitentiæ tam Virtutis, quàm Sacramenti: quod planè huic ablutioni sanationiq; Animarum contritarum corde, institutum est. 2. Est etiam Balneum Charitatis in DEVM atque proximum, quâ dimittimus, vt etiam dimittatur nobis. 3. Est quoque balneum communicationis dolorum atque passionum Christi, propter Christum. 4. Est etiam Balneum Iustitiæ, tribulationis, & castigationis Diuinæ Paternæ, quo in Virga filiorum corripimur, erudimur, emundamur. 5. Est insuper Balneum Gratiae & miserationis Diuinæ, pro quo ille supplicabat, qui dicebat DEO; amplius laua me ab iniquitate meâ. Et; lauabis me, & super niuem dealbabor. Et; Miserere mei DEVS secundum magnam Misericordiam tuam. 6. Est quoque Balneum Misericordiæ & Eleemosinæ: quæ sicut aqua ignem, ita

ex;

Exerc.
extingu
Eleemo
7. Ad
neum pr
si: qui e
8. O
rem &
Christi,
quotid
nulla si
rioruè,
vnias,
9. C
aterno
tate Ch
etiam
speciali
tatibus,

IESV
Iguin
ritis, g
quam c
præpar
cum o
nibus,
propo
poten
liter, e
tuum,
pretiu

Ec.

t fons pa
ata. Et,
ego refi-
t adhuc;
ab omni-
bium, &

us fonti-
s, oppro-
brijs IESV

as tan-
quam
am pro-
ordibus
valoris
is.

in quo
olimen-

Sacra-
m con-

charita-
dimit-

s dolo-
etiam

ternæ,
s. Est

lle sup-
e mea.

i Deus
e Bal-
ni, ita
ex;

Exerc. IV. IESVS passus, Aqua Medica, in ablut: Ec. 179
extinguit peccatum: unde Dominus ait: Quod superest, dato
Eleémofinam, & ecce omnia munda sunt vobis.

7. Ad ista verò omnia balnea, accedit, & accedere debet bal-
neum pretiosissimum Sanguinis, Mortis, & meritorum IESV Chri-
sti: qui est Agnus DEI, qui peccata mundi tollit, abluit, emundat.

8. Omnium prædictorum balneorum usum fac tibi familia-
rem & frequentem: at balnei Sanguinis, Meritorumque IESV
Christi, fac usum tibi omnino familiarissimum, ac non tantum
quotidianum, verum assiduum, atque adeo continuum, ita vt
nulla sit actio, nulla passio, nulla commotio tua interior, exte-
riorue, quam non sanguini Christi intingas, meritis eiusdem
vnias, & appeties: & coram DEO acceptissimam reddas.

9. Quod ipsum facitare proderit, & Christo, eiusque Patri
æterno placebit: cum aliorum quoque omnium, quos in Chari-
tate Christi diligis, (debes autem, omnes, & singulos proximos,
etiam inimicos, ingratos, inutiles, ignotos,) specialiter tamen
speciali ratione in Christo tuorum, personis, actionibus, necessi-
tatibus, &c.

P R A X I S.

IESV in Cruciatibus immerse, & propter me, lachrymis, san-
guine, doloribus, sudore, vulneribus, ignominijs, morte, me-
ritis, gratiaque redundans. O quam pretiosum lauacrum! ô
quam copiosum & plenissimum salutaris medicationis balneum
præparasti Animæ meæ! Immergo & abluo me totum in eo,
cum omnibus cogitationibus, locutionibus, actionibus, passio-
nibus, occupationibus, negotijs, officijs, necessitatibus, curis,
propositis, desiderijs, intentionibus, difficultatibus, partibus,
potentijs, substantijs meis: præsentio me, ac reddo, sic vniuersa-
liter, & totaliter ablutum oculis tuis Diuinis. Hoc Balneum
tuum, est solatium meum, est refugium meum, est salus mea, est
pretium meum. Hic abluo maculas meas, hic calefacio frigus
meum

180 *Exerc: V. IESVS passus quantus Inimicorum Amator?*
meum, hic conforto infirmitatem meam, hic suppleo omnes
defectus, egestatesque meas, neque meas tantum, sed etiam o-
mnium meorum in te: omnium etiam proximorum meorum:
quos omnes vna mecum in balneis, fontibusque tuis istis ater-
naliter immergo, &c.

E X E R C I T I V M V.
IESVS Passus quantus Inimicorum Amator?

1. **S**tatue tibi ob oculos Cordis IESVM Passum.
2. Diligenter intueri statum hunc eius, qualem in Pas-
sione & subijt, & sustinuit.
3. Peculiari intuitu dispice Amorem eius erga inimicos, erga
persecutores, erga contemptores, erga ingratos, erga crucifixo-
res. Etenim pro his moritur a quibus moritur: pro his fundit
sanguinem, qui ipsum eius fundunt sanguinem: patitur pro te
etiam, qui passionis eius causam dedisti, & qui eum Crucifixisti,
qui eius Crucifixionem sapius & sapius repetisti: qui sanguinem
& mortem eius repetito millies conculcasti: ita vt tibi incumbat
iustissimè affirmare de te, quod Paulus affirmavit de se. Venit Do-
minus IESVS peccatores saluare, quorum ego primus sum. An
non potes tu cum Paulo, de hoc infelici primatu contendere?
4. Accede ad hoc amorosum, & erga proprios Crucifixores,
hostesque Capitales, eosdemque simul inutilissimos, atque vi-
lissimos, adeo mite, benignum, mansuetum, profusum, prodi-
gumque Cor: atque ex eo abundanter hauriendo, inebria te A-
more cordiali inimicorum, ingratorum, contemnentium, ob-
locutorum, persecutorumque tuorum quorumcunque, & qua-
liumcunque.
5. Exardesce Amore sincero inimicorum, & quorumcunque
aduersariorum: & consuesce amare illos exemplo Christi Do-
mini, ex corde pleno, & ex Charitate non ficta.
6. Maximè verò propterea, quia hic ipse IESVS, Dominus,
DEVS.

Exerc: V. IESVS passus, quantus Inimicorum Amator? 181

DEVSq; tuus, hos ipsos inimicos tuos, Charitate perpetuâ dilexit, sanguineque suo pretioso, & amarâ crueis morte redemit: istamque omnem illorum in te malitiam, immenso dato pretio, tam apud æternum suum Patrem; quàm apud te ipsum, iam plusquàm abundè compensauit: utque tibi etiam ad Vitam æternam prodesset, commeruit.

7. Ama igitur illos, tanquam redemptos, & pretium sanguinis atque mortis Christi: obliuiscere: imò ne sentias quidem iniurias omnes tuas: pro quibus iam pretium adeo pretiosum & copiosum ab IESV persolutum recepisti: quin & quotidie recipis. Condona illis, sicut & Christus: quia & Christus donauit tibi: & quidem infinites plura, grandioraque debita; & donationis huius necdum est finis: quod tute ipse fateris, quando assidue precaris, dimitte nobis debita nostra. Si irasceris, si vlcisceris, si vltionem desideras, vel expectas, si auersum animum in corde foues; totum hoc in IESVM redundat Passum: auersione tuâ, vltione, irâ, odio, amaritie cordis tui, pretium quod tibi IESVS iam perioluit contemnis: & minimè tibi gratum, aut æquum ostendis.

8. Vnius eiusdemq; debiti nemo duplicem exigit solutionem: debitum inimici apud te tui, iam tibi persoluit Dominus: ut quid ergo tu illam exigis per vindictam, per iram, per odium, per mali pro malo redditionem?

9. Iam verò attende ad illud: Inimicus, contemptor, malefactor, detractor, calumniator, damnificator, tuus, talis licet sit, est nihilominus idem Dei Patris celestis, sicut & tu Filius: est Christi Dei Homini sicut & tu frater: est tuus in Christi sanguine (quo & tu, & inimicus tuus redempti, & regenerati in Dei filios estis,) consanguineus & germanus. Dum tu inimicum male perire aut perdere vis, optas, satagis, gaudes; vide quid agis? Nonne DEO Patri filium, Christo fratrem, tibi consanguineum, atque fratrem in Christo, perire vis? Et quâ fronte, quâ fiduciâ,

182 *Exerc: V. IESVS passus, quantus Inimicorum Amator?*
ad Dei misericordiam, ad Christi gratiam, attollere animam
tuam, exposcereque debitis tuis veniam, expectare, promittere,
que tibi salutem præsumis? ô Caim: quid respondebis Domino
querenti; Vbi est Abel frater tuus?

10. Dispice: quàm pridem in hac Christi Passi inimicorum A.
matoris scholâ commoreris: quàm pridem, & quàm sæpè hanc
de Amore inimicorum lectionem prælegi, explicarique tibi, à
Christo, Passo pro inimicis, audias: & eandem in libro Sacratif-
simæ Humanitatis eius, cruentis vulnerum characteribus seri-
ptam, inò sculptam relegas: quàm verò parum hætenus in hac
Amandi inimicos, Christi Passi scholâ, & in hac supereminen-
tis Charitatis eius scientiâ profeceris: quàm contraria huic do-
ctrinæ sapias, sentias, cogites, loquaris, facias?

11. Nunc ergo statim incipe, condiscere hanc linguam, atque
Christi Passi sapientiam: ac si, vel olim, vel in præsentī, ab aliquo
offensus es, vel te auersum Animo sentis, dona totum Christo
Passo, & propter Christum inimicis tuis omnibus, & singulis:
sciens tibi non solum ad plenum ius & æquum, sed etiam ex su-
pererfluentiâ, pro omnibus debitis à Christo Passo esse satisfactū.

P R A X I S.

JESV in doloribus, & ærumnis, pro me demerſe, atq; pro tuis
inimicis, & crucifixoribus, ex tuâ ineffabili Charitate patiens,
iramque Patris tui æterni, iustissimam ab eis auertens, ac veniam
eisdem impetrans, mihi verò luculentissimum, efficacissimumq;
exemplum, ac magisterium Amandi Inimicos exhibens, atque
hanc dilectionem, & iniuriarum condonationem, atque obliuio-
nem, nec non in beneficentiâ pro malefactis sepultionem, apud
me redimens, atque satisfaciens; Omnibus Domine, omnibus,
vndecunque mihi aduersarijs, inimicis, ingratis, molestis, con-
trarijs, detractoribus, malefactoribus, censoribus, contemptori-
bus, illutoribus, dimitto, & condono: & vincere mala eorum in
bo-

Exerc: VI. IESVS Passus, quantus Dei Patris, eiusq; Sc. 183
 bono, bonoque pro malis reponere volo ac statuo: ex corde, perfectè, propter te, in perpetuum. Volo illos & amo tanquam meos, magis autem tuos, in sanguinis tui pretiosi communione germanos, atque filios, vnoque mecum pretio pretiosissimo redemptos, ablutos, sanctificatos, regeneratos. Omi IESV inimicorum Amator, & in eorumdem dilectione noster instructor: da mihi in hac doctrinâ tuâ, tandem tandem, semper magis ac magis proficere: vt per omnia efficiar tuus discipulus, & frater, & filius, inimicorum propter te, amator sincerus: neque vilius, inter eos, & inter amicos, quantum ad Amorem eorum, discriminis positor æternus.

EXERCITIUM VI.

IESVS Passus, quantus DEI Patris, eiusq; Gloria, & Voluntatis Amator?

1. **S** Statue ob oculos Cordis tui IESVM passum.
 2. Eius hunc lachrymabilem luctuosiūq; statum, quàm accuratissimè, penitissimeque introspicias.
3. Ex hoc eius statu, atque ex hac miserabili specie conijcies, imò dispicies, Amorem ipsius erga suum Patrem æternum: nec non pro gloriâ illius zelum, & denique ad eiusdem Voluntatis omnia mandata atque placita subiectissimam promptitudinem, promptissimamque subiectionem.
4. In omnibus Creaturis nullam inuenies, quæ maiore in DEVM æstauerit, & æstuer Charitate quàm IESVS. Cuius rei euidentissimum specimen habes: in eius Incarnatione, Vitâ, Passione, ac Morte. Neminem inuenies, qui pro DEI gloriâ plura, & grandiora egerit, atque pertulerit, qui eius Honorem maioribus impensis, grauioribus laboribus, robustioribus & constantioribus studijs, magnificentioribus & illustrioribus exemplis operibusq; procurauerit, promouerit, promeruerit, stabiliueritque, quàm IESVS: quorum omnium in totâ quidem Vitâ, inque omnibus

mo-

Exerc: VI. IESVS passus, quantus Dei Patris, eiusq; Sc. 184
momentis Vitæ, at potissimum in morte luculentissima elucet
specimina, atque exempla.

5. Neminem inuenies, cui DEVS grauiora, durioraque, ac
omnibus difficultatum, arduitatumque generibus exaggeratiora
proposuerit, ac imposuerit mandata: quiuè magis fuerit seruus,
ac mancipium per omnia Diuinæ Voluntatis, & quo illa magis
abusa sit, in omni genere vilium, abiectorum, difficilium, Heroi-
corum, indignorum eius personâ operum, & obsequiorum: qui
eam magis promptè, exactè, in omni puncto, in omni hora, in o-
mni apice sit executus; qui eandem studiosius verbo, & opere,
exemplo, & dispendio proprio, iacturâque bonorum omnium,
omni magnitudine maiorum commendauerit, atque prædicaue-
rit hominibus: qui sese eidem arctius adstinxerit, ac in eam, eius-
que arbitrium & possessionem, totalius, pleniusque transfuderit,
quàm idem Dominus IESVS, cuius totius rei absolutissimum pa-
radigma habes, in omni quidem eius Vitâ & vitæ actu, sed potis-
simum in ipsius Passione ac Morte.

6. Hanc arctissimam sui ad Voluntatem Diuinam adiunctio-
nem, expressit perquam mirabiliter, Dominus IESVS illis verbis
suis; (Meus cibus est, vt faciam Voluntatem eius, qui misit me
Patris, qui in cælis est.) Cibo viuimus: cibus in substantiam aliti,
seu comedentis, transit, & tuas ei inserit proprietates. Christus
ergo Voluntate Dei passus, cibatus, nutritus, saginatus; & illa
fuit substantia eius: ac eius qualitates, Christi fuere qualitates,
ac proprietates: adeoque totus Christus ipsissima Voluntas Dei
fuit. Tu hinc discere; quâ obstinatione, seu obfirmatione Dei vo-
luntati adhærere te oporteat?

7. Tale aliud Exemplar nec habebis, nec dabitur tibi in æter-
num. Vnum tale in Monte Caluario, super Crucem, expansum,
& affixum est. In hoc Exemplar, non tantum Cor, & Oculos, sed
etiam substantiæ Corporis, & Animæ vires defigere, implantare,
& inserere te oportet. In hoc Exemplar, quò se quis perfectius
trans-

Exerc: VI. IESVS Passus, quantus Dei Patris, eiusq. Ec. 185
transformat, illudque in sese elaborat, eò est Patri æterno cha-
rior & propior, quia & IESV Passio similior.

8. Huic Exemplari quisquis difformis est, hic DEO ingratus
est, quia secundum Cor DEI non est: nec vllas qualitates habere
potest, quibus DEO gratus reddi possit, sed necesse est, vt abie-
ctus à DEO sit.

9. Iam igitur, inspicere te quidem vno oculo, exemplar autem
istud altero, teque cum illo compara. An scilicet sic ames DEVM,
quomodo illum amavit IESVS? An sic ardeas Zelo gloriæ DEI,
quomodo arsit IESVS? an sic vnitus & transformatus sis in Vo-
luntatem DEI, sicque omnino sis eius mancipium redditus, quo-
modo fuit, & propter tuum quidem exemplum fuit, IESVS?

10. Recordare illius Dominici dicti: quando quærens, quæ
esset Mater sua, quivè fratres & sorores suæ, extendens manum
in discipulos suos dixit: Ecce Mater mea, & fratres mei. Qui-
cunq; enim fecerint voluntatem Patris mei, qui in cælis est, ipse
meus frater, & soror, & mater est. Quo asserto Domini, planè
ignoro, an quidquam magnificentius vnquam, & vspiam, in o-
mnibus scripturis Sacris, de servis DEI enunciatur sit. Quid
enim magnificentius adpromittatur servis Christi, quàm quòd
possint esse, non tantum sorores, non tantum fratres, sed etiam
Matres Christi? Et tamen veritatis æternæ verbum non potest
non esse verum: sed quotquot sunt factores & operatores Diui-
næ Voluntatis, tot omnino sorores, & fratres Christi sunt: quot-
quot autem etiam prædicando voluntatem DEI alijs quoque
annunciant; illosque factores Diuinæ voluntatis reddere stu-
dent; tot quasi Matres ac Genitrices Christi per prædicationem
fiunt.

11. Intuens itaque, tantum IESV passi, erga Patris sui æterni
voluntatem, amoris studium; tantum gloriæ illius zelum; tan-
tam eorum, qui DEI voluntatibus, siue exequendo, siue alios ad
cognitionem, amorem, executionemque illius trahendo, deuoti-
tissimi.

186 *Exerc. VI. IESVS Passus, quantus Dei Patris, eiusq; So-*
tissimè inferuiunt, exaltationem, atq; cum ipsâ DEI Matre com-
parationem; intuens etiam tuam propriam eâ in re incompara-
bilem, inexcusabilemque ab IESV Passio dissimilitudinem; ex to-
to corde tuo, repiditatem, & ignaniam tuam confiteberis; ea in
omni prorsus conatu radicitus exues, totum autem te, ad facien-
das, & ad prædicandas DEI tui voluntates transferes, atq; trans-
fundes; vt faciendo quidem illas, frater ac soror; prædicando au-
tem easdem, Mater Christi euadas.

P R A X I S

JESV pro me in doloribus posite, mihiq; in Te Passio, tuæ in
Patrem tuum æternum Charitatis, tui pro illius gloriâ zeli,
tuæ ad ipsius dignissimam voluntatem subiectionis & adglutina-
tionis exemplar præbens: confiteor, cum rubore quidem faciei
meæ, meam supinam, & inueteratam in tui imitatione socor-
diam. Ecce nihilominus totus sum in virtute gratiæ tuæ, totus
prostratus iaceo ad pedes misericordiæ tuæ, postulans & mendi-
cans totâ egestate meâ, vt facias me germanum, & verum tuæ
erga tuum Patrem Charitatis filium: vt facias me pabulum Zeli,
ignemque insatiabilem in promotione Honoris Diuini: vt deni-
que facias me æternale mancipium, voluntariumque iumen-
tum, sanctissimæ, ac laudabilissimæ Voluntatis Diuinæ, sempi-
ternæ Dominæ ac Sponsæ meæ.

E X E R C I T I V M VII.

IESVS Passus nobis bona omnia.

1. **S**tatuè tibi ob oculos IESVM Passum.
2. Intuere illum, in hoc doloroso, simulque fructuoso
per omnia statu, quam accuratissimè.
3. Intuere illum: vt nubem roridam, ex omnibus corporis sui
sacratissimi membris, partibusque, sanguineo Rore stillantem,
ac diffluentem. Hic ros, ros lucis est, ros dilectionis, ros salutis,
ros

Exerc: VII. IESVS Passus nobis omnia Bonā. 187

ros vitæ ac beatitudinis æternæ. Vtinam hoc rore madescat vndique Anima tua. En ille ipse loquitur tibi: Aperi mihi Soror mea Sponsa, aperi mihi. Caput enim meum plenum est rore: & cincinni mei guttis noctium. Ergo surge, de lectulo pigritiæ, surge de loco oscitationis, surge de nido languoris, surge de laqueo periculose cōversationis, surge de domo vanæ negotiationis &c.

4. Intuere illum: velut mamillam vniuersi, tot papillas in se, quot vulnera hiantia habentem, & lac sanguinis sui, inter infantulos, lactentesque suos fideles profundentem. Accipe, & arripe hæc papillas diuinas: & ex eis totam interiorem IESV substantiam exfuge, atq; ebibe: vt transeas totus in totum IESVM: eiusque mores, affectus, studia, perfectionem, & consummationem, tam gratiæ, quàm gloriæ æternæ, in te innasce facias.

5. Intuere illum: velut monile pretiosissimum, ex selectissimis quibusque gemmis vnionibusque, artifice Charitatis manu elaboratum, atque Animabus Sponsis exornandis destinatum, imò propositum, oblatum, expansumque in Cruce. Si es fidelis Sponsa IESV, si amans, si Charitate flagrans, si tuam paupertatem agnoscens, assume istud monile, eoque caput, frontem, collum, pectus, aures, manus Animæ tuæ, dignè Sponso tuo eodem IESV exorna. Placebis sine dubio eius oculis, omnemque gratiam coram illo inuenies, semperque eris coram eo pacem reperiens.

6. Intuere illum: veluti scutum impenetrabile, contra omnes aduersitates tuas elaboratum, contra iram diuinam, contra inimicas infernales potestates, contra timores, & persecutiones humanas, contra tuam propriam concupiscentiam, fragilitatem, malitiam. Hoc scuto protectus, saluaberis.

7. Intuere illum: velut Cor, & Animam, & Vitam Ecclesiæ, omnisque fidelis Animæ: quā Animā, totum Corpus Ecclesiæ, omneque illius membrum viuificatur, vegetatur, ac regitur: & sine quā Animā, totum Ecclesiæ Corpus cadauer est inanime, & informe, soli sterilitati, soli maledictioni idoneum. Sic ergo

188 *Exerc: VII. IESVS Passus nobis omnia Bona.*
passus IESVS, eiusque Mors, tibi Vita, sit Anima, sit salus, sit omnis vegetatio, vitalitas, robur, soliditas, usque in beatam aeternitatem.

P R A X I S.

JESV dolentissime, & nos Passionis tuæ vigore saluans; esto quæso, mihi aridissimæ terræ ros irrigans, esto mamilla me lactantem lactans, esto monile, atque vestimentum pretiosum, nudum me, pauperemque vestiens, & ornans. Esto scutum me undique circumdans: Esto Cor, & Anima mea, me viuificans, & æternæ vitæ participem faciens: in quâ ego, Te, cum omnibus redemptis tuis exaltem, & magnificem, vnâ cum æterno tuo DEO Patre, & Spiritu Sancto, per omnia sæcula, sæculorum, Amen.



EXER;



EXERCITIORVM PARS VIII.

ERGA

Sanctissimū Eucharistiæ Sacramentum.

EXERCITIUM I.

Christus, in Eucharistiā omnium bonorum Thesaurus.

1. **S**Tatue te præsentem Sanctissimo Eucharistiæ Sacramen-
to, atque in eo verè, realiterq; præsentem IESVM Chri-
stum agnosce, confitere, venerare.
2. Cogita hîc omnes Thesauros, & Officinas bonorum, be-
neficiorumq; Christi, tibi esse expositas, atque ad hauriendum
quantum voles, & præsumes, elocatas.
3. Circui, & perlustra officinas istas, atque thesauros. Hîc est
Diuinitas tota, hîc Humanitas integra : hîc merita omnia, hîc
Gratiæ, hîc Dona, hîc Exempla, hîc Doctrinæ, hîc Virtutes, hîc
Auxilia, hîc Amoris excessiui, & indefessi miracula : hîc Digna-
tiones, hîc Sanitates, hîc intercessiones, hîc protectiones, hîc o-
mnia bonorum, diuitiarum, beatitudinumq; cælestium genera,
copiæque inexhaustæ.
4. Necessitatem, nuditatem, mendicitatemque tuam omni-
modam dispice : infirmitates, morbositates, vulnera, vlcera, vin-
cula, pericula, stultitias, cæcitates, laqueos, vilitates, ignoran-
tias, peccata, prônitates ad labendum, & pereundum, totiusque
miseriæ omnimodum statum agnosce.

190 *Exerc: I. Christus in SS. Sacr: bonorum omnium &c.*

5. Sume cum omni fiducia humili, cumque humilitate fiduciali, omnibus miserijs, necessitatibusque tuis subsidia, quam copiosissima, ex Sanctis: isto Sacramento, tanquam ex Gazophylacio, aut ex nundinis, meritorijisque tabernis omni bonorum mercium genere refertissimis. Tibi imputans, ac inter damna reponens, quidquid non hauseris, aut si quid minus hauseris. Ad hoc enim tibi exposita habes, ut tibi liceat haurire, etiam soli, ac vni omnia.

6. Et noli metuere, ne fortè bona ista, hauriente te deficient: tu potius metue, & caue, ne hauriendo deficias. Nam iste The-saurus est maris instar, quod neque effluendo minuitur, neque influendo redundat: deficiunt qui ex eo hauriunt: mare autem semper est mare. Sic etiam Solem milleni, & millicies, infinitiesque milleni oculi respiciunt, eiusque lumen hauriunt: & ipsi luce pleni sunt, & Sol de suo lumine nihil perdit. Idem in aère quo spiramus iugiter videre est.

7. Aduoca igitur vndique omnes Orexes: cupiditates, fames, auaritias, & eas totas ad hanc seu mercaturam, seu prædam conuer-te. Rape mortis medicinam omnimodam: rape nuditati vestem multiplicem: rape merita, dona, gratias: rape beneficia, rape virtutes, rape dignationes, rape sanguinem, Corpus, Animam, Diuinitatem, Personam, rape Charitatem Dei, dilectionem proximi, etiam inimici, rape humilitatem, puritatem, patientiam, mansuetudinem, paupertatem, rape donum Sapientia, orationis, contemplationis, fiduciae, mortificationis, abnegationis, mundi contemptus: veniae peccatorum.

8. Noli ab hoc mercatu recedere nisi planè emas quæ voles, nisi planè cupiditates, ac necessitates omnes exsaties, atque expleas. Solà hic cupiditate, & sincerà bonorū Dei auaritiā emuntur omnia, tolluntur omnia, obtinguntur omnia. DEVS enim nullius boni nostri à nobis indigus est. Solà enim desideria nostra satiant, expleant, & ditant: quantum amas, quantum desideras, quantum fameliscis, tantum capis, tantum obtines, tantum habes.

Exerc

O Trem
tum,
stantia D
seposita
fidium, i
statibus
cupidita
riendas
omnes
quam e
nus fui
rata rei
aude an
audes, i
partes, i
Cor mer
egetate
IESV: h
tias om
lia detra
licet.

Christi

1. S
agnosc
2. A
lium, &
ut quo

P R A X I S.

O Tremendum, ô augustissimum, ô verè Diuinum Sacramentum, in quo sunt omnes thesauri bonorum: vniuersaq; substantiæ Domini mei IESV Christi plenitudo reposita propter me, seposita autem mihi. O quantum hic remedium, quantum subsidium, ineffabilibus, atque innumerabilibus miserijs, & necessitatibus meis reperio! Adeste quæso, adeste, vbiubi estis omnes cupiditates, atque avaritiæ, & mihi nunc famulemini, ad hauriendas ex hisce ditissimis officinis, apothecis, gazophilacijsq; omnes necessitatum mearum sufficientias, & abundantias. Ah? quam ego cæcus! quàm ego temerarius! quàm ego piger hactenus fui, qui in tanta bonorum affluentia miser fui! inter tam parata remedia morbidus: inter tantas opes egenus existi! ô iam aude animè, iam quantum potes tantum aude: quin quantum audes, tantum habes. Dilatare, ampliare, distendere in omnes partes, in omnes capacitates, atque vastitates, te conuerte. O Cor meum, iam cape, & hauri, iam rapinas age, & exsatia te: iam egestates tuas exple, & exsatura. Hæc enim est Voluntas Boni IESV: hæc est hora tua: hæc est occasio & dies bona: hîc avaritias omnes exercere, hîc accelerare, hîc prædari, hîc spolia detrahare licet, modò libeat; quantum enim libet, tantum licet.

EXERCITIUM II.

Christus in SS. Sacri colendus, quomodo à Dei Matre cultus.

1. **S**Tatue te coram SS. Eucharistiæ Sacramento, atque in eo IESVM Christum DEVM Hominem realiter præsentem agnosce, confitere, venerare.

2. Ad id plenius, digniusque præstandum ascisce tibi in auxilium, & in exemplum Pretiosissimam DEI Hominis genitricem, vt quo affectu illa (fidei, spei, charitatis, deuotionis, reuerentiæ,

græ,

192 *Exerc: II. Christus in SS. Sacrn: colendus quomodo &c.*
gratitudinis, teneritudinis, &c.) DEVM in carne præsentem coluit, eodem quoq; tu, tam in substantiâ, eundem DEVM, in eadem carne realiter, esto inuifibilibiter præsentem colas.

3. Coluit Pretiosissima Parens IESVM in suis visceribus, manentem, coluit ex se genitum, in præsepio reclinatum, in vlnis & sinu suo positum, ad vbera pendentem; coluit secum ad annum ætatis trigesimum manentem, sibi que subditum, coluit docentem, miracula patrantem, in Sacramento Eucharistiæ sese includentem, & offerentem: coluit patientem, in cruce pendentem, mortuum, in sepulchro positum, à morte rediuuium: coluit in dexterâ Patris super cælos confidentem: coluit in Sacrificio altaris per manus discipulorum immolatum: coluit in Sacramento Eucharistiæ illum recipiens: coluit in horâ suâ in cælum Assumptionis sibi occurrentem, seq; super Angelorum choros exaltantem: colit nunc etiam in cælis secum regnantem, & in terris sese nostro ministerio super altare sacrificantem, nobis que in cibum, & potum, & viaticum sese exhibentem, atque etiam inter nos Sacramentaliter habitantem.

4. Hos omnes Pretiosissimæ Parentis cultûs edisce tu, & exhibere IESV Christo in Sacratissimo Sacramento consuesce: in omnibus enim his circumstantijs, suo modo IESVS tuus, sese tibi præsentem exhibet: sese tibi communicat: tantò etiam familiarius, simplicius, dignantiùs, quantò & tu à puritate, ab excellentiâ, à deuotione, à prærogatiuis Matris DEI distas remotius: & ipse Dominus IESVS in suâ tibi per hoc Sacramentum, sacrificiumq; sui communicatione, gerit se humiliùs, atq; submissiùs.

5. Institue comparisonem Dignationum Christi, erga Matrem, & erga Te. Conceptus à Matre semel: conceptus à te milies: latuit in Matris viscere nouem mensibus: latitat in tuis visceribus ab omnibus tui Sacerdotij annis. Lactauit illa genitum ex se: te lactat ille genitus: illa eum pauit, ille te pascit. Mater habuit subditum IESVM: habes & tu obedientem longè promptius,

Exerc: II. Christus in SS. Sacri: colendus, quomodo &c. 193

ptius, & mirabilius. Mater Filium manibus gestabat: tractas & tu eundem manibus tuis. Osculabatur illa filium, tu illum, etiam manducas. Iosepho illa, Simeoni seni, Annæ prophetissæ, & alijs paucis IESVM tractandum dabat: tu eundem, (fructum etiam consecrationis, tanquam generationis tuæ) alijs, & tractandum, & adorandum, & manducandum præbes, atq; offers. Maria Mater filium IESVM solâ Voluntate Patri ad redemptionem Mundi obtulit; tu verò reali, patriâ, Diuinâ, seu Patris æterni (penè dixerim) potestate, ipsi æterno Patri immolas: Christi etiam ipse suse inmolantis personam sustines: quod Matri aliquando licuisse, non legimus.

6. Ergo exardescere maternis affectuum ignibus: maternis quoque Virtutum actibus, IESVM in Eucharistiâ venerare.

P R A X I S.

IESV, in Sacratissimo, Augustissimoq; Sacramento præsens, Jassumo mihi ad amorem, ad venerationem, ad exultationem tui, Pretiosissimæ Parentis tuæ affectus omnes, & singulos. O si eos adæquare imitando possem: & omnes illos, ipsius instar erga te profundere! fateor certè mi IESV, me Tibi, etiam maiorem in te affectuum esse debitorem, quàm Sacratissima tua Mater fuit: quippe maioribus me dignatus es, dignariſque per misericordiam tuam dignationibus, atque miserationibus. O Mater, tu mihi concede lumen intellectus tui: concede mihi flammam voluntatis tuæ, vt respondeam profusissimis Filij tui super me misericordijs.

E X E R C I T I V M III.

Christus in Euchar: colendus ad Exemplar Angelorum.

1. **S**tatue te coram Sanctissimo Eucharistiæ Sacramento: & in Se o IESVM Christum DEVM Hominem realiter præsentem agnosce, confitere, venerare.

B b

2. Ad

194 *Exerc: III. Christus in Euchar: colendus ad Exemp: &c.*

2. Ad hoc dignius præstandum, assume tibi omnes Sanctorum Angelorum Ordines in auxilium, atque in Exemplum. Stupent enim Sancti Angeli omnes, atque etiam sanctè inuident mortalibus, tam mirificam DEI Hominis dignationem, quam ille vilissimis, ac ingratis vermiculis, in Sacramento Altaris exhibet. Et hoc nomine lubentiùs, frequentiùsque terras visitant, inter nos morantur, nos custodiunt, fouent, astringunt. Vnde Angeli Sacerdotum frequenter sacrificantium, aliorumque frequenter communicantium, custodes; habent hoc inter speciales suas prærogatiuas, consolationesque: quòd per occasionem, quas custodiunt animarum, crebriùs, & quidem de vicino, & quasi tuo quodam jure, Sanctissimum Sacramentum, spectare, habere, venerari, tanquam in thalamis, in cubiculis, in vasculis, in ferculis possint, quod Angeli alij non perinde possunt.

3. Ergo ANGELI, semper vident faciem Patris: tu autem & vides per fidem non minùs visione certam, esto non claram: & manducas per realem sumptionem: & immolas per veram in Personâ Christi oblationem.

4. ARCHANGELI, nunciârunt Christi Incarnationem, Natiuitatem, Resurrectionem, Ascensionem, Reditum ad Iudicium: Tu illum Incarnari, Nasci, Mori, Resurgere, Ascendere, ad ruinam peccatorum, ad resurrectionem virtutum venire, facis ad te, ad alios, & facis toties, quoties libet.

5. VIRTUTES, operantur mira pro DEI gloriâ, & nostrâ in eum veneratione promouendâ, confirmandâque: quanta miracula non operatur Sacerdos, dum Sacrificat, dum Sacramentum conficit, dum Sacramentum sumit! Nulla celestis Virtus, ac nequidem simul omnes sufficiunt, ad vnum Eucharistici Sacramenti, Sacrificijque miraculum patrandum. Cessent Virtutum miracula: quòd misellus homo manducet DEVM suum; hoc miraculorum miraculum est: quòd verò eum præsentem in Sacramento faciat, & habeat; hoc nulli Virtutum concessum est.

6. Prin-

Exerc. III. Christus in Eucha: colendus ad Exemp: Ec. 195

6. PRINCIPATVS, sunt capita Seruorum stantium coram Domino semper, sunt imagines originationis Diuinæ, sunt legumlatores, atque Decretores iustitiæ: Confer hæc cum Sacerdotali Principatu. Sacerdos est origo, & Pater DEI: legem fert legum fonti: in hoc seruit DEO, colitque DEVM, quod imperet DEO: quod formet DEVM: quod Sacrificium suum faciat DEVM: quid tale vel per vmbra cælestibus competit Principatibus? Et hi qui Sacramentum sumunt; principium omnis boni, omnis meriti, omnis gratiæ, omnis iustitiæ, omnis beatitudinis, atque gloriæ sumunt. Est enim Eucharistia, sedes legum omnium, Magisterium charitatis, Obedientiæ primatus, Vertex imperij, Nutrimentum æternitatis, Resurrectionis (id est secundæ ac indebitæ aliâs originis) pignus, semen vitæ æternæ, gustus beatitudinis. His bonis, Principatus Angelici esto non egeant, attamen ex hoc tali fonte principioque illa non habent.

7. POTESTATES, Ministri sunt omnipotentiae DEI, baiuli que illius; Monstrantes DEVM posse omnia, etiam illa quæ non vult. Equidem ambigo; an Sacerdotalem Potestatem repræsentent Potestates Angelicæ: sed repræsentent; non tamen eam in potestate ad exercendum habent: at Sacerdotes habent. Qui verò Sacramentum hoc manducant; quid aliud quàm miracula, & excessum, & abyssum Omnipotentiae DEI manducant? Cibus Eucharisticus omnium possibilem in hoc magnitudinem vincit, quia, quod in possibilebus tantum esse potest, hoc in Eucharistiâ, etiam reipsâ, & actu ipso est.

8. DOMINATIONES, seruant suum absolutum Dominium DEO; at quibus Eucharistia concredita est ad manducandum, ad habendum, ad conficiendum, ad immolandum; hi, & asserunt quidem Dominium DEO, sed etiam asserunt & exercent Dominium in DEVM: seruiunt quidem DEO, sed dominando DEO: quod nulli ex Dominationibus licet.

9. THRONI, sedes sunt æquitatis Diuinæ: reſtitutionis domici-

196 *Exerc: III. Christus in Euchar: colendus est ad Exempla:*
lia, iustitiæ specula, scrinia Decretorum. Eucharistia nostra, o
mortales! quid est, si hoc non est? quid inquam est, si Thronus
non est ad æqualitatem deducens DEVM & Hominem, nec non
iura utriusque, hoc exigentibus Christi meritis, in Eucharistiâ
depositis, in Sacrificio repræsentatis, imò innouatis, & in man-
ducante collocatis. Vnde prodeunt decreta Diuina in salutem,
placita in vitam, statuta in gratiam, in amicitiam, in possessio-
nem, in beatitudinem sempiternam. Quid verò an non etiam
Eucharisticum Thronum manifestat illud, quod Paulus, & indi-
cat, & admonet: Probet autem seipsum homo, & sic de Pane il-
lo manducet: qui enim manducat, & bibit indignè, iudicium sibi
manducat, & bibit, non dijudicans Corpus Domini, &c.

10. CHERUBINI, Lux sunt DEI, sapientiæque illius imagines.
Norunt quid, & quis sit DEVS. Qui Eucharistiâ tractant, con-
ficiunt, sumunt, habent, Cherubini sunt: & plusquam Cherubi-
ni. In lumine vident lumen: Gustant, & manducant, & bibunt,
& vident, quàm suavis est Dominus, quàm multa dulcedo abscon-
dita sit in Manna nouo. Gustum DEI habent, & quidem ad salu-
tem, amicti sunt lumine sicut vestimento, saginati Cibo Sapien-
tiæ salutaris tanquam nutrimento. Cherubini ex naturæ dono
sapientes sunt, fruenter autem Eucharistiâ ex manducatione DEI
Sacramentali, Sapientiam hauriunt: illis fons natura; his Gratia:
& admirabilis quidem & ineffabilis, & plusquam Cherubica
Gratia.

11. SERAPHINI, si ideo dicti sunt, quia non tam ardere Chari-
tate, quàm ipse Ardor Charitatis esse videntur; hoc tantò veriùs,
quantò & mirabiliùs in eos quadrat, quibus Eucharistia, & Sa-
crificium, & Cibus est. DEVS enim noster, ignis est, & Charitas
est: qui ergo vescitur DEO, isto utique igne, & Charitate vesi-
tur: quidni ergo Seraphim efficiatur? Seraphini creantur ad A-
morem: qui autem Eucharistiâ sumunt, saginantur Amore:
illis Ardor Natura, his cibus; utrisque ergo substantia: ambigas
qui,

Exerc. III. Christus in Euchar: colendus ad Exempl: Sc. 197
quibus felicior: illis quidem securior, istis mirabilior. Ergo ar-
dendum, ergo ignescendum, ergo conflagrandum est omnibus,
quicumque de Dei æterni igne consumente, de Charitate flam-
mescente nutriuntur. Omī DEVS (liceat sic, ad modum nostri
esse, loqui;) tu tantum visione tui, Seraphinos tuos pascis, & ar-
dent Charitate tuā, transcuntque in flammeos ardores: nos ipsā
ignis tui Diuini medullā, ipso flore incendij tui, ipsā substantiā
Charitatis tuæ pascis, nutris, infarcis, saginas; & heu! necdum
ardemus, necdum in ignem transimus! Imō, ipso (pro pudor, &
dolor; & miraculum frigoris) adhuc inquam ipso gelu rigidiores
sumus: ipsoque frigore plus frigemus. Libet hoc insuper confi-
derandum addere; Seraphini amant DEVM, tanquam factorem
suum: Sacrificantes amant tanquam parentes prolem; nunquid
non connaturaliter? Numquid Seraphinis hoc modo licitum?
O viuax flamma, DEVS meus, ô vorax ignis Charitas æterna,
tandem euince me, tandem abtume me, tandem transflamma
me, vt ardeam, vel omnibus Seraphinis plus, vnus, ac solus, cum
omnibus tamen, & non vnus, nec solus.

P R A X I S.

JESV in Sanctissimo Sacramento præsens, Cibus noster, potusque
Salutaris, gloriæ pignus futuræ, gratiæ plenus præsentis: Te
ego omnium Angelorum, Archangelorum, Virtutum, Potesta-
tum, Principatum, Dominationum, Thronorum, Cherubino-
rum, Seraphinorum, affectu, spiritu, viribus, amo, adoro, ve-
neror, exalto, &c. Quoniam exaltasti me super omnes Spiritus,
super omnes Choros Angelorum, per tui Sanctissimi Sacramen-
ti Sacrificijque ministerium, vsum, & fructum.

E X E R C I T I V M IV.

Christus in Euchar: colendus ad Exemplar SS. omnium.

1. **S**Tatue te coram Sanctissimo Altaris Sacramento: ac in eo
B b 5 IE-

198 *Exerc: IV. Christus in Euchar: colendus ad Exempl: &c.*
DEVM Hominem verè realiterque præsentem, agnosce, confite-
tere, venerare.

2. Intuere illum in Sanctissimo Sacramento, quasi Monar-
cham Monarcharum, Regemque Regum, super solium excelsū,
& eleuatum, cuius Maiestate admirabili repletur terra vniuersa,
cui millia millium ministrant, & decies centena millia assunt:
coram quo 24. seniores assurgentes procidunt in facies suas, &
Coronas capitibus suis detractas, supponunt pedibus eius: &
turba magna ex omnibus gentibus, & tribubus collecta, quam
dinumerare nemo potest, ei sese reuerentissime submittit, can-
nensei laudes in sæcula sæculorum.

3. Audi hunc vniuersum Sanctorum cœtum, ex lege Naturæ,
Scriptæ, Gratiæ, ac demum Gloriæ collectum: succlamantem die
ac nocte coram Sanctissimo Sacramento, Sanctus, Sanctus, San-
ctus Dominus DEVS Sabaoth: plena est omnis terra gloriâ eius.

4. Immisce te huic turbæ, cœtibusq; ac Choris Sanctorum:
nunc quidem his, nunc verò illis: atque quod ab eis videris fieri,
& tu fac: cum adorantibus adora, cum procidentibus procide,
cum stupefcentibus stupefce, cum agentibus gratias, gratias age,
cum admirantibus admirare, cum exultantibus exulta, cum exal-
tantibus exalta, cum amantibus ama, cum ardescentibus ardesce,
cum liquefcentibus liquefce, cum fruuentibus fructuere, cum jubi-
lantibus jubila, cum dilaudentibus dilauda, cum silentibus præ-
veneratione & maiestatis sacro horrore, sile tu quoque & con-
tremisce: cum canentibus cane, atque repete: Sanctus, Sanctus,
Sanctus Dominus DEVS noster, qui est, & qui erat, & occisus
est: Alleluja: quoniam regnauit Dominus DEVS omnipotens.
Gaudeamus, exultemus, & demus gloriam ei: quoniam magni-
ficatus est vehementer in Sacramentali præsentia, in Eucharisti-
câ Maiestate, in Sacrificiali dignatione.

5. Sit tibi hoc spectaculum atque consortium Sanctorum, ve-
luti chibanus incensus, in quo ardeas Seraphicis ardoribus, &
amo.

Exerc: IV.
amoribus,
minasium,
dicoq; ma-
affectus en-
trum, in c
gnos DE
spiritus, p
quentatis
cessabilit
plar & co

JESU
tamq
& eleuat
Te cum
veneror,
sidero, p
Sanctoru
tas spiriti
tiarum a
Sanctus,

Christi
1. Sta
SIE
præsent
2. In
quam C
ptiuauit
DEO di

Exerc. IV. Christus colendus in Euchar: ad Exempl: Ec. 199
amoribus erga Sanctissimum Sacramentum: sit tibi veluti Gymnasium, in quo ab omnium Sanctorum exemplari, & viuo practicoq; magisterio discas, & consuescas, exercere omnis generis affectus erga Dignissimum Sacramentum: sit tibi veluti Theatrum, in quo imitatione, ac etiam associatione Sanctorum, dignos DEO, in throno Sacramentali residente, actus, affectus, spiritus, profectus, conatusque exhibeas: si non assidue, at frequentatissime, & infatigabiliter, atque quantum praeualeas incessabiliter. Est tibi Theatrum Mundus, spectator DEVS, exemplar & comitatus, omnis Sanctorum coetus.

P R A X I S.

JESV in Sanctissimo Altaris Sacramento praesens, atque in eo tamquam in excelsa Maiestatis tuae Throno residens, excelsus, & eleuatus, omniumq; Sanctorum tuorum gloria circumdatus. Te cum omnibus illis atque singulis laudo, magnifico, adoro, veneror, admiror, amo, exalto, glorifico, insuperque etiam desidero, percipio, sumo, & manduco. In conspectu, & comitatu Sanctorum tuorum omnium, omnia ossa mea, & omnis capacitas spiritus, substantiaeque meae, & totus ego, tibi laudes, & gratiarum actiones occino, dicens, ac repetens, Sanctus, Sanctus, Sanctus, &c.

E X E R C I T I V M V.

Christus in Euchar: triumphandus, veluti amore vincitur.

1. **S**Tatue te coram Sanctissimo Altaris Sacramento: & in eo **S**IESVM Christum DEVM Hominem, verè realiterque, praesentem agnosce, confitere, venerare.
2. Intuere illum in Eucharisticis speciebus conclusum, tanquam Captivum, Vincitum, Catenatum, & Triumphatum. Captiuauit enim illum 1. Amor nostri. 2. Humilitas, & Dignatio DEO digna. 3. Obedientia, alligata ad vocem, nutumque Ho-

200 *Exerc: V. Christus in Euchar: triumphandus veluti &c.*
minis consecrantis. 4. Captiuauit illum vnio Hypostatica, Humanitatem Diuinitati, & hanc illi adglutinans, & veluti incarcerans, certè incarnans, & DEVM Hominem constituens. 5. Captiuauit illum Sacrificij admirabilis ineffabile Mysterium. 6. Captiuauit Sacramenti Eucharistici immensâ Dignatio. 7. Captiuauit stupenda, & nulli præter homines mortales, etiam nec ipsis Angelis, concessa in cibum & potum exhibitio atque traditio. 8. Captiuauit deniq; hæc specierum Sacramentalium limitatio, atque ad earum durationem, præsentiamque alligata præsentia.

3. Totis viribus Spiritûs tui exulta, non secus ac solent exultare victores captâ prædâ: exulta inquam, de hoc catenato, captiuato, victoquo DEO IESV tuo: atque etiam tuæ illi Charitatis, dilectionis, inhaesionis, immersionis, laudis, insultationis, complexionis, comprehensionis, manducationis, inuiscerationis vincula inijce.

4. Noli insipienter misereri captiui huius, neque sortem hanc eius miserare: Etenim hæc captiuitas illi millies est gravior, & optatior, quàm cælestis Gloriæ libertas: ambit illam, cupit illam, mercatur illam, emendicat illam: famescit, & languet sine illâ; & quasi miser esset, aut futurus esset sine illâ, sic tabescit sine illâ.

5. Proinde non ei parcat oculus tuus, sed potiùs aggraua compedes eius, adijce catenas illi, vincula multiplica, circumduc captiuum, age catenatum in triumphum. Sic spectari amat IESVS, nec vlla illi in hoc mundo, in hac Ecclesiâ, in Animabus iustis, pompa gravior, nulla ad mentem magis.

6. Congaude ergo: & tibi quidem, quod istum victum insignem habeas: & illi simul, quod in hæc vincula Charitatis, Dignationisque suæ deuenerit. Crede quòd illum nec pæniteat, nec tædeat fortis huius, quam sponte delegit, & voluntariè diligit. Præfert hunc statum etiam cælesti: dummodò non desint, qui triumphent illum, qui captiuum teneant, diligant, visitent, quique captiuo vincula etiam adijciant.

7. Hæc

Exerc:
7. Hæc
eius spec
vincula in
ex eo triu
includere
cramento
ritualiter
trahendo
tando co
tem: nu
oculis v
ctaculu
8. C
mnem i
ne rarra
netur: a
imò fort

IESV,
sens:
non sec
sanè pra
prædat
nostræ,
gatus e
Anima
netur i
ferculu
excuba
adijce
spolia

Exerci V. Christus in Euchar: triumphandus &c. 201

7. Hæc igitur sit vna cura tua, huic vincto adesse: ad hunc eius speciosum carcerem excubare: noua, & noua, alia, & alia vincula iniicere: nouas & nouas ex eo prædas agere: alios & alios ex eo triumphos Charitatis ducere: alijs & alijs eum carceribus includere. Nunc quidem in Sacrificio immolando, nunc in Sacramento, realiter sacramentaliterque manducando, nunc spiritaliter eundem in fame dilectionis, ad viscera deuotionis adtrahendo, & admittendo: nunc eum reuiscendo latentem: salutando conclusum: adeundo, adorando, morantem, & expectantem: nunc cum illo, corde, & spiritu, nunc etiam corpore, & oculis versando: nunc eum manibus tractando, nunc alijs spectaculum faciendo, in cibum uè porrigendo.

8. Caue, ne fatigeris in hac occupatione: vide excutias omnem ignauiam: attende, ne te effugiat negligentem hæc præda, ne tanta felicitatis occasio elabatur. Captius hic, feruore tenetur: assiduitate conuersationis ligatur: si remittis elabitur: imò fortè iam elapsus est.

P R A X I S.

IESV, in saluifico atque sacratissimo Altaris Sacramento præsens: Te ego hîc captiuum, & agnosco, & gaudeo, & teneo, non secus quàm gaudere solent victores captâ prædâ. O nobilis sanè præda! ô insignis certè vinctus! ô fortis omnino Animarum prædator IESVS! Captus est Amore nostrî: vinculis Charitatis nostræ, pedicis dignationis suæ, catenis obedientiæ propriæ. Ligatus est compedibus specierum, captus est retibus amantium Animarum, conclusus est in carceres viscerum & cordium, tenetur in altaribus intrâ conditoria templorum, pijxidum, atque ferculorum. O Anima mea, Exulta, & gaude tibi de vincto isto: excuba ad carceres eius: aggraua & accumula vincula illius: adijce compedes illi, exterat pes tuus limen habitationis eius: spolia illum, & thesauros eius diripe: imò etiam vt tuius habeas

Cc

præ-

202 *Exerc: VI. Christus in Eucharistiâ, tamquam in Ec.*

pradam istam, in visceribus inis cordis corporisque reconde :
denique his omnibus adijce illud, vt te cum illo constringas, &
ijsdem cum eo vinculis communices : sis tu captiua illius, vincta,
incarcerata, illius : illeque vicissim tuus. Pulchrum, & rarum
certamen, spectaculumque, ac vix aliud Diuinis oculis gratius ;
quando Anima vinctum tenet IESVM, & Animam vinctam te-
net IESVS. Gloriosa conditio triumphare de IESV, triumphari
ab IESV : triumphare de Animâ, triumphari ab Anima IESVM.
Hos triumphos mutuos age, & exhibe Cælis, ô Anima, &c.

E X E R C I T I V M VI.

Christus in Eucharistiâ, tamquam in Cælo Empyreo.

1. **S**tatue te coram sanctissimo Altaris Sacramento : & in eo
IESVM Christum DEVM Hominem, verè, realiterq, præ-
sentem, agnosce, confitere, venerare.
2. Aspice illum : in Eucharisticis speciebus commemorantem
tanquam in Empyreo Cælo, tanquam in Cælo Cælorum, tan-
quam in Diuinæ suæ Beatitudinis quodam seu compendio, seu
simulachro, seu profluvio, excessuque. Tenebras reuera posuit
latibulum suum DEVS in hoc Sacramento. Fruitur etiam DEVS
in hoc arcano, seipso : non tantum secundum Diuinitatem suam
totam, plenitudinemque Diuinam, verum etiam secundum vni-
uersam Humanitatem assumptam : cui etiam hic quoddam esse
Diuinum communicat : vt etiam quoad corpoream substantiam,
indivisibiliter sit totus vbique, & totus, in qualibet specierum
parte. Hic est ille multipliciter vnus, & vniter (seu saluâ vnitare)
multiplex. Hic est DEV, non tantum speculum, sed etiam fer-
culum, ac poculum voluntarium, in quo sumitur ab iustis
prout ipse vult : in cælo ducit Sanctos ad vitæ fontes aquarum,
hic in Eucharistia ipse fons Vitæ venit ad ora & corda iustorum.
Ibi dicit, comedite Amici, & bibite, & inebriamini charissimi :
hic dicit, accipite, & manducate, qui manducat hunc panem vi-

uet

Exerc: VI. Christus in Eucharistiâ tamquam in Eccl. 203

uet in æternum. Ibi pascit electos visione, hîc manducatione: Ibi Sanctos nunc pascit solâ Diuinitatē, hîc etiam Humanitatē: nam carne & sanguine, meritis & gratiâ: adeo vt quod Sancti ex Deitate tantum, hoc iusti ex Humanitate etiam consequantur: scilicet Vitam æternam. Ibi Beati, securi sunt de possessione DEI æternali, hîc iusti, ex vi quidem, & naturâ manducationis, quâ DEVM sumunt in Sacramento, eo modo, & in eo statu, atque gradu habendi DEVM habent: vt eum nec securius habere, nec eo, intimius, secretiusque frui, nec eum plenius possidere, nec absolutius comprehendere, quoad substantiam ipsam rei valeant. Nam quo intimius abdant recondantque DEVM, quam in ima viscera corporis, & cordis? quam translati in eius substantiam? quàm cum eo tanquam cera cum aliâ cerâ liquefactâ commixti?

3. Admirare, æstima, frequenta, gratulare, hoc Cælum DEI tui & DEO tuo. Reuera enim tale est, quod Angeli, quod Beati inuident, quod Ecclesia triumphans militanti gratulatur, quo militans triumphanti comparatur: in quo DEVVS, nouo, & miro modo beatificatur: alio scilicet quàm in seipso, alio quàm in Beatis, alio quàm in Hypostaticâ vnione: Sacramentali nimirum cum Animabus vnitione: in quâ cibus manducantem se, conuertit in se, & simul tamen ad omne id, ad quod dignè manducans vult, sese, melius quàm manna, conuertens.

4. Adi frequenter hoc Cælum: & DEVM in hoc Cælo visita: saluta, contemplare, lauda, cum illo morare, colloquere, consulta, conclude: si non potes omnino, & semper corporali præsentia, saltem Animi recordatione, & cordis desiderio, atque reuerentiâ.

5. Quoties ad locum reconditæ Eucharistiæ accedis, vel visitaturus, vel sacrificaturus, vel communicaturus, ipsimet tibi, vel alijs; taliter accede; vt videaris accedere ad Deitatis sedem, ad locum deliciarum DEI, ad spectaculum consortiumq; deliciantis IESV.

204 *Exerc. VI. Christus in Eucharistia tanquam in Cælo &c.*

6. Exprime in te, quoad licebit, affectus Beatorum, ut quos illi in Empyreo cælo, hos tu in cælo isto Eucharistico exerceas: iisque ardeas in DEVM præsentem tibi, in Sacramento, potissimum à te suscepto, recenterque adhuc in te moranti. 1. Beati in Cælo suo toti sunt in DEVM defixi, transformati, deificati: talis & tu in hoc Eucharistico cælo fac euadas, & fias. 2. Beati flagrant Charitate DEI, summi Boni in se, & sibi: ardescas & tu instar Seraphini: cibus enim quo pasceris, ignis est. 3. Beati in seipsis stupent, & quasi extra se positi admirantes hærent in contemplatione Plenitudinis immensæ, & immensitatis plenissimæ Divinæ: fias & tu extra te, præ admiratione plenitudinis Eucharisticæ, in tantum compendium redactæ. 4. Beati securitatem suam non capiunt, eam licet habentes: & tu coram DEO positus, magis etiam DEO pascus, securus quiesce in requie adeo opulentâ. 5. Beatis gaudium est super vno iusto ad cælum veniente: ne dubita & tu, gaudium te facere Beatis, te ad Eucharistiam siue salutandam, & adorandam, siue manducandam, siue alijs communicandam, siue in Sacrificio immolandam accedente. 6. Beati immensâ lætitiâ gestiunt, & gratulationibus diffunduntur, quando numerum Beatorum in cælo crescere vident: & tunc dicunt Animæ illi; ô beata quæ credidisti: vel: Ave Anima, gratia plena, Dominus tecum, benedicta tu in Animabus: Consimiliter etiam iidem Beati videntes, Animam iustam, Sanctissimo sese Sacramento siue spiritualiter tantum, siue sacramentaliter simul saginantem, ei adgaudent, & adgratulantur. 7. Animam Beata tota Sanctissima Trinitas amplectitur, intrahit, absorbet, beatitudine replet, deificat, Animâ vicissim totâ se DEVM hauriente, atque dicente, magnificat Animâ mea Dominum: Pariratione, Animam Sacramento Eucharistico pastam, vel præsentem, eadem Sanctissima Trinitas, quin & Christi Humanitas amplectitur, & ingreditur, sanctificat, & gratiâ, meritisque replet, de eâ sibi gratulatur, in eâ sibi complacet, coram Beatis de eâ glori-

E
glori
comm
tur:
ritate
totam
sed to
nedic
tabo
7.
ment

JES
Jca
Grati
cælo
non s
moran
Cælu
ficus:
uis tu
in cæl
sticis

1. S
tem,
2.
mnisc
quacu
confu

Exerc: VI. Christus in Eucharistiâ tamquam in Eccl. 203
gloriatur, eam Beatorum curæ, protectioni, amoris, fauoribusq;
commendat, ostendens sibi gratum, si specialiter à Sanctis fouea-
tur: Inspirat illi fiduciam, Animositatem, modestiam, familia-
ritatem, reuerentiam, charitatem cordialem, & Seraphicam,
totamque suo Spiritu replet: Neq; Anima, si sapit, officio deest:
sed tota quanta quanta est, ingeminat, magnificat, repetit; Be-
nedictus Dominus: insonat; ego autem gaudens gaudebo, & exul-
tabo in DEO IESV meo, quia fecit mihi magna, &c.

7. Ad talem Animæ statum, cultu, & fructu Sanctissimi Sacra-
menti, vt peruenias ad labora.

P R A X I S.

JESV, qui in Sanctissimo Sacramento, super terram nostram,
Cælum tibi gratiosum, deliciosum, gloriosumque constituis;
Gratulor tibi cælum hoc, nobis adeo inclinatum: Gratulor &
cælo huic te adeo vicinum. O si tecum mi IESV in cælo isto, si
non semper & assiduò, at sæpè, at creberrimè, at studiosissimè
morari, & perennare liceat. O beatum, ô dulce, ô admirabile
Cælum Eucharisticum! ô cæna magna, quæ omnibus electis suf-
ficis: quæ totam militantem Ecclesiam reficis! O vtinam conui-
uis tuis associer! non est, aut, vix est, quod inuideant iusti Beatis
in cælis, qui hîc etiam adeo lautis saginantur epulis, in Eucharis-
ticiis cænis, &c.

EXERCITIVM VII.

Christus in Eucharistiâ vt Artifex peritissimus.

1. **S**tatue te coram Sanctissimo Eucharistiæ Sacramento: &
in eo IESVM Christum DEVM Hominem realiter præsen-
tem, agnosce, cõfiteri, venerare.

2. Cogita hîc Dominum IESVM esse, ac residere tanquam o-
mniscium artificem, operatoremque: cupidum, paratumque ex
quacunque materiâ, seu massâ efficere opera, seu vasa perfectâ,
consummata, & omni vsui apta in honorem.

206 *Exerc: VII. Christus in Eucharistia ut Artifex peritiss:*

3. Habes eius rei luculenta Scripturæ testimonia. Omnia opera nostra operatus es in nobis Domine Omnia per ipsum facta sunt: & sine ipso factum est nihil Ipse operatur in nobis, & velle, & perficere pro bonâ suâ voluntate. Sine me nihil potestis facere. Venite ad me omnes. qui laboratis, & onerati estis, & ego reficiam vos: reficiam si latii, reficiam si mali facti, reficiam si corrupti, reficiam si infecti, reficiam si imperfecti estis. Atque has ille voces specialiter in Sacramento Eucharistiæ usurpat: quia huius operationis potissimum gratiâ, inibi mansionem suam locat.

4. Cogita ergo, te (tuos etiam omnes, quin & creaturas quaslibet) esse materiam, massamque planè rudem, informem, nulli vsui, nulli operi idoneam, quantum ex se; sed penitus indigentem, operæ, & industriæ alienæ (neque vllius alterius præterquam Christi IESV) adhuc; ut in qualemcunque vsu aptetur, accommodeturque.

5. Et sunt quidem complures Artifices, ac operarij, qui se facile obtrudunt ad operandum, & efficiendum aliquid ex te, & in te: qualis est Caro, Mundus, diabolus, Amor tuus proprius, concupiscentia mala abstrahens, & illicita, conuetudo mala, Exemplum prauum: hi tamen esto se vocent artifices, minimè ij sunt, sed potiùs destructores, & corruptores operum, bene alias à manu Dei elaboratorum: prout videre est in experimento tam multæ materiæ, quam improbi isti illusores, non in aliquos bonos vsus aptificant, sed inferni tantum pabulum, & vasa in contumeliam faciunt.

6. Deliberatione opus non est multâ, in cuiusnam operarij manus te tradere debeas elaborandum? illud delibera, in quod, & quale opus, in quem etiam vsu velis à Christo artifice conformari? vel si hæc deliberatio tibi implexa videtur (vti fermè satis est) remitte illam huius ipsius Sapientissimi Artificis Voluntati. Projice te in manus eius, exactissimè omnia operantis Scien-
tiæ,

Exerc
tiæ, a
bâ, art
rem su
eunde

7.
ac hun
etiam
propri
& ad
mam

8.
cifixi
dition
est vie

9.
suorum
conuer
nanti
quide
gno, a

10.
omnes
reipsâ
priden
opus
Artific
Christi

11.
copio
dient
Dilect
nis, T

Exerc: VII. Christus in Eucharistiâ ut Artifex peritiss: 207

tiâ, ac Voluntatis: & roga, vt ex te, veluti ex informissimâ massâ, artifice suâ dexterâ effingat, ac elaboret opus, & vas in honorem suum: simulque illud statim ipse Artifex adhibeat ad illum eundem honoris sui vsum, salutis verò tuæ fructum.

7. Si te Artifex tuus conformare volet in vas humiliationis, ac humilitatis, non tantum sub manu suâ Diuinæ Voluntatis, sed etiam sub manu omnis creaturæ, esto contentissimus vfu isto, propter amorem Artificis tui, qui Amore tui humiliavit seipsū, & ad formam serui, & ad formam mortui super crucem, & ad formam cibi in Sacramento.

8. Si te Artifex tuus elaborare volet in vas Patientiæ, & crucifixi, & omnimodè afflicti, tribulati, stultificati, amplectere conditionem propter Artificis tui similitudinem, qui pro te factus est víctima crucis, & Patientiâ saginatus est.

9. Si te Artifex tuus efformauerit in vas dilectionis, sui, & suorum propter se, ama hunc vsum, & totâ capacitatem in eum conuertere: teque superimpende Amori, & fatigationi, & exinanitioni, ad Exemplar Artificis tui, quod tibi proposuit in toto quidem se, at singularissimè in Sacratissimo Dilectionis suæ Regno, ac Mari, nempe in Sacramento.

10. Accede quàm creberrimè ad Artificem hunc: ei que te ad omnem complacitam ipsi efformationem exhibe: sed exhibe reipsâ, non sola voce, aut sterili mente. Ah quoties, & quam pridem, in artificis huius manibus versaris, & nec dum tamen in opus eo dignum, ei simile, placitumque efformatus es? Nunquid Artificis vitio? Non utique: at tuâ distortâ, rebeli, & ad omnem Christi formam continendam ineptâ, inconstantiq; voluntate.

11. Denique paciscere, & exhibe, Artifici paratam, atq; etiam copiosam, condignamq; pro elaboratione tui mercedem. Obedientiæ, ac facilitatis, Exaltationis, Laudis, Gratiarum actionis, Dilectionis, Visitationis, Venerationis, Imitationis, Suceptionis, Tractationis, Perseuerantiæ.

P R A X I S.

O Artificum Solertissime, ac Sapientissime IESV, qui vt salutem nostram, Gloriam verò tuam opereris; in Sanctissimo Sacramento nobiscum præsens manere, atque nostras Animas, Corda, Mentes, Voluntatesque, tibi in materiam industriæ, operationisque tuæ, seligere dignatus es; Ecce ego aliquantula informissimæ massæ portio, tuis manibus me subdo, & obijcio: vt facias in me, de me, omne tibi placitum vas, ad omnem Voluntatis tuæ vsum, exemplarisque tui normam, & ad tui cordis gustum. Sunt quidem alij Artifices, qui se mihi efformando obtrudunt: sed quæso Domine, ne ego sub vllius eorum redigar potestatem. Tu solus fac de me id omne; quod sapientissimæ Artituae placuerit. Ego autem conformatus abs te, & tibi, totum me impendam, ac superimpendam, in mercedem Gloriæ tuæ, Voluptatisque tuæ, cum auxilio robustissimæ Gratiae tuæ.

E X E R C I T I V M VIII.

Christus in Eucharistiâ Rex ditissimus, Medicusq; optimus.

1. **S**tatue te coram Sanctissimo Eucharistiæ Sacramento: in Seoque IESVM Christum DEVM Hominem præsentem agnosce, confitere, venerare.

2. Cogita hîc Dominum IESVM residere tanquam locupletissimum quendam, ac omnimodis diuitij, vallatum Principem, eundemq; simul Sapientissimum, ac Peritissimum, pijsimumq; Medicum, nec non in id vnum semper intentum, vt amantium se, venientiumq; ad se indigentias, ac infirmitates omnes, munificentia, & pietate suâ aboleat, egestates ditet, inualetudines morbosque sanet.

3. Attende ad Diuitis huius munificentissimi voces, quas ille ad omnes loquitur, inuitans eos ad se, & ad vtendum suâ munificentia ac pietate aduocans. Nunc enim ait; Venite ad me qui

con-

Ex
concu
verò: E
me, inu
bæ, & i
In vijs
diligen
4. C
tudine
eum.
retur
nostra
beban
ille sin
ad om
& ego
5. Is
confite
domo
cæcitat
finitur
totus
zarus
li, tum
vtriusq
& reie
tus vil
6. N
tio tu
guem
mnes,
vafa c
7. E

Exerc: VIII. Christus in Eucharistia, Rex ditissim: 209

concupiscitis me, & à generationibus mei adimplemini. Nunc verò: Ego diligentes me diligo; & qui de manè vigilauerit ad me, inueniet me. Mecum sunt diuitiæ, & gloria, & opes superbæ, & iustitia. Melior est fructus meus auro, & lapide pretioso. In vijs iustitiæ ambulo, in medio semitarum iudicij, vt ditem diligentes me, & thesauros eorum repleam.

4. Consimili candore prædicat suam ad medendum promptitudinem ipse, & eius scriptura. Ipse ait. Ego veniam & sanabo eum. De eo dicitur. Omnes male habentes curauit, vt adimpleretur quod dictum est per Isaiam Prophetam. Ipse infirmitates nostras accepit, & ægrotationes nostras portauit. Omnes qui habebant infirmos varijs languoribus, ducebant illos ad IESVM: at ille singulis manus imponens curabat eos. Denique ipse est, qui ad omnes ait: Venite ad me omnes qui laboratis, & onerati estis, & ego reficiam vos.

5. Iam tu esto vir videns paupertatem tuam, agnoscens & confitens infirmitatem tuam: quoniam non habitat in te, nec in domo tuâ bonum, sed vniuersa Vanitas, mendicitas, infirmitas, cæcitas, stultitia, præcipitatio, malitia, peccatum, & denique infinitum inextinguibile; nihil: Totus es nudus, totus miserabilis, totus malignus, totus morbidus, & vlceribus plusquam vllus Lazarus plenissimus. Insuper captiuus es, tum peccati, tum diaboli, tum malæ tuæ Voluntatis, atq; consuetudinis: pabulum etiam vtriusque mortis, & inferni inferioris, filius iræ, à DEO refuga, & reiectus: hereditas, & heres perditionis æternæ: Ideoque totus vilis, indignus, abiectus, in perditione sepultus.

6. Neque tu solus, aut vnus talis, sed vniuersa quoque cognatio tua: vniuersa scilicet generatio humana, nec ad latum vnguam à tuæ sortis participatione abscedit. Filij mortis sunt omnes, omnes peccauerunt, omnes reputati sunt in vasa testea, vasa contumeliæ: quasi nihilum, & inane.

7. Ergo ini consilium, coge concilium: quære inopiæ tuæ sub-

210 *Exerc: VIII. Christus in Eucharistia, Rex ditissim:*

sidium, infirmitatibus medicinam, periculis auxilium. Vade, & tu, & Vniuersitas hominum pergat tecum, ad Diuitis IESV magnam Domum, expone tuam propriam, & communem egestatem, reuela infirmitatem, ostende vulnera & vlcera, confitere malitiam, mendica, exposce, efflagita, à ditissimo liberalitatem, & à pijsimo sanitatem.

8. Extende manus ad sumendum, ad hauriendum, ad accipiendum quidquid voles, quidquid vsibus tuis profuturum, vel ipse tu senties, vel quod magis ipse indicabit. Diues IESVS, idemque liberalis, diues & pius in omnes, cuius dona sunt sine pænitiâ apud ipsum, qui sanat omnes infirmitates, & contritiones tuas in misericordiâ, & coronat in miserationibus, qui omni petenti se dat, & affluenter dat, nec improperat: Tantummodo accede, sume, & gratus esto.

9. Frequentia, & festina accessum ad Diuitem IESVM: neq; moram facias accurrere ad fores magni medici IESV: procrastinatione tempus ne perdidideris, potius illud redime, & quodcunque potest manus tua operari, instanter operare: ne fortè pertranscat Iesus benefaciendo & ditando omnem pauperem, & sanando omnem languidum: à te autem transeat subtristis, & subiratus, eò quod non potuisset, negligenter agente te, virtutes vltimas facere in te.

10. Amat amari IESVS, sitit sitiri, cupit desiderari: & veluti prægnaus beneficentijs laborat, cum benefacere, ac misereri, hominum socordiâ non finitur. Sicut fons arefcit & perit dum non emanat, abscondens aquas suas à non haurientibus, sic beneficium IESV ingenium, dum beneficia sua quò effundat non habet, quodammodo sterilefcit: non in se quidem ipso, in hominibus tamen: à quibus aufertur Regnum DEI, & misericordia eius, datur autem genti facienti fructus eius.

11. Ama ergo ditari ab IESV: & certo certius tibi persuade, nihil te gratius, nihil ad palatum, gustumque diuiti IESV factu-
rum

Ex
rum eff
les absid
ieris: di
tuis om

12.

nunc q
peres,
rò; E
domus
omnes

13.

men p
dis; T
infirm
imple
simil
tatis I

R
di
firmita
vnus su
cum, t
te, tot
coram
charit
Diues
DEVS
infirm
nostru

Exerc: VIII. Christus in Eucharistiâ, Rex ditissim: 211

rum esse magis, quàm si auditiſſimè, frequentiſſimè, ac ſi praeua-
les aſſiduè, inque ſingula momenta, ad eum in Sacramento ad-
ieris : diuitias, & ſanitates, de theſauris, & apothecis eius, tibi,
tuis omnibus, toriſque humano generi haurire curaueris.

12. Recordare quid iste IESVS imperauerit olim seruo suo: nunc quidem dicens, exi citò in plateas, & vicos ciuitatis, & pauperes, & debiles, & cæcos, & claudos introduc huc. Iterum verò; Exi in vias, ait, & sepes, & compelle intrare vt impleatur domus mea, vt dimanet munificentia mea. Ita ille desiderat, vt omnes fruantur bonis eius, repleanturque abundantia eius.

13. Hoc ergo fac, vel vnus cum omnibus, vel solus licet, attamen pro omnibus. Plenus est mundus mendicis, plenus languidis; Tu, vel solus, plenus es infinita mendicatum & egestatum, infirmitatum, & calamitatum, cæcitatum, & iniquitatum plebe: imple itaque hac pauperum turba domum Ditissimi, atque Pijsissimi IESV, imple etiam hanc turbam opulentia bonitatis, & pietatis IESV.

P R A X I S

Rex diuitiarum, & sanitarum IESV, qui instar fontis, ideo re-
dundas bonis tuis, vt ijs & repleas paupertatem, & sanes in-
firmitatem omnem, omnium ad te venientium. Horum ego
vnus sum, at non solus sum, sed vniuersi hominum populi me-
cum, tales quoque sunt. Ergo accedimus ad te, totâ mendicita-
te, totâq; morbositate nostrâ: quantaquanta est, illam ponimus
coram te, & illi subsidium mendicamus, à tuâ in Sanctissimo Eu-
charistiæ Sacramento nobis expositâ Charitate. Misere nostri Ô
Dñes, Ô Pie IESV: misere Ô diuitiarum, sanitarumq; omnium
DEVS IESV: reple paupertatem, & inanitatem nostram, sana
infirmi-
tatem, & miseriam nostram omnem: vt omnes, omnium
nostrum dies inueniantur pleni, & firmi de te, pleni & firmi co-
ram te, pleni & firmi propter te, pleni & firmi ipso Te.

D d 2

EXER.



EXERCITIORVM

PARS IX.

ERGA

Christum IUDICEM omnium.

EXERCITIUM I.

Christus D. Iudex, placandus oratione crebra humili.

1. **C**hristus constitutus est Iudex viuorum, & mortuorum : cui omnes Prophetæ testimonium perhibent.
2. Opórtet ergo te manifestari ante tribunal eius : vt recipias prout gessisti in corpore siue bonum siue malum.
3. Huic iudici DEO, neque tu, neque vllus respondere poterit vnum pro mille sibi ab eo obijciendis : neque vllomodo in conspectu eius, & apud Regulam æquitatis eius iustificandis.
4. Dicet ille quidem Homini : Stemus simul, vt iudicemur : narra si quid habes, vt iustificeris : ceterum frustra est cum illo iudicio contendere, qui etiam iustitias iudicat : qui in Angelis etiam reperit prauitatem, coram quo neque stellæ mundæ sunt : & omnes iustitiæ nostræ tanquam pannus menstruatæ.
5. Quid ergo faciet homo in peccatis conceptus, & natus, & adultus totus, inueteratusque in sua iniquitate, in cuius vita neque momentum reperias innoxium ?
6. Quod fecit Sanctus Iob. Cuius illa est confessio : DEVS cuius ira nemo potest resistere, & sub quo curuantur qui portant orbem : quantus ergo sum ego : vt respondeam ei, & loquar verbis

Ex
bis me
sponde
væ mih
& mis
7. I
Domi
me. D
stifica
8.
nobis
quod
tis: q
re rat
vsque
ad om
vsque
rum, s
uinâ v
extab
9.
bat vic
illum
demen
10.
est, as
tus ei
obsec

D
nunc,

Exerc: I. Christus D. Iudex, placandus oratione, &c. 213
bis meis cum eo? qui, etiam si habuero aliquid iustum, non respondebo, sed meum iudicem deprecabor. Et, si impius fuero, vā mihi est: & si iustus, non leuabo caput, saturatus afflictione, & miseriā.

7. Hoc faciendum quod fecit & Dauid, cuius est illa oratio: Domine ne in furore tuo arguas me, neque in irā tuā corripias me. Domine non intres in iudicium cum seruo tuo: quia non iustificabitur in conspectu tuo omnis viuens.

8. Hoc faciendum à tantis Sanctis, atque faciendum esse à nobis peccatoribus, mirabitur nemo; quicumque cogitauerit, quòd horrendum sit incidere in manus DEI viuētis, & iudicantis: quòd stare ante iudicem DEVM, ei que manifestari, ac reddere rationem omnium, singulorumque vitæ actæ momentorum, vsque ad facta, vsque ad dicta, vsq; ad cogitata otiosa, vsq; etiam ad omissiones bonorum, vsq; ad imperfectiones rectè factorum, vsque ad occasiones & inspirationes benè agendorum, nec actōrum, sit humanæ virtuti prorsus intolerabile: sed oporteat Diuinā vi roborari naturam infirmam, ne magnitudine formidinis extabescat.

9. Vultum certè iudicaturi Christi vsq; adeo Iob pertimescebat videre, vt præcligeret in inferno potius demergi, neque extrā illum comparere, donec iudicantis furor DEI pertransiret: eamq; demersionem, adeo licet horribilem, protectionem sibi censeret.

10. Consuesce ergo Anima mea quotidie, imò quantum fas est, assidue, deprecari iudicem tuum: & mitigare furorem vultus eius; precibus, reuerentiā, timore, humilitate, sedulitate, obsecrationum, & obtestationum instantiā plenissimis.

P R A X I S.

Domine Iesu Christe, Fili DEI viui: pone Passionem, crucem, mortem tuam, inter iudicium tuum: & Animam meam: nunc, & in horā mortis meæ: & mihi largiri digneris gratiam &

214 *Exerc: II. Christus D. Iudex placandus muneribus.*
misericordiam, viuis & defunctis requiem & veniam: Ecclesiæ
tuæ pacem & concordiam: nobis peccatoribus Vitam & gloriam
sempiternam. Qui viuis, & regnas, &c.

EXERCITIVM II.

Christus D. Iudex placandus muneribus.

1. **C**hristus constitutus est IVDEX viuorum, & mortuorum;
cui omnes Prophetæ testimonium perhibent.
2. Hic cum adiudicandum siue in Vitæ tuæ, siue in mundi to-
tius sine aduenerit, placandi sui nullum tempus, nullum spatium
nullum modum dabit:
3. Nunc ergo dum huius tam Vitæ, quàm Mundi tempus de-
currit, placandi illius & consilium ineundum, & studium exer-
cendum est.
4. Iacob Patriarcha, occursurum sibi fratrem Esau, offensum,
& armatum formidans: hoc consilium suscepit; Placabo illum
muneribus, quæ præcedunt: & postea videbo illum. Maior natu
frater noster Christus, idemq; Iudex omnium, occurret sine du-
bio nobis in articulo mortis, & in fine mundi, nec aliter quàm
offensus & iratus, & omni militiâ cæli comitatus. Præocupandus
est ergo, & placandus muneribus, aduentus, atq; occurſus eius.
5. Non est autem parcendum, seu parcè agendum cum fratre
isto, natu maximo, atq; dignissimo: sed ad pecorum greges, etiam
filij, etiam vxores, etiam dilecta omnia addenda sunt: talibus
enim hostijs promeretur DEVS, & frater noster, eis redditur pla-
catus, omniumq; offensarum obliuiscitur,
6. Idem Iacob senex, expediens filios suos repetitò in Ægy-
ptum, vbi dominabatur Vir (Ioseph) parum beneuolus, vt vi-
debatur, fratribus suis, sic eos alloquutus est. Si sic necesse est,
facite quod vultis. Sumite de optimis terræ fructibus in Vasis ve-
stris, & deferte Viro munera: sed & fratrem vestrum minorem
tollite, & ite ad Virum. DEVS autem meus omnipotens faciat

vobis cum placabilem. Sic faciat omnis anima, sic faciat Anima mea: & omnibus diebus vitæ suæ satagat placabilem sibi facere Dominum IESVM Christum Iudicem, venturum judicare vivos, & mortuos, & sæculum per ignem.

7. Hæc quoque fuit prudentia Abigail Matronæ, vxoris Nabal: quæ sentiens meritò offensum, & ad vindictam festinum Dauidem provocatum aspero responso stulti Viri sui: festinavit occurrere illi cum opportunis muneribus, sapientissimâq; oratione, & supplicatione eum delinuit, atq; placavit: adeo vt David ipse delectatus fuerit placatione illius valde opportunâ, dixeritq; ad illam. Benedictus Dominus DEVS Israël, qui misit te hodie in occursum meum: & benedictum eloquium tuum, & benedicta tu quæ prohibuisti me hodie ne irem ad sanguinem: & vlciscerem me manu meâ.

8. Sic & Dominus noster IESVS Christus, antequam veniat hora Iudicij eius, gaudet occurrere sibi, obstitique furori iræ suæ, & poni murum, ac saltem sepem, ne mucro eius ad vsque interuersionem defauiat in impios. Quoniam non gaudet Dominus super impiorum perditione, sed vt magis conuertantur à vijs suis, & viuant in misericordiâ eius.

9. Offerenda sunt igitur Domino munera placationis: quibus ille libenter placatur, & parcit iræ suæ. Eiusmodi est Munus Cordis contriti, atque humiliati, Munus Sacramentalis penitentia, atq; fructuum eâ dignorum. Munus Eleemosynarum quibus redduntur peccata, & extinguitur ignis vindictæ DEI, paratus in exterminium. Munus etiam afflictionis externæ per ieiunia, castigationes, vigiliæ. Super omnia verò ista, Munus Sacrosancti Sacrificij: Munus quoq; Zeli Animarum, & extractionis earum à peccatis, & à potestate demonum. Munus denique condonationis injuriarum acceptarum, dilectionis inimicorum, & beneficentiæ exhibitæ, cumulataq; super caput malefactorum, & malè nobis affectorum.

10. Istius.

216 *Exerc: II. Christus D. Iudex placandus muneribus.*

10. Istiusmodi munera nunquam excidant de manibus tuis, si cupis nec apparere in conspectu Domini, atque iudicis tui, vacuus; nec obtinenda apud iudicem venia inopportunus, Manet enim sententia Domini. Dimittite, & dimittetur vobis: diligite inimicos vestros, benefacite his qui oderunt vos, orate pro persequentibus vos. Vt sitis filij Patris vestri, qui facit solem suum oriri super bonos & malos, & pluit super iustos & iniustos. *Vide infra Exerc: 4. &c.*

P R A X I S.

FAC nos quæsumus Domine IESV Christe, Iudex viuorum & mortuorum future, iudicium tuum præuenire muneribus tibi gratis: vt corû exhibitione opportunâ placatus, misericordiæ tuæ potiùs, in vita, & morte, patrocinijs subleuemur, quàm supplicijs aternis deputemur. Qui viuus, &c.

E X E R C I T I V M III.

Christus Iudex placandus Iudicio nostri præuio.

1. **D**ominus noster IESVS Christus constitutus est à DEO, Iudex viuorum, & mortuorum: cui omnes Prophetæ testimonium perhibent.

2. Hic vt placatus in horâ iudicij nostri à nobis inueniatur, imò vt etiam in nobis non inueniat quod iudicet, placandus aut potiùs præoccupandus est à nobis, nostri ipsorum dijudicatione præuia.

3. Consilium hoc & modum placandi Iudicem nostrum disertè tradidit Apostolus Domini dicens; Si nos ipsos iudicemus, non utique iudicaremur.

4. Hoc Consilio vsi sunt passim sancti cum optimo successu: Vfus est Beatus Iob: cuius sunt illa verba. Quis mihi tribuat, vt cognoscam, & inueniam DEVM, & veniam vsq; ad solium eius? ponam coram eo iudicium, & os meum replebo increpationibus,

Exerc: III. Christus Iudex placandus est Iudicio &c. 217

bus, vt sciam verba quæ mihi respondeat: & intelligam, quid loquatur mihi. Quibus verbis Sanctus Vir, & optat & statuit, sese judicare coram DEO in hac vitâ, ne in morte, vel post mortem judicetur à DEO: & præterea modum praximque huius Iudicij, à nobis, de nobis faciendi, suggerit: & insuper fructum, siue affectum huius præuij iudicij sui subindicat, illum ipsum; quem supra Paulus indicauit: de quo fructu idem Iob alibi sic affirmat: Iudicare coram DEO: & expecta eum: vt scilicet te absoluat, quoniam non punit, neque iudicat DEVS bis in idipsum: neq; consurget tribulatio duplex à Domino.

5. Dauid quoque hunc sui iudicandi modum vsumque & ipse habuit, & nobis proposuit, & fructum simul commendauit. Feci iudicium, & iustitiam Domine: non tradas me calumniantibus me: & alibi. Dixi confitebor aduersum me iniustitiam meam Domino: & tu remisisti iniquitatem peccati mei: pro hac orabit ad te omnis sanctus in tempore opportuno. Idem facit in psalmo illo suæ penitentiae pleno, cum sic orat. Miserere mei DEVS, secundum magnam misericordiam tuam, &c. Quoniam iniquitatem meam ego cognosco, & peccatum meum contra me est semper. Tibi soli peccaui, &c.

6. Similibus exemplis abundat Sacra Scriptura, potissimum in Prophetis: sed ille etiam Euangelicus publicanus norma esse potest huius tum iudicij, tum accusationis sui coram DEO, tum obtentionis veniæ à DEO.

7. Sit ergo tibi inter familiaria, & stata, & seria exercitia, praxis huius iudicij tui ipsius, quo Iudicium Diuinum, tecum ab eo alioqui faciendum, ita præuenias; vt simul etiam præpedias, atque aboleas. Hac vel simili methodo.

8. Reduc 1. Teipsum ad te totum quantus quantus es: & adduc ad tribunal DEI veluti iudicantis, aut iudicium tui apparantis, siue expectantis. 2. Produc teipsum in medium coram DEO, & coram Vniuersâ militiâ Sanctorum eius. 3. Cogitatio & memo-

218 *Exerc: III. Christus Iudex placandus est Iudicio &c.*

ria tua, recenseat, & accuset, seu obiecit tibi omnia peccata tua. 4. Conscientia tua veluti conuicta, fateatur facta omnino esse. 3. Suffundatur pudore vultus tuus, & confusio cooperiat faciem tuam. 6. Declinent præ verecundia in terram fixi oculi, instar Publicani. 7. Ratio præstet officium iudicis, te ad pœnam promeritam damnans. 7. Timor erit compedum instar. 9. Dolor, & Detestatio veluti carnifex: cor, & voluntatem cruciabit, & conteret. 10. Lachryma, gemitus, tunctiones pectoris, genuflectiones, incuruationes, manuum extensiones, ac eleuationes, sint pro sanguine. 11. Proposita efficacia, & firma satisfaciendi, sint loco executionis, ac emendationis, suo tempore, & absque dilatione præstandæ. 12. His peractis, sententiam tuam, à te contra te latam DEO per manus Angeli tui custodis offeres. 13. Interim misericordiam, & indulgentiam ab eo postulabis. 14. Et ad eam efficacius obtinendam, exercebis aliqua opera pia, quibus venia ex Ecclesiæ thesauro adiuncta sit. 15. Allegabis, & aliquos titulos, ob quos tui misereri, tibiq; parcere Dominus debeat, &c.

9. Poteris hoc præmium Iudicium tui, sic quoque instituere: ut statuens te coram Iudice Christo Domino, in solio iudicij residente, tanquam Salomone Rege sapientissimo, ac iustissimo, audias ab eo enumerationem, atq; etiam discussionem omnium tuorum cogitarum, dictorum, commissorum, seu operum, omissionum, imperfectionum: Tunc aduerteres euidenter, quia nullus penè, aut planè actus tuus, est mundus à sordè: & quia quasi pannus menstruatus, vniuersæ iustitiæ tuæ: ceciderunt quasi folium vniuersæ: & iniquitates tuæ quasi ventus abtulerunt te, neque stare coram iudice filio Hominis sinunt: tunc etiam aduerteres, qualis de te proferri debeat à iudice iustissimo sententia, & simul quæ te maneat pro omnibus pœna. Hic etiam intelliges quomodo, etsi tibi innocens videaris, reuera tamen innocens non sis: quomodo etsi tibi nihil (forte) conscius sis, in hoc tamen iustificatus non sis, quando o qui te iudicat Dominus est: cuius

Ex
ius ocul
hominu
quomo
tes & p
sit à so
iniquit
quid te
tum ta
retro
teat te
oport
eidem
caui D
peccat
que ac
stabit te
sed ima
tiam op
inimic
10.
ducam
mus, nu
verò no
bis con
nos illi
mus.
scruta

PE
Pe
TeDE

Exerc. III. Christus Iudex placandus est Iudicio &c. 219

ius oculi, super solem, multò lucidiores sunt, considerantes vias hominum in absconditis partes: tunc etiam oculis tuis videbis, quomodo ostendet tibi DEVS Iudex, quantas habeas iniquitates & peccata: & quòd ne momentum quidem vitæ tuæ immune sit à sorde: & quòd sicut in sacculo adnumeratas habeat DEVS iniquitates, immunditiasque tuas. Hic demum circumspicies, quid te oporteat in præsentì statu, & vitâ facere? quàm non altum sapere, sed timere: quàm obliuisci præteritorum, & quæ retro sunt, extendi verò ad ea quæ sunt priora: quomodo oporteat te æmulari Charissimata meliora: quomodo dicere, & facere oporteat te illud Dauidicum, ego dixi; nunc cæpi: quomodo eidem Dauidis spiritu & conatu vocifereris in auribus DEI; Peccaui Domino: peccaui Domine, & malum coram te feci: parce peccatis meis, & dimitte vniuersa delicta mea. Si hoc qualecunque ac imaginarium tantùm iudiciũ DEI de te factum coangustabit te: quid putas faciet illud verum, illud in re ipsa peractum; sed imaginarij iudicij experientia deuota, salutem, & penitentiam operatur: illud autem reale & verum, æternæ damnationis initium, imò & damnatione ipsa grauius est.

10. Ergo dum tempus habemus operemur opera salutis: reducamus nobis DEVM iudicem crebrò in memoriam; ponamus, nunc quidem nostrum de nobis iudiciũ coram ipso: nunc verò nos ipsos coram iudicio eius: aliquando ille nostrum de nobis contra nos iudiciũ decretumque audiat: aliquando autem nos illius de nobis iudiciũ exposcamus, audiamus, pertractemus. Verè enim dictum est, à Magno Gregorio. Sæpè melius scrutamur conscientiam nostram orando, quàm inquirendo.

P R A X I S.

Peccauì DEVS meus, & Pater meus: in cælum, & coram te, Peccaui tibi soli, & malum coram Te feci. Peccaui contra Te DEVM trinum & vnum. Contra te Patrem æternum, qui me

220 *Exerc: III. Christus Iudex plicandus est Indico &c.*

de nihilo creasti. Contra te Fili DEI, qui me sanguine tuo redemisti: contra te Sanctissi Spiritus, qui me in Baptismo sanctificasti. Contra te Sanctissima Trinitas, quæ mihi tuam imaginem impressisti, & tibi in me habitaculum delegisti. Peccavi DEVS meus contra tuam dignitatem, ob quam infinitè amandus, aestimandus, appretiandusq; fuisti. Peccavi contra tuam Bonitatem, quæ te impendisti ad mihi benè jugiter faciendum. Peccavi contra tuam Charitatem, quæ me gratis dilexisti. Peccavi contra tuam Misericordiam, quæ mihi pijsimè, peccatorum millies millena millia, remisisti. Peccavi contra omnipotentiam tuam, quæ me iuuando, mihi cooperaris in omnibus quæ facio. Peccavi contra omnes Perfectiones tuas, eas conculcando, vt meam sequerer, & implerem peruersam Voluntatem. Peccavi contra Te DEVM, meum, Patrem meum, Regem meum, conditorem, ac Dominum meum, Pastorem & Rectorem meum, Magistrum meum, Protectorem, Benefactorem, Redemptorem meum: omne, summum, vltimum Bonum meum. Peccavi contra beneficia tua, quæ mihi summo Amore contulisti. Et hoc nomine; peccavi etiam in Cælum, quod me illuminat, in terram quæ me sustinet, & alit, in omnes creaturas, quæ mihi iubente Te seruiunt: in Sanctos Angelos, qui me custodiunt: in Proximos meos, qui mecum communionem Naturæ atq; Gratiæ habent: in Corpus, & Animam meam, quæ à te DEO meo condita, & mihi in vsum donata sunt. Peccavi in ipsum lumen Rationis, atq; Fidei, cui rebellis fui. Peccavi in Gratiā tuam, quam impedivi, destruxi, perdidi: in Spiritus Sancti dona, quæ abieci, in Virtutes, quas deleui, aut inquinavi. Et in his tibi DEO meo Soli peccavi: quia istæ injuriæ, Tuæ sunt injuriæ. Neque solū contra te peccavi, sed etiam coram te, ô Domine DEVS meus. Peccavi coram tuā Sapientiā, quæ me aspiciebat. Coram Charitate, quæ mihi indulgebat. Coram liberalitate, quæ me ditabat: coram ipsā omnipotentia, quæ me, vt prima causa, in pec-

ca-

Ex
eā in
Am e
ipso Te
cerim.
te magi
& per q
dignus
esse, qu
dedisti.
se, quā
dere. I
te, vt e
tot tan
seriā lib
cisti Fili
sus & gra
abolend
tam vili
ternūm

Christi

1. D
testimo
2. O
ut redd
otioso,
vnusqu
bonum
3. C

no redē-
nifica-
aginē
DEVS
us, asti-
tatem,
ui con-
contra
ies mil-
am, quā
Peccati
tam se-
contra
torem,
iurum
eum :
tra be-
mine;
uā me
Te ser-
ximo
bent :
ita, &
ionis,
impe-
ci, in
meo
olunt
neus,
Cha-
dita-
pec-
ca-

Exerc. III. Christus Iudex placandus est Iudico, &c. 221

caninosis operibus (non tamen in peccatis) adiuuabat : quo fa-
ctum est, vt non tantum contra te, non solum coram te, sed etiam
ipso Te peccauerim, & ipsum Te in peccatis meis laborare fe-
cerim. O me cæcitate ipsâ magis cæcum : atque ipsâ peruersita-
te magis peruersum : qui non attendi contra quem, coram quo,
& per quem peccabam ! O DEVS, ô Pater æternæ, iam non sum
dignus vocari filius tuus : non sum ipso Nomine Homini, ipso
esse, quod habeo dignus : siquidem peccaui in te, qui illud mihi
dedisti. Mallem, DEVS meus, mallem & malo, millies non ef-
se, quâm te offendisse, quâm te vel vnico peccato ampliùs offen-
dere. Parce Domine, & dimitte quod feci : contra te, & coram
te, vt elucescat infinita bonitas, & inexhausta misericordia tua,
tot tantarum injuriarum millia condonando, & me à tantâ mi-
seriâ liberando. Parce Domine seruo, propter quem non peper-
cisti Filio. Parce ingrato, cui propter me Filius factus est gratio-
sus & gratus. Accepta pœnam, & mortem, quam luit Filius, pro
abolendâ eâ, quam ego merueram, & in æternum luiturus eram,
tam vilis, quâm nequâ seruus tuus. Tunc ego te DEVS meus in æ-
ternum laudabo, & misericordias tuas in æternum cantabo, &c.

EXERCITIUM IV.

*Christus Iudex placandus neminem iudicando, censurando,
condemnando.*

1. **D**ominus noster IESVS Christus : constitutus est à DEO
Iudex viuorum, & mortuorum ; cui omnes Prophete
testimonium perhibent.
2. Omnes ergo nos manifestari oportet ante tribunal Christi :
ut reddamus rationem ei de omni cogitato, & facto, & verbo
otioso, quodcunque locuti fuerimus in hac vitâ : & vt recipiat
vnusquisque à Christo, prout gessit in proprio Corpore, siue
bonum, siue malum.
3. Contra hoc Iudicium Christi decretorium, ac finale, non
Ec 3 est

222 *Exerc: IV. Christus Iudex placandus neminem &c.*

est Consilium, non Sapientia, non fortitudo, non scientia, non dignitas, non maiestas, non fraus, non dolus, non fuga, non latebra, non vllum Priuilegium aut substitutio, aut exceptio, aut condonatio. Sed omnis status, omnis ætas, omnis sexus, omnis conditio, omnis dignitas, magnus atque pusillus quisque, comparebit in propria sua persona: & vnusquisque proprium suum onus portabit, vniuscuiusque liber vitæ atque conscientie cum omnibus arcanis arcanissimis, in luce & Oculis DEI, & Angelorum, & Hominum & Daemonum erit: omniumque censuram subibit, nullâ sese abscondente actionum circumstantiâ, & conditione, nullâ non subeunte æquissimam, exactissimamque ponderationem.

4. Propterea illud tempus Iudicij vocatur à Prophetis, Dies Iræ, Dies calamitatis, dies miseriæ. Dies amara valde, dies furoris Domini. Dies vindictæ, in quâ omnis fortis tribulabitur, & omnis sapientia deſorabitur, & omnis superbia confundetur, & omnia abscondita reuelabuntur.

5. His tamen omnibus ita se habentibus: reliquit pijsſima bonitas atque Misericordia DEI, Creaturis suis, hoc est, misellis hominibus, vias, & modos, quibus non solum lenire, ac mitigare (quod satis superque multum & magnum esset) rigidissimam exactionem Iudicij Diuini: siue illius; quod singulariter cum singulis in Articulo mortis peragit Christus: siue illius; quod vniuersaliter cum omnibus simul, tamen cum singulis, in fine Mundi peraget idem Dominus, & DEVS Homo IESVS: verum etiam præoccupare, atque illud excludere, & efficaciam ei præripere, aditumque, & jus adimere liceat.

6. Quod non inuentum, neque pium aliquod Meditamentum hominum, sed ipsiusmet DEI Hominis, ipsiusmet Veritatis; ipsiusmet Iudicis assertum, & promissum est. Ipse enim Iudex, & ipsa simul Veritas est, ille, qui tam affirmatè dicit: Nolite iudicare: & non iudicabimini. Nolite condemnare & non

con-

Exerc: IV. Christus Iudex placandus neminem &c. 223

condemnabimini : In quo enim iudicio iudicaueritis, iudicabimini. Et in qua mensurâ mensi fueritis, eadem remetietur vobis.

7. Quid his clariùs, quid affirmatiùs, quid optabiliùs, Iudicium illud, extremè decretorium subituris, dici potuit? Quod nisi ipsa Veritas, & simul Iudex diceret, vix fidem inueniret, vix inuenire deberet. Et tamen qui hæc dicit, Veritas Iudex est.

8. Duæ ergo patent nobis Iudicis placandi, inio & Iudicij euadendi Modi, ac Viæ. 1. Neminem Iudicare. 2. Neminem condemnare. Hæc qui facit, à Iudicio Christi, ipso stipulatore Christo, exceptus, atque exemptus est.

9. En quanta facilitas, quàm in Manibus cuiusque nostrum posita est facultas declinandi, euadendique Diuinum Iudicium! Si humana temeritas nolit vel obliuisci, vel contemnere hanc facilitatem, atque facultatem. Iudex est ipse, qui affirmat, & promittit omni neminem Iudicanti, neminemque Condemnanti, immunitatem à suo Iudicio. Et credit hoc, confiteturque Veritatis Iudicis dictum ac promissum, negligit tamen, & contemnit, & insuper, ac susdeque habet, humana ingratitude, atque temeritas.

10. Quid nobis faciat vltra, aut ampliùs, Clementia Diuina ô Mortales! Tantine vobis est rigor ille rigorosissimus, iuxta & periculosissimus Iudicij Diuini, vt pluris vobis, & vestræ libidini sit, Iudicare proximum, censurare, condemnare, & ob id intolerabile Iudicium subire, quàm abstinendo ab aliorum Iudicijs ac Censuris, & interea à vestri coram Christi Iudicio immunes euadere, atque salutis æternæ possessionem penè gratuito adire?

11. Aut ergo negate, atque non credite Verbum Iudicis Veritatis, promittentis non iudicantibus alios, non Iudicium suum: aut si ita lubet; in alios vsurpare iudicium iniquum, lubeat etiam subire iudicium DEI, sine Misericordiâ seuerissimum.

PRA.

P R A X I S.

Domine IESV Christe, Iudex Vivorum & Mortuorum à DEO Patre constitute, qui ad declinandum quantumvis indeclinabile Iudicium tuum, facilem, apertamque viam nobis reliquisti, & ostendisti; si nimirum neminem proximorum nostrorum, iniquè judicare, censurare, & condemnare præsumamus. Da quæsumus nobis per gratiam, misericordiamque tuam, ita benigno, & mansueto corde, animoque semper abundare; ut proximorum nostrorum, neminem in suâ Vitâ, in factis, moribus, intentionibus, vllisque alijs circumstantijs, diiudicare, atque multò minùs condemnare, ad aliosque proximos traducere audeamus.

E X E R C I T I V M V.

Christus Iudex placandus Debitorum Condonatione.

1. **D**ominus noster IESVS Christus constitutus est à DEO Iudex vivorum & Mortuorum: cui omnes Prophetæ testimonium perhibent.

2. Proinde, quicumque Hominum, sese, aut viventibus, aut mortuis accenset, idem ut se iudicandis à Domino IESV Christo accenseat necesse est.

3. Excipit tamen Diuina Iudicis Christi benignitas ab isto censu nonnullos, quos, nisi nolint ipsi, immunes esse, ac fore, à sui seueritate, periculositateque Iudicij pronunciat.

4. Huius pronunciationis tenor, tam familiaris, quàm graphicus, explicatusque est Domino nostro: ut ferè vix aliud quidquam suorum documentorum, præceptorumque, crebrius, diligentius, efficaciusque fidelibus suis suadere, edicere, præcipere studuerit.

5. Probaturus Dominus, non se venisse, ut solueret legem, sed potius ut perficeret, atque impleret; demonstravit hoc varijs

Exerc: V. Christus Iudex placandus debitorum &c. 229

rijs exemplis, præceptisq; & Consilijs constitutis : ac in his etiam dixit, atque dixit hunc in Modum ; Audistis, quia dictum est ; Diliges proximum tuum, & odio habebis inimicum tuum : Ego autem dico vobis ; Diligite inimicos vestros : benefacite his qui oderunt vos, orate pro persequentibus, ac calumniantibus vos, vt sitis Filij Patris vestri, qui in cælis est. Hic Dominus, inimicorum dilectioni atque iniuriarum condonationi promittit sortem filiorum Dei. Optando utique Privilegio, atq; præmio : ijs congruo ; qui indolem Patris cælestis referunt, Facientis solem suum oriri super bonos & malos, &c.

6. Rursum autem eidem amori inimicorum, atque condonationi debitorum, seu iniuriarum, offensarumq; idem Dominus noster promittit vicissim dandam à DEO remissionem peccatorum. Sic enim nos precari DEVM pro obtinendâ ab ipso veniâ peccatorum, seu debitorum nostrorum jubet ; Dimitte nobis debita nostra : sicut & nos dimittimus debitoribus nostris : & addit mox ; Si enim dimiseritis hominibus : peccata eorum, dimittet & vobis Pater vester cælestis delicta vestra : Si autem non dimiseritis hominibus, nec Pater vester dimittet vobis peccata vestra. Grande prorsus etiam hoc privilegium, atque præmium condonationis offensarum, atque dilectionis inimicorum : vt pote à cuius vel præsentia, vel absentia in nobis, dependere velit Pater noster cælestis, remissionem, vel retentionem peccatorum nostrorum.

7. Sed addit adhuc Dominus aliquid ; quo remissionem iniuriarum, & vindictæ obliuionem, inimicorumq; dilectionem, non minus, quàm per supradicta, nobis commendat. Cum enim dixisset, nolite iudicare, & non iudicabimini : nolite condemnare, & non cõdemnabimini : statim subiecit ; Dimittite & dimittemini : date & dabitur vobis : quod idem est, ac dicere, Dimittite hominibus, & dimittemini à DEO : date veniam hominibus, & dabitur vobis venia à DEO : eadem quippe mensurâ, quâ mensi fueritis,

226 *Exerc: V. Christus Iudex placandus debitorum &c.*

ritis, remetiatur vobis: quin imò mensuram bonam, conferant,
& coagitatam, & superfluentem dabunt in sinum vestrum.

8 Ex his omnibus clarè sequitur, condonationem offensarum,
depositionem vindictarum, dilectionem inimicorum, atque per-
secutorum, esse præsentissimum efficacissimumq; medium emol-
liendi seuerissimum iudicium, quinimò & euadendi illud ipsum,
atque placabilem, & benignum reddendi etiam iudicem ipsum
Christum. Impossibile est enim non stare firmam eius promif-
sionem; Dimittite & dimittemini.

9. Quicumque ergo iudicem Christum, eiusque iudicij seueri-
tatem timemus: ac sanè omnes meritò, ac etiam plusquam me-
ritò timere debemus: (in multis enim offendimus, & iudicem
nostrum exasperauimus omnes:) apprehendamus hanc Domini
iudiciq; ipsius sententiam. Dimittamus ex corde debitoribus
nostris debita eorum singula atq; omnia: vt etiam iudex noster
dimittat nobis debita nostra, pariter singula & omnia: vt possi-
mus fidenter iudici nostro dicere; Fecimus Domine quod iussi-
sti, fac & tu quod ex pietate tuâ promissisti.

P R A X I S.

Domine IESV Christe, iudex viuorum atq; mortuorum infu-
turo, pacis autem, & charitatis amator, & custos in præsen-
ti: da omnibus inimicis nostris, pro quibus tuam deprecamur
clementiam, & quibus omnem propter te condonamus ex cor-
dibus nostris offensam, pacem, charitatemq; veram: & tam illis
quàm nobis cunctorum remissionem tribue peccatorum: nosq;
ab eorum insidijs potenter eripe: & in tui formidabilis iudicij die,
nostrî misericordissimâ tuâ pietate miserere. Qui viuis & regnas.

E X E R C I T I V M VI.

Christus Iudex placandus voluntariâ expiatione peccatorum.

1. **D**ominus noster IESVS Christus constitutus est à DEO
iu

Exerc: VI. Christus Iudex placandus, voluntaria Sc. 227

iudex viuorum & mortuorum, cui omnes Prophetæ testimonium perhibent.

2. In hoc iudicio suo Dominus ac Iudex noster, reddet vnicuique secundum opera sua, quæ gessit in corpore isto: seu in huius vitæ mortalis decursu.

3. In huius iudicii die tribulabitur omnis fortis: omnis oculus superbus humiliabitur, omne consilium à sapiente recedet, & omnis gloria gloriosi viri erit quasi stercus, & omnis cythara, & tibia, & canticum voluptatis vertetur in luctum, & mærorem, & tristitiam. Tunc quantum quisque glorificauit se in delitijs, tantum dabunt ei tormentum & luctum. Sed super ista omnia, horribilis erit tum vultus vnus iudicis DEI, atq; inenarrabilis intolerabilisque forma, & rigor examinis, ac iudicii eius.

4. Tunc omnis pax, & spes, & fiducia, & consolatio, recedet ab impijs quibuscunq;: tunc clamabunt montibus, cadite super nos, & collibus operite nos: si quomodo effugiant à facie iræ Agni. Tunc iustus vix saluabitur: vix opera plena, opera salutis, opera approbationis inuenientur in eo: impius autem & peccator vbi quæso erunt, aut vbi parebunt? Tunc Iudex atq; simul vindex DEVS iustitias iudicabit: & colabit iustos, sicut colari solet aurum: scrutabitur in lucernis etiam Hierusalem: & quid cum Babylone fiet?

5. Et quid multa? Horrendum est incidere in manus DEI viuientis, DEI omnia cernentis, DEI omnia scrutantis, DEI ex omnibus rationem exigentis, DEI omnia diiudicantis, DEI extremum super omnia, singulaq; Decretum ferentis, atque statuentis: Decretum quod nunquam immutabitur, decretum cui nemo refragabitur, decretum cuius executrix erit iustitia æternum vindicans.

6. Et estne aliquod homini misero hac in Vita (nam in futura est nullum) vel remedium, vel subsidium, atque solatium? Est vtique: neque enim DEVS, noster, cuius natura bonitas, & qui non gaudet super perditione nostrâ: reliquit nos absque miseri-

228 *Exerc. VI. Christus Iudex placandus castigatione Gē.*

cordiā suā, dummodo illa apud homines non sit in neglectu, & non corrumpatur cordis illorum duritiā, & impoenitentiā.

7. Verbo; Faciamus fructūs dignos poenitentiae, & voluntariā corporum animorumq; nostrorum castigatione nostras iniquitates cohibeamus, restringamusque: vt simul etiam iram venturam iudicis nostri restringamus, & punitione punitionem praenertamus. DEVS enim noster non punit bis in idipsum, & non prodit ab illo duplex vindicta, aut tribulatio. Quare quidquid ille inuenerit à nobis in nobis discussum, dijudicatum, reprehensum, condemnatum, castigatum, punitumque: super hoc non amplius adducet vindictam suam, neque consurget ab eo duplex tribulatio.

8. Ita suadebat olim DEVS per Prophetas: suadet nunc quoque per seruos suos: vt nimirum omnes vbique poenitentiam agant, & à supernenturā irā fugiant: & conuertantur ad Dominum DEVM suum, à vijs suis pessimis, in ieiunijs, & vigilijs, & planctu: in amaritudine, in cinere, & cilicio, & sacco: in lachrymis, & fletu, & contrito, atq; humiliato corde: in patientia, in castitate, in sobrietate, & orationibus, atque postulationibus, in gemitu, & clamore cordis, & prostratione atq; humiliatione multā coram DEO.

9. Sic faciebat Dauid: qui lachrymas suas faciebat sibi panem diebus, atque noctibus, qui potum suum cum fletu miscebat: cuius genua infirmata sunt ab ieiunio: qui cinerem tanquam panem manducabat: qui singulas per noctes lachrymis suis rigauit & lauit lectum suum.

10. Sic faciebat & Paulus: cuius illa est de semetipso confessio, simul autem & nostra ex ipso instructio: ait ergo; Nihil mihi conscius sum, sed non in hoc iustificatus sum: qui enim iudicat me, Dominus est. Ego igitur sic curro, non quasi in incertum; sic pugno non quasi aërem verberans: sed castigo corpus meum, & in seruitutem redigo, ne fortē cum alijs pradicauero, ipse reprob-

bus

Exerc.
bus effici
riò salu
fine om
ad iudici
11. It
atq; mi
Domini
mabus r
iplo ita
omnia
etiam l
rias aff
concup
uenien
punit;
patientia
mini; vt

*D*Om
tion
bitorum
cias mih
tionis.
titutem
super te
stodio,
mala qu
plenum
eor me
jure seu
nitas tu

Exerc. VI. Christus Iudex placandus castigatione Eccl. 229

bus efficiat. Sic, vniuersim loquendo, fecere omnes quotquot ferio salui esse voluerunt: qui ex hac vita quoad praeualebant, exire sine omni obligatione tam culpae quam poenae coram DEO suo, ad iudicium eiusdem migrare studuerunt.

II. Itidem & nos; quicunque saluari, & iudicium misericors, atq; mitius sustinere post mortem volumus, Mortificationem Domini nostri IESV Christi, tam in corporibus, quam in Animabus nostris iugiter circumferamus. Siue tribulamur à DEO ipso ita volente; siue à creaturâ quacunque, DEO permittente; omnia sustineamus: non tantum patienter, & aequanimiter, sed etiam hilariter, atq; gaudenter. Subeamus insuper ipsi voluntarias afflictiones tum corporis & membrorum, tum Animae & concupiscentiarum atq; passionum eius: vt mortificatos nos inueniens Iudex noster, non inueniat in nobis quod vindicet, ac puniat; inueniat autem quod condonet, atq; coronet; siquidem patientia & poenitentia opus perfectum habet: estq; edictum Domini; vt in patientiâ nostrâ possideamus Animas nostras.

P R A X I S.

Domine IESV Christe, iuste ac supreme Iudex, omnisq; vltionis Domine, te ego minimus seruorum, at maximus debitorum, reorumq; tuorum; seruus; oro, atque obsecro, vt facias mihi donum piissimae remissionis, ante diem strictissimae rationis. Propter hoc enim, & castigo corpus meum, & in seruitutem redigo animam meam, mortifico membra mea quae sunt super terram, & animam meam in manibus meis semper custodio, subijcio etiam me paternis flagellis tuis, & non minus mala quam bona, gratanter suscipio de manibus tuis, vt hic ad plenum castigentur, expienturque peccata mea, castificeturque cor meum, & nihil inueniat in me Vindex ira tua, quod jure seueritatis suae puniat: inueniat verò misericordissima Bonitas tua, quod clementer abstergat, & liberaliter remuneret.

230 *Exerc: VII. Christus Iudex placandus Misericordiâ.*

Placet Dñe, placet hñc vri, hñc secari, hñc expiari, hñc emundari, vt in æternum parcas, in æternum absoluas, in æternum salues.

E X E R C I T I V M VII.

Christus Iudex placandus Misericordiâ.

1. **D**ominus noster IESVS Christus, constitutus est à DEO Iudex vinorum, & Mortuorum: cui omnes Prophetæ testimonium perhibent.
2. Perhibuit quoque idem Testimonium & ipse sibi, quando hostibus suis disertè affirmavit: Verum tamen, dico vobis, amodò videbitis Filium hominis sedentem à dextris Virtutis DEI, & venientem in nubibus cæli. Atque iterum discipulis suis ait; Filius hominis venturus est in gloria Patris sui, cum Angelis suis: & tunc reddet vnicuique secundum opera eius.
3. Eundem Iudicem Christum prædicauit & indicauit Iudæis Ioannes Baptista, dicens illis de Christo, hæc inter alia: Qui post me venturus est, fortior me est: cuius non sum dignus calceamenta portare: cuius ventilabrum in Manu suâ, & permundabit aream suam: & congregabit triticum suum in horreum; paleas autem comburet igni inextinguibili.
4. Huius Iudicis, & Animi & Iudicij rigor, specialissimè mitigatur, quin & euitatur, Misericordiæ, & Eleemosynæ operibus. De quo cum passim scripturæ sacræ attestantur, tum verò, ab ipsiusmet Iudicis Ore hoc assertum habemus valde luculenter. Sic enim ait; Cum autem venerit Filius hominis in Maiestate suâ, & omnes Angeli cum eo: tunc sedebit super sedem Maiestatis suæ, & congregabuntur ad eum omnes gentes. Et separabit eos ab inuicem, sicut Pastor segregat oues ab hædis. Et statuet oues quidem à dextris suis, hædos autem à sinistris. Tunc dicet Rex his qui à dextris eius erunt: Venite benedicti Patris mei, possidete paratum vobis Regnum, à constitutione Mundi. Esuriui enim & dedistis mihi manducare &c. Amen dico vobis

Exerc: VII. Christus Iudex placandus Misericordiâ. 231

bis: quando fecistis uni ex his minimis fratribus meis, mihi fecistis. Tunc dicet & his, qui à sinistris erunt; Discedite à me maledicti in ignem æternum, qui paratus est Diabolo, & angelis eius. Esuriui enim, & non dedistis mihi manducare, &c. Amen dico vobis, quamdiu non fecistis vni de minoribus his, nec mihi fecistis. Et ibunt hi in supplicium æternum: iusti autem in vitam æternam.

5. Hic Dominus Imaginem Iudicij sui planè exposuit omnibus intuemdam: exposuit etiam Iudicij formam, & decursum: exposuit insuper & eius clausulam: sed quod maximè attendendum est, exposuit causam Misericordis & Implacabilis Iudicij sui, videlicet exercita, vel neglecta, in egenos opera Misericordiæ. Et indicauit verissimè dictum esse illud suum; Verum tamen, quod superest, date Eleemosynam, & ecce omnia munda sunt vobis. Itemq; illud; Iudicium sine misericordiâ ei, qui non fecerit misericordiam.

6. Ne quis autem Pauperes Christi Voluntarios, quos Religiosos dicimus putet exclusos esse ab hac fortunâ Misericordium à Domino indicatâ: sciendum est, non tantum exclusos non esse, sed in tantum securos esse de benignitate Iudicis Christi erga se: vt etiam suprâ omnem sortem, futuri sint assessores Iudicis, atque simul cum eo reliquorum futuros esse Iudices. Sic enim ipse Dominus, tum affirmavit, tum promisit, dicens his, qui propter se omnibus relictis, ipsum secuti tuerant; Amen dico vobis, quod vos, qui reliquistis omnia, & secuti estis me, in regeneratione, cum sederit Filius Hominis in sede Maiestatis suæ: sedebitis & vos, super super sedes duodecim, iudicantes duodecim tribus Israël. Quis satis æstimet hanc felicitatem Pauperum Christi: qui in Iudicio Christi, non solùm ipsi de seipsis securi, verum etiam assessores Iudicantis & aliorum reliquorum Iudices sunt futuri?

7. At hoc si cui arduum videtur, relinquere scilicet omnia propter

232 *Exerc: VII. Christus Iudex placandus Misericordiâ.*

pter Christum, & sic nudatum omnibus sequi Christum; apprehendat saltem misericordiam, & exerceat opera eius quantum potest: vt veniat super eum illa Dominica beatitudo; Beati Misericordes, quoniam & ipsi misericordiam consequentur. Et illa etiam Daudica: Beatus, qui intelligit super egenum, & pauperem: in die malâ liberabit eum Dominus.

P R A X I S

Domine IESV Christe: qui de Calis ad terram de sinu Patris, misericordiâ deducente descendisti, & Sanguinem tuum pretiosum, in remissionem peccatorum nostrorum fudisti: nobisq; per amorem, ac frequentationem operum Misericordiæ, in Nomine tuo exercitorum, accessum ad Misericordiam tuam patere fecisti; & insuper omnibus his, qui relictis suis omnibus, te pauperem pauperes secuti essent, confessum tecum in Iudicio tuo promisti; te humiliter deprecamur, vt in die Iudicij tui, ad dexteram tuâ audire mereamur, venite Benedicti: Qui viuis, &c.

L I T A N I A

Seu

C O R O N A

Ad Christum D. Iudicem placandum.

KYrie eleison. Christe eleison. Kyrie eleison.
Christe Iudex audi nos. Christe Iudex exaudi nos.
Pater Iudicis nostri DEVS.
Fili Iudex mundi DEVS.
Spiritus sancte Iudicis nostri, DEVS.
Sancta Trinitas, in Christo Iudex Mundi, vnus DEVS.

IESV

Litania ad Christum D. Iudicem placandum.

233

IESV Iudex viuorum & Mortuorum.

IESV constitute à DEO Iudex omnium.

IESV in quo statuit DEVS Iudicare mundum.

IESV venture ad Iudicium nostrum in nubibus cæli.

IESV venture ad Iudicium cum virtute, & potestate.

IESV venture ad Iudicium cum Angelis sanctis.

IESV venture ad Iudicium cum gloriâ, & Maiestate.

IESV qui resuscitare Iudicandos, mittes Angelos cum tubâ.

IESV ad cuius Iudicium congregabuntur omnes gentes.

IESV ad cuius tribunal omnes nos manifestari oportet.

IESV à cuius Iudicantis facie, fugiet terra, & cælum.

IESV à cuius vultu, impij volent, montibus & collibus obrui.

IESV qui in tuo Iudicio, separabis Oves, ab hædis.

IESV cui ad Iudicium venienti, Electorum selecti, rapiuntur ob-
niam in Aëra.

IESV cui Iudicanti assidebunt Iudicantes, qui propter te omnia
reliquerunt.

IESV qui in tuo Iudicio manifestabis consilia cordium.

IESV qui in Iudicio tuo illuminabis abscondita tenebrarum.

IESV cui omne Iudicium dedit Pater.

IESV cui iudici, de omni verbo otioso reddent homines rationē.

IESV qui accepto tempore iustitias iudicabis.

IESV qui scrutaberis in lucernis iudicij tui, etiam Ierusalem.

IESV quem Iudicem videbunt illi, qui te confixerunt.

IESV qui in Iudicio tuo reddes omnibus prout quisque gessit.

IESV qui Iudicium recipies, ideo, quia causa tua velut impij Iudi-
cata est.

IESV in cuius Iudicio, iustus vix saluabitur, impius autem vbi pa-
rebit?

IESV qui in Iudicio electis dices: Venite benedicti.

IESV qui in Iudicio, reprobis dices: discedite maledicti.

IESV qui spiritu oris tui, interficies impios morte secundâ.

Gg

IESV

IESV

Iesv qui contra impios armabis omnem creaturam.

Iesv pro quo pugnabit omnis creatura contra insensatos.

Iesv qui claudes abyssum inferni cum damnatis.

Iesv qui electos tuos introduces in cælum.

Iesv qui Patri tuo trades Regnum, & illi subiectus eris cum Beatis omnibus in perpetuas æternitates.

In die iudicij tui: parce nobis Iesv.

In die iudicij tui: Libera nos Iesv.

In die iudicij: Miserere nobis Iesv.

Christe Iudex audi nos. Christe Iudex exaudi nos.

Kyrie eleison, Christe eleison, Kyrie eleison.

Pater noster. Ave Maria.

Domine non intres in iudicium cum seruo tuo.

Quia non iustificabitur in conspectu tuo omnis viuens.

Domine exaudi orationem meam: Et clamor meus ad te veniat.

Dominus vobiscum: Et cum spiritu tuo.

O R E M V S.

Domine Iesv Christe, Fili Dei viui, cui omne iudicium dedit Pater in manus: vt sis Iudex viuorum & mortuorū, & discretor meritorum, & distributor tam præmiorum, quam suppliciorum: secundum hoc, quod quisq; gessit in corpore, siue bonum, siue malum. Te ego vilissimus vermiculus, & hominū postremus, supplex oro: tuam vt misericordiam mihi nunquam clausam esse velis, sed antequam iudicij mei apud te hora adueniat, tribuas mihi plenam indulgentiam, omnium tam culpæ, quam poenæ obligationum: propter omnium Sanctorum tuorum, & propter pretiosissimæ Parentis tuæ intercessionem ac merita; propterq; tuam amarissimam Passionem, Crucem, & Mortem, pro me, à te toleratam. Vt sic in hora iudicij, te placatum, benignum, misericordemq; experiens, consortio electorum tuorum aggregatus, tecum ingrediar ad possidendum Beatitudinis regnum æternum. In quo Tu, cum Patre, & Spiritu Sancto, viuis, & regnas, in Trinitate DEVS, per omnia sæcula sæculorum, Amen.

EX

D

De

1. S. Ta

& c.

Filia Patri

di: est ter

3. Est

iustis ratio

aliâ sublin

vnione, ac

Puella, qu

quàm Ad

Christi Fi

quàm Ad

tem dup

sit spons

ceps: ob

mosa: qu

cum Natu



EXERCITIORVM

PARS X.

ERGA

DEI Matrem Virginem MARIAM.

EXERCITIUM I.

De P. Parentis cum DEO arctissimâ coniunctione.

1. **S**tatue te coram Pretiosissimâ Parente Virgine MARIA.
2. Expende, quàm arctis sit vinculis illigata affinitatis,
& consanguinitatis, cum diuinissimâ Trinitate. Est enim
Filia Patris æterni: est Mater Filij DEI: est Sponsa Spiritus San-
cti: est templum Sanctissimæ Trinitatis.

3. Est Filia Patris æterni, non solum communi creaturis, aut
iustis ratione, neque omnino per solam Adoptionem: sed aliquâ
aliâ sublimiori, & intimiori, magisq; coniunctiuâ, & connexiuâ
vnione, ac filiatione. Sicut enim iuxta legis naturalis placitum,
Puella, quæ nupsit filio, filia est Patris ipsius, arctiori vinculo
quàm Adoptionis: Ita Beata Virgo, quæ & Mater, & Sponsa
Christi Filij DEI est, erit Filia æterni Patris, arctiore, & altiore
quàm Adoptiuæ vinculo, & quidem non vno, sed (vt patet) sal-
tem duplicato: primò quidem desponsationis; cum B. Virgo
sit sponsa vera Christi, & omnium Sponsarum prima, & prin-
ceps: ob quod vocatur ab eodem Sponso, Vna, Columba, for-
mosa: quâ desponsatione effecta est Humanitas Christi: Verbiq;
cum Naturâ Humanâ alia desponsatio, per Vnionem Hypostati-

236 *Exerc: I. De P. Parentis arētissimā eum DEO coniunct:*
 cam. Altero vinculo est Maria, DEI Patris filia, vinculo scilicet
 Maternitatis DEI: quia enim Maria, Mater esse debuit filij DEI,
 ideo etiam esse debuit, & reipsā fuit Filia Patris æterni, vt con-
 naturalius ex eā nasceretur DEVS Homo Christus, DEIQ; idem
 Filius. Propter quod Maria apud DEVM in æternis eius cogita-
 tionibus nunquam comparuit, nisi cum respectu ad DEI filium,
 seu ad DEI Maternitatem: ita vt quo primū instanti (in suā æ-
 ternitate) DEVS Mariam cogitavit, cogitauerit simul futuram
 illam Matrem Filij sui: quam, hoc futuram, cogitare non potuit,
 nisi simul & Filium suum cogitaret: foreq; decerneret eius Filiū,
 vt ita congruē, imō condignē DEI filius, ex DEI filiā nasceretur:
 Ita tamen; vt ista filiatio Filiæ DEI Mariæ, sicut debuit desinere
 in Filij DEI Maternitatem, sic etiam ex eadem promanaret. Quo
 etiam ex fonte Maria soror vocatur Verbi ab ipso Verbo: Veni
 (ait) in hortum Soror mea Sponsa: & Soror nostra parua est, &
 vbera non habet: quid faciemus ei? Accedit, quod Maria spe-
 cialissimā ratione nata sit ex mente Patris æterni, teste Nazian-
 zeno: nimirum ob singulariter magnam Mariæ cum Verbo DEI
 Filio, & eius Patre similitudinem. Etenim Verbum ab intellectu
 Patris productum, ipsamet Maria in suo vtero progenuit, veraq;
 eius Mater est, sicut DEVS est verus eiusdem Pater. Qui sicut
 totum Filium suum generat solus, sic Maria Mater eundem illum
 DEI Filium genuit sola. Atq; propter hanc suam cum Patre æter-
 no similitudinem, vocatur, & est, Maria Patris æterni, & mentis
 eius Filia.

4. Est MARIA Mater Filij DEI, ob notam ex fide nostrā ra-
 tionem. Mariæ enim dixit Angelus; Ecce concipies in vtero,
 & paries filium, & vocabis nomen eius IESVM. Hic erit ma-
 gnus, & Filius Altissimi vocabitur & quod nasceretur ex te San-
 ctum, vocabitur Filus DEI: & Verbum Caro factum est, & habi-
 tauit in nobis. Nimirum DEVS Pater ob suam infinitam super
 nos homines misericordiam, & ob suam item immensam in Vir-
 gi-

Exerc: I
 ginem
 quā di
 non pas
 voluit, e
 & natur
 DEI Fili
 ipse, qu
 MARIA
 s. E
 Spiritu
 eius vit
 MAR
 Moueb
 verbon
 audieba
 bat, ita
 nes, actu
 rentur:
 ram effu
 commu
 Mariæ
 rapidissi
 tionalite
 & Pater
 tiam Sp
 bo Ext
 RIA Spi
 expleti
 pleno e
 ritus est
 storū pe
 priū est

Exerc: I. De P. Parentis arctissimâ cum DEO coniunct: 237

ginem MARIAM charitatem, Filium suum, quem tam vnicum, quam dilectissimū. & in omnibus omnino æqualem sibi habuit: non passus est remanere solū modò suum, sed eundem ipsum voluit, ex rei veritate, esse B. MARIÆ vnicum, & dilectissimum, & naturalem Filium. Neq; verò ita, vt duo essent, vnus videlicet DEI Filius, & alius Filius Sanctæ MARIÆ; sed vnus, & idem ipse, qui Filius DEI est in vnâ Personâ, etiam esset Filius Sanctæ MARIÆ. Quis hæc audiens, non obstupescat?

5. Est MARIA Sponsa Spiritûs Sancti: non ideo solū, quia Spiritus sanctus MARIÆ, tam corpore, quam Animâ per omnem eius vitam vsus est, tanquam organo suo: ita vt nulla motio à MARIA fieret quæ non etiam à Spiritûs sancti motione fieret. Mouebat Spiritus sanctus eius linguam vt cū loqueretur, in verbo non laberetur. Per eius oculos aspiciebat, per eius Aures audiebat, mentem regebat, omnes voluntatis affectûs gubernabat, ita vt etiam minimæ cogitationes, verba, decreta, motiones, actus, sensationes omnes, Spiritus sancti instinctu perficerentur: Neq; etiam ideo solū, quia Spiritus Sanctus in Deiparam effudit expleuitq; sitim suam: quam ille habet infinitam ad communicandum se: Expleuit autem, quando per immensam MARIÆ capacitatem, flumen illud Sancti Spiritûs vastissimum, rapidissimumq; excurrit, atque protensum est: ad eum proportionaliter modum, quo DEVS Pater in Filium veluti extenditur: & Pater, Filiusq; in Spiritum Sanctum dilatanatur: sic enim etiam Spiritus Sanctus in MARIAM quasi extenditur (utitur verbo Extensionis B. Ildephonsus) & dilatatur: Estq; per hoc MARIA Spiritus Sancti requies, est ipsius sitis sedatio, est eius affectûs expletio; dum in eam ille immensos donorum suorum latees pleno effundit alueo. Multò magis MARIA Sponsa sancti Spiritûs est, diciturū: communi tantū illo modo, quo omnes iustorū per gratiam sanctificantem (quâ ornare animas omnes propriū est sancto Spiritui) animæ, sanctificantur ac despōlāntur. Est

38 *Exerc. I. De P. Parentis arctissimâ cum DEO coniuncti:*
igitur MARIA Sponsa Spiritûs sancti suo quodâ proprio, specia-
liq; titulo: quem acquisiuit, illo consensu, coram Angelo nun-
ciantes sibi superuentionem sancti Spiritûs, exhibito, atq; expres-
so. Consensus enim ille quasi coniugalis fuit, quo Beata Virgo,
non in Animam solû suam, verû etiam in corpus suum con-
sensit, usq; sponsale dedit superuenturo in se, & obumbraturo
sibi Spiritui sancto: vnde extunc Spiritus sanctus Sponsus MARIE
factus est, non tantû quia (vt supra dixi) incomparabili gratiâ
ipsam repleuit, sed etiam quia illi obumbravit, illamq; textit, ac
viri vices substituens, ex purissimo eius sanguine, atque substan-
tiâ, Christi corpus efformavit, eamq; diuinâ suâ virtute facun-
davit, & gravidavit. Ob quod sola MARIA est (ait Aug.) quæ
meruit Mater & Sponsa vocari. Ipsa sola est, in quâ (vt ait Ansel-
mus) Spiritus DEI, ipse Amor omnipotentis Patris, & Filij, ipse
per quem, & in quo amatur omne, quod benè amatur, ipse in-
quam corporaliter (vt bene dicam) venit in eam, singularique
Gratiâ præ omnibus, quæ creata sunt, siue in Cælo, siue in terrâ,
in ipsâ requieuit: & Reginam, & Imperatricem, Cæli, & terræ,
fecit Sponsam suam.

Ex his collige, ô Amatrix MARIE Anima, quàm arctis sit colli-
gata cum DEO vinculis, quàm intimis associata & deuincta ju-
ribus. Atque exinde tibi licebit in omnes affectionum pijsima-
rum, deuotionumq; erga illam erumpere, atque efferri pietates.

P R A X I S.

Ave pretiosissima Filia Patris æterni, ave pretiosissima Mater
Filij DEI. Ave pretiosissima Sponsa Spiritûs Sancti. Ave pre-
tiosissimum Templum sanctissimæ Trinitatis. Per hanc tuam
cum DEO tuo affinitatem, quam ego tibi, totius substantiæ meæ
viribus, atque affectibus gratulor: effice me, & colloca, & irra-
dica, in gratiâ, & amore sanctissimæ Trinitatis, &c.

EXER-

EXERCITIVM II.

De P. Parente nostrâ, Dominâ, Matre, Herede, Hereditate, Sponsâ.

1. **S**Tatue te in conspectu Pretiosissimæ Parentis Virginis **MARIÆ**:

2. Expendes: quòd sit Domina & Regina totius vniuersi & omnium creaturarum: Creaturas autem omnes & singulas esse illius subditas, eiusq; Mancipia. Quia enim Filius eius, est verus **DEVS**, & ideo absolutus rerum Dominus, omniaq; ei subiecta naturaliter sunt: inde consequenter, Mater huius **DEI**, ac Domini omnium, est etiam naturaliter omnium Domina, & omnia sunt eius Mancipia.

3. Expendes: quòd sit Mater omnium Hominum: Et in specie Electorum, amatorumque, seu Dilectorum suorum. Mater enim cum sit **DEI**: est etiam Mater fratrum eius omnium. Cum verò etiam sit Mater, & inuentrix Gratiae, ac Misericordiae, est etiam consequenter Mater filiorum Gratiae, ac miserationis. Eo ipso pariens illos **DEO** in filios, quo illos ad gratiam **DEI** deducit, & Amicos **DEI** constituit, in eoque statu illos conseruat, quantum in ipsâ est.

4. Expendes: quòd sit Heres rerum omnium, & quidem naturalis, perinde vt est Mater **DEI** naturalis. Qui cum sit Heres omnium, inde fit vt & Mater eius sit quoque omnium Heres, & omnia sint eius possessio, atque hereditas. Omnia siquidem quæ Filius habet, Mater quoque similiter habet, ac possidet.

5. Expendes: quòd sit Hereditas, thesaurus, & diuitiæ totius quidem Humani generis, at specialiter omnium diligentium, & honorantium illam singularius. Cum enim ipsa sit Filij sui, **DEI** verò nostri, hereditas, & possessio, iuxta illam ipsiusmet vocem, Dominus possedit me in initio viarum suarum; Hic autem **DEVS**, & à Patre æterno nobis donatus est, & ipse sese nobis donauit,

240 *Exerc: II. De P. Parentis nostrâ Domina: Matre Ec.*

ut, heredesq; suos, & coheredes simul omnium bonorum suorum nos fecit: Matrem quoque suam nobis in Hereditatem, & possessionem largitus est. Adde, quod cum MARIA sit Innocentiæ, ac Iustitiæ primæ, nobis à nostris primis parentibus perditæ, sola in se conseruatric, & heres, idcirco ad nostram hereditatem ipsa pertinet: tantum, in quantum illa Innocentia & Iustitia Originalis, nostra hereditas esse (nisi perditæ fuisset) debuit, & in quantum nobis, ac pro nobis in MARIA relicta, atq; conseruata mansit, & manet.

6. Expendes: quod MARIA sit, Sponsa, omniū illius speciali Amoris priuilegio, ac teneritudine, cultuq; Innocentiæ, ac puritatis, nec non morum eius imitatione excellentium. Cum enim MARIA tota sit æmulatrix Christi. In omnibus ijs, quæcunque Creaturæ seruire possunt, eius dotes, atque excellentiæ, Christus autem desponsauit sibi omnes nos per Incarnationem, cuius desponsationis præcipuus administer, & operator (post Spiritum Sanctum) fuit MARIA, ut quæ de suâ substantiâ, deq; suo purissimo Sanguine Materiam præbuit, Humanitatemq; Verbo vnendam imò vnitam in vtero concepit, & ad vnionem illam, plusquam admirabilem (quia Hypostaticam) realiter, & verè, instrumentaliter concurrat: desponsationemq; illius ex se conceptæ Humanitatis, ac in eâ, seu mediante illâ, totius Humanæ naturæ perfecit, per quod etiam ipsa tunc MARIA, specialissimo tam jure, quam gradu, supra omnem modum summo (vno duntaxat desponsationis gradu, quo Humanitas Christi, Verbo est desponsata, excepto;) Christi Filij DEI, atque etiam sui, Sponsa facta est. Extunc ergo, & ex hoc fonte, atque Exemplo Christi sui filij, amat, imò ambit ipsa quoque Hominibus desponsari, ut per hanc desponsationem, & sese Hominibus, & Homines vicissim sibi adæquet, quam potest adæquatissimè, adstringatq; quam adstrictissimè. Quæ adæquatio, atque adstrictio, non nisi per Amoris affectum fieri potest. Per Amoris autem non quam-

cunque

Exerc. II. De P. P. nostra Dom: Matre, Herede, &c. 241

cunque speciem, seu formam, seu gradum, sed per solum sponsalem, desponsatoriumque. Hic enim solus, propriè, & summè adæquatius, atq; adstrictius est, imò & vnitiuus ac identificatiuus est eorum inter se, quos connectit. Vnde dicitur de desponsatione corporeâ: quòd sint duo in carne vnâ:&; Ergo iam non sunt duo, sed vna caro. De spiritali verò Animarum DEI & Hominis desponsatione, affirmat Apostolus; Qui adhæret DEO, vnus spiritus est cum eo. Et ad istam vnionem, identitatemue Spiritûs DEI nobiscum, nostrî cum DEO; tota Natura, vis, energiaq; Amoris tendit, indefinenterq; adnititur. Accedit; quòd hæc spiritalis amorosa desponsatio, sicut est castissima, ita nihilominus & fecundissima: ad hoc ordinata, vt ex eâ oriatur proles, tum excelsissimarum virtutum, tum conuersionis, perfectionisq; animarum, tum (quod in idem reuoluitur) efformationis, parturitionis, educationisq; Christi, siue in nobis, siue in alijs per nos: dicente Apostolo: Filioli, quos iterum parturio, donec formetur Christus in vobis: & donec occurratis in virum perfectû, in mensuram ætatis plenitudinis Christi. Cuiusmodi parturitio, & educatio Christi in nobis, non tantum non est probrosa Sacratissimæ DEI nostri Matri, verum est etiam ambitiosissima, & summè, vnicèq; expetita; adeo vt nullum habeat ista Mater, post DEI, singularem ex suo Sanguine, Spiritûsq; Sancti Virtutis obumbratione maternitatem compactam; nullam, inquam, habeat gratiorem, appetibilioremq; maternitatis fecunditatem: Christi que, DEI, ac sui filij generationem, quàm eam, quæ sit Charitate desponsatoriâ, & Animas DEO maritante: cui desponsationi, atq; sponsalitie contractui, ambitiosissimè MARIA inhiat, eòq; super omnia alia vel officia sua circa nos, vel obsequia nostra erga se delectatur, & occupatur: tantumq; eius studio, atque exercitio capitur, vt Sponsa nostra fieri, nosq; in Sponsos adsciscere, & sponsali à nobis affectu coli, non solum non refugiat, aut dedignetur, verum etiam exambiat, & delectetur. Omnia fieri

242 *Exerc: II. De P. P. nostrâ Dominâ: Matre, Herede &c.*
amans, gloriosumq; sibi ducens: dummodò suæ Charitativæ maternitatis ministerio, atq; repetito exercitio, formetur Christus eius filius in nobis, atq; gignatur spiritali genimine ex nobis.

7. Accipies pretiosissimam hanc DEI parentem, tibi in Dominam & Heram: dabis autem te illi in seruum, mancipium, & iumentum: accipies illam tibi in Matrem, & trades te illi in Filium: accipies illam tibi in Heredem, & illi te in Hereditatem trades. Accipies illam tibi in Hereditatem, & te illi in Heredem dabis. Accipies deniq; illam tibi in Sponsam, & te illi in Sponsum offeres, ac deuovebis. Colesq; illam omnibus tuis studijs, viribus, moribus, & operibus, tanquam veram tuam Dominam, Matrem, Heredem, Hereditatem, & Sponsam.

P R A X I S.

Pretiosissima DEI Hominis Parens MARIA: in conspectu Sanctissimæ Trinitatis, & in conspectu dilectissimi Filij tui, Domini mei IESV Christi; Trado me tibi in perpetuum mancipium, tanquam absolutæ meæ Dominæ. Trado me tibi in Filium, tanquam dilectissimæ Matri. Trado me tibi in Hereditatem, tanquam pleni juris Heredi. Trado me tibi in Heredem, tanquam optatissimæ Hereditati. Trado me tibi in Sponsum, tanquam desideratissimæ, speciosissimæ, & amabilissimæ Sponsæ. Tu mihi sis Domina, tu Mater, tu Heres, tu Hereditas, tu Sponsa, & fac me tibi dignum te, dignum Amore tui, dignum amore tuo æterno, in æternum.

E X E R C I T I V M III.

De P. Parentis per Dei Maternitatem exaltatione, &c.

1. **S**tatue te coram P. Parente Virgine MARIA.

2. Expende: quantum illam exalauerit, & ditauerit, & honorauerit DEVS, assumendo illam sibi in Matrem?

3. Dedit se illi in Filium: & per hoc potestatem atq; omne jus con-

Exerc: III. De P. P. per Dei Maternit: exaltationem 243

contulit ei super se, fundatum atque radicatum immobiliter: quia ex ratione principiationis suæ ab illâ deductum. Quod impossibile est, & non sequi, & non durare, quamdiu durat & stat, quòd *MARIÆ* Filius ex eâ conceptus, factus & natus, sit *DEVS*; & *MARIA* est vera, propria, Naturalis *DEI* genitrix.

4. Per hoc etiam; quia *DEVS* dedit se *MARIÆ* in Filium; contulit ei plenum in se Dominium, regnatiuam potestatem, Hereditationemq; sui absolutam: ita ut fas fuerit *MARIÆ*, Filium *DEVM*, ex se genitum, tanquam mancipium habere: imò & in Mancipium vendere, si ita necessitas exegisset. Proles namque naturaliter seruitium debet Parentibus, & hi, jus regnarium habent in prolem, & sunt eius heredes tanquam possessionis suæ propriæ, & in vitæ suæ, libertatis suæ subsidium, possunt prolis vitæ & libertate uti. Et potestne aliquid amplius ad istam *MARIÆ* exaltationem addi, aut etiam excogitari? O verè Domine *IESV*, beatus venter, qui te portauit, & vbera quæ suxisti!

5. Per hoc etiam; quia *DEVS* se Filium *MARIÆ* fecit, contulit illi, ditauitq; illam amplius, quàm ditasset, si illi omnem Creaturam, etiam possibilem, in possessionem, & diuitias donasset; Vnus enim, ac solus, ac nudus *DEVS*; maior, pretiosior, locupletior, & ad locupletandum eum à quo possideretur, (maximè si Maternè & generatoriè possideretur,) aptior, & amplior est: quàm omnes Creaturæ simul possessæ, & hereditatæ.

6. Per hoc etiam; plus contulit *MARIÆ* Matri suæ, *DEVS* Filius: quàm vlli; imò, quàm omnibus simul Creaturis contulit, aut conferre possit: propter eandem modò dictam causam; quia scilicet vnicus, solusq; *DEVS*, est omnibus rebus reliquis maior, pretiosiorq;: vnde quando se vnicum *MARIÆ* dedit, præsertim in Filium, plus ei dedit, quàm vlli creaturæ, aut etiam simul omni dedit, darene potuit.

7. Per hoc etiam, quòd *MARIAM* in suam Matrem accepit, fecit sam suam Causam, suumq; Principium, & Existentiæ suæ

244 *Exerc: III. De P. P. per Dei Maternit: exaltationem.*

Theandricæ originem, ac fontem. Conceptus enim ex eâ, siue de eius substantiâ: formatusq; ex eâ, & simul ab eâ, natus quoque, & in mundum editus, genitusq; est ex ipsâ: deinde etiam lactatus & nutritus, & ad incrementum congruum perductus ab ipsâ: ob quod, plus ab vnâ solâq; suâ genitrice Mariâ accepit, & plus ab eâ, ex eâq; habet substantiâ, quâq; substantiam consequuntur, quam ab vllâ creaturâ. Ob quod etiam, nulli creaturæ amplius debet DEVS Homo, quam vni Mariæ Matri suæ. Neq; ab vlla creaturâ quidquam pretiosius, ac se dignius accepit quam à Matre suâ Mariâ. Accepit enim se totum, DEVM scilicet ac Hominem: quo in Christo nihil est pretiosius; accepit autem generatoriè, quo in Mariâ nihil est item pretiosius atq; dignius: Itaq; Christus, quâ DEVS & Verbum, est ex Patre modo generatorio: quâ DEVS Homo est, non est ex Patre modo generatorio. Idem Christus de Spiritu quidem Sancto conceptus est DEVS Homo, sed non ex substantiâ Sancti Spiritûs, neq; modo generatorio: at verò ex Mariæ Virginis vtero, sanguine, & substantiâ, genitus, conceptus, factus est DEVS Homo, generatorio modo, & tanquam verus Filius.

8. Ergo in vnâ solâq; Virgine Mariâ, plus est ex DEO, quam in vllâ, & omni simul creaturâ: Itemq; ex vnâ, solâq; Virgine MARIA, plus est in DEO, quam ex vllâ, simulq; omni creaturâ, & longè in immensum excellentius est, & MARIA DEI, & DEVS Mariæ; quam vlla creatura, DEI est, & quam vllius Creaturæ DEVS est.

9. Ideo totâ substantiâ tuâ, omnibusq; viribus tuis atq; visceribus cordis & corporis, æstimabis, exaltabis, appretiabis, & glorificabis, amabilq; pretiosissimam hanc Dei Matrem, atq; Virginem, super omnes res, quæcunq; infra DEVM sunt: gratulaberisq; eidem P. Parenti hanc tantam Dei profusionem super eam, hanc tantam exaltationem eius à DEO, per DEVM, & ex ipso DEO.

P R A.

Exerc:

P Reti
visce
bus plus
cundam
& vene
DEO ef
pter qu
pretios

De P.
i. S

Christi

3. Ex
amicitia
dum à
req; deb
bito, at

4. An

Creatur
nihil o
inter ea
torem
tem, q
natura
seruili
pit ab i
conseq
honori

P R A X I S.

Pretiosissima DEI mei Mater MARIA : te ego totis viribus, & visceribus, substantiæ, capacitatisq; meæ, diligo; cunctisq; rebus plus æstimo, quæcunq; DEVS non sunt : sed Te vni, soli; secundam DEO, vno solo minorem DEO, agnosco, & confiteor, & veneror. Etenim in solâ te plus DEI est : & ex solâ te, plus in DEO est, quàm ex omnibus, quàm in omnibus Creaturis. Propter quod, meritò charissima, & pretiosissima, & es ipsi DEO, & es pretiosior, amabilior, inæstimabiliorq; omnibus simul creaturis.

EXERCITIUM IV.

De P. Parente, naturali DEI sicut Matre, ita & Amatrice.

i. **S**tatue te coram pretiosissimâ Parente Virgine MARIA.

2. Expende eam esse veram, naturalemq; DEI Hominis Christi IESV Matrem.

3. Expendes, per hoc eam naturale ius habere ad Amorem, amicitiamq; DEI : hoc est : ad diligendum DEVM, & ad diligendum à DEO. Naturali quippe iure, & naturæ ductu amat, amareq; debet DEVM, vt pote filium : & amatur vicissim naturæ debito, atq; exigentiâ à DEO, tanquam à Filio.

4. Amat quidem, & amare debet naturaliter etiam omnis DEI Creatura DEVM : amaturq; item à suo Creatore. Nam DEVS nihil odit eorum, quæ ipse fecit : est tamen infinitum discrimen, inter eam naturalitatem, quâ creatura obligatur ad DEVM Creatorem amandum, quâq; à DEO amatur : & inter eam naturalitatem, quâ DEVM MARIA diligit, & à DEO diligitur. Illa siquidem naturalitas Creaturarum ad DEVM amandum, est tantum modò seruilis, manans ex eo, quia Creatura, creata est à DEO, & accipit ab ipso, tum ipsam se, suumq; esse, tum reliqua bona ad hoc consequentia : propter quod tenetur debito amandi, colendi, honorandi, obediendi, seruendi; in omnibus DEO, vt auctori,

246 *Exerc: IV. De P. Parente naturali Dei sicut Matre, &c.*
factori, benefactori, Dominoq; suo absoluto. At verò naturalitas, quā MARIA stringitur, duciturq; ad amandum DEVM: est naturalitas Principiationis, Originis, Maternitatis, & Maternæ, generatoriæq; causationis, ac productionis, quā MARIA DEVM filium genuit, eiq; esse, de suâ substantiâ, vt Mater Filio DEO dedit. Qualis naturalitas ad DEVM amandum in nullâ penitus est Creaturâ. Et idem est dicendum de naturalitate quâ Creaturas amat DEVS, quâq; amat MARIAM. Creaturas enim amat DEVS, vt conditor opera sua, vt effectûs omnipotentiae suæ, vt participationes aliquantulas bonitatis suæ. Omnis enim factor, & auctor amat opera sua: maximè, quando DEI perfecta sunt opera. At verò DEVS MARIAM amat, vt Filius Matrem, vt proles Genitricem, vt opus Autricem suam: qui fons amoris supremus est inter omnes amoris origines, & obligationes. Quare vni & soli MARIÆ dicit DEVS: Mater mea es tu: & vna, solaq; MARIA, ex Creaturis, dicit DEO: Filius meus es tu.

5. Quāuis autem MARIÆ in DEVM filium amor sit naturalis, quippe ex fonte Maternitatis connaturaliter fluens: idem nihilominus amor est etiam supernaturalis: (nisi dicere libeat, quòd in suâ naturalitate, sit quouis alio creato supernaturali amore in DEVM, eo ipso excellentior, quòd naturalior) sicut etiam maternitas eius, est ita naturalis, vt sit nihilominus supernaturalis: suprâ omnem enim naturam est, quòd MARIA sit Mater DEI, licet naturalissima sit Mater: & verè naturalissimam humanitatem Filij DEI, ex sanguine, ac substantiâ suâ, maternâ operatione, cooperante Sancto Spiritu, concepit, formauit, genuit, educauit, enutrit, consequenterq; amauit, & complexa est.

6. Ex hoc tanto, tamq; admirabili iure amandi DEVM, & amandi à DEO, habet quoq; MARIA, ius quoddam sibi peculiare, atq; proprium, quod sicut ipsa amat DEVM amaturq; ab eo, ita alios etiam, potissimùm amatores, cultores, clientesq; suos, iure suo deducit ad amandum DEVM, & ad amandum à DEO: ad col-

lo-

Exerc: I
locandu
DEI: ne
ad confi

3. Q
amoris
moris e
etiam ab
maternu
in his m
manen
amore,

8. P
MARIA
facere:
tur, & c
ingenere
re, affect
conseru

9. In
tionis ad
Medium
rumq; D
deuotun
denter s

10. In
celo pec
insigne
erunt in
DEI Ma

11. E
Scriptur
tiam) affi

Exerc: IV. De P. Parente, naturali Dei, sicut Matre, &c. 247
locandum eos in gratiâ, in amicitia, & familiaritate, atq; vnione
DEI: neq; ad collocandum solum, sed etiam ad conseruandum,
ad confirmandum, ad excellendum in eâ.

3. Quia enim maternitas DEI, fons est in MARIA, naturalis
amoris diuini, quo & amat illa DEVM, & amatur à DEO: & a-
moris erga DEVM magna portio est, dare operam omnem, vt
etiam ab alijs ametur DEVS: inde est, quòd ad amorem MARIAE
maternum erga DEVM, pertineat à MARIA deduci alios, quoq; ac
in his nominatim speciales amatores suos, ad amandum DEVM,
manendumq; & perseuerandum, cum insigni incremento in
amore, & amicitia, & gratiâ DEI.

8. Pari ratione: quoniam DEVS, vt filius, naturaliter amat
MARIAM Matrem suam; pertinet ad hunc eius in ipsam amorem,
facere: vt etiam ab alijs quàm plurimis, quàm impensissimè ame-
tur, & colatur: inde est, quòd DEVS plurimis inspiret, & veluti
ingeneret, inuisceretq; amorem erga MARIAM: eosq; in eius amo-
re, affectu, & cultu, mirificè, atq; omnino magnificè constituat,
conseruet, atq; confirmet: opulentosq; ac prædiuites faciat.

9. Inde quoque est: quòd Maximum sit signum prædestina-
tionis ad vitam, non rarò etiam Confirmationis in gratiâ Diuinâ:
Medium quoque salutis, quin & excellentis sanctitatis, dono-
rumq; Diuinorum vbertatis; MARIAE Matri DEI esse singulariter
deuotum, eiusdem Amoris, & Honoris, atque Imitationis, ar-
denter studiosum.

10. Inde quoque est: quòd Amatores, Clientesq; MARIAE, in
cælo peculiari quadam veluti Laureolâ, hoc nomine donentur,
insignesque inter cæteros Beatos sint: quia eximie insignes fu-
erunt in hac Vita; in Dilectione, & veneratione, imitationeq;
DEI Matris MARIAE.

11. Et hoc est illud: quod Ecclesia, optima sensûs Diuini in
Scripturis interpres, de Mariâ dictum (post Æternam Sapien-
tiam) affirmat, In his omnibus requiemquæsiui, & in Hereditate

Do.

248 *Exerc: IV. De P. Parente, naturali Dei, sicut Matre, &c.*
 Domini morabor. Tunc præcepit, & dixit mihi creator omnium, & qui creauit me requieuit in tabernaculo meo: & dixit mihi: In Iacob inhabita, & in Israël hereditare, & in Electis meis mitte radices & in habitatione sanctâ coram ipso ministraui. Et sic in Sion firmata sum, & in Ciuitate sanctâ similiter requieui, & in Hierusalem potestas mea: & radicaui in populo honorificato, & in parte Dei mei hereditas illius, & in plenitudine Sanctorum detentio mea. Ego Mater pulchræ dilectionis, & timoris, & agnitionis, & sanctæ Spei. In me gratia omnis Viæ & veritatis: in me omnis Spes Vitæ, & Virtutis. Transite ad me omnes, qui concupiscitis me, & à generationibus meis adimpleremini. Spiritus enim meus super mel dulcis, & Hereditas mea super mel, & fauum. Qui audit me non confundetur: & qui operantur in me non peccabunt. Qui elucidant me: vitam æternam habebunt. Hæc omnia liberi vitæ, & testamentum Altissimi, & agnitio Veritatis. Non sinit, hoc loco, fusiori accommodatione declarare; quomodo hæc MARIA DEI Matri, eiusque erga suos Amatores, & Clientes, effectui, & curæ, ad amussim, etiam ex mente Ecclesiæ seruiant: Non (inquam) sinit præsens scribendi modus; sed ea facillimè quisque proposito applicare, atque ex illis fructum, succumq; deuotissimæ in DEI Matrem, tum dilectionis, tum pietatis, ac deuotionis haurire poterit.

12. Interea, cum vnusquisque nostrum, nec possit, nec debeat quidquam ardentius desiderare, quàm Gratiam, Amorem, Amicitiam, familiaritatem, vnionemque Diuinam, radicatam, confirmatam, opulentam, æternam: in quâ ad collocandum nos, MARIA, Matris potitur jure, & Maternâ gaudet autoritate: superest, vt totis desideriorum, viscerumq; suorum viribus, ac præcordijs, quisque nostrum supplicet huic Pretiosissimæ Matri Gratiæ, Amicitiaq; DEI arbitrar, atque thesaurariæ, vt isto suo Iure nobiscum vtatur: introducatq; in nos Amorem, Amicitiam, Gratiam, familiaritatem, vnionemq; DEI Filij sui, ac nos in eâ fun-

Exerc: IV.
 fundet, ra
 quin & p
 Vt non lo
 verum eri
 pliusq; in
 sionem, a
 nostræ, fu

PReti
 Tu,
 ac Natu
 DEI. T
 Amicitia
 eiusq; Gr
 firmasque
 jure meci
 Introduc
 Funda &
 ipsius, vt
 ampliusq;
 ad Mortu

Quod
 1. **S**Ta
 per hoc
 Creatu
 3. M
 ille mor
 paratus

Exerc: IV. De P. Parente, naturali Dei, sicut Matre, &c. 249
fundet, radice, confirmet, opulentetque usque ad Mortem:
quin & post Mortem, usque ad ipsam, & per ipsam æternitatem,
Vt non solum nunquam excidamus à Gratia, & à charitate DEI,
verum etiam in dies, horas, & momenta singula, amplius, am-
pliusque in eâ crescamus, ac ditescamus, per grauissimam interces-
sionem, atque adeo potestatem, huius Pretiosissimæ Parentis
nostræ, fundatricisque in statu ac possessione amicitie Diuinæ.

P R A X I S.

Pretiosissima Mater DEI mei, Domina mea, Virgo MARIA;
Tu, sicut ipsa es verissima DEI Mater, sic etiam verissimum
ac Naturale jus habes ad Amorem, ad Gratiam, Amicitiamque
DEI. Tu Clauis portas à Corde Diuino. Tu præsidet thesauris
Amicitie, & Gratie DEI. Tu quem vis Amicum DEI constituis,
eiusque Gratiâ adimpleres, & diras, & in Amore Diuino fundas, con-
firmasque. O Mater, & Domina, & Patrona mea: vtere hoc
jure mecum, & super me, & super omnes tuos in me, meosque inte-
Introduc nos ad Amorem, Amicitiamque Filij tui, DEI nostri:
Funda & confirma: stabili, & radica nos in gratiâ, & familiaritate
ipsius, vt ab eâ nunquam excidamus, imò in eâ semper amplius,
ampliusque proficiamus, perficiamur, confirmemur, solidemurque,
ad Mortem, & in Morte, & in omnem æternitatem.

EXERCITIUM V.

Quòd P. Parens sit omnium Creaturarum eminentissima.

1. **S**tatue te coram Pretiosissimâ DEI Parente Virgine Mariâ.
2. Expende: quòd MARIA sit Mater DEI Altissimi, ac
per hoc super omnes, simul sumptas, etiam possibiles, puras
Creaturas, dignissima, exaltatissima, eminentissima.
3. MARIA enim quoniam Mater DEI est: facta per hoc est
ille mons, ab Isaia decantatus; Erit in nouissimis diebus, præ-
paratus Mons Domus Domini in vertice Montium. Mons enim

250 *Exerc. V. Quod P. Parens, sit omnium Creaturar: &c.*

Beatissima Virgo & Mater MARIA fuit, quæ omnem electæ creaturæ altitudinem electionis suæ dignitate transcendit. Mons, & quidem præ omnibus sublimis fuit MARIA: quæ ut ad Conceptionem æterni Verbi pertingeret, meritorum verticem supra omnes etiam Angelorum Choros, usq; ad solium Deitatis erexit. Mons fuit MARIA, & quidem supra verticem Montium, quia præcellentissimæ dignitatis suæ merito, eius altitudo supra omnes Sanctos refulsit. Mons fuit MARIA, omnibus creatis montibus, seu Dignitatibus altior: quia ubi ceteræ Dignitates summam suam tenuerunt: ibi Mariæ prima, & ima fundamenta per singularitatem Gratiæ facta esse noscuntur: dicente alio Prophetâ; Fundamenta eius in montibus Sanctis. Denique Mons fuit omnibus montibus, id est, omnium Creaturarum generibus altior MARIA: quia maternitatis Diuinæ prærogatiuâ, omnibus omnino creaturis accessum ad se, & ad æqualitatem suam penitus spem omnem præcluserit: suamq; super illas potestatem extrulit, ac firmavit.

4. Igitur propter hanc Altitudinem, debetur Mariæ, ab omni Creaturâ, & Generatione, omnis supremus, qui in Creaturam puram cadat honor, laus omnis, omnis etiam appretiatio, reuerentia, dilectio, & subiectio: tanquam illi, quæ est Mater conditoris, & Domini omnium rerum: est quæ proinde etiam ipsa Heres, Domina, & Regina omnium istorum Dei Filij sui bonorum. Pertinent siquidem omnia bona filiorum ad Parentes eorum: nec quidquam acquirunt sibi Filij, quod simul juri parentum eo ipso non accedat: præsertim; si quid à Naturâ filij obtineant: quando Mariæ Virginis Filius, Dominus IESVS Christus, DEVS Homo, ex ipsâ suâ Naturâ, & ab Vnionē Hipostaticâ, absolutum rerum omnium Regnum, Dominiumq; sortitus est. Inde enim hoc ipsum Dominium, atq; Regnum, Matri eius Mariæ accessit. Cur enim Parentes & Filij vna censentur Caro, & non tam pars eiusdem, quàm prorsus eadem substantia; & cur bona dignitatesq;

Exerc.
tesq; Na
gnitates,
sub sorte

5. Sic
les, natu
libet sub
Filij sui
superna
& Domi
ipsa in h
Diuina
nijque
Origina
spectum
jam tunc
fuit, jux
sum, (qu
ceps: lo
eminuit

6. Ex
fuerit se
Quod v
DEO om
MARIA
bonoru
potentia
fudit, q
vni, sol
& dilec
deben
ob vna
aut inte

Exerc: V. Quòd P. Parens sit omnium Creaturar: &c. 251

tesq; Naturales parentum, sunt etiam filiorum; si non bona, dignitates, Dominia, & Regna filiorum, cadunt etiam, naturaliter sub sortem parentum?

5. Sicut ergo DEI Filius, idemq; MARIAE Virginis Matris proles, naturâ suâ, & præest, & eminet omnibus Creaturis, quantumlibet sublimibus, atq; etiam supernaturalibus; ita quoque eodem Filij sui jure, MARIA est omnium Creaturarum, naturalium, supernaturaliumque, & superior, & præeminentior, & præses, & Domina. Idque ab ipso primo Conceptionis suæ instanti, quo ipsa in hunc mundum concepta est. Etsi enim non nisi propter Diuinam maternitatem, hæc tam sublimis Altitudinis, Dominiique in res omnes prærogatiua illi aduenit: quia tamen Iustitia Originalis illi in Conceptione statim collata fuit, & fuit per respectum, & propter honorem Diuinæ Maternitatis, ad quam jam tunc (imò ab Æterno) Electa, præparata, prædestinataque fuit, juxta illa ipsiusmet de se Virginis verba; Ab æterno ordinata sum, (quæ ex Hebr: sic sonant;) ab æterno inaugurata sum princeps: Ideo jam tunc etiam statim Domina fuit omnium: & eminuit super omnia opera DEI, superque vniuersa bona Filij sui.

6. Ex hoc fonte promanauit, quòd MARIA, post Christum, fuerit secundò primus finis, scopusq; DEO vniuersæ Creationis. Quòd vna solaque MARIA, dignior, & pretiosior fuerit coram DEO omnibus vniuersim Creaturis. Quòd ad Vnius, soliusque MARIAE conditionem, atque in esse suo consummationem, plus bonorum, donorumque, & (si fas dicere) Sapientiæ, bonitatis, potentiae, Sanctitatis, Perfectionisq; suæ sumptuum DEVS profudit, quàm in omnes residuas Creaturas. Inde quoque est, quòd vni, soli; MARIAE, plus creaturæ honoris, subiectionis, seruitij, & dilectionis debent; quàm vel ipsæ sibi, vel alijs aliæ murò: debentq; justè, ac meritò velle, ac esse paratæ, (si ita res exigat,) ob vnam, solamq; MARIAM DEI Matrem conseruandam, emori: aut interire: siquidem benè redimeretur salus solius MARIAE,

252 *Exerc. V. Quod P. Parens sit omnium Creaturar: &c.*

morte totius Creaturarum populi. Quoniam inanis esset damnum toti Mundo, ex vnius *MARIÆ* iacturâ, quàm ex totius Mundi interitu.

7. Hinc agnosce : maiori iure, obligatione, condignitate, debere (Te v. g.) honorare, diligere, exaltare, zelare, vnam, solamq; hanc *DEI* Matrem : maioresq; vires, conatus, sumptûsque, in eius cultum, & venerationem impendere, quàm in totius, cuiuscunque, etiam simul sumptæ, puræ creaturæ.

8. Hac mensurâ, metire tuum erga Parentem hanc Pretiosissimam affectum dilectionis, venerationis, honorificationis, pietati, zelationis. Et vide, quam procul absis ab huius mensuræ æquatione ! vide, quàm profuso, prodigoque in honorem, & amorem huius *DEI* Matris esse debeas animo : vide, quàm magnificus eius in corde tuo, & per tuam Curam, & in alienis cordibus, operibusque, debeat esse, huius Virginis Amor, ac venerationis, atque exaltatio ?

9. Emineat apud te in amore : in pietate, in honore, & in veneratione : ita, sicut reuera eminet ipsa in Dignitate, in excellentiâ, in pretiositate, in Potestate. Eminent illa potestate, atq; Dominio super omnes ac singulos Angelos : satagas & tu eminere in affectu dilectionis, & venerationis erga illam, super omnes, singulosq; Angelos. Eminent illa in potestate atq; Dominio super omnes, singulosq; homines : satagas & tu eminere in pietate, & honore, amorisq; teneritudine, & vehementiâ erga illam, super omnes, & singulos homines. Eminent illa, potestate, & Dominio super omnes, singulasq; Creaturas rationis expertes : satagas & tu, non solum eminere, sed etiam vicem, officiumq; in cultu, amore, & subiectione ad *MARIAM*, implere, ac superimplere, omnium, singularumq; Creaturarum irrationalium. Eminent *MARIA* potestate, & Dominio, terroreque sui, super omnes demones, de quibus omnibus, cum, in Triumphatore Filio triumphauit, omnium Capita in primo suæ Immaculatissimæ Con-

cc-

Exerc.
ception
saut :
at indig
illorū
ginem
natum
prædigi
demon

PR
T
fui, c
nenti
cunda
& hon
creatur
dere p
emine
MARIA
homin
dæmo
ræ filij
tionis,
mnem
reliqu
etam,
gande
gende
turaru
cium,
plend

Exerc: V. Quod P. Parens sit omnium Creaturar: Sc. 253

ceptionis momento, victore Calcaneo contriuit, & conquas-
savit: satagas & tu, officio, obsequioque, quo, debent quidem,
at indignissimi sunt, amoris, & appretiationis defungi demones,
illorū vice, ergā victoriosissimam, Triumphatricissimamq; Vir-
ginem excellere: in tantū eam super omnia draconum infer-
nalia Capita superponendo, ac super exaltando, in quantū
prædigna est, tam DEI Mater extolli, exaltariq; quā digni
dæmones deprimi, ac deiici.

P R A X I S.

Pretiosissima DEI Mater MARIA: in conspectu Sanctissimæ
Trinitatis, nec non Filij tui, IESV Christi, Redemptoris no-
stri, confiteor, tantam esse tuam, super omnes creaturas, emi-
nentiam, pōrentiam, atq; dignitatem, vt vni tantū DEO se-
cunda, soloq; illo minor sis: vtq; ad tuū vnius, soliusq; in esse,
& honore conseruationem, ac propugnationem, meritō omnis
creatura, suū esse, suā integritatem, suū honorem, impen-
dere possit, atq; debeat. Tu enim vna sola pretiosior, ac dignior,
eminentiorq; es, præ omnibus creaturis coram DEO. In tuo,
MARIA, nomine, flectitur omne genu Angelorum: omne genu
hominum: omne genu creaturarum irrationalium, omne genu
dæmonum. Eapropter & ego, vilissima quamuis portio creatu-
ræ filij tui tuo amoris, appretiationi, honori, integritati, exalta-
tioni, totam substantiam meam, totas vires, totos conatūs, o-
mnem dignitatem, omnem sufficientiam meam, etiam omnis
reliquæ creaturæ, totiusq; vniuersi ad me impersonatione au-
ctam, communicatam, associatamq; consecro: atq; illi propa-
gando, propugnando, tam in maximo, quā in minimo adau-
gendo, dedico, deuoueoq; solus, vnusq; sed omnium crea-
turarum impersonatione auctus, omnium earum vicem, offi-
cium, debitum, conatum, desiderium, voluntatisq; affectum ex-
plendo, & etiam euincendo, euincereq; ac supergredi, aduer-

254 *Exerc: VI. Quòd per P. Parentem maximè DEVS &c.*
sum Te, intendendo : propter amorem tui, propter amorem
Filij tui, DEI mei, IESV Christi.

EXERCITIVM VI.

Quòd per P. Parentem maximè DEVS magnificetur.

1. **S**tatue te coram pretiosissimâ DEI Parente & Virg: MARIA.
2. Expende : quòd in MARIA, & ex MARIA clucescat maximè Diuina Magnitudo, Perfectio, Plenitudo : quodq; ab eâ, plus quàm ab omnibus reliquis creaturis simul sumptis magnificetur.
3. Quâ de causâ P. Parens. cum esset præ omnibus humillima ; etiam præ omnibus hunc titulum vsurpauit : & hanc sibi occupationem potissimam semper adsciuit : vt sese quidem semper, quàm intimissimè exinaniret, ac infra omnes creaturas, imò & propè infra ipsum nihilum humiliaret : DEVM autem suum, quàm viscerosissimè magnificaret : hoc est, magnum non solum ostenderet, verùm etiam conatu suo redderet, plusquàm omnes simul collectæ creaturæ, etiam possibiles hoc faciunt, aut facere possunt.
4. Quia enim adhuc vnicum omnes à DEO creaturæ conditæ sunt, vt per eas magnalia DEI, hoc est, magnitudo eius, & perfectionum eius, cognoscerentur, iuxta illud Psalmi ; Cæli enarrant gloriam DEI, & opera manuum eius annunciat firmamentum : quod ipsum affirmari potest, imò debet, de omnibus reliquis creaturis, tanquam & ipsis gloriam DEI enarrantibus, sicut vniuersaliter dixit Apostolus ; Inuisibilia DEI, à creaturâ mundi, per ea, quæ facta sunt, intellecta conspiciuntur : sempiterna quoque eius virtus, & diuinitas : inde necessariò sequitur, vt quantò aliqua est creatura nobilior, atq; perfectior, tantò plus in eâ magnitudinis & excellentiæ Diuinæ luceat, & ex eâ cognoscatur : quomodo plus cognoscitur Magnificentia DEI ex Homine, quàm ex lapide : ex Angelo plusquàm ex Homine : ex Angelo superiore quàm ex Angelo inferiore : quia : ex perfectiori effectu aut opere, perfectiùs causa, seu artifex cognoscitur.

s. Et

Exerc:

s. Et

esse con

ornation

debet, pl

perfectio

ex illâ v

lectis cre

6. Si p

magna e

pietia,

qui ind

bus sim

lam ma

ne MAR

magnifi

nein DE

7. Ad

citer ma

est in ip

in suâ al

DEVM,

Absurdu

fieri pos

DEVS,

potenti

nis : vt

cunq; p

sic neq

8. E

seu in c

magnifi

sed etia

Exerc: VI. Quodd per P. Parentem maximè DEVS 255

5. Et quia constat, ex omnibus puris creaturis nullam à DEO esse conditam perfectiorem, & omni donorum genere sublimius ornatiorem, quam DEI Matrem MARIAM: inde quoque constare debet, plus in vnâ, & ex vnâ MARIA, DEI essentiam, dignitatem, perfectionem, omnesq; alias magnitudines elucescere, ampliusq; ex illâ vnâ ac solâ cognosci, quàm ex omnibus, etiam simul collectis creaturis.

6. Si particulatim considerare lubet; in DEO nostro, maximè magna est Trinitas Personarum in vnitae essentiae, deinde Sapientia, Potentia, Charitas, Misericordia, Bonitas, & Iustitia: atqui indubium est, neq; in vllâ particulari creaturâ, neq; in omnibus simul, hæc supra dicta DEI bona, plus elucescere, neq; per vllam manifestari, quàm in vnâ, & ex vnâ solâ DEI Matre, ac Virgine MARIA: Igitur evidens est à solâ MARIA excellentius DEVM magnificari, & ex solius MARIE cognitione amplius magnitudinem DEI cognosci, quàm ex vllis etiam simul omnibus creaturis.

7. Aduertere autem & expendere licet: cogitari posse, dupliciter magnificationem DEI posse fieri. Primò quidem in se, hoc est in ipso DEO, ita vt DEVS, vel in suâ Essentiâ, ac Entitate, vel in suâ aliquâ perfectione maior fiat, quàm fuit. Et hic modus, DEVM, in ipso se, magnificandi; absurdus est etiam cogitatu. Absurdum est enim DEVM in seipso, quocumq; modo maiorem fieri posse, non tantum à creaturis, sed etiam à semetipso. Cum DEVS, quidquid est, id ab æterno sit: actus purus, omnis expers potentialitatis, possibilitatis, mutationis, augmenti, imminutionis: vt potens à se, illimitatum in essentiâ, & entitate, & quacumq; perfectione. Quâ de re, sicut nullum dubium esse debet, sic neque pluribus agere opus est.

8. Est alius magnificandi DEVM modus, in nobis nimirum, seu in creaturis, à creaturis, coram creaturis. Hoc modo, DEVS magnificari in nobis, & à nobis, seu per nos, non tantum potest, sed etiam debet: in eoq; labore omnis nostra salus, perfectio, &

bea-

256 *Exerc. VI. Quòd per P. Parentem maximè DEVS &c.*
beatitudo, sita est: vt omni vitæ & actionis nostræ cuiusque momento, expleamus illud Dauidicum; Et exaltetur DEVS salutis meæ: itemq; illud eiusdem; Magnificate Dominum mecum, & exaltemus nomen eius in idipsum.

9. Iste magnificandi DEVM modus, in nobis, vel à nobis, siue fiat à DEO, siue fiat à nobis, vnus, & idem est: quia quidquid nos in hoc genere, vel opere facimus, ex DEO & ex eius munere facimus: vnde necesse est, vt in vnum idemque recidat, siue à se DEVS siue à nobis DEVS, magnificetur in nobis.

10. Hoc porro trifariam fieri, & potest, & debet, & solet.
1. Quando DEVS amplius & amplius cognoscitur, ex, aut in, aliquâ creaturâ, opereue creaturæ, seu opere creatoris per creaturam, aut in creaturâ. 2. Quando creatura rationalis, v. g. Homo, in suâ Animâ facit DEVM maiorem, & maiorem, id est, quando Animam suam reddit DEO magis ac magis similem: perfectiusque, ac perfectius facit in ea elucescere DEI, perfectionumque, ac Virtutum, & Sanctitatis eius imaginem. 3. Quando Creatura in alijs quoque Creaturis (capacibus, seu rationalibus) DEVM, eiusq; notitiam, ac sanctitatis, perfectionisq; similitudinem, labore suo, cum auxilio Diuino, facit amplius, & amplius, perfectiusque, ac perfectius florere, crescere, exundare: cognitione, dilectione, gratiarum actione, prædicatione, deniq; Sanctissimæ DEI voluntatis per omnia executione, atque imitatione.

11. Hic magnificandi DEVM modus in solâ vnâq; DEI Matre MARIA plus enituit, plus ab eâ solâ, vnâq; exercitus est, & exercetur perenniter, plus quoq; per illam solam, & vnâq; à DEO exercitus est, quàm per vllam, quàm per omnem simul collectim sumptam creaturam. Plus enim in illâ solâ perfectionum, quia & entitatis suæ reposuit: per illamq; nobis manifestauit: quàm in vllâ, quàm per vllam creaturam; prout supra dictum est. Plus etiam illa sola Diuinæ in se Sanctitatis, & Gratiæ, Virtutum, ac Perfectionum, in suam Animam collegit, congersitque, nobiliusque,

Exerc: VI. Quod per P. Parentem maximè DEVS &c. 257

liusque, ac perfectius Imaginem DEI, in suâ Animâ resplendere fecit, quàm vllæ etiam simul omnes creaturæ. Propter quod illi iustissimè dicitur: Multæ filiæ congregauerunt diuitias; sed tu supergressa es vniuersas. Plus etiam vna ac sola MARIA, circa augmentandam in Angelis, & (maximè) Hominibus, DEI gloriam, cognitionem, dilectionem, fruitionem, ac possessionem, laboris, & operæ, charitatis, & curæ orationum & meritorum, substantiæ deniq; contulit, & confert; quàm vllæ, simulq; omnes creaturæ: quare illa meritò dicit. Magnificat Anima mea Dominum.

12. Ergo magnitudo DEI, glorificatioque, & exaltatio illius, relucet in MARIA plenissimè: tum quia fecit se ex illâ, & ex eius substantiâ, qui fecit illam: & nouem mensibus requieuit in tabernaculo vteri eius: tum quia illa fuit omnibus modis, numerisq; absolutissima Imago DEI, maximarumq; perfectionum eius: ita vt eâ solâ cognitâ, amplius perfectiusq; cognoscatur DEVS, quàm cognitis omnibus reliquis creaturis: tum quia sola MARIA ad operationem, executionemq; salutis humanæ, ad Beatificationem quoq; omnis rationalis creaturæ, ad conuersionem, & reconciliationem cum DEO peccatorum, ad justificationem electorum, ad solatium & liberationem ex purgatorio Animarum, ad DEI à Creaturâ suâ beatificam possessionem, atq; glorificationem, plus contulit, & confert jugiter, quàm vllæ Creaturæ: tum denique, quia dum nos, vel amamus, exaltamusq; MARIAM, vel pro eâ, in eâque DEVM exaltamus, vel pro collatis in illam a DEO ineffabilibus, soloq; DEO inferioribus, ac solâ DEI Matre dignis, DEIq; maternitati congruis gratijs, DEO gratias agimus: vel virtutem eius quamcumq; amando imitatur, imitandoue amamus: vel gloriam eius, cultum, venerationem, amorem, notitiam, imitationem in alios propagamus, vel eius laboribus, obsequijs, compassionibus, cæterisq; erga suum Filium in hac vitâ obitis ministerijs, honorem habemus: vel gloriæ ipsius, potestatiq; ac maiestati, quâ super omnes in cælo, & terrâ, præeminet,

258 *Exerc. VI. Quod per P. P. maxime DEVS magnific:*

adgaudemus, & applaudimus: vel ad illam, perq; illam, ad DEVM, in necessitatibus nostris, externis, internis, temporali- bus, aut æternis confugimus, opemq; eius exposcimus: dum inquam hæc erga MARIAM, vnā, & solā, obsequia peragimus; plus DEVM exaltamus, & magnificamus: quā cum similibus officiis, erga quoscumq; alios, aut erga omnes simul electos, proximos, & nostros defungimur.

13. Sicut MARIA amando DEVM, solā, & vnā, amore suo DEVM exaltauit magnificauitq; plus quā omnes reliquæ creaturæ simul, vniuersis amoribus suis, DEVM & amant, & exaltant; Ita & nos, si solā, & vnā MARIAM, inq; vnā, & solā MARIAM, DEVM amamus; plus hoc solo Amore solius MARIÆ, DEVM diligimus, & magnificamus; quā si eundem omnium simul sanctorum, creaturarumq; amoribus amemus. Sicut MARIA, suā vnus erga DEVM, ac propter DEVM humilitate, plus extulit, magnificauitq; DEVM, quā creaturæ omnes, omnibus suis propter DEVM, & coram DEO humilitatibus: ita nos humilitatem solius MARIÆ amando, & imitando, illamq; DEO propter MARIAM, & per MARIAM exhibendo, ampliū DEVM exaltamus, magnificamusq;: & cor tam eius, quā Matris eius exhibitione talis humilitatis exhilaramus: quā si omnium reliquarum creaturarum humilitates amarem, amularem, DEOq; exhiberemus. Atq; idem esto iudicium de reliquarum MARIÆ virtutum, & in se, & erga DEVM amplitudine, & a nobis amore, & æmulatione, diuinoq; gustui exhibitione.

14. Ex his satis edificare possumus: quantum DEO pro MARIA, vnā licet, solāq; debemus: quantum in eius vnus, soliusq; cognitione, amore, imitatione, occupari, proficere, conuiescere debemus: quantum eius vnus soliusq; laudibus incumbere, in agendas gratias effundi; quantum illam, & propter eius coram DEO excellentiam, & propter Dei per ipsam, & ab ipsā magnificationem, amare, exultare, gratulari, complacere, complectiq; me-

Ex
merito
tisq; nost
nere de be

O Ma
mag
te in illo
amplius
cunq; q
lor, gran
magnifi
& a DE
pero: v
cogniti
fruitione
his quos
tione m
bunt) se
tio: atq;
omniun
magnifi
lium tu
gnificati
& quā
gnificas
Anima

Quod

ST

Exerc: VI. Quod per P. P. maximè DEVS magnific: 259
meritò tenemur: quantum deniq; in illâ; spei, fiduciæ, securita-
tisq; nostræ, post Filium eius DEVM, collocare, & inconcussè te-
nere debemus.

P R A X I S.

O Magnificatrix, & ipsissima Magnificentia DEI MARIA: cuius
magnificatione, siue quâ ille te, siue quâ tu illum, siue quâ
te in illo nos, siue quâ in te nos ipsum magnificamus, plus, &
amplius, & dignius, ille magnificatur, quàm magnificatione qua-
cunq; quarumcunq; reliquarum creaturarum. Gratulor, gratu-
lor, gratulor tibi, toto me, totam istam DEI in te, tuam in DEO
magnificationem, atq; magnificentiam. Desidero, simulq; à Te,
& à DEO per Te, submississimè, reuerentissimè, & anhelosissimè
peto: vt me quam perfectissimâ Tui, & per Te DEI, adimpleas
cognitione, dilectione, æstimatione, exaltatione, imitatione,
fruitione. Da mihi: vt ad instar Tui, ego etiam (cum omnibus
his quos ego in te, quos tu in me, qui me ratione tui, qui Te ra-
tione mei, singulariter appretiare gaudent, aut vnquam gaude-
bunt) semper, vbique, toto me; siam tua, siam DEI, magnifica-
tio: atq; magnificentia. Magnificem te, & DEVM, magnificatione
omnium Creaturarum. Magnificem te, & DEVM, Filium tuum
magnificatione quâ te DEVS Filius vt Matrem, & quâ tu DEVM Fi-
lium tuum, vt Mater magnificas. Magnificem te, & DEVM, ma-
gnificatione quâ te Sanctissima Trinitas vnus DEVS magnificat:
& quâ tu vicissim Sanctissimam Trinitatem, vnum DEVM, ma-
gnificas, vt semper tuo spiritu, tibi, & tecum cantem; Magnificat
Anima mea Dominum.

E X E R C I T I V M VII.

*Quèd DEVS plus amet solam Mariam, quàm totam Eccle-
siam, rerumq; vniuersitatem, seclusâ MARIA.*

1. **S**tatue te coram pretiosissimâ Parente Virgine MARIA.

Kk 2

2. Ex-

260 *Exerc: VII. Quod DEVS plus amet solam Mariam, &c.*

2. Expende: plus a DEO solam, vnamq; MARIAM diligere, quam totam vel Ecclesiam, vel etiam creaturam; seclusa ex eius numero ipsa Virgine Matre MARIA.

1. Quia maiori eam donauit, ornauitq; gratiae sanctificantis abundantia, quam omnes simul collectos Angelos, atq; homines. Creaturae expertes rationis hic locum non habent, ob incapacitatem suam.

2. Quia eidem Virgini MARIAE praestantiùs, singulariùs, plenius sese communicauit DEVS, quam omnibus simul sumptis creaturis. Etenim ei communicauit praeter dona gratiae, etiam substantiam, entitatem, Personamq; suam diuinam: & quidem in filiationem, seu in Filium: faciens se concipi in eius utero, ex eius selecto sanguine; habitans intra eius intemerata videra nouem mensibus, omnibusq; eius maternis obsequijs, tam ante Natiuitatem, quam post eandem, fatus, nutritus, lactatus, educatus. Ex quo, MARIA insigne & nulli creaturae communicabile Nomen hereditauit. Cui enim Angelorum, aut Hominum dicitur DEVS, Mater mea es Tu: aut quae creatura dicit DEO: Filius meus es Tu. Ego genui Te.

3. Quia eiusdem MARIAE Virginis redemptio primum, & primariè, praecipueque, ac plus, magisque, disposita, ac intenta à DEO fuit, quam omnium reliquorum simul sumptorum hominum. Estq; MARIA principalis, & maior fructus Redemptionis Christi, quam totum genus humanum: ac si alterutrius tantum Redemptio Christo fuisset proposita curanda; vel scilicet solius MARIAE sine cæteris hominibus, vel cæterorum hominum tantum absq; MARIA; praelegisset Christus solam MARIAM redimere: cæteros autem homines negligere. Propter quod MARIA, est princeps redemptionis, & redemptorum a Christo, tanquam à Filio; & eadem plus ex Christi Filij sui meritis, gratiae, donorumq; hausit, quam reliqui omnes simul homines, ac etiam Angeli. Imò vero MARIA est, per quam Redemptionis fructus in cæteros homi-

Exerc: V
mines di
MARIAM

4. Qu
fuit, totu
tius, om
quidquid
filij vn
MARIAM

5. O
uersa a
quos o
caciùs:
los, &
niare:
humor
fufq; ad
mari ex
symbol

6. Q
fibus d
sua Pass
nostrae
tur; tun
cruce a
confut
ebibitu
titatis
neris c
interm
sua off
ret: ate
funder

Exerc. VII. Quod DEVS plus amet solam Mariam, &c. 261
mines dispensatur, atq; distribuitur. Quod quidem maioris erga
MARIAM solam amoris est signum.

4. Quia scilicet, quidquid DEVS toti Ecclesiæ suæ dare dispo-
suit, totum id in MARIAM plenariè deposuit: atq; contulit: vt to-
tius, omnisq; boni plenitudo, & quidquid spei, quidquid gratiæ,
quidquid salutis, quidquid beatitudinis est in Ecclesiâ totâ, eiusq;
filijs vniuersis, totum id redundet, defluatq; à MARIA, & per
MARIAM.

5. Ob quod etiam DEVS, plus cupit, & amat, ab Ecclesiâ vni-
uersâ amari, coli, inuocari, vnam, solamq; MARIAM, quam reli-
quos omnes Angelos, Hominesq; sanctos, gratiosiusque, & effi-
caciùs ad se per illam recurri, quam per omnes reliquos & Ange-
los, & Homines. Sicut idem DEVS vniuersas aquas collegit in
mare: indeq; aquæ per vniuersam terram dispartuntur, & omni
humore necessario, abundantius recreantur, ac fecundantur, rur-
susq; ad mare refluunt: iuxta illud Scripturæ; omnia flumina ex
mari exeunt, & in mare redeunt, & mare non redundat: quod
symbolico sensu, verissimè de MARIA DEI Matre dicitur.

6. Quia cum Dominus noster Redemptor, giganteis suis pas-
sibus decurreret, expansisq; Charitatis suæ velis, per Oceanum
suæ Passionis, ad consummandum cursum, incedendumq; portum
nostræ per mortem in cruce redemptionis, iam iam inuehere-
tur; tumq; & inimicos, ac blasphemos excusaret; & latronem de
cruce ad Paradysum, primitias fructuum Patri suo ablegaret: &
consummato calice passionis, extremam etiam mortis faciem
ebibiturus esset; stitit tamen rapidissimum illum omnem Cha-
ritatis suæ in Redemptionem, & reconciliationem humani ge-
neris cum DEO, cursum: eumq; tantisper interrupit, atq; agere
intermisit: ideo solùm, vt MARIÆ Matri vltimum filialis pietatis
suæ officium persolueret: eiusq; curam Ioanni discipulo trade-
ret: atq; suum filialem affectum, in ipsum, gratiâ MARIÆ trans-
funderet, dicens: Ecce Mater tua: & Matri: Ecce filius tuus. In

262 *Exerc: VII. Quod DEVS plus amet solam Mariam, &c.*
 quo suo opere maius fecit miraculum Dominus, maioremq; vio-
 lentiam suæ Redemptoriæ, salutemq; nostram operari Charitati
 acceleranti, intulit: quam est illata vis celorum cursui, tunc;
 quando sol contra Gabaa, & Luna, contra Aialon decurrere
 prohibiti sunt, aut quando decem lineis, seu gradibus iam de-
 cursis, retrogredi idem sol iussus est.

7. Quia in nullâ Creaturâ, neque etiam Vniuersâ simul, tan-
 tum (vt sic dicam) Maiestati suæ condignitatis, tantum Cordi
 suo delectationis, tantum Animi suo redamationis, tantum
 Diuitijs suis Opulentia immentæ augmenti, tantum Operibus
 suis requiei, tantum thesauris suis securitatis, reperit, obtinuitq;
 DEVS; quantum in vnâ solâque Virgine Matre suâ Mariâ. Re-
 ctissimè & iustissimè dicebat MARIA, habens jam intra viscera
 sua Sapientiam Æternam Incarnatam: Venerunt mihi omnia
 bona pariter cum illâ. Itemque illud meritissimè, beatificanti
 se Elizabethæ reposuit: Magnificat Anima mea Dominum: quia
 fecit mihi Magna, qui Potens est, &c. Verum etiam Verbum
 Incarnatum suo pariter modo dicere potuit, posteaquam à Vir-
 gine Verbum Caro factum est; Venerunt mihi omnia bona pa-
 riter cum Matre Virgine: & Magnificat Anima mea Matrem
 meam, quia fecit mihi magna: ex quo à Spiritu superuenta; &
 Virtute Altissimi obumbrata est. Ex Mariâ enim Virgine, acce-
 pit Carnem suam, totamque Humanitatem, atque adeo etiam
 Vnionem Hypostaticam: quia etsi totus non est de Virgine, si-
 cut neque totus est de DEO; Totus tamen sicut DEI, ita & Vir-
 ginis est Christus. Accepit ergo ex Mariâ se DEVM Hominem,
 se Filium DEI, se Filium Hominis: accepit ex eâ, & ab eâ puris-
 simam, & (vt quidam Sanctorum audet) Verbi spirantem parti-
 culam: accepit de Homine Humanitatem, de Virgine Virgini-
 tatem, de Matre sine Patre, filiationem: Prodiit de Mundâ Mun-
 dus, de Immaculatâ immaculatus, de Regia stirpe accepit Re-
 gum genus, de genere Sacerdotali, stirpem Sacerdotalem Aâro-
 ni-

Exerc: VIII. Quod DEVS plus amet solam Mariam, &c.
 nicam;
 Pauperem;
 de gratia
 Victor,
 omnis G
 Ordinat
 rimus lig
 petu vno
 more tu
 aturis, f
 8. Po
 Matrem
 diligit
 effecta,
 etiam A
 diligit e
 1. An
 eam: cu
 est: hab
 stantiale
 sit; indu
 fertim in
 stum:) c
 tre temp
 liale, s
 ginem lu
 lij erga
 mirabili
 Filijque
 strione,
 quadam
 David v

Exerc: VII. Quod DEVS plus amet solam Mariam, &c. 263

nicam; de Humillimâ natus est humillimus, de Pauperrimâ Pauperculus, de Obediente obedientissimus de Ancillâ seruus, de gratiâ plenâ, gratiâ plenus, inq̃ Gratia plenitudo, de Victrice Victor, de Gloriosâ triumphatrice triumphator gloriosus, & omnis Gloriæ Rex. Denique de Terribili sicut Castrorumacies Ordinata, fortissimus armatus David prodijt: tanquam tenerimus ligni vermiculus, qui infinitos prostravit, interfecitq; impetu vno. Ergo meritò DEVS vnâ solamq̃ MARIAM, in amore suo, præfert toti Ecclesiæ separatæ à Mariâ: omnibusq; Creaturis, simul licet acceptis, à Mariâ autem seiunctis.

8. Porro DEVS, MARIÆ Filius, triplici Amore amat MARIAM Matrem suam. Excepto enim amore illo vniuersali, quo DEVS diligit omnia opera suarum manuum, tanquam suæ bonitatis effecta, tanquam perfectionis suæ imagines, & imitationes, quo etiam Amore diligit DEVS, MARIÆ Filius eandem: præter hoc diligit eam;

1. Amore naturali, tanquam Filius Matrem, dilexit & diligit eam: cuius non solum Consanguineus, sed etiam ipse Sanguis est: habetq̃ fundamentum amandi, naturalem Originem substantialem: quod fundamentum immobile, & immutabile cum sit; inducit etiam amorem, atque amicitiam eiusmodi: & præfertim in Christo erga Matrem: (sicuti etiam in Matre erga Christum:) quia Christus solus dumtaxat MARIÆ filius fuit, sine Patre temporali, vnde necesse non habuit partiri amorem suum Filialem, sed totum soli Matri, impendit: sicut & solam illam, Originem sui esse Theandrici habuit. Accessit ad hunc amorem Filij erga Matrem conciliandum, fouendum, augendumq̃ admirabilis, & planè ineffabilis similitudo Matris illius cum Filio, Filijq̃ vicissim cum Matre: in corporis, morumq̃ compositione, suauitate, gratiositate, pulchritudine, decoro, & cælesti quadam specie, ac elegantia: sicut enim de Filio isto MARIÆ dixit David verissimè; Speciosus formâ præ filijs hominum, diuina est

264 *Exerc: VII. Quod DEVS plus amet solam Mariam, &c.*
est gratia in labijs tuis; ita id ipsum de hac Beatissimâ Matre, plenissimâ veritate dici meritò potuit: vt pote, cuius ad instar Filius formatus fuerat, eiusque Speciositatem in se transfulerat. Addi etiam potest, imò debet: quòd inter hunc Filium atque eius Matrem, fuit semper suauissimus conuictus, affectuosissima mutuorum obsequiorum, & officiorum communicatio, atque concertatio: quæ mirificè Amorem filij excitans, Matrem super omnes Creaturas amare faciebat. Neque faciebat solùm, sed etiam facit, facietque in æternum. Siquidem eadem amandi causæ permansuræ sunt in æternùm.

2. Amavit Christus DEVS Matrem suam amore item Naturali acquisito, qui ad naturalem illum innatum accessit. Nam si Dominus noster inter nos viuens, amavit (prout Euangelio teste scimus) hoc acquisito amore, Ioannem, Magdalenam, Martiam, Lazarum, Adolescentem illum quem ad sui sequelam inuitauit; amavit discipulos suos; quomodo non infinities impensius Amore flagrauit erga suam Matrem, cuius (vt alia formatione, ysq̃ue ad Vitæ finem quidem, sed per annos triginta integros conuictu, cohabitatione, comitatu, obsequijsque quotidianis, imò perpetuis ysus est: Et cuius superamabili conuersatione, conspectuq; omnem molestiam (quam ex aliorum hominum, omnium sanè, qui tunc vivebant, at maximè ex Vicinorum, populorumque suorum, rudi, moroso, exoso, indignitatumque, ac ingratitude pleno, conuictu, conspectu, ceteroque commercio hauriebat, eaque mirum in modum, sanctissimus illius Animus cruciabatur) abstergebat, & alleuiabat.

3. Amavit Dominus IESVS, DEVS Homo Matrem suam Amore supernaturali, eoque ita eleuato, ita ardenti, ita appretiatiuo; ita summo, & pleno, vt non solùm omnium Creaturarum amorem in eo euinceret, sed solo suo amore, quo Patrem æternum, & quo semetipsum Hominem DEVM amabat, minorem
cum

Exerc: V
eum hab
Dei in M
stimare,
bere erg
erga se h
Ob quod
cinuit;
cula lac
rum acti
Ecce en

4. V
que M
quàm
seorsim

5. O
Homin
plus ver
sefe tota
us soliu
ac mino

6. O
sui Mat
eius am
hoc en
re (am
hoc vt
totam
atque
nec sit
onem,
scende
clinare

Exerc. VII. Quod DEVS plus amet solam Mariam, &c. 165

eum haberet. De cæterò, nulla Creatura mens amoris illius, Filij DEI in Matrem vehementiam, eminentiamque capere, nulla æstimare, nulla cogitare idonea est. Sed solus illum DEI Filius habere erga Matrem potuit, sola illum Mater DEI MARIA, à Filio erga se habere digna fuit, & est, eritque per omnes æternitates. Ob quod meritò illi Pater suus David congratulans in spiritu occinuit; Diligit Dominus Portas Sion, super omnia Tabernacula Iacob. Cuius illa ipsa satis conscia, atque ideo cum Gratiarum actione, gratulabunda, adgaudensque, sibi etiam occinit; Ecce enim ex hoc beatam meditent omnes generationes.

4. Verè igitur, & indubitatè DEVS plus amat vnā, solamque MARIAM Matrem suam, quā aut totam Ecclesiam, aut quā omnem penitus Creaturam collectim, sed à solā Mariā seorsim, sumptam.

5. Ob quod Meritò etiam, omnis tam Angelorum, quā Hominum Ecclesia, eandem MARIAM DEI Matrem plus amat, plus veneratur, plus exultat, quā vllam aliam rem, aut quam sese totam: per amorem & venerationem, & exaltationem, vnus solus DEI amore, veneratione, exaltationeque inferiorem, ac minorem, utpote quæ sit solo minor DEO, ac vni secunda DEO.

6. Ob hoc etiam, eadem vniuersa DEI Ecclesia, eandem DEI sui Matrem, tanto amore, & cultu, ac laude dignam putat, ut se eius amori, & cultui, & laudi, omnino imparem iudicet. Ob hoc enim illam ita & alloquitur, & precatur; dignare me, laudare (amare, venerari,) te Virgo sacrata. Quo precandi modo, hoc utique testatur vniuersa DEI Ecclesia, tantam esse, supra totam se Matris DEI eleuationem, exaltationemque Dignitatis, atque laudabilitatis; ut omni suā capacitate, & contentione, nec sit, nec esse possit condigna ad eius adæquatam exaltationem, atque laudationem: sed debeat ipsa DEI Mater condescendere in hoc, suæque Celsitudinis verticem dignanter inclinare, licentiamque Ecclesiæ aliquatenus indulgere, quā præ-

266 *Exerc: VII. Quod DEVS plus amet solam Mariam, &c.*
sumat conari aliquid in laudem Virginis Sacratæ, Matrisq; DEI
electæ, & DEO super superque dilectæ.

7. O verè stupendam MARIÆ sublimitatem, & quodam-
modo de Diuinæ sublimitatis eminentiâ participem. Sicut e-
nim, DEI nostri tanta est Dignitatis, Maiestatis, Magnitudinisq;
eminentia, vt ad eius laudes, & amores, ac superexaltationes,
tam impar sit, quam obligata: tam indigna, quam obstricta: tam
in idonea quam debitor; omnis Creata, quantumcunque su-
blimetur possibilità: sed sit Diuinæ Dignationis miraculū, quod
se à suis Creaturis cognosci, amari, laudari, obsequijsque coli
sinat: Ita & Mater DEI & Virgo sacrata MARIA, sic est in suâ Ma-
ternalī Dignitate super omnem Ecclesiam, superque omnem
Creaturarum vniuersitatem, vt eam amari, coli, laudarique, de-
putandum sit ipsius MARIÆ dignationi, atque beneficæ indul-
gentiæ: possitq; accomodari MARIÆ illud, quod de DEO princi-
paliter dictum est.; Glorificantes DEI Matrem quantumcunque
potueritis, superualebit enim adhuc: & admirabilis magnificen-
tia eius. Benedicentes, exaltate illam, quantum potestis. Maior
est enim omni laude.

8. Siue ergo amare, siue colere, siue laudare, siue inuocare,
siue concupiscere, siue appretiare, siue imitari, siue prædicare
voles MARIAM, quisquis voles: agnosce, & reputa illam subli-
miorem omnibus, ad amandum colendum, laudandum, &c,
conatibus, propositis, debitisq; tuis: ac ideo illam quocunque
obsequio prosequuturus, tuo, totiusq; Ecclesiæ, quin & vniuer-
sæ creaturæ nomine, deuotus, & humiliatus præmitte; Dignare
me, laudare te, Mater DEI, & Virgo, super omnes DEO dilecta, su-
per omnes DEO sacrata, super omnes DEO digna.

P R A X I S.

PRetiosissima, atq; super omnes creaturas dilecta DEO, DEI
Mater, ac Virgo Sacrata MARIA: agnosco, & confiteor, me,
omnemq;

Exerc: VII. Quod DEVS plus amet solam Mariam, &c. 267
omnemq; DEI Ecclesiam, quin & creaturam DEI vniuersam, non
tantum imparem, sed etiam indignam amare, laudare, honorare
te: propterea & meo, & totius Ecclesiæ, & vniuersæ Creaturæ
Nomine, & debito, & affectu, & spiritu, conatuq; deuotissimo,
supplex clamo ad te; Dignare me, amare te, laudare te, exalta-
re te, honorificare te, omnibus, tibi licet imparibus, debitis ta-
men atq; placitis obsequijs demereri Te: laudibusque, & obse-
quijs tuis impendi: atq; immori: propter Te, propterq; Filium
tuum, DEVM meum, omniumq; nostrum, ô Virgo sacrata, ô
Virgo Mater electa, ô Virgo & Mater DEI,
Amen.





EXERCITIORVM

PARS XI.

ERGA

Sanctos Angelos.

EXERCITIUM I.

De Naturâ, Gratiâ, Gloriâ, Studijs, Operibusq; SS. Angelorum.

1. **S**tatue te coram Sanctis Angelis, eorumq; Ordinibus vniuersis, quos nouem Sacra Scriptura memorat, & Ecclesia Christiana Catholica veneratur. Sunt autem, Angeli, Archangeli, Virtutes, Principatûs, Potestates, Dominationes, Throni, Cherubini, Seraphini.
2. Expende eorum Naturam, Gratiam, Gloriam, Opera, & occupationes, seu ministeria, numerum denique.
3. Natura SS. Angelorum omnium est, esse Creaturas omnis Materiæ, materialisq; concretionis, compositionis, ac ideo etiam corruptionis expertes. Sunt naturâ suæ conditionis, puri Spiritûs, puræq; Substantiæ, ac Mentes, Intelligentiæque, seu intellectuales, & intelligentes, omnia, per suam ipsorum substantiam, aut etiam per concreatas indirasq; sibi ab autore naturæ rerum cognoscibilem species, juxta cuiusq; ordinis in naturâ gradum perfectiorem, & ipsas quoq; perfectiores, atque ideo pauciores, & simplices. Sunt naturæ repletæ Sapientiâ, Scientiâ, Prudentia, Iustitiâ, ac rectitudine, Potentiâ, & fortitudine, subtilitate, ac pernecitate velocissimâ, quibus materiale nihil obstat;

vno

Exer

vno verb

4. Gra

ctiioni ad

men: in

men pro

& fidelis

mox in C

mati, ac

Est ergo

DEI su

suæ mo

esse. It

tione I

obligat

bedient

studio,

incessab

tionis D

eorum

ne DEI.

tione; s

DEVM.

5. Gl

titudin

nis DEI.

lestis, p

visioni

tutina

cessatio

nantes,

nus DE

6. M

Exerc: I. De Naturâ, Gratiâ, Gloriâ, Operibus, &c. 269

vno verbo, omni naturali perfectione ornatuq; præcellentes.

M 4. Gratia, seu sanctitas Angelorum est naturali cuiusq; perfectioni admensa: esto supernaturalis sit, & infusa, concreata tamen: in quâ etsi ab initio confirmati non fuere; vbi primum tamen pro honore, & obedientiâ DEI, contra Luciferum steterê, & fidelitatem, subiectionemq; suam DEO debitam probauêre, mox in Gratiâ & sanctitate, amicitiaque diuinâ æternum confirmati, ac beatificâ Gloriâ, fruitioneq; DEI intuitiuâ potiti sunt. Est ergo Gratia Angelorum; Sanctitatis, & Iustitiæ, & Amicitiaæ DEI supernaturalis plenitudine, perfectio, & adæquato naturæ suæ modo, donatos, ornatos, repletos, atq; in hoc confirmatos esse. Itaq; Angeli Sancti, pro suo quisq; gradu, excellunt cognitione DEI supernaturali, excellunt notitiâ omnis suæ erga DEVM obligationis: excellunt submissione, humilitate, reuerentiâ, obedientiâ, exaltatione, laude, deuotione erga DEVM; excellunt studio, & affectu, & conatu, effectuque, maximâ, viscerosissimâ, incessabilis, infatigabilis, insatiabilisq; exaltationis, & glorificationis DEI, & jubilationis, admirationisq; super omni, omnem eorum captum superexcedente Maiestate, Dignitate, Perfectione DEI. Super omnia verò excellunt, amore, dilectione, æstimatione; superlacione, charitate, charitatisq; consummatione erga DEVM.

5. Gloria Angelorum Sanctorum est: esse primogenitos Beatitudinis consummataæ, primitias vitæ æternæ: Primos adoptionis DEI filios, primosq; domesticos, ac Ciues DEI, & ciuitatis cælestis, primos fructus beatæ æternitatis, possessionis, fruitionis, visionis, hereditationisq; Diuinæ. Illi sunt Astra prima, seu Matulina DEVM laudantia: & jubilantes coram eo filij: nescientes cessationem, ac silentium glorificationis, atq; laudis, sed resonantes, repetentesq; semper, Sanctus, Sanctus, Sanctus, Dominus DEVS noster.

6. Ministeria, exercitia, operationesq; SS. Angelorum sunt, Bea-

270 *Exerc: I. De Naturâ, Gratiâ, Gloriâ, Operibus, &c.*

Beatos esse DEO, hoc est: 1. DEVM beatificè & intuitivè revelatâ facie ad faciem videre, eodemq; beatificè frui, gaudere, glorificari, eundemq; glorificare, ac possidere, laudare, ac supersuperq; exaltare. 2. DEVM Hominem Christum IESVM scire, exaltare, amare, venerari, & de eo exultare, illi ministrare, eum adorare, eius gloriæ cooperari, ac merita in fructum hominum deducere, fidem, legem, virtutes, Sacramenta, potissimum Eucharistiæ, Ecclesiamq; illius protegere, ac propagare. 3. Pretiosissimam Verbi Incarnati, seu DEI Hominis, Matrem Virginem, colere, magnificare, exaltare, eidemque obsequi, & congaudere. 4. Omnes qui ex hominibus sunt electi, & specialiter qui iam beati sunt, fraternè, & tenerrimè amare, eos ad salutem deducere, media providere, & offerre, impedimenta verò subducere, aut ne in eis cadant confirmare, conservareq;. 5. Omnes homines per hanc mortalem vitam custodire, in omnibus vijs eorum, salutis eorum bonum ex DEI nutu procurare, & promovere, potestates dæmoniacas refrenare. 6. De Gloriâ ac Beatitudine, tam suâ, quam hominum exultare, congratulari, DEVMq; exaltare, & gratias agere. 7. Partibus vniuersi tam supernis, quam inferioribus, Regnis item, populis, & Regibus, & Urbibus, alijsq; locis, ac ministerijs in bonum vniuersi totius, ac specialiter, hominum, specialissimè electorum, gubernandis inuigilare, & præesse. 8. Animas purgatorij reuifere, solari, earum auxilia sedulò procurare, deferre, ac tandem purgatas eximere pænis, cælo inferere, DEO, Christoq; præsentare, ac suis quamq; Beatitudinis sedibus reddere. 9. Agonizantibus hîc hominibus adesse, & migrantibus è Corpore coram DEO iudice assistere: accusantiumq; dæmonum rabiem coercere. 10. Diabolicas vires, nequitias, tentationes compescere, atq; contundere.

7. Numerus Angelorum innumerabilis, ac soli DEO cognitus est: omnium materialium sublunarium numerum excedens, atq; vincens. Teste Domino nostro IESV Christo, numerus Angelorum

Exerc

rum ad n
Angelo
lium con
sunt res p
quò aute
tur oppo
qui rime
sunt Ang
norum
quam re
mirum s
Angelis
perfecti
mè con
nus subl
quod pro
8. Gr
gratular
adspira:
meque f
etiam lo

P Ater
Cre
Naturæ
osdem i
tificant
ram te i
& Hono
onem,
homuli

Exerc: I. De Naturâ, Gratiâ, Gloriâ, Operibus, &c. 271

rum ad numerum Hominum est, sicut 99. ad vnum: In numero Angelorum illud est mirabile valde, & numero rerum materialium contrarium: In rebus enim materialibus sublunaribus, quò sunt res perfectiores naturâ, eò sunt ferme rariores & pauciores: quò autem viliores, eò magis multiplicatæ: at in Angelis creditur oppositum esse: quo inferiores sunt eò pauciores numero: qui tamen sunt omnibus hominibus longè plures: quò autem sunt Angeli superiores, eò sunt numero plures. Itaq; Seraphinorum multitudo maior est quam Cherubinorum, imò fortè quàm reliquorum omnium ordinum Angelicorum. Decbat nimirum DEI potentiam, pari passu cum Bonitate & Perfectione in Angelis sanctis procedere: & hos numero plures condere, quos perfectiores, & ad perfectiora maiestatis suæ obsequia liberalissimè condidisset. Nullum verò est Angelicorum Spirituum munus sublimius, quàm esse substantias in Amorem DEI creatas: quod proprium est Seraphinorū, vnde etiam nomen sortiuntur,

8. Gratulare Sanctis Angelis, bona Naturæ, Gratiæ, Gloriæ, gratulare Ministeria, & opera eorum: ad communionem eorum adspira: Officia, & studia etiam, tibi pro posse appropriata: maximeque familiaria & assidua tibi facere contende: vsque dum eis etiam loco coniunctus eorum numerū adaugeas in Beatitudine.

P R A X I S.

Pater Spirituum, & conditor Angelorum DEVS. Tu initio Creaturæ, Spiritus incorporeos, immortales, omnibusque Naturæ intellectualis dotibus, ac bonis præditos condidisti: eosdem simul, iuxta naturæ cuiusque perfectionem, etiam Sanctificantis, Gratiæ, Virtutumque congruarum, ornamentis coram te sublimasti: ac posteaquam eos Tibi fideles in Obedientiâ & Honore amoreque tuo cognouisses, ad Beatificam tui Visionem, fruitionem, possessionemque, eosdem euexisti. Te nos homuli viles, pro hac tuæ bonitatis in Sanctos adeò munificâ
pro

272 *Exerc. II. De Sanctis Angelis, Archangelis, Virtutibus.*

profusione glorificamus, exaltamus, atque gratiarum actione omnimodâ prosequimur: simul verò omnibus hisce Sanctis Angelis tuis, beatissimam omni ex parte conditionem gratulamur, & adgaudemus: per eorundem pijsimam apud Te pro nobis intercessionem, fiducialiter abs te postulantes, vt nos seruos tuos, primùm quidem in hac mortali, miserâ vitâ, deinde verò in illâ beatissimi Regni tui gloriâ, Angelis tuis sociare, adæquare, eorum nos officijs, & studijs, & ministerijs, tum iuari, tum exerceri incessabiliter, infatigabiliter, & ampliùs, ampliùsque semper inhærere concedas, jubeas, & facias. Da nobis Domine, te hic per fidem, & Sapientiam cognoscere: In Cælo autem tui beatifica Visione perfrui. Da nobis DEVM Hominem, IESVM Christum, Filium tuum, Dominum nostrum agnoscere credere, predicare, exaltare, de eo exultare, eius glorię quàm efficacissimè cooperari, ac deferuire. Da nobis Pretiosissimam DEI Matrem Virginem incessabili pietate ac deuotione Magnificare, &c.

EXERCITIUM II.

De Sanctis Angelis, Archangelis, Virtutibus.

1. **S**Tatue te coram omnibus & singulis Angelicorũ Spirituum Ordinibus: qui cùm sint veluti quædam Imagines DEI viuæque, ac præstantia Exemplaria, altissimas DEI perfectiones representantia, ex eorum cognitione, atq; consideratione, ipsorum etiam cultum ac venerationem te excita.

2. Præsertim; quia fratres nostri, & quidem Nati, seu Creatione maiores, atque priores nobis sunt, omnes quoq; (dicente Apostolo) administratorij spiritûs, missi in Ministerium propter eos, quĩ hereditatem capiunt salutis: vnde & Mandatum habent de nobis, vt custodiant nos in omnibus vijs nostris. De quâ re inferiùs considerabitur.

3. Nunc vnus Hierarchiæ, seu trium Ordinum Angelicorum
ex-

Exerc. II. De Sanctis Angelis, Archangelis, Virtutibus. 273

expende proprietates atque perfectiones, per quas DEVS in eis elucet: & ipsi DEVM effigunt.

ANGELI: sunt ideæ & Exemplaria ac Imagines, pijsimæ illius quæ in DEO est benignitatis, ac benignissimæ pietatis: quia DEVS Creaturas suas, maximè rationales, fouet, protegit, defendit, sustentat, condescendit, ad se pellicit, apud se detinet, libenter, & amabilissimè, vt in iustis, atque peccatoribus hominibus præcipuè dilucescit.

Quod si pios, mites, benignosq; homines intueri, suauissimum est: quid tandem est suauitatis, spectare, & conuiuere tot ipsius DEI (vt sic dicam) Pietatibus, Benignitatibusq; quot sunt Spiritûs in Ordine Angelorum? Et; si tanta est in vno Angelo, (quantum quilibet nostrorum in suo Angelo Custode experitur) Pietas, quæ fidem, & captum hominis excedit, quanta est tandem in DEO ipso, cuius Pietatem, Benignitatemque, Angeli omnes & singuli, aliter, aliterq; repræsentant; vix tamen aliquotam eius partem repræsentant; sed infinitum adhuc superest repræsentandum.

Disce & tu, per Animam tuam, moresq; tuos, repræsentare Pietatem DEI: imitando in eâ Angelos: assumendo tibi pro ideâ pietatem Angeli tui custodis in te; Postquam tuâ in alios proximos tuos benignitate, (erga inferiores, æquales, superiores) Angeli benignitatem expresseris; tunc atomum diuinæ benignitatis, pietatisq; fueris affecutus.

O DEVS, qui Angelos Sanctos condidisti, & eos supereffluentia Pietatis, Benignitatisq; tuæ adimplesti, benedicant te omnes Angeli tui, & benedicta sit Pietas tua in æternum.

ARCHANGELI: sunt Imagines augustissimæ maiestatis, autoritatis, gravitatisq; Diuinæ: quâ DEVS omnia cum autoritate, & plenè potestatem plenissimam habens, operatur. Sunt Archangeli quasi maior quidam DEI Senatus: altioresq; & intimiores Secretarij, ad grauiora negotia deputari soliti.

M m

Quod.

274 *Exerc: II. De SS. Angelis, Archangelis. Virtutibus,*

Quodsi augustum quiddam eminet in vno graui Senatore, vel in vno Senatorio confessu: quid putamus elucere maiestatis, in illo Archangelico Senatu, quorum quilibet repræsentat maiestatem, autoritatem DEI grauissimam, grauissimè, atque augustissimè?

Ac si tanta est in vno Archangelo Maiestas, quanta putas est in omnibus? quanta porrò in ipso DEO, cuius Maiestatis vix aliquotam partem omnes Archangeli repræsentant?

Apprehende prout condignissimè potes, DEI admirandam maiestatem: vt eam vbiq; reucrearis, in omni opere tuo, quàm profundissimè: sed maximè quando assistis DEO in Oratione, aut Missæ Sacrificio: aut quando cum his qui vicem DEI gerunt tractas.

O DEVS, coram quo Sancti Archangeli adstant, cum ineffabili reuerentiâ semper: benedictus sis in eis: & benedicant te omnes illi, & benedicta sit vniuersa maiestas, grauitas, autoritasque tua in æternûm.

VIRTUTES: sunt imagines Virtutis efficacitatisque, nec non excessiuitatis DEI, mirabilium, & extraordinariorum operum, effectuumq; operatricis: omnem non solum naturalis, sed etiam supernaturalis communis ordinis modum excedere, ac immutare præualentis. Elucescit enim in Virtutibus, vis illa DEI emnens, ac supereminens, quâ potest DEVS omnia, quæ nobis miracula sunt, efficere facillimè, & solo voluntatis suæ nutu. Itaq; Virtutes repræsentant DEI virtutem miraculorum opificem.

Quodsi miracula miramur non tantum Diuina, sed etiam humana, naturæ scilicet, vel artis; quantus est stupor, tot illos Artifices Diuinos videre, tot Diuinæ artificiositatis, & quidem miraculosæ imagines, & specula intueri, ad hoc à Diuinâ Sapientiâ, & Virtute condita, vt ingeniosa, mira, stupenda, supernaturalia, miraculosaq; opera, & efficiant, & diuinam horum operatricem vim, virtutemq; repræsentent?

Quis enarrabit ingenia illa, Artes, operaque Virtutum istarum?

Exe
rum? ac
stupenda
no, font
Conflu
tuti Diu
spem co
potes, p
faciemu
fortat:
O Sp
benedi
mine V

De
i. Sta
Sch
tiones:
sentent
PRIN
est Prin
quentes
Princip
Quo
marq;
cipatur
gulis,
sed ali
tura,
Princi
quoda
ineffab

Exerc. II. De SS. Angelis, Archangelis, Virtutibus. 275

rum? ac, si tanta est in vnico huius ordinis Spiritu vis, ad opera stupenda patranda; si tanta in omnibus; quanta est in ipso Oceano, fontaliq̃ue, & abyssali mari Virtutum DEO?

Consuesce, considerare opera DEI, & expauescere, & Virtuti Diuinæ non detrahere, nec diffidere: consuesce potius in spem contra spem fidere, & heroica opera, cū minimè per te potes, per DEVM aggredi, deq̃; DEO præsumendo dicere: In DEO faciemus Virtutem: etenim omnia possum in eo, qui me confortat: & ipse ad nihilum rediget inimicos nostros.

O Spiritus potentes Virtute, ad faciendum DEI verbum, benedicite DEVM, quia ille Dominus Virtutum est. Et Tu Domine Virtutum, sis benedictus in Virtutibus tuis, in æternū.

EXERCITIUM III.

De SS. Principatibus, Potestatibus, Dominationibus.

I. **S**Tatue te coram secundâ Sanctorum Angelorum Hierarchiâ, quâ continentur Principatus, Potestates, ac Dominationes: in eisq̃; dispice, quæ, & quantæ DEI perfectiones repræsententur.

PRINCIPATVS: sunt Imagines originationis Diuinæ: quâ DEVS est Principium, omnis entitatis, rerumq̃; omnium origo: consequenter est omnium rerum Primus, & Princeps. Igitur Sancti Principatus seipsis repræsentant hanc DEI perfectionem.

Quod si vnus aut alterius rei miramur principia; scrutamurq̃; auidissimè causas primas; quàm erit admirabile, tot Principatus, tot Principes, tot principiationes videre: è quibus singulis, omnibusq̃ue, ille DEI principatus, vnus quidem, ac idem, sed alio, atque alio modo repræsentatur, ita vt omnium sit natura, & conatus, ostendere seipso, DEVM esse Principium, & Principem rerum omnium: Alpha, & Omega: idq̃; alio, & alio quodam ostendendi modo. Quæ res est omnino admirationis ineffabilis; sicuti etiam illa ratio, quâ DEVS est omnium rerum

276 *Exerc: III. De SS. Principalibus, Potestatibus, Domin:*
Principium, est omnino inexhausta, & nullatenus explicanda :
nullatenus à tot licet Principatibus plenè repræsentanda.

Si vnum aliquod rei cuiuspiam Principium nosse, tam magnum, & ambitiosum est apud homines, etiam sapientes; vt hæc cognitio ad Sapientiam potissimum pertinere putetur: quantum erit tot Principia, tot Principatûs, tot Principiandi rationes, quibus vnus, idemq; Deus, dat rebus omnibus esse, & vires, & indolem omnem, & principium omnium est, videre, penetrare, cum eisdemq; versari?

Disce in Vitâ tuâ, & in actionibus tuis, non humi reperere, sed per Principia, primasq; Virtutes gubernari, in ijs conquiescere, & assuefac te Adoratorio, & Latreutico cultui Dei tui, qui illi à te, & ab omni Creaturâ, hoc vno maxime nomine debetur, quia est Principium omnium, & dat omnibus Esse, & Vitam: & dat ille solus, ille vnus, dat continuè, & constanter, & nemo alius, & non impropertat: ideoq; est Summus Princeps, absolutus Dominus, supremus Dominator: & illi debet flecti omne genu, illi debet subijci omnis Creatura, in omnibus, & semper: etiam si, & omnia, & Vitam, & Esse totum, eius Voluntati, Gloriæ, amori, subiectioni impendi debeat. Hic enim est vnus, & summus honor Creaturæ, impendi cum toto suo Esse, Creatori Deo, eiusq; Voluntati, & Cultui, atque Honori.

O Princeps Principatuum Domine DEVS: sis benedictus in Principatibus tuis in æternum: & fac nos ad Te originem, Principiumq; nostrum, redire: & in Te manere immobiliter, teq; venerari, & adorare, infatigabiliter, ac incessabiliter, toto nostro, quantum quantum sumus; (totum enim à te, & ex Te sumus.) Esse in æternum.

POTESTATES: sunt Imagines omnipotentia Dei ad omnia, non solum facta, aut futura, sed etiam possibilia sese extendentis. Potestates ergo Sanctæ, suo Esse repræsentant DEVM omnia posse, non tantum quæ facta, aut futura sunt, sed etiam quæ nunquam fient, possibilia tamen sunt.

s. Si

Exerc:

Si tan
riales, i
propaga
menta c
gni huiu
centro n
Quid er
Imagin
conder
spectar
infinite
siue et
Soles,
opes:
conder
de earu

Quo
quanta
præsent
infinite

Stu
tare: &
tò apti
subijcia
Nam q
malus,
in te, &
rit & dig
gigen

O
in Pot
Dom

Exerc. III. De SS. Principalibus, Potestatibus, Domin: 277

Si tam jucundum est spectare factas res naturales, & materiales, in eo numero, pondere, varietate, nexu, ordine, mensurâ, propagatione, operatione; quæ utique sunt veluti fæces, & sedimenta creaturarum nobiliorum, fæculentiaque, & sentina magni huius Dolij, idest Mundi; quæ in hoc eius fundo subsedit; in centro nimirum Terræ; suntq; minima portio rerum possibiliû; Quid erit spectare viuas, defæcatas, purissimasq; Potestates, seu Imagines Potentiæ DEI, etiam ad Possibilia terminatæ; seu (si eas condere placeret) terminandæ; & in eis etiam quodammodo spectare ipsas res posibles, earumq; varietatem, & opulentiam infinitam? Infinitos nimirum Mundos, siue huic nostro similes, siue etiam planè ab hoc diuersos & dissimiles: Infinitos Cælos, Soles, Stellas, infinita numero maria, infinitas terras, & terræ opes: & incolas siue rationales, siue rationis egenas. Quomodo omnia condere, tam est, imò magis est in Potestate DEI, quam est nobis de earum possibilitate cogitare.

Quod si Diuina Potestas, in hisce Spiritibus tanta elucet; quanta ergo erit illa in semetipsâ: cuius vnicum vix granum, repræsentant omnes huius Ordinis Spiritûs, sed adhuc supersunt infinitæ omnipotentia abysso irrepræsentatæ.

Stude tu quoque, Potentiam Potestatemq; DEI repræsentare: & quidem tua infirmitate: quæ quantò est maior in te, tantò aptior est ad DEI potentiam ostendendam: modò illam Deo subijcias quam plenissimâ resignatione, in manus Potentiæ eius. Nam quantò tu infirmus, ineptus, despicibilis, erroneus, cæcus, malus, magis es; tantò plus campi habet Potestas Diuina, ad sese in te, & per te, ostendendam, si quid per te efficere dignata fuerit: dignabitur autem; si tua superbia, diffidentia, infidelitas, negligentia, non impederit.

O DEVS, qui Potestatum habes Potestatem: sis benedictus in Potestatibus tuis, & in infirmitatibus nostris in æternum.

DOMINATIONES: sunt Imagines absoluti Dominij DEI, emi-

278 *Exerc. III. De SS. Principatibus, Potestatibus, Domin-*
nentis, alti, independentis, irrefragabilis, ac irresistibilis, seu cui
nemo resistere, quodq; nemo exuere, aut excutere potest: Imò,
quo est omnium Dominus naturaliter, & essentialiter. Itaque
DEVS, tanquam Dominus condidit sibi Dominationes: quæ
DEVM esse Dominatorem, absolutumque Dominum clamant,
non voce, sed entitate, ac esse: clamant verò tot diuersis modis,
quot ipsi Spiritus numero in hoc ordine sunt.

Quodsi vnus Domini, huius Mundi, formidanda est Domi-
natio; quis stupor, & quam sacer est ille horror, augustaq; maie-
stas, tot Dominos, imò tot Dominationes videre; spectare tot
modis vnā eandemq; DEI Dominationem, per singulos, aliter
tamen à singulis, repræsentatam? Dominationem verò non v-
nius terræ anguli, non ita limitatam, vt hîc videmus, sed totius
rerum, etiam possibilem, vniuersitatis, eamq; absolutam, illi-
mitatam, omnimodam.

Et quamuis in horum Spirituum singulis tantopere elucet
Dominium DEI, in omnibus tamen vix minutissima portio eius,
prout in se est elucet: sed infinitum adhuc superest, ad quod Spi-
ritus illi demonstrandum non pertingunt, neque pertingerent
vnquam, licet infinities plures, pluresq; ad eam demonstrandam
conderentur. Et audent tamen (prò audaciam) despiciatissimi
vermiculi, Dæmones atque Homines, in DEVM omnis Domini
Dominum, vsq; adeo impotenter, & impudenter irruere!

Potes & tu Dominationis Diuinæ esse Imago: si nulli rei
creatæ, metu, vel spe, vel amore, subdis: si tu tibi dominaris,
DEO autem subijciaris: si omnia tua sint: & tu in nullius, præter
quam DEI, & propter DEVM, redigaris potestatem: si omnia coö-
perentur tibi in bonum: hoc est, in glorificationem, & subiectio-
nem DEI: Si DEVS tibi sit solus, & omnia: omnia autem in omni-
bus: & in ipso DEO nihil timeas, nisi hoc, ne illum minùs, quàm
par est, vel timeas, vel diligas. Tunc verè similis Dominationi-
bus, imò & vnus ex Dominationibus eris.

Exe
O D
Aus in t

1. Sta
Scō
eisque d
cescant
THRO
illi Spir
& Nat
ma, esse
re; sit v
tamen o
sunt in h
Si erg
cutiunt
cretaq;
quæso e
cantis, t
morum
tam diu
stranten
nos refi
Quo
& in se
mum in
Atte
concut
& tame
Creatur

O Dominationum Rex, & Dominator DEVS, sis benedictus in tuis, & à tuis Dominationibus, in æternum.

EXERCITIVM IV.

De SS. Thronis, Cherubinis, Seraphinis.

1. **S**Tatue te coram tertiâ Sanctorum Angelorum Hierarchiâ, continente in se Thronos, Cherubinos, Seraphinos: in eisq; dispice, quæ, quales, & quantæ Diuinæ perfectiones elucescant?

THRONI: sunt Imagines Iustitiæ, æquitatisq; DEI: quam ob rem illi Spiritus Throni appellantur: quod repræsentent suâ Entitate, & Naturâ, Iudicia, Decretaq; DEI, esse rectissima, esse æquissima, esse ineuitabilia, esse immutabilia. Ita vt illos spiritûs videre; sit videre Iustitiam DEI, vnâ quidem, ac eandem in se, sed tamen diuersimodè, in tot exemplaribus repræsentatam, quot sunt in hoc ordine Spiritûs.

Si ergo Homines aspectu Iudicis, Iudicum, Iudicijq; concutiuntur, & cohorrescunt, dum pro Tribunali jus dicentes, decretaq; ferentes, homines alioqui sibi similes intuentur; quid quæso est, videre illos tot Iudices, tot viuos Thronos DEI iudicantis, tot repræsentatores inscrutabilium, terribilium, æquissimorum iudiciorum DEI? Quid est videre DEVM, in tot speculis, tam diuersis, tam mirè potestatem suam iudiciariam demonstrantem, & in magnitudine, ac specie æquitatis suæ, super Thronos residentem?

Quod si in vno horum Spirituum tanta se prodit rectitudo, & inscrutabilitas Iustitiæ DEI: quanta in omnibus? quanta demum in ipso DEO, cuius Essentia Iustitia est?

Attende ad hanc Iustitiam DEI, & ad tot imagines eius: concutere saluberrimo timore altissimorum, occultissimorum, & tamen iustissimorum DEI iudiciorû super te, & super omnem Creaturam, præsertim rationalem: indue quoq; Iustitiam DEI, & eius

280 *Exerc: IV. De SS. Thronis, Cherubinis, Seraphinis.*

& eius rectitudinem, & eam in tuis moribus, negotijs, officijs, sententijs, sermonibus, exerce: vt iustitia quoq; tua, per modum cuiusdam Throni, repræsentet æquitatem Iustitiæ DEI: libertatem etiam, & inflexibilitatem, ab affectu, & respectu, à timore, à spe, ab amore, ab odio, sed sit Iustitia tua sicut Throni, sicut Montes DEI.

O DEVS, omnis iustitiæ & æquitatis Rex: iudicans iustitias; sis benedictus in Throni iustitiæ tuæ, in æternum.

CHERUBINI: sunt Imagines Sapientiæ DEI, repræsentantes seipsos, Diuinæ cognitionis, ac scientiæ omnimodam plenitudinem, omnium Veritatum comprehensionem, omnium abditorum, occultorumuè perscrutationem, intimamq; cognoscibilem omnium, in omnes partes intelligentiam & penetrationem; quam habet DEVS consummatissimè de rebus omnibus existentibus, in quavis differentiâ temporis; & de possibili omnibus in quavis conditione & suppositione.

Itaque Cherubini, sunt quasi intellectus Diuini: quibus DEVS non tantum multa nouit, aut docet, aut sapit, sed etiam se omnia comprehensiuè intelligere manifestat. Et si enim Cherubini suo intellectu, nec DEVM, nec scientiam eius comprehendunt, aut exhauriunt: hoc tamen ostendunt Naturâ suâ, quod talis sit DEVS, qui omnia nouit, & plenissimè intrueatur, & comprehendat, cognitioneq; cognoscibilitatem omnem, exhauriat, & omnia nuda, aperta; oculis suis habeat.

Si ergo Sapientissimorum Doctorum; confessus, si vnus etiam homo Doctus, tantam cæteris hominibus ciet admirationem, laudem, delectationem: quid tandem est videre illos Doctores Diuinos, imò plenitudines illas Scientiæ, & Doctrinæ DEI, quas ipsa DEI Sapientia ad Normam sui condidit, suas Imagines fecit, substantialemq; intellectum, & intellectualem substantiam impressit, DEO doctos fecit, & in cælesti illâ Academiâ, ad omnes, & summos Sapientiæ gradus promouit, Sapientes, Doctoresq; pronunciauit, imò creauit?

Ac

Exerc

Ac si i
Diuinæ el
Sapientiæ
residet, q
Sapientia

O quan
iam creat
mnibus C
Sapienti
cere pot
sint, vt
eorum
efforma
omnes

Nem
magis D
Hanc si c
binorum
mata Sap

OD
illoq; t

SE R
enim, q
omnia al
Amore
dentes
eo qui
bitauit
amant
& Am
Iam
uictu,

Exerc: IV. De SS. Thronis, Cherubinis, Seraphinis. 281

Ac si in vno Cherubino tantum sapientiæ & omniscientiæ
Diuinæ elucet, & quid tandem elucet, aut potius residet, eiusdem
Sapientiæ in omnibus Cherubinis? ac denique quid elucet, quid
residet, quid inest, in ipsomet Deo, cuius Essentia, & Esse, est
Sapientiam ipsam esse?

O quanta illa Sapiendi infinitudo! ad quam; non hi solùm, qui
iam creati sunt sed neque qui creabiles sunt Cherubini, cum o-
mnibus Creaturis, quæ & ipsæ suis modulis repræsentatiuæ sunt
Sapientiæ DEI, vllâ ex parte, repræsentatione adæquandam; suffi-
cere possunt. Et si enim omnes & singuli Cherubini ita Sapientes
sint, vt quasi Sapientiæ DEI dici possint: quia tamen, quilibet
eorum aliter, atque aliter diuersimodè Sapientiam vnicam DEI
efformat: per hoc, non se sapientias, sed guttas Sapientiæ DEI esse
omnes & singuli testantur.

Nemo Sapiens, nisi qui se nihil esse omnino, & sui & multò
magis DEI respectu esse, plenissimè sciuerit, ac prædicauerit.
Hanc si de te scientiam sciueris, & Sapientiam sapueris, Cheru-
binorum Sapientiam non desiderabis. Hæc est enim consum-
mata Sapientia, nosse nihilum suum, nosse DEI Totum.

O DEVS qui sedes super Cherubim: & solus lux eorum es,
illosq; te Sapientes facis: Benedictus sis in eis, & ab eis, in æternū.

SERAPHINI: sunt Imagines Charitatis DEI: repræsentant
enim, quantum Creaturæ fas est, quomodo se ipsum DEVS, & o-
mnia alia in se, ac propter se, ac ipso se amet. Itaq; Seraphini sunt
Amores DEI creati: tot modis DEVM ignitissimè amantes, ar-
dentesq; quot ipsi sunt. Substantia enim eorum Amor est DEI:
eo quidem sensu, quo Bernardus s. de Consideratione, non du-
bitauit dicere: Seraphini non habent vnde ament, sed sunt id quo
amant DEVM, sic enim conditi sunt, vt sint amans substantia,
& Amor substantialis.

Iam ergo, si hominum DEVM amantium conspectu, con-
uictu, consortio, amicitiaq; satiari non possumus & si nos bea-

N n

tos,

282 *Exerc: IV. De SS. Thronis, Cherubinis, Seraphinis.*

tos, visis illis, vel auditis, vel semel in vitâ, putamus: quis explicet, aut excogitet, qualis sit sensus, spectare, immisceri, ad sociari, exaquari Spiritibus illis qui aliud sunt nihil, quam Amatores, imò, Amores Dei? quorum esse, vivere, intelligere, velle, agere, moueri, pati, mutari, & quidlibet operari, est DEVM amare? qui toti sunt ignes, tori flammæ, toti clibani, toti carbones, toti incendia, igne illo DEI, igne illo qui est DEVS, igne illo Charitatis DEI, ardentia, æstuantia; redundantia?

Atque si vnus Seraphim tanto DEVM amat incendio, vel potius, tantum est Amoris Diuini incendium, vt omnes creatos ignes in vnum conglobatos, mole, gradu, spherâque superet: quantum incendium Amoris erunt omnes Seraphini simul? & quantum erit incendium suæ Charitatis DEVS ipse? erit nempe DEVS, & est, quoniam DEVS Charitas est.

Morare, habita, aut saltem versare frequenter in hac Scholâ Seraphinorum amantium DEVM, vel potius Amorum DEI: & ignesce totus quantus es ab incendijs istis, fiasq; Carbo ignitus, igneus, ignis totus. Ah! quàm frigidum te esse oportet, qui à tot, tantisq; ignibus, flammam æstumq; non concipis? Supplica DEI Voluntati, siue Charitati, vt quemadmodum sibi condidit Seraphinos, hoc est, Charitates ac Amores, quibus se ex mente suâ, ad suam satietatem in Creaturis amet, ac deamet, & supersuperq; amet; Sic te quoq; talem faciat, vt se per Te, ad suam satietatem, & ex voluntate suâ, & ad gustûs sui exsationem amet, deamet, supersuperq; amet: sis illi Seraphinus in terrâ, sicut Seraphini sunt illi in celo. Non est tua minor, quam illorum ad istud opus officiumq; obligatio: cur ergo non sit tanta quantitas & illorum erga DEVM Dilectio?

ODEVS, Charitatis æternæ ignis, qui semper ardes, & nunquam extingueris, semper ferues & nunquam tepescis: cui frigidum sunt ipsi Seraphini, ad amandum Te, dignè Te: accende & me, vt amem Te totus, & ardeam te totus. Sisq; Benedictus in Seraphinis, & à me inter Seraphinos, in æternum.

Ex

1. Stat
(vn
deputati
redunda
& Char
taculiqu
ram tui
2. E
particu
tam inf
tam cha
nulli pa
li, subdi
ter, tam
vigilant
teruitat
neglectu
uerunt,
bis) An
vel de
3. H
rei varia
necessi
deputa
enim p
sunt n
sic. N
perfect
nullo h

EXERCITIUM V.

De Sanctis Angelis Custodibus nostris.

1. **S**Tatue te coram Angelis Custodibus tuis: quorum aliqui, (vnus minimùm) personaliter tibi vni, per Bonitatem Dei, deputati sunt: aliqui autem per quandam communicationem, redundantiamq; operæ suæ, tibi quoque inuigilant: suâque operâ & Charitate tibi profunt, vel ratione officij tui, aut loci, habitaculiq;e, aut cætus, & congregationis, communitatisq; tuæ, curam tui gerunt.

2. Expende curam illorum circa te, tam, vniuersalem, tam particularem, tam assiduam, tam constantem, tam patientem, tam infatigabilem, tam fidelem, tam humilem, tam minutam, tam charitativam. Nulli parentes, nulli nutritores, aut nutrices, nulli pædagogi aut magistri, nulli amici & familiares, nulli famuli, subditi, serui, & mancipia, nulla etiam iumenta, tam diligenter, tam demissè, tam exactè, tam beneuolè, tam perenniter, tam vigilanter, tam plenè, cum tot molestiarum, morositatum, proteruitatum, petulantiarum, discoloritatum, contemptionum, neglectuum, ingratitudeum, malitiarumq; deuoratione seruiuerunt, vlli ex hominibus homines: quàm tibi (& omnibus nobis) Angeli custodes seruiunt, à puncto ortus tui in Mundum, vel deputationis suæ ad custodiam, ministeriumq; tuum.

3. Homines, quòd alijs hominibus ministrent, habent causas rei varias. Naturalem affectionem, commodi spem, mercedem, necessitatem, honorem, fortunæ & statûs conditionem: Naturæ deputacione; ministrant: nec semper, nec in omnibus, neque enim possunt, vel honestè, vel commodè. Ministrant ijs, quibus sunt naturâ vel similes, vel conditione subiecti: at Angeli non sic. Naturæ enim sunt suprâ nos longè præstantioris, dignioris, perfectiorisq;e. Nullâ suâ vtilitate, aut spe: nullo metu coacti, nullo honore, sæpè nec solatio ex nobis vllò, passim verò multâ

284 *Exerc: V. De Sanctis Angelis Custodibus nostris.*

nausca, grauamine, ingratitude, offensionis materia. Seruiunt autem nobis in omnibus omnino vijs nostris: hoc est, in omnibus actibus, studijs, desiderijs, conatibusq; nostris, quantumcunque saepe sibi ingratiss, & exosis, quia improbis, & scelestis, & DEI voluntati contrarijs. Seruiunt cum omni fide, pietate, diligentia, constantia, charitate.

4. Huic tantorum Ministrorum obsequio, ac beneficio tanto, tamq; multiplici, & ineffabili, aduerte quam indignè respondeant homines, respondeas & tu? quam retribuas mala pro bonis, neglectum pro diligentia, contemptum pro directione, indigna pro honore, repulsam pro adhæsione, malitiam pro benignitate, improbitatem pro pietate, inobedientiam pro admonitione, morosiratem pro suauitate, pertinaciam & obstinationem pro constantia, pro assiduitate, pro sedulitate, pro saluberrima custodia.

5. Angeli Custodes nos ad DEVM trahunt, nos fugimus DEVM: illi nos ad bonum inuitant, nos illud auersamur: illi nos illuminant, nos spontè cæcutimus, & tenebras ignorantiae amamus: illi sana consilia inspirant, nos peruersa amplectimur: illi arcem à nobis dæmones, nos vltro ad eos accedimus: illi tentationes vel prohibent, vel infringunt, nos eas & aduocamus, & exasperamus: illi nos pænis deterrent, nos in eas voluntariè vadimus: illi cum nostrâ stultitiâ, & malitiâ certant veritate, & pietate, nos stultitiam, & malitiam mordicus opponimus, & tenemus: illi nos à vanis, à terrenis, à noxijs, ad æterna, ad cælestia, ad salutaria prouocant, & manuducunt; nos spretis cælestibus æternisq; immergimur terrenis, bestialibus, & ad infernalem perditionem ducuntibus. Illi nostra corda sursum subleuant, nos deorsum ea sponte præcipitamus: nos illi docent, & faciunt calcare basiliscos, leones, & dracones tartareos, at nos draconibus, basiliscisq; ac leonibus, ipsique tartaro nos calcandos, conterendos, deuorandosque obijcimus, & obrudimus.

6. Ad-

Ex

6. Ad
los, & i
uerte, q
Aduerte
cum An
quam in
concret
attamer
tamq; b
ritibus,
& obsti
cut sun
circa t
bus me
Angeli
salutem
7. Ac
cionem
tibus, p
Præfidi
liri, cor
spontan
8. A
Sanctis
potenti
ad te s
Angeli
9. A
gelis tu
quent
bi, & C
na ido

6. Aduerte, quæ sit hæc indignitas, improbitasque, in Angelos, & in Angelorum Dominum, qui nobis illos destinauit? Aduerte, quanta DEI in nos benignitas, & sollicitudo, & amor? Aduerte, quid saltem in posterum te facere deceat: quomodo cum Angelis, tuis benefactoribus versari, & agere? Aduerte, quam indignum sit, te vnum homuncionem, carne, & bruitate concretum, & spiritu etiam, quamuis rationali, & immortali, attamen valde miserum, & mancum, cum tot, tamq; nobilibus, tamq; beneficis, insuperq; DEO æternum beatis, & perfectis Spiritibus, adeo abiectè, sordidè, contemptim, ingratè, malitiosè, & obstinatè agere? Super omnia hæc aduerte, quòd Angeli, sicut sunt missi in Ministerium æternæ tuæ salutis: sic in omni suo circa te studio, soli tuæ salutis æternæ, abs te consequendæ, omnibus melioribus modis studeant. Et nunquid aut tu optare, aut Angeli præstare tibi aliquid maius possunt: quàm istam æternam salutem, quàm æterni, summi, boni DEI possessionem?

7. Aduerte, & intellige, quantus sit dolor, te vnum homuncionem miserimum, à tot, tam nobilibus, præstantibus, sapientibus, potentibus, fidelibus, gloriosisque Angelis, Custodibus, Præsidibusq;, non potuisse satis custodiri, seruari, et udiri, emoliri, corrigi, flecti, defendi, ac saluari, & reddi DEO; propter solâ spontaneam, vel incuriam, vel proteruiam tuam.

8. Aduerte, quàm indignum sit: malos dæmones, insultare Sanctis Angelis, se nimirum fuisse feliciores, vel sagaciores, vel potentiores, ac vigilantiores, ad te perdendum, quàm Angelos ad te saluandum; plusq; te illis obediuisse ad perditionem, quàm Angelis ad salutem, & beatitudinem?

9. Aduerte, quanta sit consolatio, delectatio, & gloriatio, Angelis tuis sanctis Custodibus, cum te sibi, suisque consilijs obsequentem, monitis facilem, ductui morigerum habent: cum te sibi, & Christo, & DEO per omnia similem, Gratia, Gloriaq; æternæ idoneum, virtutibus, perfectione, cæterisque DEI donis or-

286 *Exerc: VI. De Sanctis Angelis Custodibus nostris.*

natum, in operibus bonis exercendis strenuum, constantemque, inimicum omni malo, vident, & habent, ac Deo singulis diebus, horis, momentisq; exhibent, & coram ceteris Angelis, Beatisq; mutuò gloriantur; demumq; in cælestibus sedibus, sibi associatos collocatosq;, exultant, & congratulantur?

10. Age iam, & statue tecum, quid te oporteat facere? qualē te deceat Angelis tuis Custodibus temetipsum exhibere? &c.

P R A X I S.

O Angeli Sancti Custodes mei: quā ego omnibus bonis repletus sum per vos? Si me tradidero vobis in mancipium, & seruum, non ero minimā ex parte condignus Providentiæ vestræ circa me. Sit benedictus Deus, sit benedicta Pietas eius, quam vos repræsentatis in vobis erga me, omnibus diebus vitæ meæ. Ignoscite ingratitude meæ præteritæ, sustinete insipientiam meam, & ad voluntatem vestram deducite voluntatem meam. Vobis ô Sancti Angeli implendum est, quod etiam nobis ab æternâ Veritate dictum est: In Patientiâ vestrâ possidebitis Animas vestras: vestræ scilicet curæ à Deo commissas. Ergo custodite me in Patientiâ, ut tandem repræsentetis, restituatisq; me Creatori ac Redemptori meo in lætitiâ.

E X E R C I T I V M VI.

De Sanctis septem Principibus Angelis.

1. **S**tatue te coram septem Sanctis Angelis Principibus qui adsunt coram Domino Deo semper, de quibus non tantum scire, sed etiam magnificè loquitur Scriptura sacra: tanquam de Principibus Spirituum cælestium, atq; adeo omnium Creaturarum.

2. Ex septem his Spirituum Beatorum Principibus, trium tantum nomina expressa & celebria habemus in Canonicâ Scripturâ, scilicet Michaëlis, Gabrielis, Raphaelis: reliquarum quatuor non item; attamen Urielis nomen habetur 4. Esdr: 4. 1. Seal-
thie.

Exe
thielis
Barachiel
3. Mic
Fortitud
cina De
thielis, p
chielis, I
4. Ex
& opera
Micha
Dignita
quod p
idipsum
etiam il
Gabr
Dei op
Beatis
Raph
Deum n
in Sara
Urieli
more in
Sealth
ritum o
ter, freq
lehud
deferent
Barach
bis apu
dum De
5. H
plicantu

Exerc. VI. De Sanctis septem Principibus Angelis. 287

thielis nomen colligitur ex Genes: 16. 9. Iehudielis ex Exodi 23. 20.
Barachielis ex Genes: 18. 10.

3. Michaelis nomen explicatur, quis sicut DEVS? Gabrielis, Fortitudo DEI, vel, fortis DEVS. Raphaëlis, curatio DEI, medicina DEI, Medicus DEVS. Vrielis, Lumen, vel Ignis DEI. Sealthielis, peritio DEI: Iehudielis, Laus, siue, Confessio DEI: Barachielis, Benedictio DEI.

4. Ex his Nominum interpretationibus innotescent officia & opera horum Spirituum.

Michaelis enim est opus ac officium, DEVM exaltare, eiusque Dignitatem, & super omnia excellentiam, profiteri, atq; tueri: quod præstitit cum Ecclesiâ Angelicâ semel in cælo, & præstat id ipsum assidue vsq; ad Iudicij diem cum Ecclesiâ humanâ, cuius etiam ille est præses, in terrâ.

Gabrielis opus, & munus est, omnipotentissimæ fortitudinis DEI opera nunciare, procurare, promouere, ut fecit Danieli, & Beatissimæ DEI Matri.

Raphaëlis est munus, Protectorem, saluatorem, medicumque DEVM nunciare, vel exhibere, ut in Thobiâ sene, & juniore, & in Sarâ eius vxore notum est.

Vrielis munus est, mortales cognitione DEI illuminare, & amore incendere.

Sealthielis munus est, orare DEVM pro hominibus, iisdem spiritum orationis inspirare, & eosdem ad orandum DEVM diligenter, frequenterque excitare.

Iehudielis est munus, ad confitendum Domino, laudesque illi deferendas excitare, & gloriam eius promouere.

Barachielis proprium opus est, benedictiones, beneficiaque nobis apud DEVM procurare: & nos pro beneficijs ad benedicendum DEO, agendasque gratias inducere.

5. Horum eorundem, septem Angelorum, officia septem explicantur in scripturis. 1. Stare coram DEO semper, & in conspe-

288 *Exerc: VI. De Sanctis septem Principibus Angelis.*

specu throni DEI: *Tbob* 12. 16. 2. Esse oculos DEI discurrentes in vniuersam terram: *Zach* 4. 10. *Ap* 5. 6. 3. Tubas habere, ijsque canere: *Apoc* 8. 2. 6. 4. Habere phialas aureas odoramenti plenas: *Apoc* 8. 3. 5. Habere phialas plenas iracundiæ DEI, easq; ex nutu DEI effundere in terram: *Apoc* 15. 6. 8. & *Apoc* 16. 1. 6. Gratiâ facere, & mittere hominibus: *Apoc* 1. 4. 7. Esse lampades ardentes ante thronum DEI: *Apoc* 4. 5. Quibus omnibus designatur officium esse horum Angelorum. 1. Immediatè à Deo eius voluntatem cognoscere, & eam alijs inferioribus Angelis, rerumq; administris nunciare. 2. Potissimùm verò Angelos hominum, & rerum humanarum custodes, de consilijs DEI circa homines informare, resq; humanas per Angelos nunciatas, ab ijsq; veluti exceptas, per se oculis DEI præsentare. 3. Ad hos eisdem Spiritûs septem spectat, potissimam Ecclesiæ Christi in terris curam gerere, eamq; tueri, propagare, fouere, erudire, confortare, solari. 4. Spectat ad eosdem, perpetuum cum diabolicis spiritibus, omnibus quidem, at maximè, cum septem eorum, seu ordinibus, seu principibus (qui in hoc Mundo, & in Ecclesiâ, præcipuè salutem hominum, & DEI, Christi q; gloriam, & omnem Virtutem, omniaq; Spiritûs sancti Dona, omnem DEI Voluntatem, Consilia, & præcepta, omnia salutis auxilia in Sacramentis, & Sacrificio, & Gratiarum auxilijs sita, oppugnant, & euertere satagunt, per capitalia septem vitia) bellum gerere, omnem nequitiarum istarum vires, artes, tentationes, consilia, retundere, infringere, conuellere; Virtutes, cæteraq; salutis humanæ auxilia in nobis per se, per Angelos, per homines inferere, & promouere, stabilire: atq; ita fractis dæmoniorum viribus, nobis ad cælum, & ad salutem viam patefacere. 5. Ad hos etiam septem sanctos Principes spectat, Mundum hunc inferiorem, & nunc principaliter gubernare: & sub Mundi finem, eundem ad iudicium extremum, & ad finem, atque innoationem disponere. Ob quam rem ijs tubæ, phialæ, tum odoramentorum, seu oratio-

Ex
tionum,
6. Ex
Naturæ i
lentiâ, tu
material
ta præste
hominib
cultorib
quanta
ne, & fi
meren
Ecclesi
tur es
his ver
ctionem
nos ad
fiduciam

Don
thr
ptem d
sam Ecc
lium, in
cipum
omnes
talium
dum, &
anima
da, & i
candu
confite

Exerc: VI. De Sanctis septem Principibus Angelis. 289

tionum, tum plagarum & iræ DEI plenæ, attribuuntur.

6. Ex his collige 1. Quantâ præstent hi Sancti Spiritus, tum Naturæ in se dignitate; tum coram DEO gratiæ, gloriæq; excellentiâ, tum in alias quoq; Angelicas, & Humanas, & reliquas materiales creaturas potestate ac prærogatiuâ? Collige 2. Quanta præstent opera in hoc vniuerso, quanta beneficia conferant hominibus, potissimum Christi fidelibus, & Ecclesiæ filiis, DEIq; cultoribus. Collige 3. Quali & quanto tibi sint honore colendi: quanta in eorum patrocinio fiducia collocanda, quantâ deuotione, & frequentâ orationum, & obsequiorum inuocandi, & de-merendi? Neq; enim sine causâ dictum est per Ioannem, toti Ecclesiæ: *Gratia vobis, & pax, ab eo qui est, & qui erat, & qui venturus est, & à septem Spiritibus, qui in conspectu throni eius sunt.* Vtiq; his verbis placuit, eorum excellentiam, beneficentiam, protectionem eximiam circa nos explicari: ac per hoc etiam omnes nos ad eorum amorem, cultum, obsequium, inuocationem, & fiduciam prouocari.

P R A X I S.

Domine, cui adstat omnis Exercitus Angelorum: & cuius throno adsunt Principes septem, qui sunt veluti oculi septem discurrentes in vniuersam terram: trade obsecro vniuersam Ecclesiam tuam, nec non me minimum Ecclesiæ eiusdem filium, in peculiarem curam horum tuorum beatissimorum Principum: qui me, omnesq; illos, quos meos in Te esse scis, & vis: omnes item Ecclesiæ tuæ, tuosq; filios, ab impugnatione capitalium nequitiarum defendant: ad te verò super omnia exaltandum, ad opera Virtutum heroica facienda coram te, ad medelas animarum periclitantium in hoc periculoso mari, ad illustranda, & inflammanda, cæca, & frigida mortalium corda, ad supplicandum tibi, nec vnquam ab oratione ad te deficientium, ad confitendum & sacrificandum tibi Hostiam laudis, ad gratias

296 *Exerc: VII. De Sancto Michaële Archangelo.*

perpetuas, tibi pro tuis innumeris, & inexhaustis beneficijs agendas promouéant: ac tandem dignos tuo conspectu beatissimo efficiant: & ad suam in assisendo tibi Societatem admittant.

E X E R C I T I V M VII.

De Sancto Michael Archangelo.

1. **S**Tatue te in conspectu Sancti Michaelis, omnium Sancto-
rum Angelorum Principis.
2. Eius beatissimi, eminentissimiq; Spiritûs, munera, & in
omnem rerum vniuersitatem promerita, itemq; excellentias ex-
pende & æstima: sunt autem hæc,
 1. Post Christum & eius Matrem: in omnibus Creaturis DEI,
maior nemo surrexit in donis Gratiæ, quàm Michael: qui etiam
in Naturæ donis, ipso Christo, & eius Matre maior est.
 2. Idem S. Michael, non tantum Angelis, aut Archangelis,
sed omnibus omnino omnium Angelicarum Hierarchiarum
spiritibus maior est; atq; maximus, & supremus est in hoc con-
ditus; vt sit supremus DEI, ac in specie Verbi Incarnati Amator,
atq; Societatis Seraphicæ Caput, & Fundator post Christum, &
B. V. dignitate ante Christum verò & eius Matrem tempore.
 3. Idem, ad hoc specialiter conditus est à DEO: vt sit Amator
& Zelator ignitissimus, feruentissimusq; DEI, & Dignitatis eius.
Vnde is primus exarsit in defensionem, confessionemq; Diuinæ
supereminentiæ: euibrans gladium illum suum, contra inualo-
rem, & apostatam Luciperum. Quis vt DEVS?
 4. Idem S. Michael, totius exercitûs Angelici est Patriarcha:
& principalis post DEVM, salutis, & persequentiæ in bono, &
tandem beatitudinis ipsorum Autor, prædux, & Ecclesiæ totius,
ex SS. Angelis constitutæ, caput.
 5. Idem S. Michael, primus est Incarnati Verbi, seu DEI Ho-
minis Confessor, ac testis, & Propugnator & Zelator: Primus se
DEO Homini (futuro) submisit, & se for. subiectum, Angelosq;
omnes subijci debere, corde, atq; opere, contestatus est.

Exerc. VII. De Sancto Michael Archangelo. 291

6. Idem S. Michael, primus electus a DEO est, primusq; reipsa Luciperi caput contriuit, eumq; cum omnibus apostatis, aſſeculis, ita de cælo exterminauit, vt neque locus illius, illorumq; , amplius comparuerit in cælo : sed in omnem æternitatem, præcluserit, præstruxitq; lucipero, luciperianisq; omnibus, regressum ad cælum.

7. Idem S. Michael, est Ecclesiæ Christi præses, Dux, defensor, in præmium utiq; defensi honoris Diuini, & propugnatae dignationis Verbi æterni, in Incarnatione subeunda.

8. Idem S. Michael, omnium Sanctorum Angelorum, tam qui indiuiduè hominibus custodiendis adsunt, quàm qui generalius res huius Mundi, Cælos, Elementa, Regna, Populos, populorum Principes, Reges, Vrbes, rerum species moderantur ex DEI Voluntate, est moderator, & director Generalis, sub vno summo Imperatore DEO : agens id, vt in omnibus, & ab omnibus perficiatur DEI Voluntas ; manifesteturq; Gloria Domini, & propagetur cultus eius, iuxta ordinationem Prouidentia æternæ.

9. Idem S. Michael, Signifer est Ecclesiæ DEI prout ab ipsamet honoris causâ nuncupatur : Sicut enim primus ille, Angelis suis in Cælo, signum pro DEI Honore, contra rebellem eius inuasorem sustulit : ita nunc quoque toti Ecclesiæ Christi, omnibusq; Electis ex humano genere, contra eundem illorum Draconem diabolum militantibus Signum præfert, ducatum præstat, robur addit. Quin etiam temporibus Antichristi, venturus est præliari pro populo DEI, iuxta prædictionem Danielis. Dentq; in die Iudicii, cum Dominus noster Iesus Christus ad iudicandum procedet, signum Crucis, seu illius veræ in quâ Christus pendens, callidum aspidem superauit, siue ad instar eius efformatae, ad postremum de Lucipero triumphum reportandum, præferet Sanctus Michael : in conspectu omnis Creaturae statuet : & eodem, diabolum cum angelis hominibusq; aſſeculis eius, in puteum abyssi præcipitabit, ac depellet : ac tandem eodem Crucis

292 *Exerc: VII. De Sancto Michael Archangelo.*

cis signo prælato; Christum Iudicis iam munere defunctum, electosq; illius omnes, ad possidendum beatitudinis æternæ regnum, in Cælum introducet, ad Gloriam DEI sempiternam.

10. Idem Sanctus Michael, omnium fidelium, hinc piæ, & in Domino, eiusq; Gratiâ, & Charitate decedentium, & seu expiatione illius seculi non indigentium, seu etiam illo igne expiatorum, cæloque, ac Beatitudine dignorum, susceptor est, in cælumq; deductor. Et vniuersim;

11. Idem Sanctus Michael, omnium in Domino morientium, agoni extremo, egressuiq; de corpore, & supremæ cum diabolo luctæ præst. Omnium inquam, vel per seipsum, vel per Angelos alios, suâ Voluntate adhibitos: sed eorum qui peculiari curâ in eius Cultum, & Honorem, Inuocationemq; in hac Vitâ incubuere, per seipsum omnino adest adiutor, confortator, consolator, protector, defensor, ac susceptor.

12. Idem Sanctus Michael, quemadmodum ipse est peculiaris & maximè insignis, tum Diuinæ Maiestatis ac Dignitatis, tum Verbi Incarnati IESV Christi, eiusq; Vitæ, laborum, mortis, Passionisque, nec non Sacrificij, Sacramentiq; Altaris, & insuper eius pretiosissimæ Parentis Mariæ Virginis, Amator, Zelator, ita etiam est peculiaris eiusdem Zeli, & Amoris, in Hominibus incensor, propagator, amatorque. Et quos in id studium ardentius, excellentiusq; ferri videt, hos etiam tanquam sibi magis similes, suiq; Seraphici amoris æmulos, & participes, plus diligit, & fouet, amplioribusq; talis amoris ignibus incendit, & societate suâ Seraphicâ, dignos inuentos recipit: eorum tamen in Vitâ, quàm in morte, quàm in Beatitudine specialem, ac veluti propriâ curam gerit.

3. Ex his, similibusq; Sancti Michaelis prerogatiuis consideratis, fac, vt in te peculiaris, insignis, assiduusque, amor, & honor, erga Sanctum hunc Principem enascatur, robustèque, & practicè in te viuatur, ac roboretur: peculiaribus eum in te fouens, & augens exercitijs internis, & externis, orationibus, mortifica-

tiō-

tionibus
lo Diuini
Sancti
Animarum
tenero,
Ordines

DE
ru
in Glor
eisti: &
remq;
& alter
ti, Hon
ti: in pe
maximu
laudatio
Seraphi
dignus
rumq;
tiosissim
DEI: at
Pretios
ris, nec
etiam e
rum, t
me viu
& cura
vijs, of

tionibus, venerationibus, obsequijs, affectibus. Ac imprimis zelo Diuinæ gloriæ: amore DEI Hominis, eiusdem Matris, cultu Sanctissimi Sacrificij atq; Sacramenti Altaris, zelo etiam salutis Animarum, tam hîc, quàm in Purgatorio degentium; denique tenero, & ardenti affectu erga omnes Angelorum Sanctorum Ordines, personasq; ac specialiter in ipsummet S. Michaellem.

P R A X I S.

DE V S, qui gloriosissimum Michaellem, omnium Angelicarum Creaturarum Principem, & in Naturâ, & in Gratiâ, & in Gloriâ, & in Triumphante iuxta ac Militante tuâ Ecclesiâ fecisti: & eum nobis specialem Parentem, Præsidentem, Imperatoremq;, contra omnes Visibiles, & Inuisibiles inimicos, pro hac, & alterâ vitâ donasti: commenda me obsecro huic tuo Amatori, Honorisq; tui, & Incarnati Verbi, primo, & maximo Zelatori: in peculiarem, paternamq; curam: & infunde mihi, quàm maximum illius amandi, & honorandi, inuocandi, & imitandi, laudandiq; studium: vt eius patrocinio adiutus, in Amore Tui Seraphico, zeloq; gloriæ tuæ, ardenti, ac incessabili ardescens, dignus inueniar, à quo in numerum Clientum eius, Seraphicorumq; Sociorum cætum annumerer. O Michael Princeps gloriosissime, accende me tuo Ignito ac Seraphico amore, & cultu DEI: atque Incarnati Verbi IESV Christi, tum etiam eius Matris Pretiosissimæ, Sanctissimi quoq; Sacrificij, & Sacramenti Altaris, necnon Passionis, Crucis, & Mortis Domini. Accende me etiam efficaci, & vero zelo gloriæ Diuinæ, salutis quoq; Animarum, tam hîc, quàm in Purgatorio degentium. Accende quoq; me viuto, & inflammato, ac perseveranti amore, honoreq; tui, & curam mei gere, tam in omni istâ vitâ meâ, quàm in omnibus vijs, officijs, studijsq; meis, quàm deniq; in articulo mortis meæ.

E N C O M I A

Sancti Michaelis Angelorum omnium Principis.

Sanctus Michael. Quis vt DEVS? Amator Æternæ Sapientia. Zelator Honoris Verbi Incarnati. Propugnator Dignitatis Diuinæ. Professor humilitatis Creaturæ ad DEVM. Primus Diuinæ Voluntatis Minister, & Executor. Professus subiectionis ad Dominium DEI. Exemplar Angelorum Sanctorum. Antilucifer, & asseclorum eius. Dux Diuinorum Legionum, Fidelitatis Deo debitæ Magister. Primus Bellator, & Victor bellorum Domini. Pacificator Cœli. Glorificator DEI. Triumphator primus inimicorum DEI. Caput Ecclesiæ Angelicæ, Primitiæ omnium Creaturarum Beatarum. Princeps de primis astantibus coram Throno DEI. Præses Ecclesiæ DEI ex hominibus in utroque Testamento. Rector Angelorum nos in hac vitâ custodientium. Interfector Antichristi. Vexillifer Crucis IESU Christi Redemptoris nostri. Agonizantium Adiutor, & Consolator. Susceptor Animarum Corporibus solutarum. Discretor Meritorum nostrorum in Iudicio DEI. Administrator Purgatorii. Obseruator abyssi infernalis cum damnatis. Benedictorum à DEO Patre in Beatitudinis regnum introductor. Societatis Seraphicæ primus Socius, atque Fundator. Angelorum qui seruauerunt suum Principatum instructor. Eorum qui non seruauerunt eundem, in tartara fulminator. Primus viæ salutis decursor, & Brauij glorificatus possessor.

Oratio ad Sanctum Michaellem.

Princeps Gloriosissime, Michael Archangele, esto memor nostri, hic, & vbique, semper, precare pro nobis Filium, DEI. Sancte Michael Archangele, defende nos in omni cum Dæmone prælio: Vt non pereamus in tremendo Christi Iudicio.

O Mi.

O Mi.
Sapientia
erga DE
erga Pro
cium, at
efficaci
in Purg
uerante
sentis v
tremo
tor

Oratio ad Sanctum Michael.

295

O Michael, Archangelorū gloriosissime, & Amator Æternæ Sapientiæ ignitissime : accende me tuo Seraphico amore, & zelo erga DEVM Hominem IESVM Christum, Redemptorem nostrum: erga Pretiosissimam eius Parentem : erga Sacrosanctum Sacrificium, atque Sacramentum Altaris. Inflamma me zelo vero, & efficaci Divinæ gloriæ, salutisq; hominum, tam in hac vitâ, quàm in Purgatorio existentium. Imbue, & imple me viuo, & perseverante Amore, honoreq; tuo: & curam mei gere, tam in præsentis vitæ decursu, ac in omnibus actionibus meis, quàm in extremo agone, atq; articulo mortis meæ, quàm denique in decretorio iudicio omnium huius vitæ operum, & meritorum meorum: Amen.



EXER.



EXERCITIORM

PARS XII.

ERGA

Sanctos Omnes.

EXERCITIVM I.

Ad quid DEVS Sanctos apud se in Cælo habeat?

1. **S** Tatue te in conspectu Sanctorum, Electorumque DEI omnium, iam cum DEO in Cælo beatificè regnantium.
2. Disquire, & dispice, ad quid voluerit DEVS Sanctos secum esse in Cælo? Voluit ad hoc, & fecit hoc: ut in eis, Creaturæ suæ, se, suâq; bona Diuina, quàm maximè communicaret: communicando autem, sese in Creaturis, & Creaturas in se, ita quàm plenissimè expleret, ut amplius illæ expleri non possent, & nec ille posset explere; dicente ipso Domino; Ego ero merces tua magna nimis. Et, Euge serue bone, & fidelis, intra in gaudium Domini tui: Et, mensuram bonam, & confertam, & coagitatam, & supereffluentem, dabunt in sinum vestrum.
3. In hac Vitâ, dabat DEVS Sanctis suis, esse, viuere, sentire, moueri, intelligere, & multimodis operari, quantum ad Naturâ: In hac eadem Vitâ dabat iisdem Sanctis DEVS, esse Gratiæ, siue, habere Esse Diuinum, viuere gratiâ, sentire, moueri, agi gratiâ, & in gratiam, & in opera gratiæ, ac Virtutum supernaturalium, ac perfectionis earum, intelligere quoq; siue agere, & agi vitali

Exerc: I.
vigore
fructuq;
Spei, per
Charitati

4. At
rudinis,
beatè, da
titudine
riq; & t
anhelare
firi, fam
minus

Sanctis
dine est
eâ, trans
aternum
beatificè
do, affec
quiescen
atena,
ipsomet

5. O
suas! O
esse Deo
rò: O q
admissi
bonum
DEVM!
tum est
tum est

6. Gr
Beatiss

Exerc: I. Ad quid DEVS Sanctos apud se in Cælo habet. 297

vigore meritum IESV Christi, per rationes æternas, per dona, fructulq; Spiritus Sancti, per dictamina fidei, per Intentiones Spei, per abundantiam, fervorem, constantiam, efficaciamque Charitatis DEI, atque Christi.

4. At verò in Beatà Virà, iisdem Sanctis, DEVS dat Esse beatitudinis, dat vivere beatè, dat videre, seu intelligere, & amare beatè, dat sentire, experiri, possidere beatitudinem: dat in beatitudinem moveri, & agi, eamq; pati, eà expleri, satiari, saginariq;: & tamen ad eandem semper ac semper, amplius ac amplius anhelare, aspirare, æstare, toto pondere ferri, ac tendere, totà siti, fameq; inhiare, totà capacitare repleti ac satiari, & nihilo minus satietate famescere, rursumq; fame satiari: dat denique Sanctis in cælo DEVS, non solum beatos esse, sed etiam in beatitudine esse, vivere, habitare, regnare, absorberi ab eà, possideri ab eà, transformari, & quasi transfessentiari in eam: atque sic esse in æternum & ultra, & amplius: quia dum DEVS erit DEVS: id verò beatificè, ac intuitivè, & facie ad faciem, DEVM intellectu vident, affectu amando, possidendo, & fruendo, gaudendo & conquiescendo, durando & perennando, securitate felici, felicitate æternà, æternitate beatà, beatitudine Diuinà, & ipsius DEI, & ipsomet DEO.

5. O quàm bonus est DEVS Creaturis suis, & in Creaturas suas! O quantum bonum est, ad tantum DEI bonum (quale est, esse DEO beatum) esse creatum, & destinatum! Super omnia verò: O quàm bonum est, esse de electis, esse de adductis, esse de admissis, ad tantum, & in tantum, hoc est, in omne bonum, in bonum super omne bonum, in omne Diuinum bonum, in ipsum DEVM! O quàm bonum est beatum esse, & ipso quidem DEO beatum esse, & in omnem, ac per omnem æternitatem DEO beatum esse!

6. Gratulare quantum potes, omnibus, & singulis Sanctis, quos Beatissimus, & omnis beatitudinis Oceanus, omnisq; Beatitudo

Pp

DEVS,

298 *Exerc: I. Ad quid DEVS Sanctos apud se in Calo habeat?*
DEVS, fecit, & inuenit, dignos se, & elegit ex omni carne, vt ipsos reipsâ faceret beatos ipso se. O sortem verè beatam, quâ Sanctis DEI obligit, non solum conditos & vocatos ad Beatitudinem esse, verum etiam efficaciter, ac reipsâ, beatitudinis compotes, comprehensores, possessores esse!

7. Age gratias Christo, huius Sanctorum beatitudinis per merita sua auctori; Age gratias DEO, eiusdem ex suâ gratiâ, & ob Christi merita, Sanctis suis largitori.

8. Accendaris & tu, beatitudinis desiderio; sed quia ad eam requisitissima est conditio, Sanctitas huius Vitæ, siue, consummatio in Virtute perfectionis, ac perfectione Virtutum, potissimumq; Charitatis; propterea id vnum, id solum, id toto conatu, toto sumptu, totâ intentione, id semper, id inexplēbilitè age: vt per omnia Sanctè viuas, & Sanctus sis, & simillimus Sanctorum Sancto IESV Christo sis, similis DEO (qui & Sanctus, & Sanctitatis fons, & ipsa Sanctitas est) in Sanctitate sis.

P R A X I S.

Sancte, & Beate DEVS: sanctitudo, & beatitudo ipsa tua, omniumq; Electorum tuorum DEVS, qui Sanctos, & Electos tuos, ad sanctitatem, & beatitudinem creas, eligis, vocas, deducis, & in ipsius possessione finaliter, efficaciterq; collocas: Sis benedictus in æternum, tam ab omnibus hisce Sanctis, ac Beatis tuis, quàm à me pauperculorum Sanctitatis candidatorum, atq; vtinam etiam tuorum ad beatitudinem electorum vno. O quantà felicitas, quàm felix iucunditas, quàm iucunda beatitudo, esse cum DEO: videre DEVM, viuere de DEO, Beatum esse DEO, videre etiam Sanctos, & esse cum Sanctis, & Sanctum esse! Beatus populus, qui scit Iubilationem: beatus qui possidet beatitudinem: beatus qui DEO suo beatus est: beatus, cuius & possessio DEVS est, & qui ipse possessio DEI est, ac æterna est. Gratulor vobis, atque millicies, & millicies millicies gratulor, ô Sancti, ô Beati, quia
san-

sancti, & beati estis Domino Deo vestro. Fiat hoc precibus vestris, fiat meritis Redemptoris nostri Domini Iesu Christi, fiat gratiâ Domini & Dei nostri, ut ego quoque, in hac quidem Virâ efficiar sicut vos Sanctus: in æternâ verò efficiar quoque sicut vos, Deo beatus, possidens DEVM, & possessus à Deo, possessioq; DEI æterna.

E X E R C I T I V M II.

De Amore erga Sanctos.

1. **S**Tatue te coram Sanctis omnibus cum Deo in Cælo regnantibus.

2. Elige actum Fidei Catholicæ de Sanctis, quòd sint nimirum Sancti, quòd in cælo cum Deo habitent, quòd DEVM beatificè videant, eòq; possessiue, ac in æternum fruantur: quòd in Deo iuxta statum suum, nos, & nostra cognoscant, (quid enim non vident, qui videntem omnia vident?) curent; pro nobis orent DEVM, & suis nos apud DEVM meritis, precibusq; protegant. Item, quòd DEVS, multa, eorum intuitu bona nobis præstet, aliàs non præstiturus, &c.

3. **Æstima**, & appretia Sanctos DEI, eorumq; Dignitatem. Omnes enim magni sunt, quia omnes iam beati, omnes Amici, & Domestici, & Ciues DEI. Omnes nimis honorati: nimisque confortatus principatus eorum. Amat illos, & æstimat, & exaltat, & glorificat DEVS in domo suâ æternâ, in æternum, tanquam fideles, & prudentes seruos, amicos, filios: quin & Sponsas gratiosissimas, electas, & sine maculâ: propter quod DEVS ipse merces eorum magna nimis. DEVS facit illos discumbere super mensam suam, & præcinctus transit, atq; ministrat eis. non aliud bonum, quàm omne bonum, quod est super omne bonum, nimirum semetipsum, Ideo, nec oculus vidit, nec auris audiuit, nec in cor hominis ascendit illud bonum, quod præparauit, atq; iam præbuit DEVS diligentibus se, & regnantibus secum, ac possidentibus, & fruentibus se.

Exerc: II. De Amore erga Sanctos.

4. Ama ergo hos Sanctos, hos Beatos, & DEO quidem ipso Beatos: sunt enim Sancti, & beati, sunt DEI sancti, sunt DEI amici, sunt etiam nostri Amici, os, & caro nostra, fratres, & coheredes nostri, quoad bona omnia Gratia, atque Gloriz. Insuper sunt perpetui nostri benefactores, prece, merito, exemplo, voto, protectione, curâ, communione, doctrinâ.

5. Gratulare Sanctis bona ipsorum, & gaude de illis, quia tanta, talia, & ista sunt: quia tam multa, tam vera, tam pura, tam solida, tam æterna: tam in DEVM, in ipsos, in omnesque beatos mutuò, in te, in omnem Ecclesiam militantem, atq; triumphantem, in totam deniq; vniuersitatem redundantia.

6. Desidera, & anhela ad bona Sanctorum, ad Societatem eorum, ad statum ipsorum. Hæc est enim voluntas DEI, Sanctificatio nostra, & ad Sanctos eius associatio nostra.

7. Ora sanctos, vt orent pro te, vt protegant te, adiuuent, & dirigant te, donec te quoque habeant Sanctum, ac Beatum in DEO apud se.

P R A X I S.

O DEVS, qui de viuis, & electis lapidibus, æternum maiestati tuæ præparas habitaculum: & cui soli cognitus est numerus electorum in æternâ felicitate locandus, & iam locatus; confiteor te esse Sanctorum tuorum, per tuam gratiam, perq; Filij tui Domini nostri merita, glorificatorem: Confiteor etiam, apud te esse mansiones multas Sanctis tuis paratas, & refertas: in quibus habitant, & habitabunt, illi Amici tui, in sæcula sæculorum, laudantes te, summum Bonum suum, summam mercedem suam, summam beatitudinem suam. O Sancti, ô Beati! quàm nimis honorati estis apud DEVM! quàm confortatus est Principatus vester apud Dominum! Beatus tu Israël in Domino DEO tuo. Sed, ô popule felix, ô gens sancta, ô generatio beata, memento etiam nostri in beneplacito tuo, quoniam benefecit tibi
iam

Exerc. III. De Sanctorum Veneratione.

301

iam DEVS tuus in te. Fratres nostri estis vos: nos autem Os, & Caro vestra: Gaudemus nos de bonis vestris, satagite & vos pro bonis nostris: gratulamur vobis nos omnia bona vestra, pertineat etiam ad vos sollicitudo pro salute nostrâ.

E X E R C I T I V M III.

De Sanctorum Veneratione.

1. **S**tatue te in conspectu Sanctorum omnium cum DEO in Cælo regnantium.

2. Agnosce eorum præsentiam, & ubiq; eam venerare. Etsi enim non sunt ubiq; per Essentiam suam: per præsentiam tamen, & cognitionem sunt, ubicunq; esse volunt, & ubi status eorum, vel finit, vel poscit.

3. Ubiq; ergo Sanctos tanquam præsentem agnosce, & venerare. Quis enim nouit, qui, & quot sunt in eo loco præsentem, atque te, & tua omnia pernoscentes intuentesq; in quo tu manes, & versaris, & operaris?

4. In locis præsertim Sacris, in templis DEO dicatis, in Domibus Religiosis: quid non est ad Sanctos pertinens? quid non est sacrum eorum vestigijs, laboribus, orationibus, meritis, obsequijs in DEVM, & pro DEO, penitentijs, & mortificationibus, in hac vitâ, imaginibus quoque, Reliquijsuè sacris?

5. Quid quod cum Sanctis Angelis Custodibus, ad sunt etiam nobis Patroni nostri Sancti, quorum Nominibus nominamur, quorum Patrocinio nos commisimus: quorum cultui specialis dediti sumus, quorum reliquiæ sacræ penes nos sunt, qui de sanguine, cognatione, atq; affinitate nostrâ sunt, de quibus siue viventibus, siue defunctis iam, singulariùs meriti sumus, vel etiam qui de nobis rectè, salubriterq; meriti sunt: quorum salutis media feliciter fuimus: quosq; DEO lucrari sumus: qui similiter nostra salutis media ex prouidentia Diuinâ fuerunt.

6. His accenseri possunt Sancti locorum, vrbium, populorum,

rum, superiorum, Rectorumq; nostrorum Patroni; Et ipsi etiam Superiores, Principes; Curatoresque nostri, Sancti, atq; iam Deo fruantes, quos res nostras, & cognoscere in Deo, & promouere apud DEVM, sedulâ, efficaciq; operâ ac interuentione, certum est. Si enim impius ille Epulo, pro fratribus suis agebat, ne & ipsi venirent in consortium pœnarum suarum, Sancti nostri Charitate DEI beatificâ repleti, radicati, & fundati, non hoc assiduatis apud DEVM suum agent studijs, Deo per omnia gratissimis, vt nos aggregemur beatissimæ Societati ipsorum?

7. Age gratias Deo pro Sanctis: & pro omnibus bonis in ipsos collatis, & maximè finali, ac ultimâ perseuerantiæ gratiâ conclusis, insuperque æternâ beatitudine, interminatâq; DEI, summi boni, possessione, & fruitione cumulatis.

8. Gratulare Deo bona illa omnia quæ in Sanctos suos effudit. Sunt enim eius, sunt & ipsi bona: ipsi honorifica, in ipsius glorificationem redundantia, vt pote in fontem, in finem, in centrū eorum. Ipsius etiam per ea Maiestas; Bonitas, Perfectio, Charitas, Liberalitas, Misericordia, Iustitia, Sanctitas, Beatitudo, manifestatur. His ipsdē ille potissimū, finaliterq; explet, & exsaturat suam Voluntatem, Sapientiam, Potentiam, Veritatem, Prouidentiam, Virtutem, Dignitatem, Voluntatem, in quantum per Creaturam puram explebilis est. Nec potest Deus magis, sicut suas Creaturas honorare, ita & vicissim à Creaturis suis honorari, laudari, exaltari, amari, quàm beatificâ sui per Creaturas fruitione, atq; possessione in æternū duraturâ. Hoc igitur, tam Sanctis propter DEVM, quàm Deo propter Sanctos eius gratulare.

9. Concupisce quàm plurimos, quàmque maximos esse Sanctos, vt ab ijs Deus quàm maximè laudetur, honoretur, exalteturque. Nominatim te ipsum, tuæque curæ commissos, cura, ora, stude reddere, quàm maximè Sanctos, & perfectos in præsentī vitâ, dignissimos, & aptissimos beatitudini in futurâ vitâ; vt & hîc, & in cælo, quàm maximè, per ipsum te, per tuos,

per

per om
accreseat

O San
enir
nia vid
& specu
loco, no
& hono
honora
stro, ora
piorum
propter
ritum, p
quibus
bonitati
tem ama
merita, c
& gratiæ
tuam, &
& coron
sunt: T
tuorum.
illi magi
Te; Da
vt in gl
sionem
fortitudo
cremen
mulatio

per omnes DEO bene sit: DEO laus, DEO honor, amor, exaltatio accrescat.

P R A X I S.

O Sancti Dei: agnosco, & veneror praesentiam vestram: quid enim non videtis, qui videntem omnia, & in eo pariter omnia videtis? quid est absconsum ab oculis vestris, qui in fonte, & speculo rerum omnium habitatis? Quomodo non in omni loco, non in omni habitaculo, non in omni officio, reuerebor, & honorabo vos, qui omnem locum, angulum, officiumq; omne, honorastis, & consecrastis, Diuinâ laude, obsequio in DEVM vestro, oratione, deuotione, veneratione, labore, & sudore, omniq; piorum exercitiorum genere, & omnium virrutum exercitio, propter DEVM, eiusq; gloriam, propter vestrum apud DEVM meritum, praemiumque. Domine: sis benedictus in tuis Sanctis, in quibus mirificasti omnes voluntates tuas, quos replesti diuitijs bonitatis tuae, per quos explēsti, & saginasti gustum, & voluntatem amabilissimi cordis tui. Omnia Sanctorum bona, omnia merita, omnia opera, tua Domine sunt dona: tuae sunt bonitatis, & gratiae munera. Tu magnificasti in eis Virtutem, & Veritatem tuam, & gloriam tuam: quoniam gloria Virtutis eorum tu es: & coronae illorum, coronae tuae sunt: laudes illorum tuae laudes sunt: Tu pasceres profectibus, tu ornaris laudibus Sanctorum tuorum. Ita vt tantò magis sis laudabilis, & gloriosus, quantò illi magis sancti, magis te digni, magis te Beati apud te, & coram Te; Da nobis Domine, tuorum Sanctorum minimis fratribus, vt in gloriam tuam, per gratiam tuam, per Sanctorum intercessionem, crescamus etiam omnes nos, in omne opus bonum: vt fortitudo nostra sit gaudium tuum, & magnitudo nostra sit incrementum magnitudinis tuae, atque beatitudo nostra, sit accumulatio beatitudinis tuae.

EXER-

EXERCITIUM IV.

De Communicatione cum Sanctis in bonis eorum.

1. **S**Tatue te, coram Sanctis iam cum DEO regnantibus, iamq; DEO beatis.

2. Communica illorum bonis omnibus, non solum per Spem futuræ participationis, sed etiam per vsum, participationemq; præsentis communicationis. Sumus enim inuicem membra, sub vno capite Christo, in vno corpore Christi. Membra autem vnius corporis, eiusdemq; capitis, communia sibi bona habent. Oculus, v. g. non soli sibi videt, sed omnibus membris, totique corpori, pes non soli sibi ambulat, sed toti corpori suo in quo est: & sic deinceps. Atque eodem modo gloria vnius alicuius Sancti, est quidem illius, sed non solius, verum omnium etiam est. Ergo particeps sum ego omnium timentium te Domine: omnium glorificantium te, omnium Beatorum de te, omnium viuentium apud te, omnium regnantium tecum.

3. Multiplex autem potest esse communicatio cum Sanctis in bonis eorum. Sicut enim vnius Urbis, aut Regni Cives, multis valde modis secum communicant: ita & nos cum Sanctis, qui sumus non iam hospites, & aduenæ, sed domestici DEI, & Cives Sanctorum, variè communicamus cum illis. Communicamus fide v. g. quod enim illi vident, nos credimus. Communicamus Spe, quia quod illi possident, nos speramus. Communicamus Charitate, quia quod illi amant, & quo fruuntur, nos desideramus. Communicamus laude, quia quod illi laudant, & nos laudamus. Communicamus termino, quia vbi illi iam sunt, eò nos currimus. Communicamus imitatione, quâ enim illi vitæ ratione assecuti sunt, eadem nos contendimus assequi, summum, & vltimum nostrum bonum. Communicamus deniq; fruitione Dei, non ita solum, quia quo illi fruuntur per gloriam, hoc nos fruimur per gratiam, sed etiam ita, quia ista ipsa eorum fruitio

DEI

Exerc.
DEI per
necdum
4. Hic
in Sanctis
iam non
tem prod
sanctis v
etiam n
etiam ol
5. N
stro, de
ditas il
runt æ
in ijsde
exerciti
premio.
de sicut
cedem n
ceperun
6. Ex
& tot b
& erunt
beatitud
gratulan
7. E
toties,
esse pr
quanti
ricular
manen
8. S
habene

Exerc. IV. De communic: cum Sanctis in bonis eorum. 305

DEI per gloriam, nostra quoq; est, quia in illis, & per illos, esto necdum per nos possidemus illam.

4. Hic verò communicandi modus vltimus, etsi videtur esse in Sanctis felicitior, idem tamen est in nobis vtilior. Sanctis enim iam non proficit ad meritum, siue gratiæ, siue gloriæ: nobis autem prodest ad incrementum vtriusq;: quia Charitas nostra, quā sanctis volumus, & gratulamur eorum bona; & facit, vt fiant etiam nostra: & crescere facit, in nobis, donata nobis à DEO, etiam ob Sanctorum merita, dona nostra.

5. Neque verò hīc tantum stat vtilitas nostra, ex gaudio nostro, de Sanctorum gloriā, & beatitudine: sed porrigit se fecunditas ista, vt virtutes Sanctorum quibus illi ad gloriam peruenerunt æternam, in nostrum transeant vsum: quia exemplo eorum, in iisdem Virtutibus crescimus: dum in ijs nos exercemus: quo exercitio proficientes, Sanctis assimilamur in merito, & meriti premio. Reddimur v. g. Humiles sicut illi fuerunt, Mundo corde sicut illi, Misericordes sicut illi, Patientes sicut illi, &c. & mercedem repositam habemus apud DEVM eandem, quam iam ceperunt illi.

6. Exulta de hac sorte tuā, & nominatim de hoc; quia toties, & tot beatitudinibus eris, imò iam es, beatus, quot beati sunt, & erunt apud DEVM: quoniam omnium, & singulorum eorum beatitudo, in tantum tua est, eritque, in quantum tu amas illam, gratularis illam, aptum te reddes ad illam.

7. Exulta etiam; DEVM, & tibi, & electis, Sanctisq;e omnibus, toties, tot, tantisq;e modis sigillatim esse bonum, esse liberalem, esse profusum, esse beatificantem, esse glorificantem, quot, & quantis modis, in Sanctos beatitudinem profundis: tuā tibi particulari, ac personali, esto etiam in omnes exundante, integrā remanente ex DEO beatitudine.

8. Statue operam dare, vt etiam per tuam Beatitudinem olim habendam, quin & per eiusdem promerendæ strenuam in præ-

306 *Exerc: IV. De Communic: cum Sanctis, in bonis eorum.*

senti curam, nunc quidem primum in hac, deinde in alterâ illâ vitâ, accrescant omnibus, & singulis Sanctis, gloriâ, coronâ, felicitates, exultationes, beatitudines. Sicut enim omnium illorum beatitudo tua, est suo modo beatitudo: ita quoq; tua vnus beatitudo, omnium illorum erit beatitudo.

9. Contende ergo crescere, amplius, & amplius semper: nec vnquam desiste proficere in Virtute, in Perfectione, in Sanctitate, in Meritis, in Gratiâ. Semper adde, semper ambula, semper profice, hîc in beatitudinis merito, ibi in eiusdem præmio: ut etiam omnes Sancti DEI, imò & ipsemet DEVS, crescant in beatitudine, & gloriâ suâ per te.

P R A X I S.

DEVS qui glorificantes te glorificas, & in Sanctorum tuorum honoribus honoraris; simulq; in Beatorum tuorum Beatitudine Beatus es; quin etiam in vnus Sancti honore Sanctos omnes honorans, & in vnus beatitudine omnes quoque beatiores facis; atque ita dum vni bonus es, omnibus es bonus, diuesq; in omnes, dum in vnum es diues: Te laudo in hac magnificentia bonitatis tuæ: & eam tibi, & Sanctis tuis, imò & mihi, cum iisdem tuis Sanctis adgratulor. Bonus es Domine; at non tibi soli, verum etiam omnibus Beatis tuis, quos tuâ Bonitate beatos facis. Bonus etiam es beatis, at non solis, sed etiam in eis mihi. Bonus es mihi, at non soli, sed etiam Tibi, & omnibus beatis. Bonus es mihi, quando Tibi ipsi Patri meo, & illis fratribus meis es bonus. Bonus es illis omnibus, quando mihi fratri eorum, es bonus, & in omnibus nobis, tibi quoque ipsi es bonus, quia Pater omnium nostrum amantissimus es: & quia propter Te, & propter magnam Gloriam, Laudem, Bonitatemque tuam es omnibus nobis bonus. O sis benedictus Domine, in omni bonitate tuâ. Sint omnes Sancti tui benedicti, in omni bonitate tuâ; Fac & me benedictum, propter eandem bonitatem tuam. Fac me

me Domi
Sanctos tu
in Te bon
secula sec

1. **S**Ta
DE

2. R

grega, u
passion
nem, ac
ter, per
nemq; D
fictorum
ras eius,
res, neg
ctione, r
carnifica
salutis a
tione, at

3. Gr
in vineâ

4. G
fectum,
in æstin
mâ, sin
nâ, nul

5. G
tationi
DEO, v

me Domine crescere in omni Bonitate, propter te, & propter Sanctos tuos: vt Tu hoc modo sis omnia in omnibus, & omnia in Te bona valde: beata perenniter, felicia tecum, per omnia secula seculorum.

EXERCITIUM V.

De fructu Dei ex Sanctis suis.

1. **S**Tatue te coram Sanctis, in cælo cum DEO regnantibus, atq; DEO beatificè fruentibus.
2. Reuoca in memoriam, & in vnum veluti cumulum congrega, multiplicia Sanctorum omnium opera, merita, labores, passionēs, obsequia, & studia, vsq; ad defatigationem, ad sanguinem, ad vulnera, ad mortem, ad exinanitionem, variè, constanter, perseueranter obita, propter Amorem, gloriam, exaltationemq; DEI, & Manifestationem, Veritatum, Voluntatum, Beneficiorum, Operum, & Perfectionum eius, inter, & apud Creaturas eius, scilicet apud Homines ignaros, ingratos, contemptores, neglectores, olores, hostes, persecutores, odium pro dilectione, mortem pro vitâ, cædem, furorem, rabiem, lanienas, ex carnificationes, lentissimas, easdemque sæuissimas mortes, pro salutis animarum, & beatitudinis, vitæque æternæ ijs denunciatione, atq; prædicatione reddentes.
3. Gratulare DEO tales Sanctos, seu, seruos fideles, & nauos in vineâ illius, & pro gloriâ illius operarios.
4. Gratulare quoque Sanctis talem materiam, obiectum, profectum, successumque, operum, ac laborum suorum: & quidem in æstimatione & remuneratione, extra omne dubium, æquisimâ, simulq; maximâ, quia Diuinâ, quia beatificâ, quia sempiternâ, nullumq; finem vnquam habiturâ.
5. Gratias age Sanctis pro omnibus honoribus, laudibus, exaltationibus, cæterisque omnimodis obsequijs, quæ impenderunt DEO, viuendo, laborando, patiando, moriendo propter DEVM, eiusq;

ciusq; Gloriam. Quia enim DEVS est quiddam tuum, imò, est spiritum tuum, & omne bonum tuum, magisq; etiam quàm tu ipse es bonum tuum; (tu enim tibi nihil esses, nihilque esse posses, nisi DEVS esset bonum tuum:) est DEVS, DEVS tuus, Creator, & Factor tuus ex nihilo tuo: est Pater, est Rex, est Dominus, est Possessor, Heres, Amicus, Benefactor, Conseruator, Prouisor, Amator, Sponsus, Medicus, Protector tuus: vno verbo: est DEVS tuus, Delicia, & Diuitia tua, & omnia tua: ideo quidquid Sancti quicunque fecerunt DEO tuo, & pro DEO tuo, id totum fecerunt tibi, & pro te, atque propter te. Imò aliquid ampliùs fecerunt, quàm si fecissent tibi, vel propter te: quoniam fecerunt DEO, & pro DEO, qui est magis tuus, maiusq; infinities bonum tuum, quàm es tu.

6. Et quia bonum DEI, minimum etiam, maius, ac melius est, (eo ipso quia DEI est) potius est, ac esse debet tibi; quàm si maxima & infinita bona obuenirent tibi: ideo Sancti benè merentes de DEO, longè meliùs, ampliùsq; fecerunt tibi, quàm si maximè, & infinities aliter benefecissent tibi. Adde his, quòd mereri etiam minimum quid de DEO, maius, & appetibilius, appretia- biliusq; sit, quàm sit mereri summè, & infinitè, de omnibus simul Creaturis, si in eis non attendatur DEVS. Si ergo Sancti, tanto- pere sunt meriti benè de DEO: iam ex hoc agnosce, quàm, & quantam illis gratitudinem, atque gratiarum actionem debeas. hoc nomine benè meriti de DEO?

7. Non est verò putandum: quòd ex eo, quia Sancti quàm opti- mè sunt meriti, de te, v. g. vel de quouis alio ante creato, dum sunt meriti de DEO nostro, qui est summum bonum nostrum, metiri debeas fructum DEI ex Sanctis suis: ista enim mensura, creaturam potiùs videtur respicere quàm DEVM, tuusq; is magis fructus est quàm DEI: Sed aduertendum est, aliquo alio iustiore respectu, obsequia sanctorum erga DEVM fructuosa esse DEO, DEVMq; hunc fructum aestimare. Est autem respectus iste: quia, quo-

quonia
propter
vi hic si
ctat, & c
suis, hun
glorifica
sequijs n
altera au
nis, atq
magnifi
simus;
adeo v
rificar
aut gra
Quia ex
mortali
à DEO e
ab illo c
ipso DE
& in at
habere
plenior
8. Q
DEO: i
tenus
& sunt
(post L
DEI, D
electo
eorder
ipsis D
mnis g

quoniam DEVS, sicut omnem creaturam condidit propter se, & propter puram, magnamq; (vt canit Ecclesia) gloriam suam: ita vt hic sit vnus, ac solus, vltimatusq; fructus DEI, quem ille spectat, & expectat ab omni sua Creatura: ita etiam & à Sanctis suis, hunc vnicum fructum, & habere optat, & habet; quia ab eis glorificatur: glorificatur autem in hac quidem mortali vita obsequijs meritorijs, eius honori impensis, per gratiam ipsius; in altera autem vita obsequijs ipsorum Sanctorum à DEO præmiati- nis, atque æternaliter beatificis. Qui posterior modus, est DEI magnificentia præ omnibus eius in Creaturam beneficijs dignif- simus; quia, summus, quia vltimus, quia consummatissimus: adeo vt DEVS Creaturam (puta Sanctos) non possit amplius glo- rificare, exaltare, fructuq; maiore, & obsequijs Deo dignioribus, aut gratioribus, maioribusuè afficere: nec ipse à Creatura affici. Quia ergo Sancti, DEVM; post omnia optimè merita de ipso, in hac mortali vita, vltimatis beatificis obsequijs exaltant, vicissimque à DEO exaltantur: neque possunt aut exaltare illum, aut exaltari ab illo consummatius atq; perfectius, & tam ipsis Sanctis, quam ipso DEO dignius: ideo a Sanctis, & ex Sanctis suis, DEVS habet, & in æternum quidem habet, fructum ita summum, vt maiorem habere non possit: ita perfectum & plenum, vt perfectiorem pleniorumq; non desideret.

8. Quamuis est etiam alius Sanctorum fructus, quem afferunt DEO: immixtus quidem & ille prioribus duobus modis, aliqua- tenus tamen alius. Sancti enim DEI, per hoc etiam obsequijs suis, & sunt, & fuerunt DEO suo admodum fructuosi, quia nemo plus (post DEVM) toti rerum vniuersitati commodauit, quam sancti DEI, DEO potissimum iam beati: tum quia potissimum propter DEI electos stant, atq; conseruantur, tum quia, potissimum per electos eosdem ornantur, tum quia potissimum per electos, debita ab ipsis DEO laus, gloria, obsequentiaque impenditur: tum quia o- mnis generis, potissimumq; æternæ salutis bona, per electos &

Exerc: V. De Fructu Dei ex Sanctis suis.

effusa sunt, & effunduntur à Deo, in Creaturas: tum denique, quia potissimum per electos, atq; in electis Dei, omnes reliquæ Creaturæ, finem suum, ad quem primariè à Deo conditæ sunt, sortiuntur, & adipiscuntur.

9. Videre hoc licet in vnâ solâ Dei Hominis Matre & Virgine MARIA. Vnus Noë Patriarcha toti Mundo per diluuium penè abolito, quantum contulit? Quid Abraham, Ioseph, Moises, Dauid? Quid Apostoli, Apostoliciq; Viri, quorum laboribus Mundus exiit perfidiam, & impietatem vsque hodie? Sanctis Angelis Custodibus, & Mundi, & Hominum; Sancto Michaeli Archangelo Principi Cælestium & Terrestrium, ac etiam Inferorum, quantum debet totum hoc vniuersum? At hæc omnis Sanctorum DEI, in vniuersum beneficentia, redundat ab eis in DEI sui gloriam, estq; fructus DEI ex Sanctis suis: & est etiam fructus vniuersi ex Sanctis DEI.

10. Gratulare Sanctis, quod à Deo sint tanto isto honore dignati, qui honor honorum est maximus; quod adhibiti, & electi sint, ad hoc genus supremæ exaltationis, & glorificationis eius: non tantum per obsequia gratiæ, & Sanctitatis, sed etiam per obsequia gloriæ ac sempiternæ beatitudinis, tam per seipsos, quàm per alios, ad eundem finem beatissimum per suum ministerium adductos.

11. Appete tu quoque, esse instrumentum DEI, ad laudandum ipsum, esse currus gloriæ DEI ad circumferendam, & enarrandam, vbique gloriam DEI.

12. Offer te Deo, & pete ab ipso adhiberi, atque effunde te, in eius glorificationem quàm maximam, primum quidem in ipso te, & intra te, per eximiam Vitæ morumq; sanctitatem, ac Christi Sanctorumq; imitationem perfectam: tum deinde extra te, vt per te, vbique exaltetur Deus salutis nostræ: vt merearis benè, tum de Deo, tum de Sanctis omnibus DEI, quorum vnica est nunc queque ista cura: vt sit à solis ortu vsque ad occasum laudabile nomen Domini, ex hoc nunc & vsque in sæculum.

D Om
& m
in omnib
vis, & sci
de hac v
tuorum
gratulor
totam a
cor, tot
tificatio
riam r
aternar
forum,
Vtere q
vt sicut
tuarum
te sumir
tem Te
gloriam

De
1. ST
S
2. A
pes, &
potent
dixit P
sunt A
Omnis

P R A X I S.

Domine, qui nosti omnium Sanctorum tuorum differentias, & merita, & omnibus eis dispositiones gratiarum facis, ut in omnibus, & ab omnibus glorificeris, tantum; quantum ipse vis, & scis, & facis te glorificari ab eis. Gaudeo in conspectu tuo, de hac voluntate, atque voluptate tua, quam ex hac Sanctorum tuorum habes, in Gloriam tuam operatione: iisdemque Sanctis gratulor, & congaudeo, & gratias ago, quia totam vitam suam, totam animam, totam fortitudinem, totam mentem, totum cor, totas vires suas effuderunt, in amorem, in laudem, in beatificationem tuam: & propter te, propterque voluntatem, & gloriam tuam, etiam in commoditatem, securitatem, salutemque aeternam, tam hominum singulorum, quam populorum uniuersorum, quin & singularum specificè, indiuiduèque creaturarum. Vtere quoque me seruolo tuo, ad eandem exaltationem tuam: ut sicut glorificaris ab omnibus Sanctis, ita & à me creaturarum tuarum licet minimo glorificeris: & sicut Sancti tui exaltauerunt te summum bonum, & tuum, & suum, & meum; ita & ego exaltem Te summum bonum tuum, & ipsorum, & etiam meum: ad gloriam nominis tui Sancti, omni maximâ maiorem.

E X E R C I T I V M VI.

De Domino Sanctorum: & subiectione ad ipsos nostrâ.

1. **S**tatue te in conspectu Sanctorum omnium cum DEO regnantium in Cælo.

2. Agnosce, & confitere, Sanctos DEI, esse Reges, & Principes, & Dominos, quouis huius mundi Principe longè maiores, potentiores, augustiores, confirmatioreque: propter hoc enim dixit Propheta DEO, de Sanctis eius; Mihi autem nimis honorati sunt Amici tui DEVS, nimis confirmatus est principatus eorum. Omnis enim illorum potestas, & regnum, & dominatio, habet

312 *Exerc: VI. De Dominio Sanctorum, & subiectione &c.*
positos fines suos, pulchritudinem pacis æternæ, habet tabernacula fiduciæ inconcussæ ab vlllo metu, habet requiem opulentam, & ipsomet DEO beatam.

3. Propter hoc etiam, Dominus noster IESVS Christus, Sanctus Sanctorum, habet in femore suo scriptum, Rex Regum, & Dominus Dominantium, suorum scilicet Sanctorum, qui sunt veri, & proprii Reges, atque Dominantes, quibus collati huius sæculi Reges ac Domini, mancipia sunt verius, & penè iumenta vilia, seruitutem miserrimam seruientia, tam suarum, quàm alienarum, & quidem ferme semper iniquarum cupiditatum, ac necessitatum.

4. His tantis cælestibus Beatissq; Regibus, subijce te, atque illorum potestati, & dominio, te totum libens trade: propter DEVM inprimis: deinde, & propter ipsorum Dignitatem. Digni enim sunt: & est hæc Voluntas coram DEO. Nam si potestatibus mundi huius sublimioribus, imò omni Creaturæ, vult, & iubet nos subiectos, subditosq; esse Apostolus: quantò magis iustum est; nos subdi ex Diuinâ Voluntate Sanctis DEI: quibus longè plenius, digniusq; omnia subiecta sunt, quàm nobis hîc degentibus: de quibus tamen proficetur, & DEO gratias agens, admiransq; confitetur David: cùm de omni homine dicit; Omnia subiecisti sub pedibus eius, Boues & oues, &c.

5. Amplectere itaque, Potestatem, Voluntatem, statuta, imperia, consilia, monita, & exempla Sanctorum tanquam Diuina. Cùm enim ipsi sint Diuinæ Voluntatis sacratissimi, eidemque coniunctissimi, atq; ex toto conformatissimi: nihil volunt, nihilque velle possunt, & nihil etiam posse volunt, nisi id solum, quod DEVS vult: quodq; euidenter sciunt DEVM velle. Quare Voluntas eorum Voluntas DEI est: & cùm aliquid nobis vel iubent, vel suadent, vel exemplo præmonstrant, id sine dubio DEI Voluntati conforme, placitumq; est.

6. Hæc subiectio ad Sanctos omnibus fidelibus Christi incumbit:

Exerc:
bit: or
ctorum,
nuerunt
sanctos f
DEI: hi
æ Eccle
Princip
B. Paul
vniuers
gere Ec
7. Sp
ijs, qu
sunt fi
Quot
suorum
gnantes
rectione
pta, mo
DEI Ne
fidei, &
choara
8. T
seu filii
exacte,
difficile
næ Vol
operum
quidq;
institu
præiud
mis de
9. I

Exerc. VI. De Dominio Sanctorum, & subiectione Eccl. 313

bit: omnes enim Filij Sanctorum sumus, omnes generatio rectorum, & timentium DEVM, qui nos DEO per Euangelium genuerunt, & sanctificauerunt. Specialius incumbit eadem ad sanctos subiectio, pastoribus, & rectoribus populorum, ouiumq; DEI: hi enim successores sunt eorum, de quibus dictum est, Sanctæ Ecclesiæ; Pro Patribus tuis nati sunt tibi filij: constitues eos Principes super omnem terram. Hi sunt etiam quibus dicitur à B. Paulo: cum vehementi contestatione; Attendite vobis, & vniuerso gregi, in quo vos Spiritus Sanctus posuit Episcopos regere Ecclesiam DEI, quam acquisiuit sanguine suo.

7. Specialissimè dixerim, subiectionem ad Sanctos incumbere ijs, quos vulgò Religiosos dicimus: sicuti & ipsi specialissimè sunt filij, & generatio Sanctorum, atque Sectatores ipsorum. Quot enim isti habent Fundatores, & Patriarchas Ordinum suorum, quot habent Sanctos de suo Ordine, iam cum DEO regnantes in Cælo, quot maiorum suorum, instituta, Regulas, directiones, & præcipuè exempla; tot habent voluntates, præcepta, monita, consilia, tum DEI, tum ipsorum; ad hoc sibi, ab ipsis, DEI Nomine proposita, vt ab ipsis in praxim, & executionem, fideli, & filiali obedientiâ, atque diligentia deducantur, vtq; inchoata per illos, per posteros successoresq; compleantur.

8. Trade igitur te Sanctis omnibus in subditum, ac seruum: seu filium: & quidquid eos velle, scies, hoc libenter facito, & exactè, & perfectè, & constanter, sicut illos velle nosti. Quod si difficile putas explorare Sanctorum Voluntatem; eam per Diuinæ Voluntatis, veritatis, fideique regulam, per morum, & vitæ, operumque ipsorum exempla, atque instituta, faciliè indagabis: quidquid enim DEVS vult, hoc & ipsi volunt, hoc suadent, hoc instituerunt faciendum à suis filiis: in hoc faciendo, iisdem suis præiuère exemplis: hoc vt à suis posteris nauiter perficiatur, summus desiderijs, vnà cum Domino DEO suo exoptant, & expectant.

9. Et hic, est præcipuus, & maximè tum DEO, tum Sanctis de-

314 *Exerc: VI. De Dominio Sanctorum, & subiectione &c.*
sideratus, ac placitus Sanctorum cultus, & ad ipsos subiectionis
modus. Sic nimirum viuere, sic agere, quomodo vixerunt, quo-
modo egerunt, quomodo agendum, & viuendum præscripserunt
Sancti: vt placeas DEO, sicut eidem placuerunt Sancti: vt placeas,
& assimileris Sanctis, sicut assimilati sunt DEO iisdem Sancti.

P R A X I S.

V Erè Domine nimis confortatus est Principatus Sanctorum
tuorum, constituisti eos Principes super omnem terram,
non solum hanc nostram morientium, verum & super illam vi-
uentium. Cum ergo Principes sint à te constituti, sine dubio &
nos subditi eorum sumus facti, quorū voluntati nos subesse san-
cta tua voluntas est. Non est enim alia illorum, alia voluntas tua:
sed hoc ipsum semper illi volunt quod te velle sciunt, sicut & tua
voluntas, illorum voluntas est, quoniam tu voluntatem timen-
tium te nunquam non vis, nunquam non facis. His itaque ego
me subdo: sicut tibi: eorū voluntatem exequi volo sicut tuam:
ijs placere desidero, atque statuo, sicut tibi: ex eorum manibus,
& institutis, & exemplis, volo cognoscere, & adimplere volun-
tatem illorum sicut tuam: tuam sicut illorum: vt sic demum Do-
mine fiat voluntas tua sicut in cælo, ita & in terra. Omnia verò
ad Gloriam tuam in Sanctis, & ad Gloriam Sanctorum in te: qui
sicut in voluntate illorum tuam nobis voluntatem proponis: sic
in nostrā ad illos subiectione à nobis honoraris.

E X E R C I T I V M VII.

De Desiderio Societatis Sanctorum.

1. **S** Talue te in conspectu Sanctorum omnium, cum DEO in
Cælo, beatissimè & felicissimè regnantium,
2. Accendere famelicissimo desiderio adnumerandi, adiun-
gen-

Exerc: VII. De Desiderio Societatis Sanctorum. 315

gendi que te Sanctis, & participandi cum eis de illorum beatissimâ felicitate.

3. Ad hoc enim tota dispensatio Prouidentiae, ad hoc tota Oeconomia Voluntatis Diuinæ dirigitur, quâ Deus, & circa te vnū, & circa omnem Creaturam rationalem, vtitur, occupaturq; : vt nimirum Sanctus sis, cum Sanctis sis, videas Sanctos; & viuas cum Sanctis : propterea dicitur nobis voce Apostolicâ; Accessistis ad Ciuitatem DEI viuientis, Ierusalem cælestem, & Ecclesiam primitiuorum : qui conscripti sunt in cælis, & ad multorum milium Angelorum frequentiam. Et rursus. Iam non estis (ait nobis) hospites & aduenæ : sed estis Ciues Sanctorum, & domestici DEI. Ad hoc, actu si non peruenis; tota Prouidentiae Diuinæ series, totus Bonitatis Diuinæ sumptus, tota omnipotentiae DEI occupatio circa te, in nihilum, tuo damno, tuo vitio recidit.

4. Ad hoc sumus vnus Patris filij, ad hoc vnus Ciuitatis Ciues, ad hoc vnus capitis membra, ad hoc vnus ædificij lapides viui, vt ab inuicem non disiungamur, neque dissipemur, sed in vnum Beatitudinis domicilium, Regnum, corpusq; coalescamus.

5. Cum ergo sine te non sit futura plena Societas Sanctorum, sed tot filijs carebit Pater, tot Ciuibus Ciuitas, tot membris Caput, tot lapidibus Domus; quot ex hominibus deesse, & excidere à beatitudine contigerit : tu omnimodis Sanctus esse, & omnino cum Sanctis esse desidera : ac insuper omnes alios, quod in te est, esse cum iisdem in beatitudine ad labora.

6. Hunc in finem, crebrò tuam (& aliorum) à Sanctis dissimilitudinem, disunctionemq; (quæ potissimùm disparitate morum fit) agnosce : desce, emenda, abole : omni studio curans, vt sis per omnia moribus Sanctorum similis : assiduo luctu deplorans, quòd eis multum fueris, & adhuc sis, multum, & in multis dissimilis.

7. Hunc etiam in finem, sæpè cum Sanctis conuersari, & colloqui elabora : Cogitando de Sanctis, mores, & gesta, vitasq; eorum recognoscendo, opera illorum imitando, instituta sectando,

316 *Exerc. VII. De Desiderio Societatis Sanctorum.*

lancita exequendo, Virtutes exprimendo, admiranda eorum in eis mirando, & DEVM pro eis glorificando : imitanda verò illorum diligenter æmulando, & vitam propriam quotidie adinstar eorum conformando : quotidie quicquid adhuc deest addendo, & adinstar, exemplarq; illorum semper ampliùs proficiendo.

8. Hunc etiam in finem, sæpè Sanctos in auxilium tuum, & tuorum, & totius Ecclesiæ Christi inuoca : cum omni fiduciâ, honorans in eis DEVM, & illos in DEO, per hoc, quia cum Sancti inuocantur, DEVS ad honorandos Sanctos prouocatur : quos ille tunc honorat, quando ad ipsorum à nobis inuocationem, & pro nobis Orationem, Misericordiæ suæ dona super nos effundit. Et hæc ipsa DEI super nos miseratio, est DEI maxima glorificatio.

9. Hunc etiam in finem, ardenti, & assiduo tædio afficiaris ad realem cum Sanctis in Cælo coniunctionem, & cohabitationem. Sicut enim hoc & DEVS, & Sancti summè desiderant, ita congruum est, & te id summè desiderare. Amantium, & Amicorum est simul esse velle semper, frui mutuo conspectu, conuictu, colloquio, affectu, amore, super omnia beatitudine semper. Non amant, qui sine se facile esse possunt.

10. Ambi ergo, anhela cum Sanctis esse, vinere, perennare : concupisce dissolui, & esse cum Christo, Sanctorum Sancto. & cum eius Sanctis. Sæpè te ipsum vrge, vt ad illos festines, vt te ad illos quàm maximè paratum, id est, similem facias. Auelle te ipsum, & explica ab omnibus creatis, & huius vitæ vinculis, vt facile dissolui paries iste possit, domusque lutea : ad vocem Domini venire iubentis, necdum satis perfectam, tu iam ex eas : tu iam exisse, & ad Sanctorum tabernacula, complexûsque, sine morâ, sine impedimento festinare, atque Ecce venio, Ecce adsum, ingeminare inueniaris.

P R A X I S.

Domine, me expectant iusti tui, donec retribuas mihi. Ah! qua-

Exerc: VII. De Desiderio Societatis Sanctorum.

317

quare necdum est depositio tabernaculi mei parata? quare adhuc in ista regione mortis, incola est Anima mea? O! quanta est felicitas, videre Sanctos, gaudere de Sanctis, viuere cum Sanctis, cum Sanctis esse, & esse Sanctum! Scio Domine: & dolens recognosco, gemenſq; confiteor, quia adhuc maneo in magna regione dissimilitudinis à Sanctis tuis. Et quid ptodest Domine diu viuere, si non succedit Sanctius viuere? Domine, da melius, da sanctius, da perfectius viuere, & tunc delectabit viuere: quamuis tunc minimè delectabit viuere, quando ex gratiâ tuâ dederis sanctè, perfectè, cælo, & sanctis, & te, dignè viuere. Quousque ergo differs Domine, quousque non parcis mihi, nec finis vt glutiam saluam meam desiderij mei, quo cupio cum tuis Sanctis esse, & tibi appropinquare, & te cum illis in sæcula sæculorum laudare? O Sancti! hæc utique est pars vestra, atque mercedis vestræ portio magna, adiungi nos vobis, & conscriptos nos habere vobiscum in gloria Patris. Ergo iuuate, ergo trahite, compellite, & cogite, tardantes nos, & luteas hæc domos deferere metuentes. O adeste! parate nos, & corda nostra Domino: facite nos citò plebem perfectam, vt simus parati occurrere illi venienti, respondere vocanti. Dirumpite vincula nostra, quibus hîc tenemur: vt digni, & accincti simus adiungi vobis: & sacrificare sacrificium laudis, in illâ Patriâ, iam vestrâ in re, nostrâ autem adhuc in spe: sed spe, quæ non confundit: quia Spes nostra Dominus, Sanctorum principatum tenens, cui gloria in sæcula.





EXERCITIORVM

PARS XIII.

ERGA

Cœlestem Beatitudinem.

EXERCITIUM I.

De Cœlestis Beatitudinis Magnitudine.

1. **S**Tatue te in Cælo præsentem, & intra in locum tabernaculi admirabilis, in Domum Dei, in voce exultationis & confessionis: sonus epulantis cœlestem Beatitudinem.
2. Indaga, & exquire magnitudinem cœlestis beatitudinis: quam, sicut multa, eaque magna, ac planè maxima bona constituunt, ita etiam eandem ostendunt.
 1. Constituit, atque etiam ostendit magnitudinem cœlestis beatitudinis, absentia & exclusio omnis penitus mali, & molesti, & metuendi. Non est enim ibi, neque mors, neque luctus, neque dolor: quoniam transeunt hæc omnia ante beatitudinem, & non intrant in eam: siquidem Deus abstergit omnem lachrymā, quin & lachrymarum memoriam: nisi in quantum earum meminisse, confert ipsi Beatitudini.
 2. Constituit atque ostendit magnitudinem cœlestis beatitudinis, præsentia, & possessio omnis penitus boni, quodcunque beatitudinem decet. Si quidem Essentia beatitudinis, atque natura, hoc exigit: atque in eo consistit, ut sit status omnium bonorum

aggre-

Ex
aggregat
nestum
tus: sed p
quoque
perans o
dis, Inte
gustu juc
intercur
omne bo
fert ad p
omni co
ibi locu
pergitu
beatitu
3. Co
nis DEVS
dendo p
intuentu
do fruor
bono; id
Cum ei
ad hoc s
Deo ma
modo in
data fide
tibus, di
4. Co
dinis, v
minus,
tuit bea
mo DEVS
corpora

Exerc. I. De Cælestis beatitudinis Magnitudinē. 319

M aggregatione perfectus. Habet ergo status ille omne bonum honestum : est enim honestissimus, & nullā turpitudine inquinatus : sed per omnia summæ Rationis dictamina decorus : habet quoque status ille omne bonum jucundum, explens, imò & superans omnem sensum Animæ & Corporis beati, mentis & cordis, Intellectus & Voluntatis, & memoriæ, & imaginationis, gustu jucundissimæ, sanctissimæq; simul voluptatis, absque vlllo intercurſu amaritudinis. Habet etiam status ille beatitudinis omne bonum utile : quatenus habet omne id quodcunque confert ad perfruendum illo statu, absq; vlllo impedimento : & absq; omni eo quod beatitudinis gustui fructuiq; non conducit. Vnde ibi locus merendi non est, tum quia status est, in quo statur, non pergitur; tum quia in merendo labor esse debet, cuius molestiam beatitudo non admittit.

3. Constituit, atq; ostendit magnitudinem cælestis beatitudinis DEVS ipse : quia ille est, qui beatitudine possidetur, & possidendo possidentem beatificat: ille est, quem beati facie ad faciem intuentur, intuendo eundem tenent, tenendo gaudent, gaudent fruuntur, & beati sunt. Et quia DEO, maius nihil est in omni bono; ideo etiam beatitudine, quam constituit DEVS, vt obiectum eius, maius nihil est; adeo vt nec beatitudo ipsa, quantum ad hoc suum obiectum, esse maior possit, perinde vti etiam ipso DEO maius nihil esse potest : & vti DEVS ipse maior esse nullo modo in semetipso potest. Atque hoc illud est, quod ipse DEVS, datâ fide adpromisit Abraham, omnibutq; ad eius fidem pertinentibus, dicens : Ego ero merces tua magna nimis, &c.

4. Constituit, atque ostendit magnitudinem cælestis beatitudinis, Verbum Incarnatum, DEVS Homo, Christus IESVS, Dominus, Redemptor, Saluator, Glorificator noster. Hic constituit beatitudinem cælestem, & quatenus DEVS, & quatenus Homo DEVS. Humanitas enim eius constituit beatitudinem quasi corporalem (sicut Diuinitas spiritualem) hominum beatorum, in

320 *Exerc: I. De Cælestis Beatitudinis magnitudine.*

in quibus, quantum ad corpora, consistit beatitudo præcipuè in Visione Humanitatis Christi Deificatæ, seu Verbo unitæ. Idem Deus homo, ostendit magnitudinem cælestis beatitudinis, quia propter illam nobis constituendam, promerendam, asserendam, conferendamque, Verbum Caro factum est, & habitavit in nobis: tantumque laborum, & sumptuum sanguineorum, & lethalium exhaustit: quod certè immensam quandam magnitudinem beatitudinis cælestis, argumento plusquam irrefragabili euincit.

5. Constituit & ostendit magnitudinem cælestis beatitudinis, præsentia Dei Matris: omniumque beatorum, tam Angelorum, quam Hominum in Cælo: quorum omnium, & pulchritudo, & multitudo, statusque beatitudinis, & gloriæ, admirabilem, & prorsus (nisi ab ipsis beatis) incogitabilem, efficit magnitudinem cælestis beatitudinis. Vnius quidem Dei Matris beatifica gloria, tanta est, quanta ex eo conijci potest, quod post Filium suum Deum hominem, peculiarem, & omnibus beatis, beatorumque choris eminentiorem gloriæ chorum, seu Hierarchiæ ordinem constituat. Cui accedunt omnes reliqui beati, quorum vnus quisque refulget sicut Sol, in conspectu tam Dei, quam omnium aliorum Beatorum.

6. Eandem magnitudinem beatitudinis cælestis constituunt & ostendunt maximi Sanctorum omnium labores, ab eis in hac vitâ propter beatitudinem exantlati. Constituunt quidem illam, meritoriè: quia tantorum laborum atque meritorum, & par, & maior, (quia ultra condignum remuneratur suos Deus in cælo) debet esse præmiatio, hoc est, beatitudo: ostendunt autem eiusdem magnitudinem: quia nunquam tanta certamina proposuisset sanctis suis Deus in hac vitâ decertanda, nisi suâ Diuinâ liberalitate summè condigna, & omnibus certaminibus, longè, ac longissimè etiam, maiora, assignasset præmia.

7. Constituit atque ostendit magnitudinem cælestis beatitudinis hæc ipsa modò adducta remunerationis magnitudo: cuius
men-

E
mensura
in hac vitâ
leue tribu
modum g
Dominu
conferat
stros. Ni
7. Co
nis ætern
iunctam
verè bea
circo ve
Talis es
dit, nec
3. Ma
secundū
etiam du
cuius &
Altitu
Nam att
Deum, e
ciem. I
tificat D
Latitu
hendat
tudinis
Deum
mines S
do eius
& parte
beatitu
merita,

Exerc: I. De Cælestis Beatitudinis magnitudine. 321

mensura, in immensum transcendit merita, laboresq; Sanctorū in hac vitā; luculenter asserente Apōstolo: momentaneum, & leue tribulationis huius, quod in præsenti est, immensum suprā modum gloriæ pondus operatur in nobis. Quod ipsum etiam Dominus I E S U S attestatus est, cū dixit; Mensuram bonam, conferiam, coagitatam, & supereffluentem dabunt in sinus vestros. Nimirum; merces vestra copiosa est in Cælo.

7. Constituit & ostendit magnitudinem Cælestis beatitudinis æternitas eius. Nisi enim beatitudo illa æternitatem sibi coniunctam haberet, de eāque beati nisi certi & securi essent, nec isti verē beati, neq; illā verē beatitudo esset: sed quia æterna est, idcirco verissima, plenissima, & omnium maxima beatitudo est. Talis est: qualis, etsi reuera est; qualis tamen sit, nec oculus vidit, nec auris audiuit, nec in cor hominis ascendit.

3. Magnitudinem cælestis beatitudinis adhuc indagare potes, secundū quadruplicem mensuram Sacræ Scripturæ v̄sitatam, etiam dum de hac ipsa beatitudine sub figurā Ciuitatis loquitur: cuius & longitudo, & altitudo, & latitudo, æqualia sunt.

Altitudo Beatitudinis, est suprema, quæ quidem esse potest. Nam attingit, imò complectitur, ipsummet (quantus quantus est) DEVM, eiusq; beatitudinem, & quidem sicuti est, & facie ad faciem. Itaque, eo bono, beatos suos, quo & semetipsum, beatificat DEVS.

Latitudo Beatitudinis cælestis, in eo est sita; quòd comprehendat omne Ens Intellectuale, in quo solo est capacitas beatitudinis veræ, & supremæ. Continet DEVM Vnitrium, DEVM Incarnatum, DEI Matrem, Angelos puros spiritūs, Homines Spiritu & Corpore constantes. In eo etiam sita est latitudo eius: quia comprehendit in se omnem Ecclesiæ DEI gradum, & partem: prout modò dictum est. In eo etiam sita est latitudo beatitudinis cælestis, quia comprehendit, & adæquat, & excedit merita, in remunerando, omnium, & singulorum Beatorum,

Si

omnia,

322 *Exerc: I. De Cælestis Beatitudinis magnitudine.*

omnia, & singula etiam minutissima merita: etiam solum cogitata, solum animo concepta, & destinata. In eo etiam sita est latitudo eius: quia in omnes, singulosque beatos, suâ quadam portione diffunditur: ita afficiens singulos, ut simul afficiat omnes: ita verò omnes, ut simul etiam singulos: ita ut vnius alicuius beatitudo, sit suo modo omnium: & omnium beatitudo, sit nihilominus singulorum.

Longitudo cælestis beatitudinis, sita est in comprehensione omnis durationis, quâ durat, durabitque; Oeconomia DEI, quæ est Ecclesia eiusdem, ex Angelis & Hominibus constituta. Complectitur enim beatitudo cælestis sæcula omnia ab origine Mundi tam inuisibilis, quàm visibilis: adiunctâ etiam æternitate, cuius longitudinis non est finis, ac ideo etiam nec beatitudinis erit.

Profunditatem Beatitudinis cælestis, Sacra scriptura loco citato non commemorat: tum quia in commemoratis ibi à se fundamentis eam fortè supposuit: tum quia fortè in altitudine conclusit, profunditas enim & altitudo, solis terminis differunt, aliàs in eodem consistunt. Possumus tamen dicere, profunditatem beatitudinis cælestis, consistere in eo; quòd secundum profundissimas, & inuestigabiles, incomprehensatque, Sapientiæ, Iustitiæ, Misericordiæ, Veritatis, Charitatis, Voluntatisque vias, iudicia, & ordinationes atque decreta, procuretur, & conferatur singulis quibusque Beatis. Hic licet cum Paulo exclamare; O altitudo diuitiarum, Sapientiæ, & Scientiæ DEI: quàm incomprehensibilia sunt iudicia eius, & inuestigabiles viæ eius! Quis enim cognouit sensum Domini, aut quis Consiliarius eius fuit? Hoc dum omnes Beati, tum in se ipsis, tum in alijs aduertunt; in immensas, & simul sacri horroris, simul stupendæ admirationis, exultationisque demerguntur plenissimas jubilationes, exaltationes, gratiarum actiones, congratulationes, laudationes, satietates.

Tunc videbis, & afflues, & mirabitur, & dilatabitur cor tuum, ô quisquis mereberis in sortem deuenire Beatorum. Tunc mirabi-

E
bimur,
mus mil
tosque e
mur mag
garij etia
ri, minu
prehend
tempor
in nob
Israel. M
cis, mi
re, tan
videbi
luuium
libet A
non for
inundat
Ergo
Magni
beatitu

O
m
Altitud
mensur
quàm
quo il
troire
O Do
num,
plet o

Exerc: I. De Cælestis Beatitudinis magnitudine. 323

bimur, & stupeſcemus, nos eſſe beatitudine donatos, qui fuimus millicies damnationis æternæ rei: tunc mirabimur ſaluos, beatorſque eſſe, quorum ſalus apud nos fuit deſperata: tunc mirabimur magnos, eximioſque coram DEO ſanctos eſſe, qui nobis gregarij etiam iuſti non videbantur: tunc mirabimur, à DEO præmiari, minutiffima, & viliffima facta, ſtudiaque noſtra. Tunc comprehendemus, quomodo non fuerint condignæ paſſiones huius temporis, ad illam gloriam, quæ per beatificationem reuelabitur in nobis. Tunc iuſtiſſimè dicemus admirantes, illud filiorum Iſrael, Manhu? Manhu? quid eſt hoc? quid hoc eſt, quod promicis, minutijs, momentisque laborum noſtrorum, pro DEI honore, tanta beatitudinis in nos effundantur à DEO profluuia? Tunc videbimus, fatebimur, & dicemus cum Pſalmiſtâ; Dominus diluuium inhabitare facit in Domo ſua, in cæleſti domicilio, in qua libet Animâ beatâ. Verè enim non ſtillicidijs, non torrentibus, non fontibus, non oceanis, ſed ipſis diluuijs ſuæ Magnificentiæ, inundabit DEVS, omnes & ſingulos Beatos.

Ergo Magna eſt, Magna, Magna nimis, cæleſtis beatitudinis Magnitudo, cui comparari nihil poteſt; quàm DEO, qui eſt illa beatitudo, conferri nihil poteſt.

P R A X I S.

O Iſrael: quàm Magna, quàm ſpatioſa, quàm immenſa eſt Domus DEI noſtri! Cuius fundamenta Montes Sancti, cuius Altitudo DEVS, cuius Longitudo æternitas, cuius Latitudo immenſitas, cuius Profundum incomprehenſibilitas? O Iſrael! quàm ingens eſt locus habitationis Domini DEI noſtri, ſive in quo ille habitat ſolus, ſoli ſibi comprehenſus, ſive in quem introire facit, & in quo habitare iubet fratres, vnius moris ſecum. O Domus, cuius Magnitudo nescit meſuram, non habet terminum, anguſtias ignorat, plenitudinem eam ſolam nouit, quâ implet omnes intrantes in Gaudium Domini ſui. Sic enim illam,

324 *Exerc: II. De cælestis Beatitud: Amore, & æstimat:*
implent inhabitantes in eâ, vt ipsi magis impleantur ab illâ, &
ideo semper plena est, & tamen adhuc locus est intraturis in ipsâ.
O Ierusalem, Ciuitas Sancta, & Sanctorum! O Ierusalem Vrbs
Beata, & Beatotum! O Ierusalem! Ciuitas gloriosa, & glorifica-
torum à DEO, & in DEO, & de DEO. Ah! quàm beatus ego ero,
si fuerint reliquæ seminis mei, ad videndam claritatem tuam!
cùm ingressus portas tuas, confitebor Domino super omnes lau-
dationes eius: & magnificabitur Anima mea vehementer, valde,
nimis, super omnes dies vitæ, meæ, vsq; in omnes dies beatitu-
dinis æternæ.

EXERCITIUM II.

De Cælestis Beatitudinis Amore, & æstimatione.

1. **S**Tatue te in Cælo præsentem, & intra in locum tabernaculî
Admirabilis, vsq; ad Domum DEI, in voce exultationis, &
confessionis. Sonus epulantis.
2. Quærere, vel affirmare, an & quòd Beatitudo cælestis aman-
da æstimandaue sit; perinde videtur superuacaneum: vt esset,
quærere; an plumbum debeat deorsum tendere, an oculus luce
delectari: an viuens vitam suam amare.
3. Cælestis beatitudo amanda & æstimanda, summè amanda,
& summè æstimanda est.
1. Quia est Bona; imò Bonum super omne bonum; conti-
nens omne bonum. Bonum autem, est amabile, appetibile,
æstimabile: & quò aliquid est magis vel maius bonum, eò est ma-
gis amandum æstimandumque. Esse autem Beatitudinem cæle-
stem summum bonum; iam superiùs, visum est.
2. Accedit; quod Beatitudo cælestis, est bona, & bonum in-
primis quidem DEI: & DEO: est bona nobis & bonum nostrum:
est bona nostris, bonumq; nostrorum, amicorum, atq; fratrum:
quorum bonum, non minùs quàm nostrum, DEI autem, etiam
plus quàm aut proprium, aut omnium nostrum delectare nos
de-

Exerc: II. De celestis Beatitud: Amore, & æstimat: 325

debet, & de facto in cælo delectat: summè ergo æstimanda est Beatitudo.

3. Adde, quòd cælestem Beatitudinem, Deus, summus, optimusq; rerum æstimator, omnisq; æstimationis regula: summè æstimavit, & æstimat, & æstimabit omnino semper, idque summà, & æstimandi æquissimâ ratione. Eâ nimirum, quâ & semetipsum æstimat, æstimareq; debet: quandoquidem inde beatus est ipse, unde & nos beatos reddit, videlicet ex semetipso. Quis autem dubitat, deberi à se summopere amari æstimariq; id, quod Deus summopere amat, ac æstimat: id inquam; quo Beatus est, quo nos beatos facit, quo ipse, & sua, & nostra beatitudo est?

4. Iam si attendimus, quanti amata & æstimata sit à Sapientia Æternâ, Verbo Incarnato, Deo nostro IESV Christo cælestis beatitudo; nemo cerè, nisi planè insipientiæ filius, dubitabit, summè amandam, summèq; æstimandam esse cælestem Beatitudinem. Attendamus & æstimemus, si possumus, labores, & sumptus, Domini nostri IESV Christi, quos ille impendit in beatitudinem cælestem acquirendam, conferendamq; nobis: & ex horum inæstimabili æstimatione, æstimemus pretium beatitudinis, æstimemus, & decernamus, quam summi æstimanda, amandaq; à nobis sit:

5. Huc facit, quòd tam inæstimabiles Christi Domini impensa, cælesti Beatitudine solâ, sint dignè recompensatæ à Deo Patre: Christusq; hac solâ recompensatione impensa, um suarum, laborumq; atq; adeo ipsius amarissimæ, insimulque pretiosissimæ mortis, contentus esse voluit: Manifestum ergo est, beatitudinem hanc, summè, & super summè æstimabilem, æstimandamque esse.

6. Id quod etiam idem Dominus noster verbis suis commendavit sapius. Ut v. g. cum dixit, in hoc, super omnia gaudendum esse suis discipulis, quod Nomina eorum scripta essent in Cælo: quòd scilicet ad fruendum cælesti beatitudine essent delecti.

St;

Item:

326 *Exerc: II. De celestis Beatitud: Amore, & Æstim:*

Item: quid prodest homini si vniuersum mundum lucretur: se autem ipsum perdat, animæq; suæ detrimentum patiatur, exci-
dendo à possessione celestis beatitudinis? Item: Hæc oportuit
Christum pati, & ita introire in Gloriam suam: Mereri scilicet,
& sibi (esto aliunde suam, & sibi debitam) & nobis, beatitudi-
nem celestem. Si ergo Dominus Beatitudinem celestem iam
alioqui ex vnione Hypostaticâ suam, nihilominus Passionis, atq;
mortis suæ impensâ quærendam, emendamq; sibi putauit; quan-
ti ea æstimanda crit, & quantis impensis à nobis æstimanda, pro-
curandaq; à nobis?

7. Atque hoc est, quòd Sancti omnes tanto amore flagraue-
rint celestis beatitudinis, tantiq; illam æstimauerint, vt nullis si-
bi impensis, laborum, dolorum, cruciatuum, damnorum, vitæ,
famæ, mortisq; parcendum propter eius assecutionem puta-
uerint: imò omnem iacturam vniuersi mundi pro illâ, & præ illâ,
nihil aut etiam lucrum omnino esse censuerint. Itaq; secti sunt,
lapidati sunt, &c. Itaque, sicut desiderat ceruus ad fontes aqua-
rum, ita illi desiderabant ad DEVM fontem viuum, &c. aspicien-
tes in remunerationem.

8. Æstimanda quoque, & amanda omni amore est Beatitudo
celestis, ex eo capite, quia est Christi merces: non solum in eo
sensu, quia est Christo bona; (vt supra attigi) nec solum præcisè ex
eo, quia illam nobis meruit; verum etiam ex eo, quia illam nobis
ipse confert, tanquam Caput membris, tanquam pater filiis,
tanquam heres coheredibus, tanquam maior natu frater natu
minoribus, tanquam amicus amicis, tanquam imperator militi-
bus, tanquam Dominus fidelibus seruis, tanquam Sponsus Spon-
sis, tanquam supremus vineæ DEI procurator, operarijs. Proinde
quisquis Christum amat, eiq; optimè vult, amare, & æstimare,
quàm maximè debet celestem Beatitudinem, tanquam eam, quæ
est summum, & singulare præmium, & recompensatio laborum
omnium Christi.

9. Su-
beatitudi-
num Dei
nobis. N
sive crea-
dem con-
fessionem
matè fru-
summo
ca amar-
amare,
Quod si
is perin-
fectissim-
mare, et
Beatitudi-
10. A
beatitudi-
æstimand-
& amor
mni desir-
re, plenè
est, celestis

O An-
der
DEVM!
gauden-
phantia
o Ciui-
dignè a-

Exerc: II. De celestis Beatitud: Amore, & Æstim: 327

9. Super omnia verò amanda, & æstimanda, est celestis beatitudo à nobis, quia illa est summum ultimumque bonum Dei nostri, quod ille potest & vult habere, & quod habet à nobis. Non potest enim quidquam amplius, quidquam melius, siue creatura rationalis, reddere, præstareq; Deo, siue Deus eidem conferre ac exhibere, siue ab eadem percipere, quam possessionem, fruitionemq; Beatificam, quâ & Creaturis Deus ultimâtè fruitur, & ipsæ creaturæ Deo quoque ultimâtè, tanquam summo bono suo, & plenissimè à se possessio, fruuntur. Quocirca amare æstimareque Beatitudinem celestem, idem est, quod amare, & æstimare DEVM, eiusque possessionem, & fruitionem. Quod si quis dicat se DEVM; amare, beatitudinem verò non item: is perinde dicet, ac si diceret, Amo DEVM; sed summè, sed perfectissimè non amo, neque amare cupio. Perfectissimè enim amare, est beatificè amare, est beatificè DEVM habere, Deo frui, Beatum esse.

10. Atque vt omnia in summam, redigantur, ob quæ, celestis beatitudo, amanda, & æstimanda est, quam maximè. Amandus æstimandus est talis status, in quo sunt omnia digna æstimatione & amore, ita vt nihil ei desit in omni bono, in omni gratiâ, in omni desiderabili: qui status habeatur, possideaturque, pleno iure, plenâ securitate, in omnem æternitatem. Eiusmodi status est, celestis Beatitudinis: & alius nullus præter ipsum.

P R A X I S.

O Amare, ô Ire, ô sibi perire, ô ad DEVM peruenire! ô possidere DEVM! ô frui DEO! ô gaudere de DEO! ô hereditare DEVM! ô hereditariâ DEO, in æternum. Sicut latantium, sicut gaudentium, sicut exultantium, sicut iubilantium, sicut triumphantium, sicut beatorum omnium habitatio est in te ô Domus, ô Ciuitas, ô Congregatio, ô Ecclesia Sanctorum! Et quis dignè amabit, quis dignè æstimabit, quis dignè appretiabit, quis dignè

Exerc. III. De caelestis Beatitudinis desiderio.

dignè laudabit, te, ô patria, ô possessio, ô hereditas iustorum, & regnantium, & requiescentium, & securorum. O quàm iucundus, quàm speciosus, quàm laudabilis populus, qui scit illam jubilationem, illam possessionem, illam pacem, illam laudationem, illam exultationem, illam securitatem, illam requiem! O homines, qui dicitis DEO; indica mihi, vbi pascas, vbi cubes, vbi habites in meridie? Venite, & videte: Venite, & amate, videte, & æstimate; quàm magna est Domus DEI, & quàm ingens locus habitationis eius? Videte quomodo populus DEI sedeat in pulchritudine pacis, in tabernaculis fiduciæ, in requie opulentæ. Opulentâ omni bono, opulentâ ipso DEO, opulentâ possessione, & fructu ipsius DEI, omniumq; bonorum eius, in æternum. O amare, ô æstimare, ô ire, ô peruenire, ô possidere!

E X E R C I T I V M III.*De Cælestis Beatitudinis Desiderio.*

1. **S**Tatue te in cælo præsentem, & intra in illum locum tabernaculi admirabilis: vsq; ad Domum DEI: in voce exultationis, & confessionis. Sonus epulantis.

7. Reuoca in memoriam cælestis Beatitudinis magnitudinem, eiusdemq; Amorem, ac pretium inæstimabile in animo exuscita, atq; in desiderium eius, omni magno maius, omni ardente ardentius inardescere.

3. Quid enim prodest amare, aut æstimare cælestem Beatitudinem, si non audeas, si non consuecas eandem desiderare, & ardentius quidem, atque adeo ardentissimè desiderare? Sic ergo ametur beatitudo, vt etiam desideretur, sic æstimetur, vt simul etiam concupiscatur.

4. Desideranda ergo est cælestis Beatitudo.

1. Quia ideo præparata est: ideo magna nimis præparata, proposita, promissa est, vt ametur, & amando desideretur. Sicut enim

enim si
concupi

2. De
desideri
sidera.

3. De
uetur A
Valde e
appreh

4. D
quisitio
nisi inf
indefe

borare
gnos la
& leues
modicè

5. D
laudati
eius, si

6. D
sideran
nostri

latare
ribus,

capiet
bone,
derat

dit ip
7.
rabilia
eius: c

Exerc: III. De cælestis Beatitudinis desiderio. 329

enim scienti bonum & non facienri, sic amanti bonum, & non concupiscenti illud, peccatum est illi.

2. Desideranda est Beatitudo cælestis: quia pro magnitudine desiderij datur: vt ergo multum accipias, multum, & valde desidera.

3. Desideranda est: quia desiderando ad eam itur: non mouetur Anima pedibus, sed affectibus: gressus eius, desideria eius. Valde ergo, & assidue desidera, vt magnis passibus peruenias, & apprehendas. Sic curite (monet Paulus) vt comprehendatis.

4. Desideranda est: quia desiderium eius, est stimulus ad conquisitionem eius. Non habebis illam, nisi sedulo conquisueris, nisi infatigabiliter laboraueris: non laborabis, nisi te desideria indefessa stimulauerint: si ergo desideras habere, desidera & laborare. Nam ad magna præmia, non peruenitur, nisi per magnos labores: qui tamen præmijs comparati, parui, & pauci, & leues sunt semper: illi crede qui de se testatur; Videte, quia modicum laboraui, & inueni mihi multam requiem.

5. Desideranda est: quia ideo ostenditur, & promittitur, & laudatur, vt quam cupidissime desideretur: tanquam si pretium eius, sit, quam maximum desiderium eius.

6. Desideranda est: quia ideo differtur, vt eam habiturus, desiderando capacior reddatur. Angustum est vasculum cordis nostri: Beatitudo autem non habet magnitudinis modum: dilatare itaq; desiderijs tuis, semper, semperq; maioribus, vastioribus, ardentioribus: vt habeas vnde capias: quanquam non tu capies illam, sed illa magis capiet te: dicente Domino: serue bone, & fidelis, intra in gaudium Domini tui. Sicut piscis desiderat aquam: sed non ipse capit illam, verum illa comprehendit ipsum.

7. Desideranda est: quia dum illa desideratur, omnia desiderabilia, & desideranda simul desiderantur. Deus, & omnia bona eius: Christus, & omnis gloria eius: Sanctorum cohabitatio, &

330 *Exerc: III. De cœlestis Beatitudinis desiderio.*

omnis felicitas eius. Hæc desiderantur, dum cœlestis beatitudo desideratur, prout etiam hæc habentur, dum illa habetur: desiderantur autem hæc, non solum nobis, sed simul DEO, Christo, & omnibus Sanctis.

8. Desideranda est cœlestis beatitudo: quia sicut non desiderare illam, argumentum est miserrimè affectæ Animæ, terrenisq; & carnalibus immergæ, ac propterea DEO ingratisimæ, atque ad beatitudinem prorsus ineptæ: ita è contrariò, ardentissimè beatitudinem desiderare, indubitatum indicium est, Animæ à Carne, & sensibus, sensibilibusq; separatæ, ac ideo tum DEO quàm gratissimæ, tum DEI, eiusq; bonorum quàm capacissimæ, & per quàm dignissimæ.

9. Desideranda est: quia illam infiniti & ignorant, & contemnunt, & desiderare atq; procurare negligunt: non absq; summæ ingratitude reatu in DEVM, & in Christum eius: cum summâ atq; extremâ, irremediabiliq; animarum suarum perniciæ. Vt ergo confundantur, tanti boni ignorantes, contemptores, neglectores; vt eorum ruinæ impleantur; vt gustus DEI, atque Christi eius contentetur; atque nuptiæ eius, & domus eius plenitudine conuiuarum expleatur; nos oportet festinare, nos desiderare, ad illam requiem, ad illam domum, ad illam cœnam, ad illas nuptias. Currite ergo, currite fratres: non enim soli Angeli, sed & ipse Angelorum nos Creator expectat. Nuptiæ paratæ sunt, sed nondum plena domus, adhuc expectantur, per quos nuptiæ impleantur. Denique, nuptiæ quidem paratæ sunt, sed qui inuitati erant non fuerunt digni, ite ergo ad exitus viarum.

10. Desideranda est, cœlestis beatitudo: quis enim peregrinus non festinat ad Patriam? quis exul ad regionem suam? quis nauigans ad portum? quis operarius ad mercedem? quis miles ad stipendia? quis captiuus ad libertatem? Quæ sponsa non suspirat ad Sponsum suum? & sola Anima, non desiderabit DEVM suum?

II. De-

II. De
ra dolor
ærumna
& perpe
sideret a
triumph
& secur
beatoru

DE
an
vitæ fo
tem vi
Veritas
& omne
tibi sus
meum,
tuam p
catoru
fontem
decorer
suspirat
posside
inidip
in vitâ,
æterni
rium d
impijs
tu ipse
Ipsa es
non al

Exerc. III. De celestis Beatitudinis desiderio.

331

II. Desideranda est: quia cū hīc, sit locus, & terra exilij, terra doloris, terra ægritudinis, terra periculorum, insidiarum, ærumnarumq;: terra sterilitatis & famis: terra duræ seruitutis, & perpetui discriminis, terra laqueorum & mortis; quis non desideret ad terram viuentium, ad terram lætantium, ad terram triumphantium, ad terram regnantium, ad terram beatorum, & securè quidem, atq; æternaliter beatorum: neque enī aliter beatorum.

P R A X I S.

DEVS meus, vita mea, beatitudo, dulcedo, laus mea sancta, amabilis, & æterna. Quemadmodum desiderat ceruus ad vitæ fontes aquarum, sic Anima mea tota sitit ad te DEVM, fontem viuum, fontem verum, fontem indeficientem. O æterna Veritas, & vera Charitas, & chara æternitas. Tu es DEVS meus, & omne bonum meum, & vna, atq; plena beatitudo mea: Ecce tibi suspiro, omni, & totâ die, ac nocte. DEVS meus, & Decus meum, & Dulcedo mea, magis autem tua. Ecce audiui vocem tuam post me, vt venirem: & vix audiui propter tumultûs peccatorum meorum. Et ecce iam venio æstuans, & anhelans ad fontem. O Cælum Cæli! ô pulchra, & luminosa domus! dilexi decorem tuum, & locum habitationis gloriæ Domini mei. Tibi suspirat peregrinatio mea, & dico ei, qui fecit te, & me ad te, vt possideat & me in te, quia fecit & me propter te. Tunc in pace in idipsum dormiam, & requiescam, quando absorbebitur mors in vitâ, pugna in victoriâ, miseria in beatitudine, momentum in æternitate. Et tu ô Domine DEVS meus, decus meum, desiderium desiderij mei: quando erit mihi gaudium, quod non datur impijs & ingratīs, sed eis qui te gratis colunt, quorum gaudium tu ipse es? O in pace: ô in idipsum obdormiam, & requiescam! Ipsa est Beata Vita: gaudere ad te, de te, propter te, ipsa est, & non altera. Tu me trahe: & curram potest te in odorem vn-

guentorum tuorum: & cantabo tibi amatoria, gemens inenarrabiles gemitus in hac peregrinatione mea; & recordans Ierusalem, extento in eam sursum Corde, Hierusalem, illam patriam meam, Teque super eam regnatorem, illustratorem, Patrem, Sponsum, tutorem, castas & fortes delicias, & solidum gaudium, & omnia bona ineffabilia, simul omnia, & vnum omnia, quia vnum, & summum, & verum, & æternum bonum omnia. Obsecro te per Matrem Charitatem, obsecro te, dic mihi: quando veniam ad Te? quando effundam super me Animam meam, in vocem exultationis, & confessionis, soni festiuitatem beatam celebrantis? quando erit mihi illud Manè, in quo astabo, & videbo, & fruor te, & semper confitebor tibi? Da mihi te DEVS meus: redde te mihi celsitudo humilitatis meæ, & requies laboris mei. En amo, en desidero, en ardesco: & si parum, imò, quia valde parum est, amem validius, & desiderem ardentius. Non possum metiri, vt sciam, quantum desit mihi, & amoris, & ardoris, ad id quod satis est, vt currat vita mea in amplexus, atque vt confluam in te, purgatus, & eliquatus igne Amoris tui. O! tunc stabo, & solidabor in te, in formam meam, Veritatem tuam. Nunc autem scio, & confiteor, quia malè mihi est sine te, non solum ex me, sed etiam in ipso me; quoniam omnis copia, quæ tu DEVS meus non es, egestas mihi est. DEVS meus, vera magnitudo mea; quando te fruemur, requies nostra, locus noster, centrum nostrum? Fecisti nos ad te, & inquietum est cor nostrum, donec requiescat in te. O amare! ô ire! ô sibi perire! ô ad DEVM peruenire! Accende me DEVS meus: accende me, dono igniti amoris, & desiderij tui, vt ferar sursum, vt inardescam, & vadam: ascendam ascensiones in corde, & cantem canticum graduum. Lætatus sum in his, quæ dicta sunt mihi, in domum Domini ibimus.

EXER-

Exerc:

1. S

tationis

2. A

nos Don

atque p

Dei, pa

rexit, e

ultimu

apud l

illa m

& ipsa

merita

lestis b

stroru

ditione

cum e

que: &

quam

tanqua

3. H

conclu

militar

efficac

obten

incess

citer l

& a se

sum co

E X E R C I T I V M IV.

De celestis Beatitudinis per laborem acquisitione.

1. **S**tatue te in Cælo præsentem: & intra in illum locum tabernaculi admirabilis: vsque ad Domum DEI, in voce exultationis, & confessionis: Sonus epulantis.

2. Aduerte, celestem Beatitudinem esse, & purum DEI erga nos Donum: & simul tamen esse mercedem laborum nostrorum atque præmium meritum. Est Donum, & gratia pura erga nos DEI, partim quia ex purissimâ suâ gratiâ condidit nos, atque direxit, elegit quoque atq; deduxit, ad illam tanquam ad summum, vltimumque finem & bonum nostrum: partim quia licet eam apud DEVM emereamur, laboribus, meritisq; nostris, ipsa tamen illa merita, laboresque, & per auxilia Gratix DEI fiunt à nobis, & ipsa etiam sunt pura DEI dona: ita vt DEVS præmio afficiens merita nostra, coronet in nobis Dona sua. Est nihilominus celestis beatitudo merces laborum, & præmium meritum nostrorum: quia DEVS, ita statuit eam à nobis obtineri, eâq; conditione nobis eam conferre, vt eam laboribus nostris proprijs, cum eius tamen gratiâ elaboratis, acquireremus, emerereamurque: & esset nobis à Deo debita, tanquam merces laborum, tanquam præmium meritum, tanquam Corona certaminum, tanquam stipendium militantium, &c.

3. Hæc Veritas, duas alias nobis ingerit Veritates, tanquam conclusiones. Prima est: Orandum nobis esse jugiter atque humiliter, tam pro auxilijs gratiæ, ad obtinendam beatitudinem efficaciter necessarijs, quam ipsius beatitudinis reali efficaciæque obtentione. Altera est: Laborandum nobis esse infatigabiliter incessabiliterq; pro elaborandâ, emerendaq; actualiter & efficaciter beatitudine: vt in nobis impleatur etiam illud, quod in se & à se Paulus impletum asserit; Bonum certamen certavi, cursum consummaui, fidem seruau: in reliquo, reposita est mihi

334 *Exerc: IV. De cælestis Beatitud: per laborem acquisitione.*

Corona iustitiæ quam reddet mihi iustus Iudex: non solum autem mihi, sed & his qui diligunt aduentum eius.

4. Laborandum ergo est pro cælesti beatitudine obrinendâ.

1. Quia, (vt proxime dictum est) DEO ita ordinare placuit: vt non nisi per merita, laboresq; proprios, cum gratiâ ipsius obitos, ab omnibus adultis & rationis compotibus obtineretur. Quibus laboribus destinata est vita præsens mortalis, vt eâ durante, duraret quoq; laborum, & sudorum, & certaminum, conatumq; cælesti Beatitudine dignorum, tempus: hac verò exeunte, æternitas beatitudinis cælestis succederet. Etsi enim illa Beatitudo tanta sit, vt iustè pro eius adeptione per omnem æternitatem laborandum sit; Noluit tamen DEVS infinitos, ac æternos esse labores, alioqui beatitudo illis æterna succedere nunquam posset. In quo immensa DEI agnoscenda, & amanda est liberalitas: qui labores quidem nostros, finito, eoq; breui termino desinierit: laboribus tamen præmia absque vlllo termino, solâ æternitate circumscripserit.

2. Laborandum est pro cælesti beatitudine: quia & honestior, & dulcior, & amplior fit cælestis beatitudo, eam obtinentibus; mediantibus, laboribus, & sudoribus, atque certaminibus, & victorijs: quàm esset si merè gratis obueniret. Quâ in re, DEVS, de suæ bonitatis, atque munificentiae laude, non nihil deterere videtur, vt nostræ consulat honestati, atque dulcedini. Mauult enim ipse videri Gloriæ suæ quasi mercator, & venditor, quàm nos esse ob gratuitam beatitudinis acceptionem erubescences.

3. Laborandum est pro cælesti Beatitudine: quia reuera est magna, & omni Bono plena nimis: proinde, omni, eodemque summo labore, dignissima, & procuranda. Aliàs non videretur adeo magna, & ampla, si vel nihil, vel aliquid parum agentibus, laborantibusue nobis obtingeret.

4. Laborandum est pro cælesti beatitudine: quia Dominus noster IESVS CHRISTUS, pro eâ, & sibi, & nobis obtinendâ, laborauit,

Exerc: I
uit, pass
Si ergo
ptuose
minime
noster
nis(post
nos ipse
certami
essent si
merita
stis, h
emend

5. L
Eti pro
multum
dubitan
tiam qu
ac vi rap
stæ regn
non dil
nem pa
calorur
fuerint,
sum vos
merces

6. L
quilijs
dubitan
nera, &
spei, &
nocent
beatitu

Exerc: IV. De cælestis Beatitud: per laborem acquisitione: 335

uit, passusque est dura omnia, usque ad ipsam Crucis mortem. Si ergo Dominus Gloriæ, voluit suam sibi gloriam adeo sumptuose conquirere: quid nos oportet impendere, ut eandem, minimè nobis debitam valeamus obtinere? Ac, si Dominus idem noster eandem nobis emere, emereriq; voluit pretiosi sui sanguinis (post alios labores, sumptusq; suos) impendio: quanto magis nos ipsos convenit, eandem nobis sumptu laborum, dolorum, certaminumq; acquirere? Quoniam hi ipsi nostri quancunque essent sumptus, ad eam acquirendam essent prorsus impares, nisi merita Domini nostri, meritis, laboribus, alijsq; sumptibus nostris, hoc obtinuisent, & contulissent; ut cælesti beatitudini emendæ, emerendæque sufficere possent.

5. Laborandum est pro cælesti beatitudine: quia omnes Sancti pro eius acquisitione laborarunt: Et laborarunt quidem tam multum, tam strenuè, tam violenter, tam infatigabiliter, ut non dubitauerit Dominus noster, eorum conatibus, studijsq; violentiam quandam attribuere, atque per eam cælum expugnatum, ac vi raptum esse ab eis dicere. A diebus (inquit) Ioannis Baptistæ regnum cælorum vim patitur: & violenti rapiunt illud. Cui non dissimile est dictum eiusdem Domini; Beati qui persecutionem patiuntur propter Iustitiam, quoniam ipsorum est Regnum cælorum. Beati estis cum maledixerint vobis, & persecuti vos fuerint, & dixerint (atque etiam fecerint) omne malum adversum vos mentientes, propter me: gaudete, & exultate, quoniam merces vestra copiosa est in cælis.

6. Laborandum est pro cælesti beatitudine: quia si pro quilibet rerum caducarum filij huius sæculi, tantos sustinere non dubitant labores, sudoresque, quin & detrimenta, pericula, vulnera, & ipsas mortes: quarum tamen & fructus non respondet spei, & vilissimus, brevisissimus, quin & saluti Animarum æternæ nocentissimus usus esse solet. Quid nos DEI filios, pro æternæ beatitudinis indubitata possessione, laborum exhaustire, sumptuumq;

336 *Exerc: IV. De celestis Beatitud: per laborem acquisitione.*
ptuumq; ponere oportet? Omnis qui in agone contendit, ab omnibus se abstinere: & illi quidem, ut corruptibilem coronam accipiant: nos autem incorruptam. Et ibi quidem omnes in stadio currunt, sed tamen unus tantum accipit brauium: hinc autem omnes quotquot currunt, si ad usque mortem currunt, à Domino coronantur. Ergo Filij DEI, & beatitudinis candidati, Sic currite ut comprehendatis.

7. Laborandum est pro celesti beatitudine: quia pro aeternâ damnatione atque perditione infiniti reproborum populi, infinitas ærumnas, easdemq; grauissimas, ac vix toleratû possibiles, easdemq; æternâ calamitate, plusquam certissimè cumulandas, & concludendas, auidissimis faucibus, & inexpletissimis cupiditatibus exhauriunt: Et pro æternis DEI bonis, cum ipsomet DEO æternum posidendis, filij lucis, filij Sapientiæ, filij DEI, pigrescent, horrescent, cunctabuntur, dubitabunt, pro diuio, & pro graui reputabunt, momentaneum, & leue tribulationis, & laboris, quod in præseni est, subire, atque sustinere?

O celestem beatitudinem, hoc solo infelicem, & parum beatam, quod tanta licet sit, quanta reuera est, quam oculus non vidit, nec auris audiuit, neque cor hominis apprehendit, multoq; minùs comprehendit; licet etiam ea tanta esse, fide certissimâ sciatur; tamen à plerisque, non infidelibus, sed planè fidelibus, fideliterq; confitentibus, contemnitur, despicitur, procrastinando luditur, leuiculis, ridiculisq; operibus quæri potiùs fingitur, quàm seriò, & ex animo reipsa quæritur. Viluit scilicet, nobis fidelibus, filijsq; DEI: viluit (inquam) nobis DEVS: & gloria, atq; beatissima fruitio, æternaq; possessio eius. Neque erubescimus, plus longè laborari à reprobis pro damnatione, quàm à prædestinatis & electis pro æternâ beatitudine.

P R A X I S.

Domine, quis habitabit in tabernaculo tuo? aut quis requiescet

Exerc: I.
suet in
bus præp
beatitud
remissa:
mis. Co
noster
remini:
randum
stadio de
collucta
non cib
perman
Ad mag
nemo c
ma dele
laborum
re: quor
fortitud
fidem. a
titudini
auge ro
dum, ad
æternâ:
& ita in
pium pe

1. ST
S n
tionis &
2. A

Exerc. IV. De cælestis Beatitud: per laborem acquisitione. 337
 scet in monte sancto tuo? Certè non otiosis, neque torpescenti-
 bus præparata, aut promissa est cælestis domus inhabitatio, atq;
 beatitudinis æternæ fruitio. Nam egestatem operata est manus
 remissa: & animæ negligenti, atque orianti, malè erit in nouissi-
 mis. Contendite intrare per angustam portam: dicit Dominus
 noster Negotiamini dum venio. Ite in vineam meam, & ope-
 remini: & quod justum fuerit dabo vobis. Ergo Anima labo-
 randum est tibi, ergo vigilandum, ergo negotiandum, ergo in
 stadio decurrendum, ergo prælio decertandum, ergo in agone
 colluctandum, ergo in vineâ operandum. Operandum autem,
 non cibum qui cum suis concupiscentijs perit, sed cibum qui
 permanet in vitam æternam, & quo alaris beatificè in æternum.
 Ad magna præmia non peruenitur nisi per magnos labores: &
 nemo coronabitur nisi qui legitimè certauerit. Ergo si te ô Ani-
 ma delectat magnitudo præmiorum, non te deterreat certamen
 laborum: sed quidquid potest manus tua, nunc instanter opera-
 re: quoniam nec ratio, neque consilium, neque sapientia, neq;
 fortitudo, est apud inferos, quò tu properas. O Domine auge
 fidem, auge amorem, auge æstimationem, auge desiderium bea-
 titudinis cælestis in me: & simul auge conatum, auge studium,
 auge robur, auge sapientiam, auge perseverantiam, ad negotian-
 dum, ad laborandum, ad patiendum, ad moriendum pro Vitâ
 æternâ. Nam si oportuit pati Christum tuum, Dominum meum,
 & ita intrare in gloriam suam; quid iam me seruum, & manci-
 pium per omnia indignissimum, oportet facere?

EXERCITIUM V.

De Cælestis Beatitudinis super labores excessu.

1. **S**tatue te in Cælo præsentem, & intra in locum illum taber-
 naculi admirabilis, vsque ad Domum DEI, in voce exulta-
 tionis & confessionis. Sonus epulantis.
2. Ad declarandam cælestis beatitudinis magnitudinem, ad

Vv

con-

338 *Exerc: V. De Cælestis beatitud: super labores excessu.*

conciliandum illi Amorem, æstimationem, ad excitandum illius desiderium, & demum ad prouocandum pro illius adeptione laborandi studium; facit quàm plurimum: videre; cælestis beatitudinis super omnes labores, superq; omnia merita, quæ pro illius acquisitione à Creaturâ exerceri aut exhiberi possunt, excessum.

3. Testantur illum; tum multa ex supra dictis, tum specialiter expressa illa affirmatio; Non sunt condignæ passiones, huius temporis, ad futuram gloriam quæ reuelabitur in nobis: quâ unicâ assertionem Paulus, tum omnem nobis superbiam, ac de nostris meritis, laboribusque, quanticumq; ij sint, præsumptionis neruum incidit: tum beatitudinis cælestis prægrandem quandam magnitudinem exposuit: tum munificentiam, magnificentiamq; DEI, in præmiandis Sanctis suis commendauit: tum deniq; incredibilem quandam huius præmiationis, seu beatitudinis supra omnia nostra, quæ habere & afferre possumus, merita, excessum, meritumq; cum ipsâ imparitatem atque tenuitatem explicauit.

4. Ad hoc ipsum explicandum facit maximè: eiusdem Apostoli non minus graphicè de hoc ipso excessu dictum. Id, quod in præsentem est, momentaneum, & leue tribulationis nostræ, supra modum in sublimitate æternæ gloriæ pondus operatur in nobis. Non contemplantibus nobis quæ videntur, sed quæ non videntur. Quæ enim videntur temporalia sunt, quæ autem non videntur, æterna sunt. Scimus enim, quoniam si terrestris domus nostra huius habitationis dissoluatur, quòd ædificationem ex Deo habemus, domum non manufactam, æternam in cælis.

5. His consona sunt, etiam Domini nostri hac de re pronuntiata, atq; promissa: ait enim: Videte quid audiatis. In quâ mensurâ mensi fueritis, remetietur vobis, & adjicietur vobis. Mensuram bonam, & confertam, & coagitatam, & superrefluentem dabunt in sinum vestrum Et alio loco Dominus idem ait: Euge serue bone, & fidelis, quia super pauca fuisti fidelis, super multa te constituam, intra in gaudium Domini tui. Multa paucis op-
po-

Exerc:
ponit.
mittit: &
suum, in
sum redu
exceptur
perefflu
quam p
beatitud
nus illo
centupl
6. E
Scriptu
munifi
nation
multitu
figurâ, I
& abie
melle r
7. E
fissima
turis in
& milli
quo ad
Creatu
impetu
turaru
que se
dam p
& De
que p
meret
turam

Exerc: V. De Caeſtis beatitud: ſuper labores exceſſu. 339

ponit, multa præmia paucis meritis, paucisq; laboribus, promittit: & inſuper non gaudij ſui in ſeruum, ſed ſerui in gaudium ſuum, ingreſſum ſpondet, aut potiùs exhibet: oſtendens exceſſum redundantiamq; gaudij, ſeu præmij: vt quòd non eſſet ſolùm excepturus ſeruus, ſed quo præterea propter eius copiam, & ſuperfluentiam, excipiendus, explendus, & circumfluendus (tanquam piſcis mari ſuo) vndiq; ſit. Eundem ipſum Exceſſum beatitudinis cæleſtis, ſupra noſtra quæuis merita, indicat Dominus illo centuplo. Omnis, inquit, qui reliquerit, &c. propter me, centuplum accipiet, & vitam æternam poſſidebit.

6. Eiſdem Exceſſus figuram ac imaginem exhibet: quod Scriptura Sacra narrat, de Salomonis Regis, in Reginam Saba munificentia: atq; de exceſſu, quo omnes, Regina, ſibi factas donationes, longiſſimè ſuperavit ſuorum donorum excellentia, & multitudine, quæ illi obrulit munere Regio. In eiſdem exceſſus figurâ, Deus filijs Iſrael pro relictâ Ægypto, in quâ duriſſimam, & abiectiſſimam ſeruitutem ſeruierant, dedit terram lacte & melle manantem.

7. Et nimirum, pertinebat hoc ad Magnificentiam, Generoſiſſimamq; DEI noſtri indolem: non tantùm non vinci à Creaturis in liberalitate, atque profuſione erga ſe: ſed etiam centies, & millies, & infinities ſe liberaliorem exhibere illis, ipſis illis. In quo aduertendum eſt, aliquid notatu dignum. Nempe quòd Creaturæ, DEO, eiſque Voluntati, Amori, & Gloriæ, totas ſe impendant: & verò etiam ſuperimpendant. Deus quoque Creaturarum talium ſaluti, remunerationi, beatitudini, totum quod ſe impendit, ſuperimpenditque. Et in hoc videtur eſſe quædam paritas, vel magis paritatis vmbra, inter noſtram in DEVM, & DEI in nos liberalitatem, profuſionemque: ſiquidem ex utrâque parte totum impenditur, quod habetur: tota Creatura in merendum benè de DEO, totus Deus in remunerandam Creaturam ſeipſo DEO. Nihilominus quia pluſquam abyſſale Chaos

340 *Exerc: De Cælestis Beatitud: super labores excessu.*

est inter immensam Excellentiam DEI, & minutissimam, propè-
que, ac propriè nihilissimam portionem Creaturæ; Nulla ideo
est, nulla omnino proportio Creaturæ, cum suis meritis, labori-
busuè ad DEVM, & DEI cum suis præmijs, remunerationibusque
ad Creaturam. Nostra omnia quæ offerimus, mensurantur mi-
nuto, & momento: Diuina verò, quæ accipimus, mensurantur
ipso DEO, eiusque immensitate, & æternitate.

8. Denique labores nostri, excepto, quòd sint Dona & Bona
DEI, quid sunt collati cælesti Beatitudini?

1. Omnis labor noster huius Vitæ pro DEO reuera admodum
leuis est: Neque enim fallax est qui dixit; Tollite iugum meum
super vos, iugum enim meum suauè est, & onus meum leue.
At beatitudo cælestis: est grandissimis omnibus, siue otijs, siue
negotijs, grandior ampliorque. Merces est magna nimis. Gloriæ
pondus est immensum. Gaudium Domini est, non quod capias
tu, sed à quo capiaris & superobruaris tu. Quid grandius quàm
super omnia bona Domini DEI sui constitui? quàm videre DEVM
sicuti est? DEVM habere, DEVM possidere, DEO frui, DEO gaude-
re, DEVM amare, DEO beatum esse, DEVM laudare, & superexal-
tare, in sæcula sæculorum?

2. Omnis labor noster pro DEO, & pro beatitudine cælesti, est
breuis, imò breuissimus, atque adeo momentaneus: quia tan-
tùm huius vitæ: quæ est merus vapor ad modicum parens, &
morte finitur, ad quam vita nostra omni velocitate velocius vo-
lat: At cælestis beatitudo æterna est: initium habet, finem non
habet: quamdiu DEVS erit DEVS, qui semper est, eritque DEVS;
aliàs non esset DEVS: tamdiu beatus erit Beatus, quia DEO est
Beatus: aliàs non esset Beatus.

3. Omnis labor noster, pro DEO, & Cælo, vilis est, si suâ na-
turâ spectetur suisque momentis expendetur: audiamus Domi-
num dicentem: Quò mihi multitudinem victimarum vestrarum?
Nunquid sanguinem hircorum potabo? &c. Deinde; cum omnia
fecer-

Exerc

feceritis.
quod de
expositio
scu quan
nihil pot
reuera c
inutilissi
pretiosiss
ipsa tam
li, potes
populus
nec ali
Beatitu
ad omni
quidqu
na: & to
autem p
Beatum
mum, &

1. O

vnus ta
ribus: a
derate l
sideria
tis asseq
tioni se
generis
ipsum
bonor
titudin
proind
A lacu

Exerc: V. De Cælestis Beatitud: super labores excessu. 341

feceritis, quæ præcepta sunt vobis, dicite, serui inutiles sumus, quod debuimus facere fecimus. Ipsa mors, seu vitæ in mortem expositio, ipsa sanguinis effusio, atque effusio nostra: quantula, seu quantulæ rei est? in quem usum venit DEO? Nos quidem his nihil possumus facere maius: attamen hoc nostrum maximum, reuera coram DEO, & in semetipso, est minimum, vilissimum, inutilissimum, planèq; nihilum. Affectio Amoris nostri in DEVM, pretiosissima & dignissima est omnium affectionum: hæc tamen ipsa tam nihil est, quam nos ipsi sumus nihil: neque affectio nihili, potest esse aliud nisi nihil: esto totum vniuersum, omnisque populus creaturarum, toto se in hanc affectionem transeat: vnde nec aliud quidquam DEO confert, nisi nudum nihil, At Cælestis Beatitudo, quæ nobis pro laboribus nostris rependitur, ipsa sibi ad omnem magnitudinem pretij, & æstimationis sufficit: nec ei quidquam addi potest, si Beatitudo est. Pretium eius, omnia bona: & totus DEVS: & æternitas possessionis, fruitionisq; eius. Quis autem potest esse maior, & melior, & alius vsus DEI, quàm esse Beatum DEO ipso? Certè DEVS hunc vnum & solum, & summum, & omnem usum habet sui, quod sit Beatus seipso.

4. Omnis labor noster pro cælesti Beatitudine, & pro DEO, vnius tantum, aut alterius generis est. Impares enim sumus pluribus: ac multò minùs pares omnibus. Possumus quidem desiderare labores quàm plurimos, sed desiderare tantum: vltra desideria vix a nobis itur: imò ipsa desideria sua nemo nostrum satis assequitur, & argumentum est, esse perexigua: si nostræ assentioni seu executioni sint paria. At Beatitudo Cælestis, omnis generis habet in se præmia, habet flumina, habet fontes, habet ipsum mare præmiorum, cum æternitate. Est status omnium bonorum accumulatione perfectus. Si quod bonigenus in Beatitudine Cælesti non est, illud Beatitudine Cælesti indignum est, proinde nec bonum est, ac ideo meritò in eâ non est. Denique: A sæculo non est auditum, neq; aures perceperunt; oculus non

342 *Exerc. V. De Cælestis Beatitudinis supra labores excessu.*
vidit, DEVS absque te, quæ præparasti expectantibus te. Occur-
risti latanti, & facienti iustitiam: ait Euangelista Propheticus, ex
eoque Apostolus,

P R A X I S.

ITa est Domine: ita est: quia tu DEVS noster vincis, & excedis
omnia. Vincis non solum scientiam, non solum potentiam,
non solum dignitatem, non solum dilectionem, non solum bo-
nitatem nostram, sed etiam merita nostra, laboresque nostros.
Reuera Domine, non sunt condignæ passionibus omnes nostræ
præsentis temporis ad illam gloriam, ad illum honorem, quo tu
coronas nos peruenientes ad te. Quod oculus non vidit, quod
nec auris audiuit, quod nec in cor hominis ascendit, hoc tu Do-
mine præparasti ijs, qui diligunt te. Superas merita, excedis vota,
supergrederis desideria, vincis cogitationes, transcendis capaci-
tates nostras; quantum tuâ Diuinâ magnificentiâ dignum est,
tantum circa nos beatitudine explendos, superexplendosque facis.
Ergo nemo nostrum, dicat: multum amavi, plurimum laboravi,
magna passus sum, multa sunt merita mea. Nihil enim condi-
gnum est his, quæ DEVS præparavit his, qui diligunt eum. Omnia
omnium Sanctorum promerita, ad Bonum quod Cælesti Beati-
tudine possidetur in æternum, saltem momento unico possiden-
dum, non sunt omnino condigna: & vnus aliquis ostendet, aut
obtendet, magnitudinem, multitudinemue meritorum suorum?
Absit, absit, vt omni plenitudine plenissimus DEVS, vincatur ab
inanitate, & nihilitudine Creaturarum: vinceretur autem, si vel
adæquaretur saltem. Scimus: quod DEVS noster pronus sit magis
ad benignè, quàm ad asperè faciendum: & quod misericordia
eius superexaltat iudicium eius: & quod miserationes eius sint
super omnia reliqua opera eius. DEVS ergo noster, habuit dilu-
uium iræ suæ magnæ nimis, quo deleuit per aquas scelera mun-
di: habebit diluuium potestatis suæ grandis nimis, quo delebit
per

Exerc. V. De Caelestis Beatitud: super labores excessu. 343

per ignem istud consenescens vniuersum: habet diluuium vindictae suae finem non habentis, quo de panis aeternis damnatorum ascendet fumus tormentorum eorum in saecula saeculorum: Et non habebit Deus diluuium beatitudinis aeternae, quo super excedat, & superobruat in immensum amplius atque amplius merita & labores electorum suorum? Vtrique Dominus diluuium inhabitare facit in domo sua, & sedebit, atque regnabit Dominus Rex vniuersae felicitatis, atque beatitudinis, cum suis, & in suis Sanctis, in aeternum: Vincens eos, triumphans eos, obruens eos, diluuium miserationis, diluuium beatitudinis, diluuium diuitiarum, diluuium gaudij, diluuium bonorum suorum, diluuium suae ipsius Essentiae atque perfectionum, diluuium possessionis aeternae. Tunc o beatissima Natio Electorum DEI, tunc videbis, & afflues, & mirabitur, & dilatabitur cor tuum, quando conuersa fuerit ad te plenitudo maris: quando Deus non solum fluuium pacis beatae immittet in te: non solum torrente voluptatis potabit, & inebriabit te, non solum ad vitae fontes aquarum ducet te, sed etiam diluuium, quo omnem beatitudinis aeternitatem, aeternamque beatitudinem, super, superque implet, te quoque superimplebit, super obruet, supersepeliet in aeternum.

E X E R C I T I V M VI.

De Tædio ad Caelestem beatitudinem.

1. **S**tatue te in Caelo praesentem, & intra in locum illum tabernaculi admirabilis, usque ad Domum DEI in voce exultationis, & confessionis. Sonus epulantis.
2. Ea est conditio Vitae nostrae huius mortalis, ut licet ea nihil sit miserius, tamen nos minimè tædeat illius: adeo vix vnum, alterumue de nobis reperiās, qui ex animo dicat; Tædet animam meam Vitae meae: vel: Hei mihi, quia incolatus meus prolongatus est: multum incola fuit Anima mea: sed passim amamus miseri miseras nostras miserrimas.

3. E

344 *Exerc: VI. De Tædio ad Cælestem beatitudinem.*

3. E contra, ea est beatæ Vitæ, quoad nos hîc viuentes ratio, vt quamuis reuera sit eâ nihil melius, ac optabilius, & felicius, nobis tamen vulgò sit in magnâ obliuione, & neglectu. Si quando de eâ nobis venit in mentem, venit tanquam de re nihil ad nos attinente, tanquam de re nihili, tanquam de bono, quod perinde sit perdere, atq; habere. Curam eius in postremis, minimisq; ducimus, in longum, atq; in extremum differimus. Desiderare, ad illam tædere, anhelare, festinare, ridiculum, superfluum, illiberale, & minimè ad præsens spectans videtur.

4. At ea res multam DEO nostro bilem in nos excitat, iramq; ciet: vt clementissimus alioqui DEVS denunciare cogatur; Dico vobis: quia nemo virorum illorum qui vocati sunt, gustabit cænam meam. Nimirum: quia nouit DEVS, quantum bonum sit cælestis beatitudo à se hominibus præparata; nouit etiam quanta sit hominum in eius neglectu ingratitude, quanta peruersitas, quantus stupor, atque damnificatio, demumq; damnatio. Inde in corde Diuino dolor, inde ira, inde indignatio, inde perpetuis, nouisq; semper miserijs, amaram nobis reddere satagit præsentis temporis vitam: vt mala quæ nos in præsentia affligunt, tædiosam & exosam nobis hanc vitam reddant, nosq; de alterâ feliciore cogitare, & ad eam contendere compellant.

5. Anhelandum ergo, & tædio (vt sic loquar) emarcescendum est ex hac vitâ ad illam aliam, per expectationem beatæ illius tam spei, quàm rei, ac aduentûs gloriæ magni DEI.

1. Quia in hac vitâ miserrimi sumus, velimus nolimus: & quidem non tantùm omnes omnino, sed etiam ij vel maximè, qui aut sibi, aut vulgo videntur miseri minimè, felices maximè. Hi enim, si benè, ac intimè, sortem suam (quam putant felicem) introspiciant, sine vllo dubio inuenient plenissimam esse molestiarum, curarum, indigentiarum, laborum, periculorum, inuidientiarum, inconstantiarum, mutationum: vno verbo dicam, ærumnarum & calamitatum: quibus illi, qui vulgò miseri sunt,

vi.

videntur
sunt, atq;
2. An
beatitud
Igitur à l
ad securi
latia, ab
dinem a
3. Hoc
hic viui
euiden
titudin
ternam
stis bea
dendam
4. Qu
ad ipsu
Amoris
talibus
rijs grat
titudin
do, mer
5. An
afficitur
nem, fr
festinem
& prægr
nitudin
tûs bea
quand
ipsi pro
nem su
sponim

Exerc: VI. De Tadio ad Caelestem Beatitudinem. 345

videnturq; reuerâ carent: atq; ex hac parte, felicibus illis feliciores sunt, atq; insuper ad euadendum ex suis miserijs expeditiores.

2. Anhelandum, tædendumque est ex hac vitâ ad Caelestem beatitudinem: quia hæc vita laboris est: illa autem mercedis. Igitur à labore ad requiém, ab opere ad mercedem, à periculis ad securitatem, à bello ad pacem, à molestijs, & ærumnis ad solatia, ab amaritie ad dulcedinem: denique à miserijs ad beatitudinem aspirandum, anhelandum, tædendum est.

3. Hoc tædium exacuere in nobis debet vel maximè: quia dum hîc viuimus; in perpetuo, simulq; multiplici, & quod caput est, euidenti, atque difficili superato periculo, sumus; excidendi beatitudine illâ: incidendi autem in perditionem extremam, ac æternam. A quo omni periculo, in perpetuum liberat nos Caelestis beatitudinis adeptio. Ergo ad illam totis viribus animi tædendum, tendendumque.

4. Quid quòd Deus noster delectatur huiusmodi tadio nostro ad ipsum? ponitque hoc, inter magni, atque sibi valde placiti Amoris erga se signa, atque exercitia, & pignora. Inde propè est talibus Amatoribus: indulgens eis, solatiaque submittens, & varijs gratiæ suæ modis eos in tadio suo fouens, insuperque ad beatitudinem certiùs, ac vberiùs capiendam disponens: ac pro modo, mensurâq; tædij ipsius, beatitudinis copiam illis præparans.

5. Amplius aliquid dicere licet, & libet. Deus noster tadio afficitur, ex eo; quòd nos adhuc extra illum, extra eius possessionem, fruitionemque simus, quòdque ad illum hereditandum non festinemus, accurramusque. Cum enim plenus sit beatitudine, & prægnans, atque parturiens illam, cum immensitate, ac infinitudine; afficitur tadio: cum non habet in quos effundat partûs beatificationis suæ. In hoc tadio subleuamus Deum nostrum, quando, quàm maximè, quàm anhelosissimè, quàm tædiosissimè, ipsi pro nostra quoque parte, ad ipsum Deum, ad eiusque beatitudinem suspiramus, beatificationiq; ab ipso, quàm copiosissimè disponimus nos, & aptamus.

Xx

6. Tæ-

346 *Exerc: VI. De Tadio ad Caeleſtem Beatitudinem.*

6. Tādendum etiam eſt ad Beatitudinem : ex eo, quia DEO noſtro multū diſplicet, ſi nos videat non eſſe ardenres in deſiderio, in tadio, in anhelitu, ſeu in tādendo, & in anhelando ad ipſum, ipſuſque beatificam fruitionem. Et iuſta quidem eſt hāc diſplicitia : nam non tādere ad DEVM, & ad fruendum ipſo, eſt quādam vilificatio DEI, minusque digna, tam ipſius, quāam fruitionis eius ponderatio, ac aſtimatio. Si enim aſtimaretur, pro-ut dignum eſſet aſtimari ipſum à nobis, ſine dubio totis viribus amaretur, concupiſceretur, tadioſiſſimèque, ſine illo hic viueretur, hinc feſtinetur ad eius poſſeſſionem, atque fruitionem. Quod qui non facit : minùs diligit.

7. Eſt etiam illa tādendi ad Beatitudinem caeleſtem idonea valde cauſa : quia & Dominus noſter Ieſus Chriſtus, & Beatiffima eius Mater, vniuerſus quoque Beatorum populus, ardentiffimè & tadioſiſſimè (tadio nimirum Charitatis beatificae afficiente, non conſiciente) nos expectant, noſque proſpectant, ſi fortè ad augendum ipſorum numerum, ad cumulandam ipſorum gloriam, totis Animorum, Cordiumq; viribus, & conatibus, & tādijſ, & feſtinationibus accurramus, ad ipſoſque adiungi acce-remus. Quod, ſi facimus ; id quod illis gratiſſimum eſt, facimus : ſi autem in eodem ſtudio torpeſcimus ; ingratum, indignumq; ſpectaculū ex nobis, Chriſto Domino, eiſq; Sanctis exhibemus.

8. Tendendum eſt cum tadio ad caeleſtem Beatitudinem : quia non tādere, neque anhelare ad illam, ſignum eſt, quòd Animus noſter adhæreat, immerſuſque ſit carni, & ſenſui : & hiſ caducis rebus : indicium eſt, quòd adglutinator ſit in terrā venter noſter : argumentum eſt, quòd qui tales ſunt, indigni ſint nuptijs Agni : & ingrati DEO : quo an poſſit eis aliquid euenire pernicioſius, viderint qui tales ſunt.

9. Tādendum denique eſt ad caeleſtem Beatitudinem : quia quem tādēt ad illam : eundem tādēt etiam huiuſce mortaliſ vitæ, tādēt illum hīc viuere, & periclitari, concupiſcit, & deſicit
in

in atria
borare :
omne op
diu non
ſatio illi
Ergo
nē : vbi
dio, bea

T A
vit
minofa
iuſta ir
adhuc
Ah mea
do venie
viuens
viuens
& noſ ig
damus a
miſerè a
Tādēt D
mam m
Anima
ſce ad ill
neſcit m

I. S
xultatio

Exerc. VI. De Tædio ad Cælestem Beatitudinē. 347

in atria Domini : dulce illi est cælestia cogitare, pro cælestibus laborare : redditur illi infatigabilis, infatiabilisq; animus : redditur omne opus dulce, omne onus leue, omnis mora longa : quamdiu non educitur de custodia, & vinculis corporis huius, conuersatio illius assidua est in cælis : pæna illi est viuere, solatium mori.

Ergo anhelandum est, ergo tædendum ad cælestem beatitudinē : vbi est vita sine morte, requies sine tædio, gaudium sine fastidio, beatitudo sine fine, Deus noster, & nobis omnia in æternū.

P R A X I S.

Tædet animam meam vitæ meæ Domine Deus meus, & vera vita mea, tædet eam huius vitæ miseræ, periculosæ, peccaminosæ : insidijs hostium, ruinis in peccatum, indignationibus iustæ iræ tuæ, obnoxia. Tædet Animam meam vitæ huius, quæ adhuc viuit : & tædet eam, ad illam vitam, quæ necdum viuit. Ah mea vita, vita dulcis, vita iucunda, vita felix, vita beata, quando venies mihi, quando veniam ad te, quando viuam Te ? O vita viuens cum DEO, viuens ex DEO, viuens in DEO, viuens de DEO, viuens DEO. Tu nos expectas, tu nos inuitas, tu nos desideras : & nos ignoramus te, negligimus te, elongamus nos à te, & tardamus ad te. Bis infelicitè miseri : nam & miseram vitam istam miserè amamus, & illam beatam vitam miserius non amamus. Tædet Domine, tædet, aut si nondum tædet, oro tædeat, Animam meam vitæ huius temporis, ad vitam beatæ æternitatis. O Anima ! curre, satage, labora, festina, anhela, concupisce, ardesce ad illam vitam, cui non succedit mors, ad vitam beatam, quæ nescit miseriam : ad vitam, cuius vita Deus est.

EXERCITIUM VII.

De Cælestis Beatitudinis Gustatione.

I. **S**tatue te in Cælo præsentem, & intra in locum illum Tabernaculi admirabilis, vsque ad Domum DEI, in voce exultationis, & confessionis. Sonus epulantis.

348 *Exerc: VII. De Cœlestis Beatitudinis Gustatione.*

2. Beatitudo Cœlestis vsque adeo ad Gustum facta est, & gustationem sui requirit; vt sine gustu haberi non possit; vt non nisi per gustum haberi possit. Inde illa Sapientis experti monitio: Gustate & videte, quoniam suavis est Dominus: oportet vt gustus præcedat, & tum visio succedet, demumque Vita Beata, & æterna possidebitur.

3. Hæc Veritas etiam in hac vitâ suum locum habet: isteq; seruandus est ordo festinantibus ad cœlestem beatitudinem, vt eam prius hîc degustent, per eâ, quæ hîc possibilis est degustationem.

4. Sed ante omnia, necesse est, præcedat mundatio, & expurgatio palatj nostri, acetoso, & felleo sapore terrenarum, sensualliumque dulcedinum infectissimi. Melle implendus es ô homo: & melle super mel & fauum dulciore. Si aceto plenus es, vbi istud cœleste mel pones? Effunde prius acetum: vt securè, vt beatè, melle diuino implearis. Desere terram, vt apprehendas cælum: sordescat tibi sensus, vt dulcescat spiritus: perde, & annihila remetipsum, vt DEVM possideas. Nam beati mundo corde, quoniam ipsi DEVM videbunt, DEVM gustabunt, DEVM possidebunt, cœlestique beatitudine perfruentur.

5. Mundato Cordis palatò, ad Gustum Cœli porrigendum est Cor.

1. Primò quidem Fide: nam hæc est; quâ & purificantur, & acuuntur corda nostra, ad gustandum donum cœleste. Nisi enim Fides credit, mens etiam non capit, multoque minùs cupit, aut gustat. Prima Fides pincernam mentis agit, sine quâ impossibile est placere DEO Animam: placereq; DEVM Animæ. Exercenda ergo est quàm creberrimè fides cœlestis vitæ, atq; beatitudinis.

2. Cui spes succedat, non minùs firma & certa, quàm vegeta, & crebra beatitudinis æternæ: quâ Cor nostrum certo certius ipsum sibi persuadeat, & persuadendo occinat; Scio cui credidi: quia satiabor, cum apparuerit gloria Domini: quia parauit in dulcedine suâ, mihi pauperculo licet, attamen suo fideli DEVS, qui

Exerc:
qui sic
flare, ac
spiro, &
cis guttu
3. Spi
ris, & an
nus spei
sperar.
sed Amo
lans, in
promiss
dem de
scrutat
deranti
4. Po
standum
impatie
palatos
bonum
ficum,
ficien
5. O
dentes
ctus, &
pectatio
feruor,
eius, est
illa in
dilatio
rimen
dicens
ades: a

Exerc: VII. De Caeſtīs Beatitudines Guſtatione. 349

quī ſicut dignatus eſt promittere, ita & potens, & certus eſt præſtare, ac reddere, quod promiſit. Spero igitur, ſpero, & hac ſpe ſpiro, & ſuſpiro: ipſumq; ſuſpirium meum, guſtus eſt meus, dulcis gutturi meo.

3. Spes non eſt inuida boni ſui, trahit ſecum deſiderium amoris, & amorem deſiderantem, anhelantemq;: imò ipſe eſt manus ſpei, quā apprehendit: ipſe eſt os eius quo guſtat: id quod ſperat. Neſcit enim ſpes confundere, ſicuti & neſcit confundi: ſed Amōres deſiderijs, deſideria Amoribus miſcens, atq; cumulans, ingreditur in potentias, apprehendit miſerationes, tenet promiſſiones, guſtat dulcedines Domini DEI ſui, aliquando quidem de longē, ſed aliquando etiam de propē: prout ſpiritus, qui ſcrutatur, etiam profunda DEI, aperire, & donare dignatur deſideranti.

4. Poſt hæc Charitas os ſuum aperit, gutturq; exiit ad guſtandum, quod præparauit DEVS diligentibus ſe. Quæ ſicut eſt impatienter patiens, & patienter impatiens, vrget corda, acuitq; palatos, ad guſtandum, ad ruminandum, ad eructandum, illud bonum, illud ſuaue, illud mellifluum, illud cæleſte, illud beariſſicum, illud Diuinum, diligentes remunerans, eſurientes ſatians, ſitientes inebrians, inanes replens.

5. Os Charitatis ſuſpiratio eſt: fauces eius, deſiderium eius: dentes eius, meditatio eſt: ventriculus eius, memoria eſt: fructus, & guſtus eius, contemplatio eſt; fames eius, tædium & expectatio eius, ructus eius, plenitudo eius, calor & digestio eius; feruor, & ardor, & aſſiduus proſectus eius: denique ruminatio eius, eſt illa repetita, illa innouata, illa irrequieta, illa indeficiens, illa inexplēbilis, illa obliuionem neſciens, abſentiam non ferens, dilatione tabeſcens, remoris inardeſcens, aſſecutione & experimento increſcens, gulofitas & ingluuiēs Charitatis, nunquam dicens ſufficit: ſed ſemper oggerens DEO, totique Cælo: ades ades: affer affer: amplius amplius, adhuc adhuc.

350 *Exerc: VII. De Cælestis Beatitudinis Gustatione.*

6. Huic Charitati, & sedandæ, & etiam irritandæ, is, qui benè nouit Genium eius, Spiritus sanctus, celestem beatitudinem, maximam partem laudat, per eas appellationes, similitudinesq;, ac figuras, quæ specialiter ad gustandum pertinent. Hoc sibi vult Manna Angelorum, seu, Gigantum de Cælo panis: hoc Conuiuium Sapientiæ, Cæna magna, Nuptiæ filij Regis, Nuptiæ Agni, hoc discubitus cælestis, torrens voluptatis, fructus Arboris Vitæ. Terra lacte & melle manans. Conuiuium Alueri Regis. Epulum Eucharisticum.

6. In hoc Epulo Cælestis beatitudinis, atq; Conuiuium, habet Charitas etiam huius Vitæ, atq; Viæ, licentiam gustandi de Cibis Beatorum: habet DEVM, habet Trinitatem DEVM, habet vnum in Essentiâ, trinum in Personis DEVM, habet Essentiam DEI, habet Vitam, habet Sapientiam, Potentiam, Misericordiam, Charitatem, Bonitatem, Iustitiam, Æquitatem, Veritatem, Dulcedinem, Pulchritudinem, Immensitatem, Æternitatem, omnem perfectionem. Habet Verbum Incarnatum, habet eiusdem Matrem, habet omnes Ciues Cæli, cum omnibus bonis eorum.

7. Hæc nosse, hæc recordari, hæc meditatione recolere, hæc contemplari, hæc amare, hæc desiderare, hæc toto charitatis ardore, totâ fame, totis viribus concupiscere, ad hæc tædiosâ festinatione rapi; Hæc inquam, dixi: gustare beatitudinem cælestem, beatitudinem DEI, beatitudinem Sanctorum.

8. Nunc ergo, surgite, ascendamus ad eos. Vidimus enim terram valde opulentam, & vberem. Nolite negligere, nolite cessare. Eamus, & possideamus eam. Nullus erit labor. Introibimus ad securos, ad beatos, ad amantes, & expectantes nos. Introibimus in regionem latissimam: *Iudic: 18. 9.* tradetq; nobis Dominus locum, in quo nullius rei est penuria, eorum quæ gignuntur in terrâ viuentium. Tantum modo nolite negligere: nolite cessare. Dominus Virtutum nobiscum: & gaudet, *sicutq; sicuti à nobis, DEVS noster.*

PRA-

P R A X I S.

Domine DEVS meus, qui me ad imaginem, & similitudinem tuam ex nihilo meo creasti: & cum ipse me perditum fecissem, rursum me per sanguinem Filij tui reparasti: ideo vel maxime; vt me beatissimæ Vitæ, atque gloriæ tuæ, participem omnino redderes, prout ad hanc participationem me ab æterno destinasti, atque in tempore vocasti, & fidei tuæ certissimo lumine de hac meâ vocatione me edocuisti, promissionibus quoq; tuis, & Filij tui meritis, spem, & expectationem in me, eiusdem beatæ gloriæ radicasti, atque fundasti: & denique Charitatis amorem, ardoremq; in me succendisti, vt per illum, & desiderare, & promereri, & gustare, atque etiam aliquantulum experimentum capere, huiusce beatissimæ Vitæ, & gloriæ possem: Dignissimæ, Benignissimæq; Maiestatî, ac Pietatî, immortales, immensasq; quantum possum gratias ago, pro isto omnium beneficiorum erga me tuorum cumulatissimo complemento. Effice Domine in me gustum, tantæ tuæ in me beneficentiæ: hoc est, beatissimæ istius Vitæ, & Gloriæ tuæ. Gustem illam fide viuacissimâ, spe firmissimâ, Charitate ignitissimâ, desiderijs ardentissimis, memoriâ viuacissimâ, meditatione frequentissimâ, contemplatione affectuosissimâ, & perpetuosissimâ: tædio ad illam anhelosissimo, suspiratione infatigabilissimâ, expectatione constantissimâ, experimento tali, quale huic vitæ fas est habere maximum. Gustem Domine, Beatitudinis tuæ dulcissimæ abundantiam, sed ad gustum tuum, non verò ad meum: aut si etiam ad meum; attamen etiam ad hunc ipsum, propter suauissimum, plenissimum, delicatissimum, purissimumq; Gustum tuum.

Psalmus.

Anhelantis ad DEVM: eumq; sitientis.

Quemadmodum desiderat Cervus ad fontes aquarum: ita desiderat Anima mea ad te DEVS. Si-

Sitiuit Anima mea ad DEVM, fontem viuum : quando veniam,
& apparebo ante faciem DEI.

Fuerunt mihi lachrymæ meæ, panes die, ac nocte : dum dicitur mihi quotidie : Vbi est DEVS tuus ?

Tibi dixit cor meum : Exquisiuit te facies mea : faciem tuam Domine requiram.

DEVS DEVS meus : ad te de luce vigilo.

Sitiuit in Te Anima mea : quàm multipliciter tibi caro mea !

In terrâ desertâ, inuiâ, & in aquosâ : sic in Sancto apparui tibi : vt viderem Virtutem tuam, & Gloriam tuam.

Expandi ad te manus meas : Anima mea sicut terra sine aquâ Tibi.

Dominus pars Hereditatis meæ, & Calicis mei. Tu es qui restitues hereditatem meam mihi.

Funes ceciderunt mihi in præclaris : etenim hereditas mea præclara est mihi.

Et nunc quæ est expectatio mea ; nonne Dominus ? & Substantia mea, apud Te est.

Quid mihi est in Cælo ? & à Te quid volui super terram ?

Defecit Caro mea, & Cor meum, DEVS cordis mei, & pars mea DEVS in æternum.

Clamaui ad Te Domine ; dixi : Tu es Spes mea, Portio mea in terrâ Viuentium.

Ego autem in Iustitiâ apparebo conspectui Tuo : Satiabor cum apparuerit Gloria tua. Gloria Patri, &c.

Psalms.

Dissolui, & Patriam caelestem, cupientis,

EDuc de custodia Animam meam : me expectant Iusti : donec Retribuas mihi.

Heu mihi, quia incolatus meus prolongatus est : habitauit cum habitantibus Cedar. Multum incola fuit Anima mea.

Do-

Don
Gloria
Vnan
mio Don
Vt vi
Filij h
Inebr
ris tuæ p
Quon
lumen.
Hæc
transib
In vo
Qua
scit, & c
Quia
Glori

Q Vo
lib
Hæc
elegi ear
Si ob
Adha
Si no
Leta
ibimus.
Stan
Hier
in idip

Domine dilexi decorem Domus tuæ: & locum habitationis
Gloriæ tuæ.

Vnam petij à Domino, hanc requiram: Vt inhabitem in Do-
mio Domini, omnibus diebus vitæ meæ.

Vt videam Voluptatem Domini: & visitem Templum eius.

Filij hominum in tegmine alarum tuarum sperabunt.

Inebriabuntur ab vbertate Domûs tuæ: & torrente Volupta-
tis tuæ potabis eos.

Quoniam apud Te est fons Vitæ: & in Lumine tuo videbimus
lumen.

Hæc recordatus sum: & effudi in me Animã meam: quoniam
transibo in locum tabernaculi admirabilis, vsq; ad domum Dei.

In voce exultationis & confessionis: Sonus epulantis.

Quàm dilecta tabernacula tua Domine Virtutum: concupi-
scit, & deficit Anima mea in atria Domini.

Quia melior est dies vna in atrijs tuis: super millia.

Gloria Patri, & Filio, & Spiritui Sancto, &c.

Psalmus.

In idipsum.

Quoniam elegit Dominus Sion: elegit eam in habitationem
sibi.

Hæc requies mea in sæculum sæculi, hic habitabo; quoniam
elegi eam.

Si oblitus fuero tui Hierusalem: obliuioni detur dextera mea.

Adhæreat lingua mea faucibus meis: si non meminero tui.

Si non proposuero Hierusalem, in principio lætitæ meæ.

Lætatus sum in his, quæ dicta sunt mihi: in domum Domini
ibimus.

Stantes erant pedes nostri, in atrijs tuis Hierusalem.

Hierusalem, quæ ædificatur vt Ciuitas, cuius participatio eius
in idipsum.

Illic enim ascenderunt tribus, tribus Domini: testimonium
Israël, ad confitendum Nomini Domini.

Quia illic sederunt sedes in iudicio: sedes super domum David.
Rogate quæ ad pacem sunt Hierusalem: & abundantia dili-
gentibus Te.

Fiat pax in Virtute tuâ, & abundantia in turribus tuis.
Propter fratres meos & proximos meos: loquebar pacem de te.
Propter domum Domini DEI nostri: quæsiui Bona tibi.
Gloria Patri, &c.

C O N T E M P L A T I O.

Gloriæ Cælestis, ex D. Bernardo.

Penetrandi sunt Cæli Sancti, viui, rationales, qui enarrant
gloriam DEI: qui fauorabili quadam pietate, nostris se voris
libenter inclinant: & sinuatis ad tactum nostræ deuotionis affe-
ctibus, in sua nos recipiunt viscera Charitatis, quoties digna ad
eos intentione pulsamus. Pulsanti enim aperietur. Licebit itaq;
vnicuiq; nostrum, etiam hoc tempore mortalitatis, cauere sibi,
quacumq; parte volet, cauernas supernæ maceriæ. Nunc qui-
dem Patriarchas reuiscere: nunc verò salutare Prophetas: nunc
Senatui immisceri Apostolorum: nunc Martyrum admirari
triumphos, eorumq; Coronas suspicere purpureis rutilantes flo-
ribus: nunc Virginum inseri Choris, & redolentes lilijs cætus
admirari: atq; ad mellissimum noui Cantici sonum, quantum
præualet infirmitas, cordis erigere auditum. Stupere etiam pul-
cherrimos ordines Angelorum & Beatarum mentium statûs, &
mansiones, à minimo Angelo, usque ad Cherubim, & Seraphim,
totâ mentis alacritate percurrendo, lustrare, prout quemq; sua
deuotio feret. Post hæc autem humiliter prosternere Cor ante
Thronum DEI, & Agni: delectatur quippe istiusmodi cauernis
DEVS, ex quibus sibi vox resonat gratiarum actionis, vox admi-
ratio-

rationis
mens, q
quippe
tanqua
ria Vol
tione C
quonia

QV
Chori
alsiste
men v
muner

VE
ch
Princi
Virtut
splend
Proph
bus lfr
Coron
gestan

Co
ta
regin

rationis & laudis, vox gemituum, desiderij, & petitionis. Felix mens, quæ sibi in hac maceriâ frequenter cauare studuit. Sic quippe peregrinans Anima, & exulans, sacris meditationibus, tanquam cælestibus pascitur bonis: DEI beneplacitum, & Myste-
ria Voluntatis eius inquirat, & agnoscit: penetrat etiam deuotione Cælos: vt dicere possit; Hæc requies mea: hîc habitabo, quoniam elegi eam. *Ser: 62. in C.*

Ex D. Gregorio Papa.

QUæ autem lingua dicere, vel quis intellectus capere sufficit, illa, supernæ Ciuitatis, quanta sint gaudia? Angelorum Choris interesse, cum Beatissimis Spiritibus gloriæ Conditoris assistere, præsentem DEI vultum cernere, incircumscriptum lumen videre, nullo mortis metu affici, incorruptionis perpetuæ munere lætari. *Hom: 17. in Eu.*

Ex Vener: Bedâ.

VERUM super hæc omnia est, consociari Angelorum, & Archangelorum cætibus. Thronis etiam, & Dominationibus, Principatibus, & Potestatibus, omniumq; cælestium supernarum Virtutum contubernio perfrui: & intueri agmina Sanctorum splendidius syderibus micantia. Patriarcharum fide fulgentia. Prophetarum spe lætantia. Apostolorum, in duodecim tribubus Israël, Orbem judicantia. Martyrum, purpureis Victoriæ Coronis lucentia. Virginum quoque Choros, candentia sarta gestantes, conspicere. *Ser: 18. de SS.*

Ex S. Cypriano E. M.

CONSIDERANDUM est, Fratres dilectissimi, & identidem cogitandum, renunciassè nos mundo: tanquam hospites, & peregrinos hîc interim degere. Amplectamur diem, qui assignat

singulos domicilio suo, qui nos hinc ereptos, & laqueis sæcularibus exsolutos, paradiso restituit, & regno cælesti. Quis non peregrè constitutus properaret in Patriam regredi? Quis non ad suos nauigare festinans, ventum prosperum cupidius optaret, vt velociter, charosliceret amplecti? Patriam nostram paradisi computamus: parentes Patriarchas habere iam cœpimus: quid non properamus, & currimus, vt patriam nostram videre, vt parentes salutare possimus? Magnus illic nos charorum numerus expectat: parentum, fratrum, filiorum, frequens nos, & copiosa turba desiderat: iam de sua immortalitate secura, & adhuc de nostrâ salute sollicita. Ad horum conspectum, & complexum venire, quanta & illis, & nobis in commune lætitia est? Qualis illic cælestium regnorum voluptas, sine timore moriendi, & cum æternitate viuendi? quàm summa, & perpétua felicitas? Illic Apostolorum gloriosus chorus: illic Prophetarum exultantium numerus: illic Martyrum innumerabilis populus, ob certaminis, & passionis victoriam coronatus. Triumphantes illic Virgines, quæ concupiscentiam carnis, & corporis, continentia robore subegerunt. Remunerati misericordes, qui alimentis, & largitionibus pauperum, iustitiæ opera fecerunt: qui Dominica præcepta seruantes, ad cælestes thesauros terrena patrimonia transtulerunt. Ad hos Fratres dilectissimi, auidâ cupiditate properemus, vt cum his citò esse, vt citò ad Christum venire contingat, optemus. *Ex Libro de Mortalitate.*

Amor, & Desiderium Cæli.

O Cælum, toto me, desidero te.
 Cælum Cæli, toto me anheo ad te.
 O Cælum calans: toto me festino ad te.
 O Domus DEI, quando inhabitabo te?
 O Ingens Locus habitationis DEI quando capies me?
 O Terra

- O Terra Viuentium, quando viuam in te?
O Patria, quando reuertar ad te?
O Gaudium Domini mei, quando intrabo in te?
O Ciuitas DEI, quando Cuius tuus ero?
O Ierusalem quæ sursum es Mater nostra, quando videbo &
 inibo Claritatem tuam?
 O Terra promissionis: quando veniam ad te?
 O Templum Domini: quando visitabo te?
 O Latantium habitatio: quando latabor in te?
 O Regnum Pacis: quando pacificabor in te?
 O Hereditas quando hereditabo te?
O Tabernaculum admirabile: quando ingrediar te?
O Regnum DEI: quando regnabis in me: & regnabo in te?
O Beatorum Sedes: quando & ego sedebo in te?
O Christi & Sanctorum Hereditas: quando possidebo te?
O quæ ædificaris vt Ciuitas: quando inserar structuræ tuæ?
 O Paradisus quando incolam te?
 O Portus quando tenebo te?
 O Brauium, quando apprehendam te?
 O Corona Iustitiæ: quando coronabis me?
 O Regio beatitudinis: quando beatificabis me?
O Sion: quando videbo DEVM deorum in te?
O Pulchritudo Pacis: quando exornabis me.
O Tabernaculum fiducia: quando in te securus ero?
O Requies opulenta, quando ditabis me?
O Vitæ perennis fons: quando satiabis sitim meam?
 O gloria DEI: quando glorificabo te, & glorificabor in te?
 O Torrens voluptatis: quando potabis me?
 O Ciuitas Magni Regis: quando conscribar in te?
 O Cæna Magna: quando accumbam ad te?
 O Denarius diurnus: quando redderis mihi?

Amor, & Desiderium Cali.

- Fluius Pacis : quando immitteris in me ?
- Diluuium : quando te Dominus inhabitare faciet in me ?
- Vitæ fontes aquarum : quando deducar ad vos ?
- Vbertas Domus DEI : quando inebriabor abs te ?
- Gloria Domini : quando apparebis ad satiandum me ?
 - Meridies : quando pascar, quando cubabo in te ?
 - Terra lacte & melle manans : quando inducar in te ?
 - Possessio æterna : quando adibo te ?
 - Beata æternitas : æterna Beatitudo : quando perennabo in Te ?
- Merces magna nimis : quando eris mihi ?



EXER-



EXERCITIORVM

PARS XIV.

ERGA

Semetipsum & Notitiam sui.

EXERCITIVM I.

De Notitiâ sui Nihili.

1. **S**Tatue te coram te, & ingredere, atque descende vsque ad
fundum Nihili tui.

2. Abyssus est, quam nec pertransire, nec perscrutari
plenè in æternum poteris. Quis enim intelligat Nihil, aut, quid
sit Nihil: de quo nec cogitari, nec dici, nec sciri, potest Nihil; nisi
Nihil.

3. Prô: quanta vilitas, quanta abiectio, quanta miseria est
Nihili? Si canis mortuus sis, si putredo, si vermis contritus, si fæx,
putor, stercus, si quæcunq; & qualiscunq; fæditas, turpitudine, ac
spurcitia sordium, tabescentiumuè cadauerum, non es adhuc
omnino, neq; penitus vilis, quia neq; penitus Nihil: ac ideo, ista
ad vilitatem Nihili, æstimationem habent aliquam, vsumq; ali-
quem sui: habent bonitatem Entis, existentis à parte rei: at verò
Nihil, prorsus est Nihil: valet, & utile est ad Nihil.

3. Hoc Nihil cum tu sis, & quidem à Naturâ, & ab Essentiâ, &
ex temetipso sis; in istudq; Nativum tuum Nihilum, velut in
centrum toto pondere tendas, ac in illud resolui exigas, omniq;
mo-

momento in illud recidere idoneus, ac paratus sis; ita quidem, vt non esse idoneus, ac paratus, non possis: nisi te vnica, eaq; gratuita, ac tibi nullatenus debita DEI omnipotentia, atq; Bonitas, extrâ hoc Nihilum continuato semper conseruationis beneficio teneret: iam statue de te, quod iudicium, quis sensus, quanta æstimatione tui, debeatur tibi, & à DEO, & à te ipso, & ab omni alio Ente Creato?

5. Statue apud te cuius amentia, & quàm non solùm iniquæ, sed omnino emotæ, nulliusq; mentis sit, velle, exigere, expectare, vel minimam æstimationem, laudem, curam, rationemq; tui?

6. Statue apud te, quid, & quis sis verè? quid possis? quid habeas? ad quid idoneus, & utilis sis? quid merearis? quo dignus sis? Vtique si te, tuaq; attendis, hæc sunt, Nihil: si autem aliena spectas; hæc quoq; sunt, ratione tui, Nihil: & acquirunt tibi nihil, quoniam aliena sunt.

7. Ergo in hoc Nidulo tuo, in hoc (inquam) Nihilo tuo, & nihilo tui, iugiter, immobiliter, æternaliter habita: & noueris, & proficere, quàm sit tibi curta, quàm misera, quam nulla supellex.

P R A X I S.

AVdite me, audite Creaturæ: Audi me Creator & factor meus: Confessionem simul, & confusionem meam. Confiteor omni Creaturæ, & ipsimet mihi, & ante omnia DEO Creatori meo, quia nihil sum: quia omnis substantia mea, est merum, purumq; nihil ante DEVM, ante me ipsum, & ante omne quidquid est Creatum. Nidus meus, nihilum. Patria mea, genealogia mea, genus meum, esse meum, opus meum, posse meum, meritum meum, gloria, gloriatioq; mea, merces & præmium meum, Nihil est: nihil omnino, millies, milliesque nihil. Hoc mihi nomen, hæc substantia, hæc possessio, hæc Virtus, hæc energia, hoc torum, solum, vnumque, ego nihil, & per omnia, atq; ad omnia nihil: neque aliud esse possum: neq; capax esse, vt aliquid sim, esse possum.

sum. O DEVS meus: qui solus metiri potes vniuersum nihilum meum: tu solus etiam deduc me in cognitionem, & serua me in cognitione, in æstimatione, in confessione, in confusione nihili mei: de cætero, miserere mei, secundum magnam misericordiam tuam, sicut potes, sicut scis, sicut vis.

EXERCITIVM II.

De Notitiâ sua Cacitatis.

1. **S**Tatue te coram te: & descende in abyssalem fundum cæcitatæ tuæ, ignorantia tuæ, stultitia tuæ, errabilitatis, errauitatisq; tuæ.

2. Abyssus abyssum inuocat, ex nihilo, quid nisi cæcitas omnis emanet: quid nisi priuatio & absentia lucis omnis omnino procedat? Quam est mihi essentielle nihilum esse; tam est innatum, & inexpedibile ab esse meo, cæcum, imò cæcitatem, esse.

3. Cæcus sum in Diuinis, cæcus in creatis, cæcus in alienis, cæcus in meis rebus: cæcus (& maximè quidem) in ipso me: stultus maximè, imprudens maximè, erroneus maximè, dubius maximè, perplexus, ignarus, nesciens tam introitum quam exitum meum, maximè. Meræ sum tenebræ, pura ybiq; nox, in omnibus: & semper caligo, semper inscitia, semper cæcitas.

4. Si quæro DEVM meum, qui replet omnia seipso, & lux est tam omnium, quam sua: tamen ego cæcus sum: neque tantum non inuenio DEVM, in quo uiuo, moueor, & sum: sed etiam in regionem dissimilitudinis aberro ab ipso, ab eo ab ipso, perdo ipsum in illo ipso. Si quæro Creaturam, & hîc cæcus sum: & hîc in immensos, ac inextricabiles, ipsoq; stupore stupidiore errores ac stultitias abeo, atq; aberro. Quanta enim stultitia est ignorare DEVM suum, nescire factorem suum, Creaturam putare Creatorem, Creaturam præferre Creatori, Creaturam amare, odisse Creatorem, seruire creaturæ, rebellem esse Creatori, subijci seruo, non nosse Dominum?

5. Iam, heu! quàm cæcus, ac tenebrosus, & mera nox, ipsissimâq; inscientia sum in Diuinis, siue consilijs, siue iudicijs, siue voluntatibus! Creaturarum verò, ac in specie Angelorum, Hominumq; naturæ, & corda, & mentes, & sensûs, & affectûs, & cogitatûs, in quantis tenebris latent, & quàm procul sunt à me, scientiâq; meâ! Quid ipse ego, quàm abditus, & ignotus mihi? Voluntas mea vsque adeo cæca mihi, vt quid velim, ne tum quidem sciam, cùm volo. Intellectus meus, cæcorum cæcus Dux, atq; Lux, affectuum appetituumque. Memoriam meam, quid vocem; nescio; quandoquidem per eam, & in DEI, & in aliarum rerum, & in mei etiam ipsius obliuionem venio. Exciderunt, & occiderunt præterita, latent præsentia, futura autem quis nouit? In his quæ naturalia, & quæ sensibus subiecta sunt, infinita est cæcitas, & ignoratio. De supernaturalibus autem nosse saltem aliquid, abyssalis nox est, & quiddam nocte obscurius. Quod si Anima, id est, Lumen, quod in me est, tenebræ sunt, ipsæ tenebræ quantæ erunt? discedit Anima à corpore, quid est corpus, nisi saccus, luto aut stercore maceratus, saccis ipsis stupore par: putredine, fælore, horrore, inferior: aut verius superior.

6. Et tamen, nos dicimus; quia videmus, quia agnoscimus, quia sapimus, qui in hoc ipso quod sapere est, desipimus: propter quod etiam meritò peccata nostra manent.

7. Ergo homo scito te stultum, agnoscito ignorantem, profiteri erroneum, & errantem, & ipsius erroris ignarum. Dic cum sapiente: Stultissimus sum virorum, & Sapientia non est mecū.

P R A X I S.

Confiteor tibi, Domine, Rex Cæli, & terræ, Pater luminum, & fons Sapientiæ, quia ego sum homo de nihilo formatus, tenebris & cæcitatibus in immensum immensus, & abyssaliter abyssalibus inuolutus, immersus, & infartus. Non recenteo, quid nesciam Domine; aut in quo cæcutiam: Nam neq; ad hoc sciens

sciend
valde il
similis il
cæcutire
esse poss
& sine e
tem tua
stultissi
nebræ,

1. ST
2. O
malitio
nomast
uijs vnu
3. E
haurire
emanan
human
ignes, &
mea ma
tur vnq
4. Pa
& pecc
portet
re: opo
gloriar
impud
simulat

sciendum sufficio. Stultus sum, & sapere mihi videor: ubi me valde illustratum existimo, ibi tenebris palpabilibus inuoluor, similis illi cæcorum generi, qui se cæcos nesciunt, insuperq; alios cæcutire arbitrantur. Talis sum Domine, & ubiq; talis, neq; alius esse possum, ex me: ô Tu, qui Lux es, & omnes nescis tenebras, & sine quo omnia tenebræ sunt: emitte lucem tuam, & veritatem tuam, quæ me deducat, & adducat vsque ad Te: aliâs ego stultissimus sum, & Sapientia nulla est mecum: sed purissimæ tenebræ, quarum fundum habere possum, nosse non possum.

E X E R C I T I V M III.

De Notitiâ sua Malitiâ.

1. **S**Tatue te coram te, & descende in abyssalem profunditatem malitiæ, malignitatisq; tuæ.
2. Omnia alia nihili humani attributa tolerabiliora fierent, malitiositas si abesset. At heu! nullum apostema, nullum carcinoma, tantis purulentis venenis scaturit, quantis malitiæ profluuijs vnus Homo redundat.
3. Exhaustas fontes & fluuios: malitiam meam, tuamue, exhaustare desperes: maria diuidendo imminuuntur, malignitas emanando vires sumit. Montes in plana deduxeris: scelerofitas humana assurgit, ascenditq; semper altius. Eructat inexhaustos ignes, Ætna, & Vesuius, interdum tamen conquiescunt: Vna mea malignitas cessationem nescit, neq; promittit, neque patitur vnquam eructandi malitiæ suæ incendia.
4. Parum est malitiosum, ac malignum esse: minus est malum, & peccantem esse: celare, & negare patrata scelera oportet: oportet peccata peccatis cumulare: oportet excusare & defendere: oportet maioribus minora obruere: oportet de sceleribus gloriari, & in pessimis factis exultare: oportet prædicatione & impudentiâ coronare: oportet peccata sua diligere: oportet dissimulatione, contemptu, desperatione non sentire: oportet in-

super alienis grauari: atq; dato pretio, vel præmio eadem in suam perniciem, grauamenque, vel emere, vel vendere: oportet in feras ætates eadem propagare, atque ne vnquam eorum finis sit prouidere: oportet artem, disciplinam, magisteriumq; peccandi discere, nosse, docere, exercere: oportet deniq; iniquitatem velut aquam bibere, in Cathedrâ pestilentiaæ sedere, & venundari vt facias malum coram Domino Deo tuo.

5. Neq; verò alligatus sum ad vnum alterumue solum malitiæ genus, ita, vt ad cætera inhabilis, ineptusq; sim: Non ita sanè tenuis est fons malitiæ meæ: sed non est peccatum, quod fecit vnus homo, quod non possit facere alter homo: ad omnia aptus, ad omnia paratus, ad omnia præceptus, quantum ex me: nisi quòd Diuinæ sit opus misericordis dexteræ, quæ non finit innatum ad omnia scelera pondus sequi, illouè vinci, siue illud exequi.

6. Superbia nostra ascendit semper, Auaritia nostra ascendit semper, gulositas nostrâ ascendit semper, luxuria nostra ascendit semper, ira, inuidia, acedia, omne scelus ascendit semper: & si in æternum viueremus, in æternum peccando progredieremur. Exemplo sunt damnati ad pænas inferni, quorum quemadmodum tormentorum ita & scelerum fumus ascendit in sæcula sæculorû. Exemplo etiam est, atque experimento, quòd ab origine mundi semper homines maligni sunt, & in peccatorum sordibus voluntur, atque etiam volupuantur.

7. Puer es ætate, sed peccatis senex. Iuuenis es annis, sed malitiâ grandæuus: adoleuisti annis, sed nequitia senuisti: grandæuus es vitâ, sed sceleribus senectutem supergressus es: & totus licet viuendo fatiscas in mortem, sola tamen scelera, scelerumq; viuacitas in te viridis est: & in hoc pares sunt omnes homines, quantum ex se: in hoc ego par sum omnibus, quantum ex me.

8. Sed & illud ad malitiositatem meam facit plurimum: quòd non tantum malus esse, malaque perpetim facere naturâ meâ aptus sim: verum etiam bonum esse, & bona agere, quin & co-

gi-

gitare,
aptissim
perfectu
quem n
(est eni
peccatu
de deo
apud q
tio: ne

Do
v
elauie
& dico
iniquit
meoru
mea,
nume
puluer
Creat
aterna
tamen
& dim
titudin
ration

1. S
2.

gitare, ex me prorsus ineptus, imò verò bona facta corrumpere aptissimus inueniar. Omne datum optimum. & omne bonum perfectum, de sursum est, descendens à Patre luminum: apud quem non est transmutatio, neq; vicissitudinis, etiam in melius (est enim omne & summum bonum) obumbratio; omne autem peccatum pessimum, & omne bonum inquinatum, & corruptū, de deorsum est, promanans ex Nihilo, quod est omnis homo: apud quem, in hoc, nulla est, nulla esse potest malitiæ emendatio: neque in bonum, aut in melius ex semetipso commutatio.

P R A X I S.

Domine Deus meus: scrutator nihili, & vnus solusq; cognitor verax eius: Tu solus planè nosti malitiam peruersitatem, eluuiemq; inexhaustam peccaminositatis meæ. Dixi Domine, & dico, & dicere volo, quamdiu fuero, Peccaui: & in profundū iniquitatis descendi: infixus sum in abyssali limo peccatorum meorum, & non est substantia. Multiplicatæ sunt iniquitates meæ, non super numerum capillorum capitis mei, neque super numerum arenæ, quæ est in littore maris, neq; super numerum puluerum terræ, aut guttarum aquæ: sed super numerum omnis Creaturæ. Propter quod Domine, perditio, & infernus, & mors æterna, domus mea, possessio mea, hereditas mea est. Verumtamen tu Domine misericors, & miserator, parce peccatis meis, & dimitte vniuersa debita mea, vt exalteris parcens mihi, & multitudinem malitiæ meæ, vincens multitudine abyssalium miterationum tuarum.

E X E R C I T I V M IV.

De Notitiâ suâ Infirmitatis.

1. **S**tatue te coram te: & descende in abyssalem profunditatem infirmitatis ac impotentiae fragilitatisq; tuæ.
2. Quomodo enim ad Corpus vmbra, sic ad nihilum infirmitas,

tas, omnisq; impotentia adhæret; si tamen non veriùs dicitur, quòd nihilum, & summa, & omnis infirmitas sit.

3. Quid enim nihilo cogitetur, vel, reperiatur infirmiùs? Nul-
lum vitrum, nullæ aranearum telæ, nulla aëre inflata bulla, tam
fragilis est; quàm infirmum est id, quod nihilum, aut de nihilo
est. Et talis utiq; est Homo: Homo cuius substantia, essentia,
existentia, natura, omnisq; conditio, est nulla, & nihil. Benè
vocatus est viuens omnis homo, vniuersa vanitas: quasi quid-
quid vspiam Vanitatis esset, hoc totum in vnumquemq; homi-
nem coagmentatum sit, ita vt aliæ quidem res creatæ per partem
tantùm Vanitatem in sese habeant: at in hominem omnes, o-
mnes, quantacunq; sunt confluxerunt: eumq; compegerunt. In
Elementis, & lapidibus, alijsq; inanimatis, est tantùm vanitas
substantiæ; In plantis & herbis, est tantùm vanitas vitæ: in ani-
malibus est tantùm vanitas sensûs & motûs: in Angelis est tan-
tùm vanitas intellectûs: homo autem omnis viuens, est ista vni-
uersa vanitas: reuera enim nulla res tam miserè, atq; vanè, aut
est, aut viuit, aut sentit, aut mouetur, aut intelligit, quàm homo.
Igitur vniuersa vanitas, est omnis homo viuens.

4. Pariter non absurdè dixit, de Hominis Nihilo, & Vanitate,
& fragilitate; qui, quod de omnibus creaturis dictum est, vni spe-
cialiter potissimumq; soli Homini competere sensit: Vanitas Va-
nitarum & omnia Vanitas. Non videbatur satis sibi dicturus, si
hominem Vanum, aut si etiam Vanitatem, si deniq; vniuersam
Vanitatem dixisset; Magnum aliquid illi videbatur Vanitas esse,
ac proinde homini multùm adhuc tribui, si diceretur Vanitas
esse: idcirco in ipsis Vanitatibus, Vanitatem, veluti florem, suc-
cum, medullamq; reperit: ac illam hominem esse dixit: dicere
volens; Homo non est Vanitas, sed vanitarum omnium Vanitas:
aut, non est nihil, sed ipsa nihili ymbra, ipsumuè nihili nihil.

5. Si quis dicat, Hominem, nempe semetipsum, esse agritu-
dinem, infirmitatemq; æternam, nullis, ne diuinis quidem, viri-
bus,

bus, sati-
cet, non
& consi-
firmitas
dem nu-
potest. C
non van

6. Et
re, pote-
mnipot
nitatem
simã va

7. O
testis à
per se s
esse: v

Quantu
tificetur
erit, ad
suo val

commu
ne plus
ad mon
nis eius

autem
esse, ne
tura, si
momen

Deo est
mitasq;
8. I
jucund

bus, satis sanabilem; verum quidem aliquid de sua fragilitate dicet, non dicet tamen totum. Non enim videtur plenius exprimi, & consummatius appellari infirmitas humana, seu potius, infirmitas quæ est homo, quam si dicatur esse nihil. Nihilo siquidem nulla vis, nullum robur, nullum minurum potentia inesse potest. Quisquis ergo nihil est, is non infirmus, sed infirmitas, is non vanus sed ipsa vanitas, imò & Vanitatis Vanitas est.

6. Et nihilominus, nos non erubescimus, & dicere, & credere, potentes, præpotentes, potentissimos, tantumq; non & omnipotentissimos. O Vanitas vanitatum! parumnè tibi est Vanitatem Vanitatum esse, nisi etiam nouellam hanc, vanitatis stultissimam vanitatem, à mendacio, & falsitate desumptam, tibi associes?

7. O vos præpotentes, qui neq; vmbram potentia habere potestis à vobis ipsis! O potentissimos, quibus nec ad momentum per se subsistendi potestas inest! Parum dixi, quando negavi inesse: veriùs, & plenius dicam; si negauero etiam inesse posse. Quantumcunq; creatura, etiam ab ipso Deo firmetur, & potentificetur, adhuc tamen semper, & omni momento impotens erit, ad sui, vel pro vnico momento, in suo esse, in suo posse, in suo valere, & præposse conseruationem: Non secùs ac aer iste communis, qui licet à tot annorum millibus quotidie Solis lumine plusquam penetretur, penèq; lumen ipsum fiat, tamen neque ad momentum lucidus esse potest absq; solis præsentia & luminis eius influxu: sed totum eius lucere, est à Solis beneficio, ex se autem nihil lucis, sed natiuas tenebras habet: Sic Homo neque esse, neque posse, neque facere, neque conari, siue in rebus naturæ, siue in functionibus gratiæ, quidquam, vel ad momenti momentum potest de semetipso: sed omnis sufficientia eius ex Deo est: omnis autem insufficiencia, impotentia, fragilitas, infirmitasq; ex ipsomet homine est, sicut ex semetipso nihil est.

8. I nunc Homo: iacta vires tuas: gloriare quasi potens: esto iucundus in potestate tua: aude dicere: Manus mea excelsa, &

non

non Dominus fecit omnia. Quid superbis terra & cinis! quid inflaris Vanitas & nihil? quid habes quod non accepisti? quid potes quod non ex Deo potes? quod habes meritum, quod non sit donum Dei gratuitum? An non Gratiâ Dei es quidquid es? Numquid mendax est, qui dicit: Sine me nihil potestis facere? Et rursus. Perditio tua ex te, tantummodò ex me auxiliũ tuum? Hoc ergo age ô homo, vt nihilum tuum semper coram te sit: vt Gratia Dei in te vacua non sit: vt reddas, quæ sunt DEI DEO, quæ sunt tua, tibi: vt appendas quæ sunt tui nihili, tuo nihilo.

P R A X I S.

Domine, Dux omnis, quæcunq; in nobis est, Veritatis; Tibi confiteor vniuersum nihilum meum, vniuersamq; fragilitatem, & infirmitatem meam: quoniam ipsa est, quam possideo ex hereditate, atq; fecunditate nihili mei. Nihil sum Domine, nihil per omnia, nihil ad omnia, nihil in omnibus, nihil post omnia, nihil ex omnibus, nihil pro omnibus, nihil inter omnia, nihil præ omnibus. Tua verò Domine sunt, omnia, quæcunque sunt; tua est Virtus, tua potentia, tua fortitudo, tua sapientia, tuum consilium, tuum iudicium, tuum adiutorium, tua gloria, & laus, & gloriatio, & exaltatio, & gratiarum actio. Et ad meam quidem substantiam pertinet nihil: quod reuera ex memetipso sum: nec non vniuersa Vanitas Vanitatum: ac etiam infirmitas: & confusio faciei, & contemptio, & damnatio, atq; perditio: insuperq; in damnatione derelictio, & sepultura, & obliuio æterna: Verumtamen tu Domine operi manuum tuarum porriges dextram: & misereberis mei tu qui omnia potes, qui omnia scis, qui omnia bona vis, qui omnia es, qui omnia quæ salutis meæ sunt, largiris. Tibi ergo gloria, mihi autem miseria, sed & miseratio tua, in Æternũ.

EXER.

EXERCITIUM V.

De Notitia suæ Ruinositatis.

1. **S**Tatue te, coram te, & descende in abyssalem profunditatem ruinositatis tuæ, tendentiæq; præcipitatisimæ in ruinam, in mortem, etiam secundam, in nihilum, in non esse, & in malè esse.

2. Est enim infelicissimæ hominis nihilitati parum: quòd ad omne Bonum sit ex se prorsus impotentissima: quodq; in Bono stare firmiter, vel ad momentum momenti, sit insufficientissima: habet insuper hoc in Naturâ, Essentiâq; suâ; quòd perenniter, & incessabiliter, & inuincibiliter, ad ruinam, perditionemq; præcipitatisima sit, & supra omnem modum festinanter tendens, atq; ruens.

3. Si molare saxum, aut grandis massa plumbea, aut ingens mons in sublimè efferretur, inibiq; magnâ quadam Virtute pendens sustineretur; haud dubiè, siue molaris, siue plumbum, siue mons, toto suæ entitatis pondere tenderet; rueretq; quantum in se, & ex se, in profundum deorsum: tali, atque millicies multò maiori ponderositate Naturæ, & Essentiæ suæ, humana massa, omni instâti, esto Diuinæ omnipotentis Virtute sustentata, etiam dum sustentatur, tendit in sui ipsius perditionem, tam physicam, quàm moralem: seu, in non esse, tam Naturæ, quàm moris, aut Gratia.

4. Nullum arcu emissum jaculum, nullus globus tormento quouis eiectus, non ipse sol incogitabili quamvis celeritate gyratus, tantâ præcipitatione ad suum festinat terminum: quantâ præcipitationis festinatione ruit humana miseria, omni momento suo, ad defitionem, perditionemq; sui. Cursum enim solis quamvis rapidissimum, metimur horis, annis, & seculis: sed humana in defitionem festinatio, ipsius momentis breuior, hoc est, velocior est: neq; eget momentorum moris, vt duret, aut non duret.

5. Videatur sibi quomodolibet stare miser Homo, neq; solū stare, sed aliū quoq; ascendere, ac sese robustius firmare: heu! tum demū maximē multiplicatā & adauctā præcipitatione, ruit in præceps, euolatq; in ruinam. Quis robustius stare sibi videbatur illo, qui dicebat in abundantia suā; non mouebo in æternū; at ecce ad tantillam amotionem à se manus Diuinæ conseruatricis, subito factus est conturbatus, & in præceps, profundūq; lapsus. An non robustus sibi stabat, qui dicere non dubitabat in corde suo in cælum conscendam, super astra DEI, exaltabo solium meum, sedebo in monte testamenti, in lateribus Aquilonis: Ascendam super altitudinem nubium: similis ero Altissimo. Atqui ille gloriosus, ille sublimis, ille Altissimo suppar, ille in solio firmato residens, ac latera Aquilonis premeans: tanquam fulgur in tartara decidit, totā Diuinitatis dexterā percussus: toto sui nihili pondere detractus ad infernum, ad profundū laci.

6. Sic, sic ruimus, sic ruere paratissimi sumus, sic in ruinam præcipientes volamus: nullā magis, quā propriæ Naturæ, Essentiæq; ineluctabili grauedine, atq; ponderatione.

7. Vt quid ergo præsumam, vt quid confidam, vt quid altū sapiam, aut spirabo? quando ita mihi propriū, ita essentiāle, ita necessarium est ruere in præceps ex ipso me; vt DEVS, possit quidem ille facere omnipotentis dexteræ, gratiæq; suæ Virtute, ne corruam; at verò ne ruam, ne in ruinam festinem, ne in præceps ire toto me ad laborem, hoc, ne utiquam toto se, quantusquantus est DEVS, totaq; omnipotentia ipsius, efficere non possit.

8. Ergo homo, noli altū sapere, sed time: & quidem à temetipso solo, quam maximē time: ex nemine enim alio, nisi ex temetipso tua perditio.

P R A X I S.

Vixit Dominus, & viuit magna Virrus eius: quia sine DEO, nihil mihi ego sum, nisi dux in præceps, & pondus in malum,
man-

manud
esse vllat
quam ali
nem, del
Tu Dom
solus for
te sum, v
ex omni
ruina, or
meus, in
lutis mea
sunt firm
perficis
& tibi
omnipo

1. ST
Sne
2. Et
hoc mar
desit mil
3. In
si te nih
Quid en
nis inest
nissimē,
4. N
sus per
nem te
fectione

manuductor in ruinam, & stimulus ad perditionem. Non est, nec esse vllatenus potest, vllum penitus auxilium mihi in me, ad quidquam aliud; nisi ad solam, & ad omnem perniciem, desolationem, destructionem, vastitatem, confusionem, annihilationem. Tu Domine solus es DEVS meus: solus virtus, & sustentatio mea, solus fortitudo mea, & laus mea. Ex te sum, quidquid sum: in te sum, ubicunq; sum: tibi sum, cuicunq; sum: ex me autem, & ex omni quantacunq; Creaturâ, omnino sum perditio, omnino ruina, omnino exitium, omnino nihil sum. Ergo Domine DEVS meus, in Te solo sit fiducia, & firmamentum meum, & cornu salutis meæ: in quo omnia firma, sunt infirma: omnia verò infirma sunt firma: quia tu solus omne robur nostrum in infirmitate perficis: & tu solus vocas ea quæ non sunt, tanquam ea quæ sunt: & tibi soli subest cum volueris posse omnia, non solum per Te omnipotentissimum, sed etiam per me impotentissimum.

E X E R C I T I V M VI.

De Notitia sua Imperfectionis.

1. **S**Tatue te, coram te, & descende in abyssalem imperfectionem defectuositatemq; tuam.
2. Et quis mihi porrigat dexteram, quâ deductus subintrem hoc mare, & ad profunda eius, descendam, & intelligam quid desit mihi perfectionis, aut quid insit mihi imperfectionis?
3. In compendio habebis, ô talium scrutator homo vniuersa: si te nihil esse cognoueris, & si tuum nihilum perscrutatus fueris. Quid enim nihilo imperfectionis non inest? aut quid perfectionis inest, si planè, & verè, prout quidem Homo verissimè, & planissimè, nihil est.
4. Noli ô homo velle conferre te cum DEO, qui cum sit abyssus perfectionum, abyssalisq; perfectio, in nullam comparationem tecum venire potest: vt pote qui tantum distat à te in perfectione, quantum non distaret cælum à terra, vel ortus ab occasu,

su, ne quidem si millies milliesq; amplius tantum distaret, quantum nunc distat. Quantum distat summum, & omne Ens, à Nihilo, & non ente, tantum abest DEVS ab homine: & quantum elongatur absoluta, & cui nihil deest, Perfectio, ab omnimodâ, & cui nihil inest perfectionis, nihilq; deest imperfectionis imperfectione; tantum longè est DEVS ab homine, tantumq; longè est homo à DEO. Iniuria est DEI componi cum homine, & superbia est Hominis comparari cum DEO. DEVS enim ipse est DEVS: Homo autem ipse est homo, est ipsissima imperfectio, ac pura putanihilitus.

5. Veniat homo in comparisonem cum creaturis, & suam cum ipsis collationem instituat: & nullam inueniet, quâ se imperfectiorem non reperiet, in quâ perfectionem quâ ipse caret non aduertet, in quâ perfectionem, cui ipsius perfectio non cedat non agnoscat. Prætermittamus Angelicos Spiritus immortales, immateriales, omni naturæ gradu altiores, perfectioresq; ac prorsus perfectissimos: quibus si comparare se homo præsumat, tam stultus, quàm iniurius existat.

6. Ergo ad creaturas cæteras comparetur homo, & omnibus illis inferior, imperfectiorq; apparebit quia & reuera existet, homo. Scio Diuino edictum esse oraculo, quia DEVS omnia subiecit sub pedibus hominis: sed hæc subiectio argumentum est humanæ imperfectionis, quæ eguerit tanta creaturarum subiectione: quâ si caruisset, nihil miserabilius, imperfectiusq; homine remansisset. Subiicitur creatura homini, quia sic mandauit DEVS: & non subiicitur homo DEO: quod vt facere addiceret, omnem creaturam dedit illi in Magistrum, omni creaturæ dedit illum in Discipulum DEVS. O miserum, ô infelicitè imperfectum hominem! qui iumentorum, atq; brutorum, truncorum, atq; lapidum, magisterio eguit, neq; tamen vel ex eo hactenus profecit, vt DEO se subijci, subijcereq; sciret, ac vellent.

7. Percurramus cætera vel tenuiter. Nunquid homo purus est

est vt Ca
nubes fa
sicut So
volitat,
pudor l
desider
re, con
bestiola
homini
neglige
num et
mnibus
8. O
tics cr
vt crea
imperfe
periens
dauent
9. P
le, im
ris imp
10.
illud in
in-omn
te DE
quam
superb
Et DE
mnia.
libro
exalte

Exerc. VI. De Notitia suæ Imperfectionis.

373

est vt Cæli? Num lucet vt sydera? Num fertur super aëra, sicut
nubes facundantes terram, & ab æstu Solis inumbrantes? Num
sicut Sol illuminat, & vegetat omnia? Num sicut volucres cæli
volitat, aut sicut pisces maris aquarum profunda inhabitat? Prô
pudor! muscæ & culices quolibet volant, homo terræ adfixus
desidet. Quid multa in hac breuitate loquar? Omnia suæ Natu-
ræ, conseruationiq; opportuna, adnata etiam habent: vilissimæ
bestiolæ, plantulæ, herbulæ, atq; adeo omnes creaturæ: solius
hominis in censum hunc rerum educti, natura vel oblita, vel
negligens, vel inimica planeq; nouerca videtur fuisse, ac etiam-
num esse: ita totus alienæ opis eget, ita totus imperfectus, & o-
mnibus imperfectior est.

8. O nos perfectos Homines! qui toties perditī essemus, quo-
ties creaturæ innumeræ nostri subsidij causâ disperdi debent: ita
vt creaturarum perditio, nostræ sit innumerabilis & miserabilis
imperfectiōis suppletio: sitq; perfectior (quia vtilior) creatura
periciens, quàm homo viuens, quippè qui non viueret, nisi ca-
daveribus creaturarum viueret.

9. Prætereamus hîc obsequium sanè tam multiplex, quàm vi-
le, imò & sordidū, sæpè etiam periculosum, quod homo creatu-
ris impendere debet, vt earum obsequio suis miserijs subueniat.

10. Oportet etiam præterire, ac obiter tantum perstringere
illud imperfectum nostrum, tam luctuosum, quàm probrosum
in omni genere moris atq; Virtutis: de quo satis sit cum Verita-
te Dei pronunciare; Omnes Iustitiæ nostræ (coram Deo) tan-
quam pannus menstruatus. Et tamen talis licet sit homo, audet
superbus, audet contemptor in ipsum etiam DEVM, esse Homo.
Et Deus, qui est super omnia, videt, dissimulat, miseratur hæc o-
mnia. Quoniam imperfectum nostrum vident oculi eius, & in
libro nihilominus suo omnes nos scribit, in salutem nostram, vt
exalteretur Parcens nobis.

P R A X I S.

Domine, agnosco, & confiteor, & non abscondo ab oculis tuis, pariterq; ab omnis creaturæ, & à meis, omne imperfectum meum, Tantum est Domine imperfectum meum, quanta est Diuina perfectio tua, qui solus, & vnus, & totus, & semper, & ex ipso te es, omnimoda, & abyssalis perfectio tua. Dicam hoc quoque, licet vix supersit quod amplius dicam; Ex omnibus creaturis tuis, nullam esse, cui quidem ego in perfectione meâ non concedam. Habent enim saxa, habent gramina, habent viles vermiculi in quo præcellunt, & præcedunt, & ego assequi non possum. Ipsa postremo, si quæ est perfectio mea, & non est nisi ex beneficiâ tuâ, vsq; adeo imperfecta esse conuincitur, vt magis imperfectio esse quàm perfectio demonstretur: si præsertim ad tuum Diuinum iudicium quo etiam iustitiæ iudicantur, adducantur. Ne ergo Domine tradas me animo irreuerenti, & infrunito: ne sinas me ingredi vias superbix, & ingratitude: non me permitas subintrare semitas præsumptuum de se, & gloriantium in Virtute quasi suâ: cum reuerâ sint nudi, & cæci, & pauperes, & miserabiles in omnibus operibus suis. Sed in spiritu humilitatis, & in animo contrito suscipias, & conserues me semper coram Te: cui semper placuit simplicium, & humilium deprecatio: quomodo miseretur pater filiorum suorum, ita & mei miserere tu: qui recordaris figmentum meum, & quia putredo, & vermis, & puluis, & nihil sum.

E X E R C I T I V M VII.

De Notitiâ suâ Paupertatis.

1. **S**tatue te coram te, & descende in abyssalem tuam nuditatem, mendicitatem, atq; omnium rerum egestatem.
2. Ad hanc cognoscendam sufficeret quidem nosse proprium nihil; illud enim est omnis paupertatis fons: imò illud est ipsa pau-

pauperi
rius nini
sideratio
etiam p
in Hom
Deo sun
3. Su
tem no
natum,
dinem
Angelis
stij ter
calesti
præter
tiumq;
confort
meritis
herede
sed Fili
4. Q
quid di
abyssis
nostran
1. Pri
mus, &
rissimo
lâ ad id
bilis, ob
particip
tâ nostr
no nost
1. De

pauperies, absolutaq; nuditas. Quid enim nudius, quid pauperius nihilo? Sed interim separetur hæc pauperies à præsentī consideratione: illa autem sola in oculis sit, quæ remansit in nobis, etiam postquam ex nihilo conditi, & aliquid effecti, atque etiam in Homines constituti à creatore nostro, omniumque largitore Deo sumus.

3. Sumus ergo creati, atq; de abyssis nihili educti: educti autem non in quamcunq; extremi ordinis creaturam, sed in rationalium, intelligentium, liberarum, sui, & sibi dominantium ordinem sepositi: Homines sumus facti, minorati paulò minus ab Angelis, gloriâ etiam & honore coronati, insuper præpositi bestiis terræ, piscibus maris, volatilibus cæli: Destinati etiam regnis cælestibus, atq; beatitudini æternæ, fruitioniq; Diuinæ: Ad quod, præter maxima, plurimaq; gratiarum auxilantium sanctificantiumq; dona, facti sumus in Christo, Deo Homine participes, & consortes Diuinæ naturæ, atque etiam Personæ: cuius pretiosis meritis, sanguine, & morte facti sumus Filij & heredes DEI, coheredes autem Christi, ut iam non serui, sed Amici, sed Fratres, sed Filij DEI nominemur, & simus.

4. Quid nobis ad tam sublimem sortem euectis fortunatius? quid ditius nobis, cumulatīs tantis thesaurorum Diuinæ Gratiæ abyssis? Sed videamus nihilominus in istis diuitiis paupertatem nostram.

1. Primum quidem ex eo, & in eo, quia hisce omnibus egebamus, & extremè quidem egebamus, neq; habere ista, nisi ex merissimo DEI dono (nam ex nullo merito nostro) poteramus. Nullâ ad id obtinendum dignitate, nullo utilitatis alicuius, vel possibilis, obtentu suffulciebamur. Quin imò ab horum bonorum participatione arcebamur: tum nihili nostri vilitate, tum innatâ nostri inutilitate, tum originalis culpæ, atq; cum Deo, Domino nostro capitalis inimicitie calculo.

2. Deinde tantis iam donis licet dignati, quantum nihilominus

nus ijs omnibus, & per indignissima omnia, ingrati existimus? quoties hisce ipsis, plerisque; certe illorum, iisdemque; pretiosissimis, ac summe necessarijs, atramen, ita nostris sceleribus exigentibus, spoliati nudatiq; sumus?

3. Præterea, quantis in periculis per singula momenta degimus, ut à tantis bonis excidamus? faciente, atq; procurante id, assiduâ fraudulentissimorum hostium malignitate ac inuidentiâ. Hostes nostri tot diabolici spiritûs, tot mundi creaturæ, tot nostrorum sensuum, appetituum, concupiscentiarum, desideriorumq; effrenitates, tot cæcitates, stultitiæ, erroresq; intellectûs, tot malitiæ Voluntatis, tot vertumnosæ à bono in malum, à malo in peius mutabilitates, tot occasionum ad ruinam, in quibus, tanquam in mari pisces, fluitamus, & ubiq; impingimus, illecebrosæ viscositates, tot deniq; naturæ nostræ totius, ineluctabiles ad malum, & perditionem declinationes, ac pondera. Qui omnes inimici nostri, simul & semel, & assiduò, & vitam planè vniuersam, veluti conspiratione factâ, nobis insidiantur subdolè, & vim inferunt manifestè.

4. Accedit ad ista: quòd, ut desint hæc omnia, nos in ruinam impellentia, ut etiam nos simus quàm cautissimi, & circumspicientissimi, adhuc tamen ista, Dei nostri propria sunt, & nullatenus nostra: adhuc ijs possumus exui ex absolutâ Dei potestate, ac Voluntate: adhuc nescimus an in his omnibus perseveraturi simus usq; in finem: in quibus perseverantia non cadit sub meritum nostrum: & scimus etiam ipsorum Angelorum plurimis, quamuis in ipso celo iam positis, fuisse negatum: adhuc ista omnia tantillum nobis virium non conferunt ad standum in eis, iam veluti virtute nostrâ, sine Dei auxilijs, vel ad vnicum momenti momentum.

5. Insuper, nos istis omnibus, quæ à Deo habemus, nunquam ex æquo, nunquam dignè respondemus, sed ubique fere mutili, & manci, ac sæpè etiam fraudulentì, furacesq; inuenimur: per quod

quod nobis ad priuationem, subtractionemq; eorum viam ster-
nimus, & ad perniciem portam patefacimus.

6. Adde: quod horum Dei in nos beneficiorum, estò pretiosis-
simorum, plurimorumq; de suo genere: tanta tamen sit in nobis
reuera tenuitas in suâ entitate, si ad alia sibi in eodem genere si-
milis, alijs collata conferantur; vt nonnisi tenuissima & prorsus
exilissima, penèq; nulla existimanda sint: saluâ nihilominus no-
stra erga DEVM pro ipsis gratitudine. Exempli gratia. Omnes
gentes coram DEO, dicuntur à Sacrà Scripturâ, esse quasi non
sint: totum quoq; vniuersum esse dicitur, quasi gutta roris ante-
lucani, quæ præ sua exilitate aciem oculorum penè effugit: quod
si ita est, quantula iam est portio siue Gentium, siue Vniuersi co-
ram DEO; ac per hoc etiam coram ipso se, vnus aliquis homun-
cio? Vita hominis, ad omnium viuentium vitam collata, quan-
tula est portio Vitæ? Robur hominis ad omnia alia robusta com-
paratum, quantula roboris est particula? par esto, de omnibus
quæ in vno homine sunt bonis, donisq; iudiciū.

7. Sed scilicet in gratiæ donis & coram DEO magni sumus. De
quâ re, par præcedenti facta comparatio, facilè exilitatem osten-
det. Vnius hominis Gratia, quam fortè apud DEVM habet, col-
lata gratijs omnium coram DEO gratiosorum, quantula erit por-
tio illarum?

8. Et quis nouit nostrum, Odio an Amore dignus sit Diuino?
cùm nemo penè sit, qui non sciat se reuera odio dignum: reuera
amore indignum esse: quando etiam de propitiato peccato non
licet esse sine metu.

9. Quis nouit se esse prædestinatorum & electorum, potius
quàm reprobatorum vnum?

10. Quis scit, quantis, & quibus in occasionibus, locis, tem-
poribus, circumstantijs, sibi ad lapsum pateat ostium: & sæpè
aperitur ex minimis, vt Dauidi ab yno ictu oculi adulterium ob-
uenit: sæpè aperitur ferè ex nullis: quando ipse sibi homo dux

est in ruinam: sæpè etiam aperitur, ex in speciem bonis, quoniam prauum est cor hominis: vti Petrum humilitas putata, & reuerentia erga Christum pedes lauante, penè à parte cum Christo exclusit in æternum: sæpè etiam ipsæ Gratiæ transeunt in occasiones peccandi, & pereundi: quoniam peccatum, vt appareat peccatum, per bonum operatum est mihi mortem, vt fiat suprà modum peccans peccatum.

11. Quàm multi hominum habent vnum Dei bonum, & millena non habent! alij contrà, millena licet habent, vnum non habent, sine quo millena nihil prosunt, sæpè etiam obsunt.

12. Quanto zelo amici Iob, defenderunt æquitatem, & iustitiam Dei! & tamen non sunt locuti rectum coram Deo, quamuis pro Deo. Multi nimirum Zelum Dei habent: sed non secundum scientiam, quia zeli scientiam non habent.

13. Quàm multi gratijs à Deo ditantur, at in aliorum potius, quàm in suum ipsorum bonum! Gaudebant Christi discipuli, quòd dæmonia eis subijcerentur: prædicant alij coram ipso Christo, quòd in nomine eius multas Virtutes facerent: at iustus Iudex respondet, se illos non nisi operarios iniquitatis nosse: ideoq; à se in ignem iubet facessere. Apostolis autem non ex dæmonum eiectione, sed ex nominum suorum in cælo descriptione gaudendum esse edicit. Paulus ille par omnibus etiam suprà modum Apostolis, clamat se absq; Charitate nihil, nihil penitus esse: esto loquatur linguis hominum & Angelorum: esto habeat omnem scientiam, esto Fide montes transferat: esto distribuat omnem substantiam suam in cibos pauperum: esto tradat corpus suum ita vt ardeat. En quanta nostra, in diuitijs etiam Gratiarum, residet tamen in nobis pauperies atq; nuditas!

14. Quid verò, quòd quanto magis crescunt nobis dona, tantò magis rationes etiam increscunt debitaq; donorum? Quid quòd cui plus datum est, plus requiretur ab eo? quid quòd potentes potenter tormenta patiuntur? quid quòd dona Dei debita sunt

no-

nostra; &
onerant
dimur?
soluendo
nostra; p
illa mai
15. Qu
non acc
mus, in
ideo non
tores co
hil quan
tissimi,
adeo vt
possit, n
gis deni
5. Et
& locup
illum lo
cacus, d
ignitun
lium Sa
quid est
quo Ver
jactat, h
sillum a
& agno
tior dit
mniaq;
uenien
simula
antem

nostra; & quò maioribus pluribusue ditamur, eò magis debitis oneramus, & pauperiores non solum ostendimur, sed etiam red- dimur? An non enim quò quis plura debet, sine minimorum soluendo est, tantò pauperior miseriorque inuenitur? Ergo diuitiæ nostræ, pauperies nostra sunt, tantò maior & onerosior, quantò illæ maiores, & ad reddendum difficiliores.

15. Quid autem est, aut quis credat, quòd etiam pro ijs quæ non accepimus, debitores constituimur? Si enim illa accepisse- mus, in malum nostrum accepissemus, at quia non accepimus, ideo non perijmus: quia verò non perijmus, nunquid non debi- tores constituti sumus? Vsq; adeò, omnem in partem, aliud ni- hil quàm miseri, quàm egentes, quàm mendiculi, quàm obæra- tissimi, quàm nudissimi, quàm ipsum nihil, nihilumque sumus: adeo vt pauperies nostra, nihilumque, ne subleuari quidem aliter possit, nisi vt magis pauper, magis nudum, magis miserabile, ma- gis deniq; nihil fiat.

5. Et tamen est homo; qui dicit in corde suo, quia diues sum, & locupletatus, & nullius egeo. Deus autem, & eius Veritas ad illum loquitur; Et ego dico tibi: quia tu es pauper, & nudus, & cæcus, & miser, & miserabilis: suadeo tibi emere à me aurum ignitum vt locuples fias. Hoc iudicium est Veritatis, hoc Consi- lium Sapientiæ. Iudicium quidem; quia omnis qui se putat ali- quid esse, cum nihil sit, ipse se seducit tanquam mendax, & in quo Veritas non est: quâ iudice omnis qui se exaltat, & diuitem jactat, humiliatur, & in paupertatem nihilumque redigitur. Con- silium autem: quia qui ditari reuera vult, oportet vt pauper sit, & agnoscat, confiteaturque paupertatem suam. Non est enim cer- tior ditescendi ratio, quàm omnium se egentem scire, fateri, o- mniaque à Deo emendicare. Sicuti nulla certior ad egestatem de- ueniendi, in illâque pereundi methodus est, quàm ignorare, vel dis- simulare, vel exubescere, vel negare paupertatem veram, jactare autem opulentiam falsam. Atque ista est infelicissima omnium

in hominibus pauperies: vt pote, quam non iam solum naturæ nihilum gignit, sed etiam malitia atq; stultitia superbix inducit.

P R A X I S.

SCio Domine docente te, & confiteor largiente gratiâ tuâ, quoniam illi solum, qui te cognoscunt pauperes & confitentur Tibi paupertatem suam, ditantur à Te: qui autem se diuites existimant, cum reuerà sint pauperrate ipsâ pauperiores, à tuæ bonitatis, & misericordiæ diuitijs, inueniuntur exclusi. Confiteor ergo tibi Domine Deus meus paupertatem meam, vt sit tibi gloria tua tota. Nihil aliud sum, nisi vniuersa Vanitas, vmbra mortis, & abyssus quædam tenebrosa, & terra inanis, & vacua, quæ sine benedictione tuâ nihil germinat, nisi nuditatem, confusionem, peccatum, & mortem. Si quid boni vnquam habui, à te habui, & tuum erat. Si quando steti per te steti: si autem aliquando cecidi, per me cecidi: & sic semper in luto iacuissem, nisi me tu erexisses, & postquam erexisti me, semper cecidissem rursum, nisi tu me sustinuisses. Sic semper Gratia tua, atq; misericordia tua Domine, præuenit me: liberans me ab omnibus malis: præcidens etiam ante me laqueos, tollens occasiones, & causas. Quod nisi tu fecisses, ego omnia peccata mundi commisisset. Tibi ergo laus, tibi gloria, tibi honor, tibi gratiarum actio: mihi autem paupertas, & miseria, & confusio faciei, in sæcula sæculorum, Amen.





EXERCITIORVM

PARS XV.

De Contritione.

EXERCITIUM I.

De Substantiâ Contritionis, & Motius ad eam.

1. **S**Tatue te ô homo coram DEO: Te inquam talem; qualis in veritate es: coramq; DEO qualis ille in veritate est: & postquam Te, DEVMq; circumspexeris, profiteri cum Beato Iob. Verè scio quòd ita sit: & quòd non iustificabitur homo compositus DEO.

2. Compositio enim hominis cum DEO, atq; prout se in se vterq; habent, ad inuicem comparatio, ad multas quidem salutiferas cognitiones & operationes homini prodest: sed nominatim ad Contritionem Cordis veram, & ad genuinum pro suis peccatis Dolorem conducit, proficitque: imò necessaria omnino est quàm maximè.

3. Nam cùm substantia Contritionis, Dolorisq; perfecti in hoc posita sit, vt ab omni (mortali præcipuè) peccato, siue (quod idem est) ab omni eo; quod Sanctissimæ DEI Voluntari quoquomodo contrarium est, auersus, conuertaris ad DEVM, & ad omnem eius Voluntatem subordineris; ita amanter, & ita in Amore DEI firmiter, constanterque, vt te, tuamque Voluntatem quasi inconuertibilem reddas, ad volendum deinceps vnquam peccare. Quod quia hæcenus non fecisti; ideo eius te stultitiæ, ac malitiæ pænitebit: vt pote qui per hoc Diuinæ Sanctitati, Di-

382 *Exerc: I. De subst: Contritionis & motiuis ad eam.*

gnitati, Bonitati, Charitati, Voluntatiq̃ue, ac legi repugnaueris, repugnandoq; iniuriam, & despectum, iniustissimamq; violationem feceris: Licet tu ipse esses & vilissimus in oculis DEI, & omni jure subiectionis obligatissimus DEO: plus quam cogitare tu possis, aut creatura possit: DEVS autem fuerit & sit infinities infinitè, omni Perfectione plenissimus: ideoq; & omni Amore, honore, subiectione ad se tuâ dignissimus: proptereaq̃ue iam ex nunc à te his omnibus ex toto corde tuo cumulatissimè repletus, atq̃ue contentatus.

4. Ex collatione abiectionis & nequitia tuae, cum Dignitate, Amabilitate, Perfectioneq; Diuinâ, consurgere debet in Animâ peccatrice, pudor, & timor, qualis est sponsæ nequam, & adulteræ, ab optimo sponso in adulterio deprehensæ: & postea veneratio, amor, & æstimatio, & fides, ad tam bonum, dignum amabilem, misericordemq; Sponsum DEVM, à se quidem tam indignè, & iniuriôsè tractatum: ipsum verò erga sponsam tam benignum, patientem, mansuetum, beneficum: atq; ex his tandem pœnitudo, & dolor consurgat amarus & amorosus, & cordialis, visceralisq;: eò quòd tam vilis homo, tam bonum DEVM: (tam grauitèr, frequenter, malitiosè &c.) læseris, contemplerisq;: exurgat præterea execratio tuæ malitiæ, & audaciæ, & superbiæ, quâ sis ausus tanta committere, tu ipsâ vilitate vilior, in DEVM dignitate substantiali dignissimum. Consurgat etiam cupiditas, & optatio ardens, ne vnquam quidquam tale abs te perpetratum esset, quale perpetratum abs te hæcenus in talem DEVM.

5. Quia verò, quod factum est infectum fieri nequit, consurgat in corde tuo, detestatiuum & vehemens desiderium propositumq̃ue, vt quod adeo indignè, & iniuriôsè factum est, retractetur sincerè, & plenè: compenseturq; quàm adæquatissimè iuri, & honori Diuino: per studia, actusq; contrarios Amoris, Honoris, subiectionis, iustitiæ, deuotionis, ceterosq; huiusmodi.

6. Consurgat deniq; voluntas, & studium constans & resolutum,

Exerc: I. De substant: Contritionis: & motiuis ad eam. 383

tum, absolutumque, in æternum tam non redeundi ad eadem indigna, aut ad alia quælibet; quàm occasiones omnes ipsas deu-
tandi, seu repellendi, quàm etiam ab omni cum peccato, vel ren-
tatione, titillationeq; peccati colludendi: sed potius ab eâ abhor-
rendi, atq; resiliendi; in omni verò occasione & commoditate,
Dignitatem, ac Bonitatem Diuinam exaltandi, amandi, gloriam
promouendi, honorem, legemq; tuendi, & seruandi, etiam si
quæcunq; humana mala, damna, ærumnæ, periculaque, etiam
mors ipsa propter DEVM essent incurrenda & perferenda.

7. Et hæc est vera, & plena Contritio. Quæ est vnicum effi-
cax, ac præsens (quantum ex parte nostrâ cum DEI gratiâ fieri pro
peccatorum expiatione, abolitioneq; potest: nam Sacramenta,
Sacrificia, Christi Merita, & Gratia Diuina ex parte DEI se ha-
bent) medium, remediumq; ad remissionem peccatorum nostro-
rum. Cuius si vel minimus habeatur ab homine gradus, sufficiens
est, cum DEI gratiâ & Christi meritis, intrâ instans vnicum dele-
re, & abolere peccata omnia ex Animâ peccatrice: perinde atq;
Charitatis perfectæ Actus, id ipsum in Animâ præstare solet.

8. Ex iam dictis patet, duo esse intima motiua ad Contritio-
nem veram & perfectam. Primum quidem summam bonitatem,
Dignitatemq; DEI, quæ debuerat à nobis semper ante hæc, & de-
bet deinceps, summè, superq; omnia creata, æstimari, amari, ho-
norari, cum omni ad eius nutum subiectione. Secundò verò, in-
dignitas, & malitia, nostra infinita, & infinitè à DEO remota:
quæ tamen, talis licet, ausâ sit contrâ DEVM, summum Bonum,
& summum Dignum; sese erigere, cumq; contemptim, ac iniu-
riosè tractare.

9. Ex horum duorum motiuorum collatione, & in corde A-
nimæ veluti conflictu, elucescit hinc malitia, enormitas, indigni-
tasq; peccatoris, & eius peccati: inde autem exoritur mox Dol-
or amans, & amor dolens, cordis viscera exedens, & quasi in
puluerem conterens: eo quod DEVS tam summè Bonus, summèq;
Di-

384 *Exerc: I. De Subst. Contritionis: & motinis ad eam.*

Dignus, & summè amabilis, & pretiosus, ac beneficus, à tam vilissimâ vilitate Creaturæ suæ, adeo indignè, adeo malitiosè, iniuriosèq; habitus, & tractatus, hoc est, contemptus, conculcatusq; sit.

10. Maximè, quando ad alias immensas infinitæ Dei bonitatis, ac beneficentiæ in Hominem indignissimum, inutilissimum, ingratiissimumq; profusiones, accessit, & superexcessit Beneficium Incarnationis vnigeniti DEI, eiusmodi Vita, eiusmodi Passio, eiusmodi Mors: propter salutem, redemptionem, sanctificationem, glorificationem hominis suscepta. Iste enim Bonitatis Diuinæ versùs Hominem excessus, vel leuiter animaduersus, immensum in Corde peccatoris, excitare Dolorem de peccatis, & simul amorem Diuinæ Bonitatis, potentissimus est.

Propterea istorum duorum Motiuorum, Humanæ scilicet Vilitatis ac malitiæ, Diuinæ autem Dignitatis & beneficentiæ collatio, amplius facienda erit etiam in sequentibus Exercitijs, vt certior, & copiosior, efficaciorque fructus contritionis de peccatis colligatur.

P R A X I S.

Et simul series, apparatusq; Actuum Contritionis.

DEVS, Domine DEVS, Dignissime DEVS, amabilissime, beneficentissime: ipsaq; essentialis Bonitas, & Amor, & Sanctitas, & Sapientia, & Omnipotentia, & plenitudo Perfectionis DEVS. Iustus meus, Index meus, Pater meus, DEVS meus, & odians, & vindicans, & condonans peccata, sanansq; contritiones nostras.

2. Reminiscor, recognosco, & confiteor coram Te, omnes, & singulas iniquitates meas: quibus vnquam displicui tibi: & Voluntati, Sanctitati, Dignitati, Bonitati, Charitati tuæ.

3. Displicent mihi, Domine: displicent, & supersuperque displicent, singula, & omnia peccata mea: quia ex se mala, & peruer-

Ex
uerſa:
tuâ dign
honora
iurioſa:
4. O v
miſſilem
vllâ pro
5. T
ſtantia
eius, et
perdole
6. C
lo, & c
7. A
8. E
Creatur
tam Di
9. T
10. F
11. F
12. I
13. C
tionem
auerto;
quaſi il
& ad qu
14.
emund
15. C
plenis
liter qu
16.

Exerc. I. De Subst. Contritionis: & Motiuis ad eam. 385

uerſa: quia tibi diſplicita, & à te prohibita, quia irâ & vindictâ tuâ digna: quia ſupremæ Tuæ Maieſtati, amabiliſſimæ Bonitati, honorandiſſimæ ſapientiæ, Potentiæ, Iuſtitia, ac Voluntati iniurioſa: quia innumera.

4. O vtinam! vtinam ea nunquam, nunquam, nunquam commiſiſſem. Non Corde, non ore, non opere, non omiſſione, non vllâ prorsùs iniquitatis ratione.

5. Totis viribus cordis, & mentis, & Animæ, & vniuerſæ ſubſtantiæ meæ, totius quoque Vniuerſi: nec non omnibus atomis eius, etiam vniuerſaliſatis, ac mihi adunitis: doleo, doleo, ſuperdoleo, de omnibus, & ſingulis peccatis meis.

6. Odio perfectò, quo DEVS illa odit, odi & ego: odiſſe q; volo, & conſtituo in æternum.

7. Abominor, deteſtor, execror illa ex animo.

8. Erubeſco, & confundor de illis: & coram quidem omni Creaturâ: ſed maximè coram offenſo à me, Te tam BONO DEO: tam DIGNO DEO: tam AMABILI DEO.

9. Tædet me illorum: &, heu quando eliberabor ab eis!

10. Faſtidio, & naſceo illa, tanquam canem mortuũ, & putidũ.

11. Horreo illa, & contremiſco totus ad memoriam illorum.

12. Eiuſo, & abiuro illa: & recedo ab eis in æternum.

13. Omnem meum, & affectum, & propenſionem, & inclinationem, qualiſcunq; Voluntatis, & aſſuetudinis meæ, ita ab eis auerto, & auello, vt cupiam, ſtatuamq; & quâ poſſum faciam; quaſi impoſſibile mihi eſſe reuerti, ſiue etiam inclinari, ad illa, & ad quæuis alia.

14. Deſidero illa, & emendare, & emundare; & iam nunc emundo, in Balneo ſanguinis, & Meritorum Chriſti.

15. Cupio, propono, & decerno firmiter, expiare illa quàm pleniffimè, quoad culpam, & quoad pœnam omnem, & ſpecialiter quoad ſpiritualem, & damni.

16. Propono, & ſtatuo illa Sacramentaliter confiteri.

386 *Exerc: I. De Subst: Contritionis: & motiuis ad eam.*

17. Propono etiam; & statuo constanter, plenam eorum fugam, vigilantemq; deuotionem.

18. Deniq; spero, & peto omnium, atq; singulorum, plenam, perfectamque, à te misericordissimo, atq; indulgentissimo DEO meo condonationem.

19. Propter Bonitatem tuam, propter IESV Christi Domini mei Mortem, propter Pretiosissimæ DEI Matris, omniumq; Electorum tuorum intercessionem ac merita.

20. Ad purum, summum, plenum Diuini Cordis tui gustum.

A M E N.

E X E R C I T I V M II.

De Contritione, ex DEI & Hominis Peccantis collatione.

1. **S**Tatue te Homo qualis in veritate es, coram DEO qualis ille. Sin veritate est: vilissimam omnium vilitatum vilitatem, coram DEO, omnium Bonitatum essentialiter plenissimâ Bonitate: & postquam te in tuis, DEVM in suis, circumspexeris dotibus: profitens dic: Verè scio, quòd ita sit: & quòd non iustificabitur homo compositus DEO.

2. Cognosce itaq; te, & statue coram te talent, qualis es tibi ex te ipso: seclusis, & semotis à te his omnibus quæ sunt ex DEO, & ex dono Bonitatis eius in te. Atque sic, dispice tuam Essentiam, existentiam, sufficientiam, opulentiam, potentiam, decorem, dignitatem, opera, merita: utiq; inuenies omnium horum in te, ex te, nihil esse: sed horum loco, in te non ens, nihilq; purissimum, & abyssale, & informe: inuenies te, ex te nihil esse, non esse, non existere: ad nihil rei, aut boni sufficere, nihil posse, nihil habere, nihil agere, nihil mereri: inuenies, esse te, meram omnis boni carentiam, incapacitatemque: omnis autem miserie, malitiæ, egestatis, turpitudinis, insufficientiæ, indignitatis, vanitatis, contemptibilitatisq; faciem, sentinam, cloacam, sedimentum, abyssum. Ecce tu talis ex te es, ô Homo: & quidquid aliud miserabilius, & execrabilius cogitare potes.

Exerc: II. De Contrit: ex DEI & Hom: peccantis coll: 387

3. Cogita quoque DEVM, & vide qualis est ille ex seipso. Et ecce inuenies illum tibi extremè dissimilem, ac summè oppositum: inuenies illum esse Summam, & omnem, & essentialem essentiam, existentiam, perfectionem; perfectionis omnis, sibi soli cogitabilis, à nullà creaturà vestigabilis, plenitudinem abyssalem, ipsissimamq; essentialem abyssum, & abyssalem Essentiam Bonitatis, Sapientiae, Omnipotentiae, Dignitatis, Veritatis, Vitae, Opulentiae, Sanctitatis, Rectitudinis, Pulchritudinis, Beneficentiae, Charitatis, Beatitudinis. Inuenies illum, fontem infinitum Iustitiae & æquitatis, Misericordiae & pietatis, Gloriae & Maiestatis, Regem regum, Dominum dominantium, omnium auctorem, omnium possessorem, absolutum principem & monarcham, & hæc omnia ex ipso se, immense, infinite, incomprehensè, immutabiliter, ab æternè, & æternè.

4. Duabus hisce cogitationibus, de Te, & de DEO, adlunge tertiam, quâ recorderis, te talem, in DEVM talem, peccasse: hoc est, iniuriosa quæque, contemptifica, hostilia, impia, rebellia, perpetraste, voluntariè, scienter, deliberatè, malignè, crebrò.

5. Ac demum dijudica: an duo illa, tu scilicet is qui es, cum DEO item qui est is qui est, debuerint inter se, sic configere, sic concurrere, sic sese gerere: vt tu quidem, res omnino nihili, nullius meriti, valoris, atq; frugis: in DEVM adeo per omnia immensa supra te dignitatis, sic impingeres, sic eius dignitatem deprimeres, sic voluntatem contemneres, sic jus omne Sanctitatis, Bonitatis, Excellentiae perfringeres? Non fuerit DEVS iste, tuus Amator, Autor, Conseruator, Benefactor, Dominus, Rex: non fueris tu Creatura, seruus, mancipium omni jure illius, fueris tantum hoc quod es, nihil, & nihil: DEVS autem DEVS: nonnè omni amore, pretio, honore, cultu, reuerentiâ, obsequio, quàm dignissimè constantissimèq; coli & tractari abs te dignissimus erat?

6. Quod quia non tantum à te factum non est, sed etiam per

Cccc omnes

388 *Exerc: II. De Contr: ex Dei & Hom: pecc: collat:*

omnes malitiæ gradus contrarium iniuriosissimè perpetratum est; cogita, & judica, & decerne ipse tu: quâ mensurâ te rimere, erubescere, dolere, lugere, detestari temetipsum oporteat: ad quam satisfactionis & iustitiæ, & vindictæ de ipso te sumendæ, DEOq; læso exhibendæ, te cõnari oporteat? quodsi ad æqualem mensuram assurgere non potes, nam reuera ne ad minimam portionem potes: saltem conare ad id quod potes: & geme, quod amplius, & ad æquum, iustumq; non potes, & demum ad miserationem DEI, ad Iesu Christi sanguinis, & mortis (in Sacramentis) merita & gratiam, supplex, & fidens recurre vt possis.

7. Rursum autem attende ad teipsum: quis, & qualis es tu, etiam cum his donis, quæ à DEO accepisti: atque, & sic te cum DEO confer. Confer essentiam tuam, entitatem, existentiamq; tuam Essentiæ, Entitati, Existentiæ DEI: tuam personam Personæ DEI, tuam Animam Spiritui DEI: tuum intellectum intellectui Diuino: tuam Voluntatem & libertatem cum Voluntate & libertate DEI: tuam Sapientiam, Potentiâ, cum Sapientiâ & potentiâ DEI: tuam bonitatem, vitam, æternitatem, cum bonitate, vitâ, immortalitate, æternitateq; DEI: tuam magnitudinem, cum immensitate DEI: tuam Perfectionem, Sanctitatem, Iustitiam, Puritatem, cum Perfectione, Sanctitate, Iustitiâ, Puritate DEI, &c. & cognosce quàm hæc inter se distent: quàm nulla finiti ad infinitum proportio & comparatio? Atq; factâ hac collatione, cognitâ istâ incomparabili comparatione, dijudica iam, & decerne: debuerisne tu, adeo etiam in donis DEI à DEO tibi donatis, vilis, & imperfectus, & planè nullus, repugnare DEO, pugnare cum DEO, sic infinitis excessibus Perfectione per omnia? Dijudica & decerne: fueritne fas; te, DEO, Cor tuum, Cordi Diuino, Voluntatem tuam Voluntati Diuinæ, Oculum tuum Oculo DEI, tuas manus, manibus DEI, &c, &c. repugnare: & in offensam injuriâq; ipsius operari? Si pulex vnus, si canis mortuus vnus, te contemnere voluisset, quantâ indignitatem hanc indigna-

E
gnation
tem te
tem qu
te cont
tûs. co
descend
aliquor
marum

D
per or
nec vll
Feci
DEVM
Bonit
suntq;
ego m
tum o
ego in
damna
ditoru
Qua
cogno
illis er
Do
Bonit
vilitat
autem

gnatione metireris : & ista tamen habent similitudinem, & par-
tem tecum : quia Creaturæ, & Entia sunt pariter tecum. Tu au-
tem quis, & quid es ad DEVM ? & quid ac quale, quantumq; est a
te contemni, & ladi DEVM ? quâ mensurâ doloris, pudoris, me-
tus, confusionis, luctus, detestationis, odij, deprecationis, tibi
desendum, atq; emaculandum, & satisfaciendum est, vt exæques,
aliquomodo pænitando offensum DEVM ? Atqui ad hoc lachry-
marum Oceani nulli, nulla temporum sæcula sufficiunt.

P R A X I S.

Sive

Actus Contritionis.

Dignissime DEVS, summum Ens, summum Bonum, & summè
summa omnia. Te ego amo, æstimo, appretio, exalto, su-
per omnia. Dignissimus enim, nobilissimus, amabilissimus es:
nec vlla res tibi in pretio conferri, comparariue potest aut debet.

Feci multa mala, indigna, iniuriosa, coram te, & contra te
DEVM, Dominum, Summum, & omne Bonum meum : quæ tuam
Bonitatem, Dignitatem, Charitatem, Voluntatem violarunt,
suntq; tibi odiosissima: Feci autem ego vilitatum vilissima vilitas,
ego malitiarum malitiosissima malitia, ego odiosissima odiosita-
tum odiositas : ego ingratisissima ingratitude ingratitudo :
ego indignissimus omnium indignorum indignus : ego omnium
damnandorum damnandissimus damnandus ; ego omnium per-
ditorum, perditissimus perditus.

Quapropter, idem ego, nunc omnia, & singula peccata mea
cognosco, confiteor, retracto, detestor, odi, execror, doleo, de
illis erubesco, & amarissimo tædio conficior, & tabesco.

Doleo de omnibus tam vniuersim quam singulatim : propter
Bonitatem, Dignitatem, Charitatemq; tuam Diuinam : propter
vilitatem, malitiam, ingratitude meam execrandam : doleo
autem totâ Cordis mei amaritudine & pænitiâ, & secundum

Ccc3

omnem

390 *Exerc. II. De Contr: ex Dei & Hom: pecc: collat:*

omnem malitiæ peccatorum rationem, quam in se, ac in oculis tuis Diuinis includunt: doleo quoq; secundum iustissimum beneplacitum Sanctissimæ tuæ Voluntatis.

Nolo, siue commissa iam, siue alia quæcunq; commissibilia, vlla vnquam deinceps committere: quin volo, & propono omnes, quod in me erit, paruas occasiones, illa committendi vitare: tentationibusq; ad illa resistere: opem præstante mihi efficaci Misericordiâ & Gratiâ Diuinâ.

Volo ista, quæ peccaui, & quorum conscientiam habeo, confiteri plenè, sincere, humiliter, dolenter, cum pudore, atq; retractione, & emendationis proposito.

Peto per odium quod aduersum omne peccatum in tuo Diuino corde residet, per omnem Sanctitatem Voluntatis tuæ, per IESV Christi Redemptoris nostri Sanguinem, Passionem, Mortem: vt mihi omnes iniquitates meas condones: sicut ego, teste, & dante te, propter te, debitorib⁹ meis omnia debita sua condono.

Statuo omnem satisfactionem, siue injungendam, siue injunctam, siue spontaneam, perfectè, cum augmento, quàm primùm adimplere: nec non omnib⁹ quibus fortè debeo plenè satisfacere.

Tu Domine, misericordiarum Pater, & veniæ largitor, miserere mei, & dimitte vniuersa debita mea.

Per IESVM Christum Dominum nostrum, qui tecum viuit, & regnat.

E X E R C I T I V M III.

De Contritione, ex DEI Hominisq; Comparatione.

1. **S**Tatue te Homo qualis reuera es, coram Deo; qualis & ille Sin veritate est. Te talem; qui ex te ipso nihil es: quidquid autem es ex DEO solo es, at coram DEO tali, qui ex seipso est, quidquid est: omne autem Bonum infinitum, & illimitatum est: tibi autem omne id, est & confert, quidquid es, & habes.

2. Postquam te in tuis, DEVMq; in suis dotibus circumspexeris,

Ex
ris, dic
ficabit
3. A
cum de
fer: qu
quidqu
& per f
tione, l
bi conf
statum,
turus s
esse po
confer
quod,
donor
potent
D e v
agit, v
tecum
tecum
tibi ad
tellectu
intelle
quidqu
le DE
4. M
non fa
ma in
claudic
rat, &
seu Ca
Aus est

Exerc: III. De Contr: ex Dei Hominisq; comparatione. 391

ris, dic cum Beato Iob; Verè scio quòd ita sit: & quòd non iustificabitur Homo, compositus DEO

3. Adhuc ergo, attende ad te ipsum, quis, & qualis es, etiam cum donis DEI quæ tibi largitus est: & talem te cum DEO confer: quod ut melius præstes; duo hæc cognosce: Primum, quòd quidquid à DEO es, & habes; id ita es, & habes, ut sine perenni, & per singula momenta à DEO repetitâ, imò continuatâ collatione, seu conseruatione DEI, nihil tui esse, doniq; Diuini, tu tibi conseruare possis: sed subductâ istâ conseruatione DEI à te, tu statim, & omnia, & ipsum te, amissurus, & in nihilum tuum abiturus sis. Itaq; nullum momentum durationis tuæ est, nullum esse potest, in quo tu, te totum de integro, à DEO non accipias conseruante, siue semper, & assiduò te tibi donante. Alterum, quòd, quidquid à DEO es, & habes entitatis, & aliorum cum eâ donorum, tu nec te ipso, nec vllâ parte entitatis tuæ, neq; vllâ potentia tuâ, vllò modo uti, siue agere aliquid possis, nisi simul DEVS tanquam prima causa, & primum agens, tecum agat, tibi cooperetur, tuamq; potentiam quamcunque, in actum tecum educat. Ita, non potes manum mouere huc aut illuc, nisi tecum moueat manum DEVS: non potes per oculum videre, nisi tibi ad videndum per eum cooperetur DEVS: non potes per intellectum aliquid cognoscere, nisi actum cognoscendi per tuum intellectum tecum eliciat DEVS: non potes voluntate tuâ liberâ quidquam velle, nisi cum ipsâ tuâ voluntate efficiat liberum vel-
le DEVS.

4. Malitias tamen tuas, vel animi, voluntatisque tuæ liberæ, non facit, nec elicit tecum, vel cum tuâ malitiâ DEVS: sicut anima in claudicante pede non claudicat: esto pes sine animâ non claudicet: & esto Anima ad Morum claudicantis pedis concurrat, & cooperetur. Malitia enim moralis, defectus est non DEI, seu Causæ primæ; sed voluntatis creatæ: sicut claudicatio, defectus est non Animæ, seu locomotiuæ potentiæ, sed pedis ambulan-

392 *Exerc: III. De Contr: ex Dei Hominisq; comparatione.*

lantis, seu claudicantis. Quomodo autem pes claudus, Animam claudicare nec scientem nec valentem ex se, cogit tamen, & quasi facit claudicare secum: sine quâ facere non potest suum motum claudum: ita & tu homo, DEVM, peccati, & malitiæ omnis incapacem ex se, cogis tamen, & facis quasi peccare tecum, sine cuius concursu non potes perficere actum, cui tu prauitate voluntatis tuæ inseris peccatum. Hinc illa DEI de peccatore querela; Laborare me fecisti in peccatis tuis: & illa Prophetæ pro DEO; Laborare fecistis Dominum in sermonibus (blasphemis) vestris.

5. Iam aduerte ô homo, si quid sensus habes, fueritne vel sitne dignum, vt tu, te ipsum, & potentias viresq; tuas, & actus potentiarum tuarum, à DEO tibi datarum, conuertas in offensam, contemptumq; DEI: vt cogeres quantum ex te, faceresq; DEVM tecum, & cum potentijs tuis, cum actibus, & vñu potentiarum tuarum, laborare in peccatis tuis, cooperari ad offensas & iniurias suas proprias? Et fecisti tamen hoc tu toties, quoties ad peccata tua, DEVM tecum concurrere fecisti: qui quamuis nunquam peccauerit: attamen tu, actum tuum, ad quem cooperari fecisti DEVM tecum, malitiâ tuâ infecisti: & concursui Diuino quantum ex se purissimo, quantum ex te iniquitatem apposuisti.

6. Et potesne nequiores nequitiam, iniuriosamue magis iniuriam, amplius despectuum despectum, quem irroges DEO excogitare, quam hic est, quo DEO tuo abusus es contra ipsum DEVM? Et est scelus immane, tuâ quam à DEO accepisti sapientiâ, potentiâ, voluntate, memoriâ, Animâ, abuti ad offensam DEI: abuti autem ipsâ Diuinâ, Sapientiâ, Potentiâ, Voluntate, Bonitate, contra ipsum DEVM; & facere quantum ex te, vt his suis Bonis contra seipsum vteretur Deus; sufficisne cogitare, & capere, & æstimare quantæ hoc sit malitiæ, quantæ in DEVM iniuriæ?

7. Homo: non te pigeat huic collationi inhærere, huic considerationi, particulatim etiam immorari. Non te pigeat vestigare, quibus hanc malitiæ tuæ absurditatem, in DEVMq; iniuriosita-

ta.

Exerc:

tatem a
restation
ctionibu
que, ex
eradas,
sanctific
8. Si
maculat
Sed eni
ri, & in
tamen t
quonia
apud i
age, &

O Ste
be
gressæ
meæ: f
super p
malitiæ
nihil q
fuiſti, &
maleſic
hi, ô De
te in Ef
ſingulis
denuo
mihi, I
tatem,
maner

Exerc: III. De Contr: ex Dei Hominiſq; comparatione. 393

tatem ac indignitatem lachrymis deſceas, doloribus aboleas, de-
teſtationibus abſtergas, confuſionibus, amaritudinibus, ſatisfa-
ctionibus, deprecationibus, emendationibus, emundationibus-
que, ex toto Corde, magis autem ex Corde Diuino expungas,
eradas, & uſque ad remiſſionem, uſque ad gratiam, dilectionem,
ſanctificationem, filiationemq; Dei deducas.

8. Si laueris te nitro, & multiplicaueris tibi herbam Borith,
maculatus es in iniquitate tuâ coram me, dicit Dominus DEVS:
Sed enim etſi tu commiſiſti, vnde iuſtiſſimè & abijci, & damna-
ri, & in damnatione uſq; ad obliuionem æternam ſepeliri debes,
tamen DEVS cuius natura Bonitas, non amiſit vnde ſaluare ſolet:
quoniam apud ipſum miſericordia: & copioſa, atq; inexhauſta
apud ipſum redemptio: tantummodò reuertere, pænitentiam
age, & dignos fructûs pænitentia, atq; prima opera fac.

P R A X I S.

Oſtende mihi Domine DEVS meus, oſtende mihi, quantas ha-
beo iniquitates & peccata: oſtende mihi, uſquequo pro-
greſſæ ſunt & excreuerunt injuriæ & offenſiones aduerſum te
meæ: ſuper capilloſ capitis mei, ſuper numerum arenæ maris,
ſuper puluerem terræ, & ſuper guttas aquæ maris multitudo eſt
malitiæ meæ: agnoſco & confiteor. Verumtamen totum hoc,
nihil quaſi eſt, ad hoc: quia quantò Tu Domine DEVS meus, &
fuisti, & es beneficentior in me; tantò ego viliffimus homuncio,
maleficentior & fui, & ſum corā te, aduerſum te. Dedisti me mi-
hi, ô DEVS, totū quantuſquantuſ ſum: & dedisti toties; quoties abs
te in Eſſe toto meo, integrè conſeruatus ſum: omnibus autem ac
ſingulis momentis exiſtentia meæ, conſeruatus, atq; denuò, &
denuò mihi donatus ſum. Inſuper Domine, obligasti & alligaſti
mihi, Eſſentiam, Sapientiam, Potentiam, Bonitatem, Immenſi-
tatem, Charitatem, Vitam tuam: ita vt neque Eſſe, neque per-
manere, neque viuere, neque agere quidquam per me poſſem,

394 *Exerc: III. De Contr: ex Dei Hominiſq; comparatione.*

nifi in omni actione & commotione meâ, coadiutricem, cooperatricemq; ſemper haberem præſentiſſimam Eſſentiam, Sapientiam, Potentiam omnemq; ſubſtantiam tuam. Ego autem quid feci? nihil probroſius, nihil enormius poſſum dicere, quàm dicere, peccaui: quid verò feci, quando peccaui? Hen! quando peccaui; pugnavit malitia mea, cum Bonitate tuâ: quidquid effudit Bonitas tua in me, totum corripit malitia mea contra te. Ecce enim quia peccaui; corripui naturam, corripui corpus, corripui animam, corripui omnem corporis partem, omnem potentiam animæ: omnemq; tam corporis quàm animæ actionem. Corripui omnem Creaturam à te mihi in uſum, miniſterium, uſque ad deſtructionem eius indultam. Corripui præterea, omne Gratiæ tuæ donum, omne vnigeniti tui meritum, corripui inſuper ipſum etiam tuum Vnigenitum, per, & propter peccata mea, à me, peccando Crucifixum. Et quid amplius, ſcleratiuſuè à me factum peccando dicam? Dicam, & confitebor, non fortè ſcleratiuſ, ſed tamen aliud fortè frequentatiuſ: & nſcio an non auſu horribilips. Ergo inſuper corripui Teipſum, ô DEVS, & corripui omnem Perfectionem tuam. Quid enim in te eſt Perfectionis, in quod ego non peccaui? Peccaui in Te, peccaui coram te, peccaui contra Te, peccaui intra te, peccaui per ipſum te, ac ipſo Te. Feci Te, quantum ex me fuit, (nam tu ex Te peccati incapax es,) feci inquam Te peccatorem: & quidem toties, quoties Eſſentiam, Præſentiam, Sapientiam, Potentiam tuam, ad omnia infanda, & probroſa, tibi inimica & injurioſa, tui contemptiva, ac quouis modo ſclerata mea, tanquam cauſam primam, mecum, mihiq; cooperari, meâ malitiouſâ voluntate adégi: atq; Te, contra Te, mecum in peccatis meis laborare feci. Et quid potui ultra peccati committere quod non commiſi? qui uſque ad Tui deſtructionem (quantum ex me) malignando perueni? Vnum eſt tantum Domine, quod in Te malitia mea non vicit: & hæc eſt ipſa Bonitas, Miſeratio, Patientiaq; tua: quæ maior eſt quàm
omnis

Exerc:

omnis in
ſuper ſup
nunc do
dolueru
Chriſti,
Cor cor
ampliùs
ma: illu
& ſuſcip

De Co

1. ST

Sp
benefic

prædicta

2. E

Eas imp

atio, &

ſitum D

3. E

ſa, grati

tui, ac v

ac te ab

ſciens, c

tuo: ni

tumelia

carnate

4. A

tem, a

indign

geſſiſſi

Exerc: IV. De Contr: ex collat: Hom: cum DEO Incarn: 395
omnis malitia mea. Hanc nunc & semper amo mi DEVS, hanc
super superq; amo: hanc à me lasam, contemptamq; vnquam,
nunc doleo: doleo dolore omni, dolore omnium qui vnquam
doluerunt, quòd te offendissent, dolore Incarnati Verbi IESV
Christi, quo peccata nostra doluit, & deleuit. Tu Bonitas parce:
Cor contritum ne despice, sed illud largire, & vsque amplius ac
amplius illud auge, conserua, & in mortis meæ instanti consum-
ma: illudq; iam nunc pro illo, & demum in illo puncto, perfice
& suscipe.

EXERCITIUM IV.

De Contritione, ex collatione Hominis cum DEO Incarnato.

1. **S**Tatue te ô Homo coram Incarnato pro te DEO; & statue
partim talem qualis es ex te: partim qualis es etiam ex DEI
beneficio: atq; te talem, DEO humanâ naturâ induto, & vtriusq;
prædictæ tuæ conditionis participi, confer.
2. Est enim factus Creatura qualis es tu: per quod factus est,
Eus imperfectissimum: & nihil, ac non ens, atque ipsa imperfe-
ctio, & miseria, & eiusdem perennis fons; & quidem de se oppo-
situm DEO, abiunctumq; extremè a DEO.
3. Est autem hoc factus DEVS, in suâ propriâ Personâ, tui cau-
sa, gratis, post tot tua demerita, ex merâ miseratione, & amore
tui, ac voluntate impensissimâ tibi quàm maximè benè faciendi,
ac te ab omnibus, ijsq; æternis malis eruendi. At verò tu, hæc
sciens, credens, confitens, & scilicet amans, ac æstimans de DEO
tuo: nihilominus nihil omisisti nequitie, sceleris, iniuriæ, con-
tumeliæ, rebellionis, contemptûs, impietatisq; quod non In-
carnato pro te DEO, sciens, volens, millies milliesq; refuderis.
4. Age iam, & conclude, num decuerit te, scientem, creden-
tem, æstimantem de tui erga te Amore DEI, tam nihilominus
indignè, improbè, scelestè, cum eodem DEO te gerere, prout
gessisti?

396 *Exerc: IV. De Contr: ex collat: Hom: cum DEO Incarn;*

5. Iam verò attende : hunc ipsum Incarnatum DEVM factum pro te talem : pro tuis (inquam) peccatis, ne tu ea peccares, & ne postquam peccasses, æterna pro illis supplicia subires. Et nunquid abstinuisti à peccando, & non magis ingratisimè scelestus, DEVM pro te Incarnatum Crucifixisti peccando ! Et fuitne dignū sic cum Incarnato, & Passio, Mortuoq; pro te DEO sic agere, sic (inquam) per omnem substantiam, potentiam, capacitatemq; tuam, voluntariè, malitiosè peccata in DEVM, injurias, contemptusque, multiplicare ? Dijudica : an & quantum erubescere, quantum dolore, & præ dolore tabescere, ringi, rugire debeas ?

6. Adhuc verò attendere perge : iste DEVS pro te Incarnatus, quid pro tuorum peccatorum abolitione, ex puro tui Amore sustinuerit : Tu verò quid eidem rependeris ? ille passus est Dolor, Contemptum, Laborem, Pauperiem, Ingratitudinem, Odia, Persecutionem, Vulnera, Calumnias, Crucem, & Mortem Crucis : non alio motivo, quàm tuæ dilectionis, ac studio æternæ tuæ salutis. Tu autem quid ? confer, si potes absq; confusione, & lachrymis, absq; dolore & stupore scelestam tuam ingratitude, cum tanto, tam profuso, tam prodigo suū in te, amatore ?

7. Adhuc attende ad hunc DEVM Incarnatum pro te : quando propter peccata tua, sacrificavit véluti Hostiam holocausti semetipsum sibi ipsi DEO : idque partim in Altari Crucis, sacrifice cruentâ, probrosâ, doloriferâ, mortiferâ, & sui annihilatâ : partim in alio Altari oblatione incruentâ : Et discerne : quid te oportuerit DEO isti tuo, talia pro te perpeti dignato, rependere ex debito, & merito : tu autem quid defacto rependeris gravissimarum iniuriarum : infandorum contemptuum, exosissimarum ingratorum ?

8. Attende præterea ô Homo, ad hunc ipsum DEVM Incarnatum : quoniam pro te adhuc quotidie, in tot per Orbem locis, templis, altaribus, sacrificijs, offertur, & immolatur : cum tot tantisq; suis indignitatibus, humiliationibusq; : cum tot Poten-
tia,

Exerc:
tia, S
bus : q
stia &
Merito
tūm, v
comm
exhibe
homo
pro te
malefic

II
molat
in me
mihi l
Caput
pis, li
cistum
patibu
quibus
re, eru
scere.
pro m
Pater
de faci
mine,
oblitu
templ
os me
te ped

Exerc: IV. De Contr: ex collat: Hom: cum DEO Incarn: 397
tiæ, Sapientiæ, Bonitatis, Charitatis suæ prodigijs, & profusionibus: quotidie item pro te Sacramentorum præsertim Eucharistiæ & Pœnitentiæ thesauros apertos & profusos, in ijsq; omnes Meritorum suorum inexhaustas diuitias exhibet: & hoc ideo tantum, vt peccata tua siue impediatur ne committas, siue aboleatur si committas. Tu verò homo, quàm te egregiè gratum DEO tuo exhibes? Ah! Hæccinè reddis DEO: ô nequam serue, ô ingrate homo; Non te pudet omnibus possibilibus pudoribus, cum DEI pro te talia dignati subire, beneficentijs; pugnare tuis perpetuis maleficientijs?

P R A X I S.

HEi mihi! quid faciam! Ecce vox sanguinis fratris mei Abel, clamat ad me de terrâ. Ipse est Sanguis Incarnati, Passi, Immolati, Crucifixi, Mortui pro me DEI. Ille mihi clamat: Respice in me: & vidè opus tuum quod operatus es. Hæc fecisti mihi, mihi Incarnato pro te: mihi Amore tui crucifixo pro te. Aspice Caput hoc meum spinis perforatum: aspice Vultum sputis, alapis, liuore deformem: aspice Corpus vulnere super vulnus concisum: aspice manus, pedesq; clauis sancios: aspice totum me in patibulo Crucis distentum. Talem me tua fecerunt peccata: pro quibus quia tu noluisti modico ad pœnitentiam salutemq; rubore, erubescere, fecisti me liuore, vulneribus sanguine meo rube-scere. Ergo vel iam nunc erubescere ingratus esse. O Incarnate pro me DEVS: ô Zelosissime, & profusissime Amator, & Dux, & Pater Animæ, salutisque meæ: induo, & superinduo sicut diploide faciem meam confusione peccatorum meorum: Peccaui Domine, scelera multiplicauit, abieci legem tuam, excussi jugum tuum, oblitus sum te Patrem meum: irrisi te Dominum meum, contempsi te DEVM meum: sed Bonitas tua misit frenum in effrenos os meum: & diro spectaculo amaræ Passionis tuæ effodit immitte pectus meum. Sto itaq; ante Te confusus, & pudore plenus:

398 *Exerc: V. De Contr: ex Cali, & Inferni aestimatione.*

quia Incarnationis, & Passionis, & Crucis, & Mortis tuæ humilitas, atq; Charitas, pudor meus est. Pudet: ah pudet, sceleribus meis deduxisse ad Crucis, Mortem, Incarnatum pro me DEVM: sed super omnia pudet perseverare in peccatis: & renouare iniquitates, & ingratum inueniri tantæ Charitati, Incarnati DEI. Quis infernus puniat satis Animam talem: quæ Incarnatum, Passum, Crucifixum, Mortuum, pro suis peccatis expiandis, pro salute suâ æternâ acquirendâ videns Filium, vnigenitum DEI, audeat tamen, & pergat contemnere pretium sanguinis, & mortis, pro se impensum ab vnigenito Filio DEI, &c.

E X E R C I T I V M V.

De Contritione ex Cali, & Inferni aestimatione.

1. **S**Tatue te in Cæli, & coram omni cælestium Hierarchiarum Ordine, gloriâ, Societate, Beatitudine: & quamuis neque oculus vidit, neq; auris audiuit, nec in Cor hominis ullius ascendit, illa felicitatis, bonorumq; omnium redundantia, quam præparauit DEVS diligentibus se: tu tamen quantum præuales aestima, & appretia, & appete illam tibi: sciens te quoque ad possessionem & fruitionem illius à DEO conditum esse.

2. Est Beatitudo cælestis sita in hoc: quòd Creatura rationalis, Angelus, siue Homo, DEVM sicuti est, clarè videat, possideat, teneat, hereditet, fruatur illo, gaudeat de illo: beatificè, & incessabiliter, inexplēbiliterq; amet illum: atque illo Beatus sit in æternum.

3. Hoc illud est gaudium Domini, in quod DEVS seruos bonos, & fideles, intrare iubet, & facit. Hæc illa multa, copiosa, supereffluens, magna nimis merces, quam semetipsum futurum, daturumq; Sanctis suis promittit, & exhibet DEVS. Huic accedit Visio DEI Hominis IESU Christi: itemq; Pretiosissimæ DEI Matris, & omnium Angelorum, Hominumq; æterna Societas.

4. Hoc Bonum, quod est Summum omnium Bonorum Bonum:

Exerc. V. De Contr: ex Celi & Inferni æstimatione. 399

num: amittit Homo per peccatum: reddens se illius incapacem, ac prorsus, quantum ex se, & ex sua voluntaria malitiâ, indignum in æternum.

5. Quomodo enim dignus sit DEO aliquando, qui contempsit DEVM? quomodo possideat DEVM, qui abiicit DEVM? quomodo videat intuitivè DEVM, qui totum Intellectum seu Oculum mentis auertit à DEO? quomodo fruatur DEO, & eius beatitudine, qui elegit, & dilexit maledictionem? quomodo sit cum Christo Salvatore suo, qui illum postposuit diabolo? quomodo perveniat ad Vitam æternam, qui sibi vltro adsciuit Mortem æternam? quomodo DEI Matris, & Sanctorum Societate gaudeat, qui servitutem, & societatem dæmonum omnium illis præposuit?

6. Iustè ergo peccator priuatur omni Cælesti bono, qui iniquè sese sponte deuouit omni Infernali malo. Iustè etiam in Æternum Bonis priuatur cælestibus, qui se in æternum obiecit, & vendidit malis, & ardoribus sempiternis. Infinitus Deus, tam in se, quàm in omni sua Perfectione despectus, & latus, non potuit nisi infinitâ iniuriâ, & contumeliâ affici: ac propter ea etiam non potuit, neq; potest, peccator nisi infinitâ punitione, & perditione castigari.

7. O peccator! nonnè plusquam dignum est, te infinitâ quadam contritione, penitentiâq; cordis damnum tuum tam magnum, tam æternum, desicere, dolere, compensandum conari: præsertim ideo: quia istud ipsum damnum sponte subiisse, in maximam vergat iniuriâ, contemptionemq; DEI: quam ipsam etiam vnâ & solâ, si esset talis, nullæ possunt exsoluere æternitates pænarum inferni.

8. Et amissio quidem Beatitudinis cælestis sicut satis æstimari nequit, ita condignâ satisfactione, extrâ DEI misericordiam, & Merita Christi nequit etiam compensari.

9. Vide iam & expende inferni mala: quæ peccatori ex omni rigore Iustitiæ, inferri, infligiq; æternaliter debent. De illis certè
meri-

400 *Exerc. V. De Contr: ex Calic & Inferni aſtimatione.*

meritò dici quoque poteſt. Nec oculus vidit, nec auris audiuit, nec in Cor hominis aſcenderunt, quæ præparauit juſtus **DEVS** odientibus, & contemnentibus ſe. Nihil enim Infernus eſt, niſi Vindicatio juſta, contemptuum, injuriarum, abuſuumq; illorum omnium, quos **DEVS** in ſe, & in ſuis Perfectionibus, atq; beneficijs, ac legibus, voluntatibuſq; à peccatore toties pertulit, quoties ille peccauit.

10. Itaq; per inferni pœnas, de peccatore vlciſcitur ſe **DEVS** quantus eſt. Vlciſcitur Dignitas **DEI** quanta eſt. Sapientia **DEI**, quanta eſt. Omnipotentia **DEI**, quanta eſt. Sanctitas **DEI**, quanta eſt. Miſericordia, Charitas, Bonitas **DEI**, quanta eſt. Juſtitia **DEI** quanta eſt. Æternitas, Immenſitaſq; **DEI** quanta eſt, Vita, Veritas, Beatitudoq; **DEI** quanta quanta eſt. Et cum hæc, omniaq; alia in **DEO** infinita, immenſa, æterna ſint; **DEVS**que ipſe ſint; Nullis pœnarum magnitudinibus, intenſionibus, extenſionibus, multitudinibus, æternitatibuſq; dignè caſtigari poſſunt. Maximè cum ſint in ſubiecto (putà homine, aut Creaturâ) exiguo, miſero, viliffimo: quantò enim homo peccans vilior, tantò **DEI** qui ſummus eſt, offenſa enormior: tantò etiam caſtigatio debet juſtè eſſe acerbior: ita vt ſit exæquatio indignitatis quæ eſt in peccatore, dignitatis quæ eſt in **DEO**: injuriæ **DEO** irrogatæ à peccatore, & ſupplicij inſiſti per **DEI** juſtitiam peccatori. Adeo vt attento rigore juſtitia, tam omnibus ſimul, quàm ſingulis ſeparatim peccatis, debiti ſint infiniri inferni, infinitæq; pœnæ numero, intenſione, extenſione, æternitate. Sed quia hoc fieri non poteſt in Creaturâ propter infirmitatem, in **DEO** propter bonitatem: ideo **DEVS**, peccatori infinitos inferos, & infinitas inferorum pœnas, alioqui ei debitas, remittit: & infrà condignum, ac debitum, omnem peccatorem caſtigat.

11. At hoc nihilominus non obſtante; habirabis infelix peccator in igne iræ **DEI** deuorante, & in ardoribus, furoribus eius ſempiternis: tam malus eris, quàm bonus eſt **DEVS**: tam odiet te

DEVS:

Exerc.

DEVS,
& conte
iniquus,
maledic
beatus,
feres on
nam, or
expenda

12. T
cum to
cabit pe
viſqued
te. Co
tes ſup

13. C
DEVS cu
cum Be
ſuâ, ad
te? Ah
veræ; q
quas ip
Immen
tur, ſeru
mentia
tore, vl
læſa eſt
tate eſt

14.
etiam c
care in
quantu

Exerc: V. De Contr: ex Cali & Inferni consideratione. 401

DEVS, quàm sibi amabilis est, & se amat DEVS: tam eris DEO vilis & contemptus, quàm sibi & dignus & pretiosus DEVS: tam eris iniquus, impius, reprobus, stultus, exosus, peruersus, infelix, maledictus: quàm æquus, iustus, rectus, sapiens, amabilis, felix, beatus, benedictus DEVS: talem mortem, perditionemque perferes omni malo consummatam, qualem vitam viuit DEVS æternam, omni bono, & beatitudine completam. Et quis hæc satis expendat?

12. Totus DEVS vacabit ad pœnas tuas ô peccator: & vacabit cum totâ capacitate immensæ Essentiæ, Perfectionisq; suæ: & vacabit per omnem æternitatem suam: vsq; ad inferni nouissima: vsquedum compleat, inebrietq; sagittas furoris iustissimi sui in te. Computa, vires tuas peccator, num poteris sustinere irruentes super te Montes Vindictæ DEI?

13. Cogita, ô peccator: quid tandem mali tibi erit, quando DEVS cum omni sapientiâ, potentiâ, prouidentiâ, iustitiâ, etiam cum Bonitate, ac Misericordiâ, ac æternitate, immensitateque suâ, ad hoc solum circa te occupabitur, & laborabit, vt puniat te? Ah! quàm Sapientes erunt illæ pœnæ, quàm potentes, quàm veræ, quàm iustæ, quàm acutæ, quàm immensæ, quàm æternæ! quas ipsa Sapientia, Omnipotentia, Veritas, Iustitia, Bonitas, Immensitas, Æternitas, assignabunt, infligent, exigent, metientur, seruabunt! per quas ipsa se Charitas, ipsa pietas, ipsa clementia, ipsa misericordia, contempta, conculcataque a peccatore, vlciscetur, & vindicabit de peccatore: tantum, quantum læsa est, tantum quantum quæuis earum immensa in suâ Dignitate est.

14. Ex his ô peccator cognosce, conclude: fueritnè, sitne etiam deinceps consultum, & condignum, te peccasse, aut peccare in DEVM: & peccato, peccandoque, totum hunc, quantum quantus est, tibi lucrari infernum?

Ecc

P R A

P R A X I S.

Domine, Tu es Cæli pro iustis : Inferni pro impijs fabricator. Tuâ constitutione mundi, benedictis tuis Regnum possidendum assignasti : reprobis autem, atque maledictis, operarijs iniquitatis, ignem æternum, cum diabolo, & angelis eius præparasti. Ego verò me, & ab iustis, ac benedictis tuis segregavi : & inter maledictorum gregem scelestâ voluntate meâ connumeravi. Tantùm enim in Te totum, quantusquantus es DEVS, peccaui, vt nihil penitus mihi reliquerim spei, vel auxilij, vnde vel ab Inferno erui, vel Cælo adferi possim. Irata est, & infesta mihi, merito meo pessimo, tota DEITAS tua : irata est Sanctitas, irata Sapientia, irata Omnipotentia, irata Bonitas, Charitas, Misericordia tua : irata est Iustitia, Rectitudo, Veritas, Dignitas, Voluntas tua : totus Domine Tu Pater, Verbum, Spiritus Sanctus iratus es mihi, quia ego totus injuriosus, contemptor, exosus, rebellis, impius tibi. Heu me Domine quid faciam ? Non est auxilium, non est effugium mihi in me, nec in vllâ penitus Creaturâ. Ad Te solum Domine, respicit spiritus animæ meæ : sed & hinc repellit me conscientia infinitorum peccatorum, quæ commisi non solum totâ Vitâ meâ, verùm etiam totâ substantiâ meâ : commisi autem in Te, & simul in omnem plenitudinem immensarum Perfectionum Substantiæ tuæ. Peccaui tibi ô Trinitas Vnitâsq; DEVS : peccaui tibi ô Charitas, ô Misericordia, ô Pietas : peccaui tibi ô Veritas, ô Sapientia, ô Potentia : peccaui tibi ô Dignitas, ô Gloria, ô Æternitas : peccaui in totum te ô DEVS, in te ô DEVS meus : in te ô DEVS Dominus, Pater, Iudex meus. Quò igitur conuertam me, sic exclusus à te ? Curram nihilominus ad Te : & tibi ecce nunc supplex, gemens, dolens, tremens, adrepo, & aduoluo Domine : deprecorq; DEITATEM tuam : deprecor Bonitatem, deprecor Charitatem, deprecor Misericordiam, deprecor Potentiam, Iustitiamq; tuam. Deprecor autem Te totus ego,

Exerc:

ego, tot
rotâ An
bus acti
bus mei
& capae
tis dura
doleo :
omnib
cor Do
ni : sed
doleo :
iniuria
deam
tua, qu
peccati
tiam t

i. S
Sn
etiam l
Beati c
niam t
intrate
2. C
mur, a
plūs n
tū ess
pæ & p
modo
gligam

Exerc. V. De Contr: ex Celi, & Inferni consideratione. 403

ego, toto me: deprecor toto Corpore, & omnibus partibus eius, totâ Animâ, & omnibus potentijs eius: totâ personâ, & omnibus actionibus, ac passionibus eius: deprecor & omnibus sensibus meis tam internis quàm externis: deprecor totâ latitudine, & capacitate meâ: deprecor omnibus atomis meis, & momentis durationis meæ. Sicut peccaui omnibus his, ita plango, & doleo: & detestor, & retracto, & erubesco, & deprecor etiam omnibus his; totam plenitudinem Diuinitatis tuæ. Non deprecor Domine amissionem Cæli, non deprecor supplicium inferni: sed deprecor offensam tuam, nec ardere metuo, sed peccasse doleo: nec me contristat damnum meum, sed afficit, affligitque iniuria tua, & iniquitas mea. Cæream licet in æternum cælo; ardeam licet in igne æterno: leuius hoc mihi, quàm vnica offensâ tua, quàm quæuis ira tua Domine. Auerte solum faciem tuam à peccatis meis, & iniquitates meas omnes dele, & redde mihi lætitiâ salutaris tui: atq; ista sufficit consolatio Animæ meæ.

E X E R C I T I V M VI.

De quotidiano Animæ purgatorio.

1. **S**Tatue te coram purissimis, serenissimisq; DEI oculis, qui non solum ipsi Mundi sunt, ne videant malum: verùm etiam Mundos corde requirunt, vt ab eis **D E V S** videri possit. Beati enim mundo corde, quoniam ipsi **D E V M** videbunt: & quoniam talium est regnum cælorum, in quod nihil coinquinatum intrare potest.

2. Quamuis autem dum in hoc mortalis Vitæ puluere gradimur, a sorde penitus emundati esse perpetim non possumus: plùs minùs tamen, & quandoque ad tempus aliquantum, penitus esse possumus. Quin etiam ex hac Vitâ ad illam, sine vllâ culpæ & pænæ obligatione demigrare emundati possumus: dummodò hoc congruis medijs, atque diligentijs procurare non negligamus.

404 *Exerci: VI. De quotidiano Animæ purgatorio.*

Harum diligentiarum vna Vniuersalis, alias in se complectens est: habere constitutum Purgatorium Voluntarium: in quod quotidie, semel saltem (aliàs enim sapiùs licet) descendes: in eoq; iniquitates tuas omnes ablues, expurgabis, expiabitque, castigatione tum spiritali & internâ, tum corporali & externâ.

Spirituales, animæq; castigationes, seu Disciplinæ esse possunt: partim secundum Viam Purgatiuam. 1. Agnitio & confessio coram Deo peccatorum suorum. 2. Contritio & Dolor intimus pro ijsdem. 3. Confusio animæ de negligentia suâ in viuendo, & eiusdem extimulatio ad vigilantiam super se, & super operandum quàm perfectissimè. 4. Institutio vniuersalis cuiusdam luctûs, & deflectionis vniuersarum miseriarum suarum coram Deo: & per vniuersas vires, partes, potentiasq; totius substantiæ suæ. 5. Imitatio & æmulatio eorum qui verè pœnituerunt & multum pro suis peccatis: tales fuere, Adam & Eua, Dauid, Manasses, Magdalena, Petrus, Publicanus, Prodigus filius: super omnes autem Dominus noster Iesus Christus, qui pro nostris (nam sua non habuit) peccatis, totâ vitâ, maximè autem in passione pœnitentiam egit.

Partim secundum Viam illuminatiuam, & in specie per viam humiliationis Animæ. 1. Ex miserijs Corporis sui, in quo habitat vt in carcere, vt in limo, vt cum inimico pestilentissimo. 2. Ex propria suâ vilitate, ineptitudine, infirmitate, mutabilitate, pauperie, cæcitate, difficultate ad bona, præcipiti cursu ad mala. 3. Ex innumerabilibus peccatis actu commissis, & committi facillimis: ex habitibus malis, ac vitiosis, ex passionibus immortificatis, sensibus & moribus incompressis. 4. Ex paucitate, & paruitate Virtutum, meritòrum, perfectionumque, tum ex facilitate corrupendi eas omnes. 5. Ex miserabili conditione illius, eaq; variâ: talis est perpetua instantia mortis seu emigrationis ex corpore, in statu, loco, tempore, modo valde incerto: talis etiam conditio iudicij (particularis) in morte subeundi

sc-

seueriffi
que est p
lumq; à
sionis p
ferè sem

Parti
1. Abstra
ter ad D
re Anin
tione,
mors d
signare
bonam
Deo o
Merita,
res, et a
telinqu
Patern
in ipst
dicij, a
Idque
torum,
atq; Ine
gentijs
pro pe
ctus pæ
rent in
His
donati
& debi
Acco
conder

seueriffimi: talis est expectatio pænæ saltem purgatorij: talis quoque est perpetua salutis incertitudo: perpetuus metus, periculumq; à Gratiâ DEI excidendi: talis quoq; est incertitudo remissionis peccatorum, certitudo autem commissionis eorum. Vnde ferè semper homo seipsum se odio dignum & Amore indignum.

Partim secundum Viam vnitiuam, seu Charitatis: ut est:
1. Abstrahere Animam totam ab omni Creaturâ, & eam totaliter ad DEVM conuertere, vnire, adglutinare DEO. 2. Inflammaré Animam, purâ, ardenti, inextinguibili (pro hac vitâ) dilectione, ex toto corde, totâ animâ, totis viribus. Fortis est. ut mors dilectio. Et: Quis nos separabit à Charitate DEI &c. 3. Resignare Animam plenè, & absolutè in omnem DEI voluntatem bonam, beneplacentem, perfectam. 4. Reddere & consignare DEO omnia bona sua, bona Naturæ, Fortunæ & Gratiæ: omnia Merita, omnes Virtutes, omnes perfectiones, omnes omnino res, ei adscribendo, pedibus substernendo, & planæ dispositioni relinquendo. 5. Emendicare omnia & singula à DEO: & ab eius Paternâ, suauiq; Pronidentiâ expectare: ac omnem cogitatum in ipsum iactare. 6. Abluere animam in balneo, aliquando Iudicij, aliquando Misericordiæ DEI, & in sanguine IESV Christi. Idque potissimum in frequenti, diligenti, perfectoq; Sacramentorum, Eucharistiæ, Pœnitentiæque, tum Sanctissimi Sacrificij, atq; Indulgentiarum sacrarum diligenti & crebro vsu. His diligentius accedere possunt: Eleemosynæ Spirituales variæ, orando pro peccatoribus ut conuertantur, ad fidem, ad gratiam, ad fructus pœnitentiæ dignos: pro iustis, ut in gratiâ crescant, perseuerent in finem: pro defunctis, ut à pœnis liberentur.

His accedere potest, imò debet: Dilectio inimicorum, condonatio injuriarum, beneficentia & oratio pro malèfactoribus, & debitoribus nostris: omnisq; vindictæ, & inuidiæ fuga.

Accedit etiam his diligentius; Neminem iudicare, neminem condemnare: præterquam semetipsum: at in omni iudicio pro-

406 *Exerc: VI. De quotidiano Animæ purgatorio.*

ximi, semper sequi mitiorem partem, & omnia benignè interpretari, Diuinoq; iudicio cuncta relinquere. Scriptum est enim. Nolite iudicare, & non iudicabimini: In quacunq; mensurâ metiemini, eadem remetientur vobis.

Corporales peccatorum expiationes: vulgò sunt notæ: quas partitur Ecclesia, in Orationes, Ieiunia, Elemosynas: comprehendendo sub his, omnia genera afflictandi corporis in Ecclesiâ Christi, recepta & laudata: & Sanctis vsurpata: quibus discretionem adjungi oportet, ne fortè quis Zelum DEI habeat, non secundum scientiam: ac ne persequendo in se hostem, interficiat Ciuem: quocirca talia securè suscipientur conscio Animæ moderatore.

Iuxta prædicta; quotidianum Animæ & conscientiæ purgatorium, cordisq; lauacrum, esto in vsu quotidiano: adiuncto semper, sanguinis, mortisq; ac meritorum IESV Christi Balneo; Indulgentiarum thesauro: & Pretiosissimæ DEI Matris, Sanctorumque communione, ac intercessionum Patrocinio.

P R A X I S.

Et simul Contritionis Actus.

Sanctissima Trinitas, DEVS meus. Detestor ex purissimo Amore tui, æstimationeq; inæstimabilis Dignitatis tuæ: omnia, & singula peccata mea: imperfectionesq; quascunq; Tu vides in Animâ meâ. Doleo quòd per hæc omnia tibi benignissimo Domino, dilectissimo Patri, dignissimo DEO displicuerim. Confundor de meâ spiritali nuditate atq; pauperie coram Te: præferim cum tantâ Gratiae tuæ, nutricis meæ præsidia, ad vincendam ignauiam meam, ad proficiendum in Spiritu, & lege tuâ, semper ad manum habuerim. Erubesco coram Cælo, & terrâ, quòd tam infidelis tibi DEO meo, fuerim: quòd IESV Christo Redemptori meo tam ingratus, Spiritui Sancto tam rebellis, Sanctis omnibus tam displicens, Animabus Purgatorij tam sterilis,
Pro-

Proxim
scandalo
Trinitas
Christi
ctorum
efficace
nes euita
bendum
tantum
placitæ
quàm pl

De Co

1. S
S
ram lud
bis quo

2. A
Cogita
gita Do
mum &

3. Pa
miserer
& cum
ego san
quando

4. A
quod p
Verbo
genito.
vicissim

Exerc: VI. De quotidiano Animæ purgatorio. 467

Proximis viuentibus tam inutilis, imò & ob mala exempla tam scandalosus. Peto omnium, & singulorum, à Te ô Sanctissima Trinitas DEVS meus, veniam, & condonationem: propter Iesv Christi sanguinem, propter Prer: Parentis merita, propter Sanctorum omnium intercessionem. Peto præterea Gratiam tuam efficacem, ad me deinceps emendandum, ad omnes imperfectiões euitandū, ad omnes perfectiones in operibus vitæ meæ adhibendum. Propono, te DEO meo teste, & dante, firmissimè, non tantum emendationem, ac emundationem, sed etiam omnis tibi placitæ consummationis, sanctitatisq; consecrationem: ad gustū quàm plenissimum, tuæ Sanctissimæ, atq; Dignissimæ Voluntatis.

EXERCITIVM VII.

De Contritione, ex DEI Patris, Benefactoris, Domini, Iudicisq; consideratione.

1. **S**Tatue te coram DEO, Patre tuo, vt filium: vt coram Benefactore ingratum, vt coram Domino malum seruum, vt coram Iudice supremo, ac iustissimo, maximè reum. Ex his habebis quod erubescas, & quod timeas, ac demum & quod doleas.

2. Audi Bernardum & sequere: ista expendentem hoc modo. Cogita DEVM factorem, cogita benefactorem, cogita Patrem, cogita Dominum. Ad omnia reus es, plange per singula. Ad primum & vltimum respondeat timor tuus: ad duo media, pudor.

3. Pater sanè non metuitur, cūm Pater sit. Patris enim est misereri & parcere, & si percutit; Virgā, non baculo percutit: & cūm percusserit, sanat. Paterna vox est; Ego percutiam, & ego sanabo. Non est proinde quod à Patre formides, qui etsi quandoq; ferit vt emendet, nunquam tamen vt vindicet.

4. At verò cogitantem quòd Patrem offenderim, est certè quod pudeat, etsi non quod terreat. Voluntariè enim genuit me Verbo veritatis. Deinde etiam non pepercit Vnigenito, pro sic genito. Ita ipse quidem exhibuit se Patrem mihi: sed non ego vicissim me illi filium.

s. Quā

408 *Exerc: VII. De Contr: ex DEI Patris Benefactoris, &c.*

5. Quānam fronte attollo iam oculos, ad vultum Patris tam boni tam malus filius? pudet tanto Patri vixisse degenerem. Exitus aquarū deducite oculi mei: Operiat confusio faciem meam vultum meum pudor suffundat, occupetq; caligo. Prò pudor! quem fructum habui, in quibus nunc erubescō? Si in carne seminavi; de carne non metam nisi corruptionem: si in Mundo; & hic transit, & concupiscentia eius. Quid? Caduca, vana, & propè nulla, quorum finis mors est, infelix & insanus præferre non erubui, aeterni Patris amori, & honori. Confundor audire, si ego Pater: vbi est Honor meus?

6. Sed, etsi Pater non esset, obrueret me Beneficijs: instaurat aduersum me testes: (vt alia innumera taceā;) huius Corporis vitium: & vsum Temporis huius. Et super omnia; Sanguinem Dilecti Filij clamantem de terrā. Pudet ingratitudinis: quanquam ad confusionis cumulum, arguit etiam reddidisse mala pro bonis: & odium pro Dilectione,

7. Minimè quidem mihi à Benefactore, sicut nec à Patre timendum: verus quippe benefactor est, dans affluenter, & non impropere: & beneficia sua mihi dedit, non vendidit: deniq; sine pænitiā sunt dona eius. At quanto de illo benignius, tanto de me indignius sentire cogar.

8. Erubescere ergo nihilominus: & dole Anima mea: quoniam etsi illum non repetere, & non impropere decet; Nos tamen omnino dedecet ingratos, & immemores existisse. Heu! quid vel nunc retribuam Domino, pro omnibus quæ retribuit mihi?

9. Quod si segnior fortè suas partes minus exequitur Pudor: Timor sanè excitetur in adiutorium: excitetur, vt excitet. Sepone parum pia vocabula Benefactoris & Patris: atq; ad austeriora conuerte te. Nempe qui legitur Pater Misericordiarum, & Deus totius consolationis: legitur etiam Deus, vltionum Dominus: legitur Deus iudex, iustus, & fortis: legitur terribilis in consilijs super filios hominum: legitur Deus Zelans. Quod Pater, quod Be-

Exerc: VII. De Contr: ex DEI Patris Benefactoris, &c.
Beneficij
Qui ergo
aliquan
norem?
ab eo, q
cus: sed
non pare
10. P
contem
statis est
huiusq;
næ, hui
temner
fumiga
vermic
11. Ille
potestat
pauco
tibus. C
ruentis
lidâ, à v
bestia
Horreo
porè, &
r2.
chryma
& man
mentiu
Heu m
amariti
ptus ge
cibum

Exerc: VII. De Contr: ex Dei Patris, Benefactoris, &c. 409

Beneficus est; tibi est: quòd Dominus, & Creator, & Iudex; sibi. Qui ergo quod tuum est, tibi defendit ac seruat: putas & pro se aliquando non zelabit? putas sui non requireret Principatùs honorem? Requirit à redempto seruitium: honorem, & gloriam ab eo, quem plasmavit. Esto dissimulet Pater, ignoscat Beneficus: sed non Creator, non Dominus, & Iudex: & qui parcit filio, non parceret figmento, non parceret seruo nequam.

10. Pensa: cuius sit formidinis & horroris, tuum, & omnium contempsisse Factorem: offendisse Dominum Maieſtatis? Maieſtatis est timeri: Domini est timeri: & maximè huius Maieſtatis, huiusq; Domini. Nam si reum Regiæ Maieſtatis quamvis humanæ, humanis legibus plecti capite sancitum est: quis finis contemnentium Diuinam Omnipotentiam erit? tangit montes & fumigant: & tam tremendam maieſtatem audet irritare vilis vermiculus, vno leui flatu mox dispergendus, nec recolligendus?

11. Ille, ille timendus est: qui postquam occiderit Corpus, habet potestatem & Animam mittere in gehennam. Pauco gehennam: pauco Iudicis vultum: ipsis quoq; tremendum Angelicis potestatibus. Contremisco ab irâ potentis, à faciè furoris eius, à fragore ruentis mundi, à conflagratione Elementorum, à tempestate validâ, à voce Archangeli, à verbo aspero. Contremisco à dentibus bestiæ infernalis, à ventre inferi, à rugientibus præparatis ad escâ. Horreo vermem rodentem, & ignem torrentem, fumum, & vapore, & sulphur, & spiritû procellarû: horreo tenebras exteriores.

12. Quis dabit capiti meo aquam, & oculis meis fontem lachrymarum, vt præueniam fletibus fletum, & stridorem dentiû: & manuum pedumq; dura vincula, & pondus Catenarum prementium, stringentium, vrentium, nec ramen consumentium? Heu me Mater mea, vt quid me genuisti filium doloris, filium amaritudinis, indignationis, & plorationis æternæ? Cur exceptus genibus, cur lactatus vberibus, natus in combustionem, & cibum ignis. Hæc Bern: 16. *serm: in Cant:*

410 Exerc: VII. De Contr: ex Dei Patris, Benefactoris, &c.
P R A X I S.

Est in ipsis B. Bernardi verbis: vel sit hæc alia.

Sanctissima Trinitas, vnus DEVS: Tibi, vni, soli, temper, à Te, à me, ab omnibus & singulis Creaturis, summa laus, exaltatio, Gloria: omnibus autem Creaturis, à te, tua benedictio, gratia, indulgentia, miseratio, venia. Mihi verò à te, & simul tecum ab omni Creaturâ, omnis abiectio, detestatio, ira, furor, damnatio, reprobatio, perditio, & in perditione derelictio, obliuio, & sepultura æterna.

Quia enim ego Tibi soli peccaui nimis in vitâ mea, & malum supra omnes coram te feci: idcirco nulla mihi à te debetur Venia, gratia, miseratio, benedictio: sed potius omnis tuus furor, ira, odium, execratio, damnatio, & perditio. Idcirco infernus domus mea est, possessio mea, hereditas mea est, & ego inferni incola, possessor, & heres sum.

Idcirco, etiam omnes damnatos, reprobos, præscitosq; ex Inferno facessere, ac mihi locum meum cedere jubeo: quia præ me omnes illi innoxij sunt: & præ omnibus illis, mihi vni, & soli infernus debetur: & ego vnus, solusq;ue, iniquitatibus meis infernum impleo: vnus ac solus inferni pœnas pœnis meis exhaurio: & adhuc inferno dignus sum alio, atque alio.

Idcirco, etiam infra omnes luciferos, asmodeos, beelzebubos, infra Cainos, ludas, Annas, Caiphas, Pilatosq; descendo, ac me demergo. Omnibus enim superbis, ego magis superbus: omnibus auaris, ego magis auarus: omnibus intemperantibus, iracundis, inuidis, ego magis intemperans, fedus, iracundus, inuidus: omnibus ad obsequium Diuinum, & in obsequio Diuino tepidis, ego tepidus, & negligens magis: omnibus ingratis, abiectis, inutilibus, malignis, ego magis ingratus, abiectus, inutilis, malitiosus. Quanto enim in me vno & solo præ omnibus abundauit gratia, & miseratio, ac Diuinæ pietatis vigilantia ac beneficentia; tantò in me vno, & solo, præ omnibus excessit in DEVM ingratitude, malitia, contemptio, & effrenis rebellio.

Exerc:

At e
de me tu
solum p
miserico
uare, &
miseriar
gnam m
tionum
iniquita
tem mea
lum cor
Istud
soli pec
debuera
maia te
dissima
Absce
peccata
eram, &
men ma
Tu so
uus tuus
coram t
De h
me dole
doleo, &
cior, ei
auello a
Christi
& miser
meum,
imperfe

Exerc: VII. De Contr: ex Dei Patris, Benefactoris, &c. 411

At enim quamvis ego infelix commisi multa valde nimis: unde me tu iustissime Deus damnare, & abijcere in æternum, non solum potes, sed etiam cogente iustitiâ debes: quia tamen tu, misericordiarum Pater, non amisisti, unde misericordissimè saluare, & potes, & soles; propterea Ego de profundissimis abyssis miseriarum mearum clamo ad Te: Miserere mei secundum magnam misericordiam tuam: & secundum multitudinem miserationum tuarum dele iniquitatem meam. Amplius laua me ab iniquitate meâ: & à peccato meo munda me: quoniam iniquitatem meam cognosco, atq; confiteor. Tibi soli peccaui, & malum coram te feci.

Istud in me peccatisq; meis displicet quàm maximè: quia Tibi soli peccaui, & malum coram te Deo meo feci. Vivere tibi soli debueram: & ecce tibi soli peccaui. Amare, & æstimare super omnia te solum debueram: at ego tibi soli peccaui, tuæ soli Sanctissimæ Voluntati obedire debebam: at ego tibi soli peccaui.

Abscondebam, celabam, negabam, dissimulabam, justificabam peccata mea: sed malum coram te feci: in manibus tuis positus eram, & potentia tuâ illigatus, iustitiâq; tuâ mancipatus, & tamen malum coram te feci.

Tu solus cum es Deus meus; ego tibi soli, creatura tua, servus tuus, mancipium tuum, redemptus tuus, peccaui, & malum coram te, contra te, maiestatemq; tuam feci.

De hoc omni tibi noto, & exoso malo meo, Domine: toto me doleo, propter Bonitatem, Charitatem, Dignitatem tuam: doleo, & detestor, & execror, & odi, & erubesco, & tædio afficior, eiuro omnia peccata mea: & omnem voluntatem meam auello ab eis. Emundo illa, in balneo sanguinis & meritorum Iesu Christi; in balneo doloris & amoris mei erga Te: in balneo iustitiæ & miserationis tuæ. In quâ etiam emendo, & expio omne debitum meum, tam culpæ, quàm poenæ: & perficio, atq; compleo omnem imperfectissimam perfectionem meam: ad plenum, & omnem gustum tuum, Amen.



EXERCITIORVM

PARS XVI.

De Mortē.

EXERCITIUM I.

De Mortis, Naturā, Conditionibus, Effectis.

1. **C**onstitue te in statu moribundi, ac in vicino, seu proximo morituri: executuriq; iam in se ipso, decretum mortis: de quo Paulus disertē pronunciat; Statutum est omnibus hominibus semel mori: post hoc autē Iudicium.

2. Considera: naturam mortis, seu mortem, esse priuationem Vitæ, excessum Animæ de corpore, siue, desinere animam informare, ac viuificare corpus. Item, dissolutionem eius compositi, ac Personæ, quæ est, homo, ex animâ & corpore compositus: qui enim mortuus est, iam non est amplius Homo, nec persona eius: esto Anima & Corpus supersint, at seiuncta. Atq; ex hoc capite, mors naturaliter timetur: quia morienti Esse suum aufert: quod ab omnibus, præ omnibus diligitur.

3. Considera conditiones mortis: harum; Prima est certitudo, & infallibilitas, seu ineuitabilis necessitas: quā enim quis nostrum Homo est, tam mortalis est, & mortis necessitati subiacet: eò quod ex contrariis, inter se pugnantibus, ac mutuò sese corumpentibus, consequenter compositū de se destruētibus, compositi & compacti sumus. Huc accedit pœna mortis cuique nostrum propter peccatum debita, & decreta: Morte morieris.

Secunda incertitudo & fallibilitas mortis: de quā Dominus cre-

Exer
crebrō
quia ne
dama te
abs te ra
locus, n
pore m
quæ om
Terti
git tem
aduolat
contin
re, qua
bis dat
sus ten
non po
Quar
eius: q
Iustoru
morte
videns
Cadun
ferno i
Quin
mortis
nua cla
saluti æ
habem
ceptab
Sext
te certe
experie
ideo an

Exerc: I. De Mortis Naturâ, Conditionibus, Effectis. 413

M crebrò admonet: Vigilate, quia nescitis diem, neque horam: quia nescitis quâ horâ Dominus vester venturus sit, ad auferendam à te Animam tuam, & villicationem tuam, & reposcendam abs te rationem tuam. Accedit ad hæc: quia nec tempus, nec locus, neq; genus mortis cuiquam certum est: omni enim tempore mori possumus, omni etiam loco, & genere mortis omni: quæ omnia experimento innumero comperta sunt.

Tertia conditio: quia velocissimè aduenit: quàm citò effugit tempus, & cum tempore euolat vita nostra nobis, tam citò aduolat mors nobis: Nihil enim est aliud nostrum viuere quàm continuum emori: sicut nihil est aliud Lucernæ ardere ac lucere, quam continuatum absumi, & disperire. Inde monitum nobis datur; Mors non tardat. Potest sisti motus cælorum, & cursus temporis: at vitæ nostræ excursus, & mortis accursus sisti non potest.

Quarta conditio mortis est: Incertitudo modi & sortis eius: quis enim sibi potest polliceri se moriturum morte v. g. Iustorum: Morte sanctorum DEI, pretiosâ coram Deo: & non morte impiorum pessimâ: quis non saluasset Iudam, Apostolum videns: quis non perdidisset Latronem, latrocinantem cernens? Cadunt columnæ Cæli, & confringuntur: contrâ, quidam ex inferno inferiori eruuntur.

Quinta conditio mortis est: quia in hac solâ vitâ negotium mortis percurari, & transigi potest: vbi ad mortem venit, ianua clauditur: & dies mercatus elabatur: nec licet emere quæ salutis æternæ seruiant. Vnde nobis dicitur: Ergo dum tempus habemus operemur bonum. Et iterum: Ecce nunc tempus acceptabile ecce nunc dies salutis.

Sexta & vltima mortis conditio est incorrigibilitas: in morte certè bis non datur errare: semel tantum moriendum, semel experiendum, semel tractandum, & vltimò negotium mortis est: ideo ante mortem benè & seriò, & tempestiuè præcogitandum,

414 *Exerc: I. De Mortis Naturâ, Conditionibus, Effectis.*

prævidendum, præexperendum est, quomodo velim, quomodo debeam mori? In horâ mortis, mori discere, & non errare optare, ac sperare; grandis infania, periculosus valde saltus est.

4. *Considera effectus mortis.*

Primus est ablatio & ereptio omnium rerum quascunq; habuit, amavitue homo. Probat id experientia omnium hætenus mortuorum: affirmat & scriptura dicens; Homo cum interierit non sumet omnia; neq; descender cum eo gloria eius. Neq; id mirum: imò impossibile aliter fieri: propterea, quia;

Secundus effectus mortis est, Hominem homini, id est, sibi ipsi eripere: quid non eripiat ex rebus eius mors homini, cum ipsum hominem eripiat homini?

Tertius effectus mortis: referatio, seu inchoatio Æternitatis, & quidem vel felicitis ac beatæ, vel infelicitis ac miseræ. Sicuti enim cursus vitæ nostræ præsentis, ratioq; viuendi in præsentia, à nobis ducta, est quædam vel textura, vel ædificatio æternitatis, beatæ quidem Vitæ bonæ; Miseræ autem vitæ malæ: sic finis huius Vitæ, clavis est Æternitatis, & referatio vel huius, vel illius, Vita benè vsq; ad finem ducta, seram, & ostium Æternitatis infelicitis non referat; sed neq; Vita mala, malè conclusa, januam æternitatis beatæ apta est, aut potest aperire.

5. Ergo dum tempus habemus operemur bonum. Præmittamus vitam bonam, bonæ morti, beatæ æternitatis portam nobis aperturæ; error in morte, errorum error est: irremediabilis, incorrigibilis, indeflebilis error: abyssus errorum omnium miserabilium, sed maximè ex eo, quia æternorum. Omnes alij huius vitæ errores, in hac vitâ vtcunq; corrigi possunt: at error in morte error æternus est: ac ideo neq; in hoc, neq; in futuro seculo, corrigi potest. Hæc igitur cardinalis prudentia est; Per bonam, & sanctam vitam præsentem, venienti morti errorum omnium obserare januam.

PRA-

DE
cu
quidem
tem tua
semper
bi placi
merita,

1. C
P
acceper
te ipso,

2. A
seu corp
râ nostr
Et hæc
malū est

3. E
tantum
est Phyl
ma vari
pranda,
bis: de
tui enin
Hæc mo
& sepel

P R A X I S.

Stue

Oratio pro Vitâ bonâ, & sanctâ Morte.

DEVUS, sub cuius nutibus vitæ nostræ præsentis momenta decurrunt: suscipe preces humiliter ad te clamantium: ut hanc quidem mortalem vitam omnem, juxta sanctissimam Voluntatem tuam, in abundantia bonorum operum, auxiliante gratia tuâ semper decurramus: eius verò decursum, sancto, & pleno, & tibi placito fine, per Filij tui, & Matris eius, Electorumq; tuorum merita, & per misericordiam tuam concludamus.

E X E R C I T I V M II.

De vario, & de optimo genere Mortis.

1. **C**onstitu te in statu moribundi, morientisque, saltem in proximo. & certò: tanquam eius, qui responsum mortis acceperis tam à DEO, quam à Medico, quam ab Amico: quàm à te ipso, iam in naturæ viribus deficiente, morboq; urgente.

2. Aduerto varia esse mortis genera. Est enim mors naturalis, seu corporis: cum vitâ, seu Animâ priuatur: & huic; tum ex naturâ nostrâ corruptibili, tum ex poenâ peccato inflictâ subiaceamus. Et hæc mors, neq; mala, neq; bona est moraliter: naturæ tamen malū est: hæc enim appetit cōseruari in esse, ista autem tollit esse.

3. Est mors Animæ, quæ & spiritualis vocatur: & hæc semper tantum moralis. Nam Anima cum sit purus Spiritus, immortalis est Physicè, & incorruptibilis naturâ suâ. At Morali morte Anima variè moritur. 1. Est enim Animæ nostræ Mors quædam optanda, & curanda: atq; augenda, & defendenda in nobis à nobis: de cuiusmodi morte Paulus intelligendus est; cum ait; mortui enim estis, & vita vestra abscondita est cum Christo in DEO. Hac morte morimur in Baptismo: vbi in Christo morimur, imò & sepelimur, mundanis, & carnalibus desiderijs, atq; concupiscen-

416 *Exerc. II. De vario, & de optimo genere Mortis.*

scientijs : dæmonis quoq; seruituti & peccatorū tyrannidi. Hanc mortem Dominus Iesvs vocat abnegationem sui: Perditionem animæ. Qui vult (ait) venire post me, abneget semetipsum, & sequatur me. Et; qui perdiderit animam suam propter me, in vitam æternam custodit eam. Et; nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum adfert. Hæc mors etiam mortificatio ab Apostolo vocatur: Mortificate (ait) membra vestra, quæ sunt super terram. Et; si spiritu facta carnis mortificaueritis; viueris, si autem secundum carnem vixeritis, moriemini. Et; Mortificationem IESV Christi in corpore vestro circumferentes. Insuper hæc mors vocatur Crucifixio, Crucis baiulatio: hinc dicit Paulus Christo confixus sum Cruci. Et; mihi mundus crucifixus & ego mundo. Et Dominus; Qui non venit post me, & non baiulat crucem suam, non est me dignus. 2. Alia mors Animæ nostræ est mala, formidanda, cauenda omni studio, & diligentia. Hæc est mors peccati: de quâ dictum; Anima quæ peccauerit, ipsa morietur. Omne enim peccatum mortale, animam occidit, pellens ab eâ spiritum Vitæ: gratiam scilicet DEI, & ipsum DEVM; & reddit Animam cadauer spirituale, tot mortibus necatum, quot peccatis mortalibus grauatum: reddit odiosam DEO Animam, siue hominem. Odio enim est DEO impius, & impietas eius. 3. Est præterea mors, alia partialis, vt quando Homo tantum secundum partem sui aliquam moritur, v. g. tantum corpore, aut tantum Animâ: & alia est mors totalis, vt quando totus homo, tam scilicet corpore, quàm Animâ moritur: quod fit, cum quis in statu peccati mortalis existens quoad Animam, moritur etiam corpore: talem enim mortem excipit;

4. Alia mors omni morte peior, mors secunda, mors æterna. Mors perpetuæ damnationis: de quâ morte dictum, mors peccatorum pessima.

5. Huic morti opponitur Mors illa, de quâ Dauid: Pretiosa

in

in consp
mortui,
tur illos.
recedun
diuntur,

6. Ha
tium. 1

Gratiæ,
sarium,

tem eni

2. Quid
exerciti

actus C

curand

tate (et

Cum qu

Est enim

nè insue

3. Quid

li, aut a

actuali:

hementi

Vulnera

te me m

ro mea,

vt mors,

auctariū

purgato

man^o no

7. Ad

omnibu

cum mi

Exerc: II. De vario, & de optimo genere mortis. 417

in conspectu Domini mors Sanctorum eius: & Ioannes; Beati mortui, qui in Domino moriuntur: opera enim illorum sequuntur illos. Hæc mors Iustorum est: qui in gratiâ Dei hac ex vitâ recedunt: hi vitam meliorem, quia beatam, quia æternam ingrediuntur, & possident, per mortem.

6. Hæc mors iustorum, habet tres gradus seu classes morientium. 1. Quidam enim iusti moriuntur in solo statu, siue habitu Gratia, atq; Charitatis Dei: quod quidem Bonum est, & necessarium, atq; mortis bonæ, & iustorum omnino substantiale: saltem enim tali morte debent mori, qui bonâ morte volunt mori. 2. Quidam moriuntur in actuali Charitate Dei, siue in actuali exercitio actûs charitatis in DEVM super omnia dilectum. Quia actus Charitatis Dei, ita quandoq; perfectus, & excellens est; (& curandum est morienti vt sit:) vt cum qualibet peccandi voluntate (etiam venialiter) habeat quamdam impossibilitatem. Cum quali Amoris in DEVM actu mori paucorum iustorum est. Est enim ferè tantum purgatissimarum, atq; tali actui amoris benè insuefactarum Animarum.

3. Quidam denique moriuntur non solum in Charitate habituali, aut actuali: sed etiam à Charitate, atq; ex Charitate amoreq; actuali: ita vt moriantur quasi à vulnere excessivæ Charitatis, vehementiâq; amoris affectui in DEVM: de quali amore Spōsa dixit: Vulnerata Charitate ego sum: & illud: Fulcire me floribus, stipante me malis, quia amore langueo: & Psalmista David: Defecit caro mea, & cor meū in DEVM viuū: neq; id mirum, cum fortis sit vt mors, atq; etiam morte fortior dilectio. Huiusmodi mortuis auctariū insigne est, euolare ex hac vitâ, rectâ, in Cælū, sine sensu purgatorij. Atq; hæc etiam mors paucorū est: Nisi quia Domini man⁹ non est abbreviata, ac nostris modulis minimè mensurāda.

7. Adhunc tamen modum seu gradum mortis adspirandum est omnibus Perfectionis ac Sanctitatis studium professis: quod si ad eum minus pertingant: ad secundum saltem curent pertingere:

418 *Exerc: II. De vario, & de optimo genere Mortis.*

ut scilicet moriantur in actuali Charitate Dei sui: & quemadmodum desiderat ceterius ad fontes aquarum, sic illi desiderent ad DEVM: sitiaturq; Anima eorum ad DEVM fontem vitæ: O quando veniam: & apparebo!

8. Sicut enim Professores Perfectionis, non decet vitam agere tantum in Charitate habituali, cum id omnino omnibus incumbat: quibuscumq; denunciatur est: Si vis ad vitam ingredi serva mandata; Verum incumbit eis vivere in magnâ Charitate, in magnis, multis, assiduisq; meritis, & semper actibus Charitatis, vel à Charitate ardenti imperatis servare; amoremq; Dei in se magis ac magis, continuo, quoad licet, exercitio succendere; ita etiam non debet esse illis satis, mori in Charitate habituali: sed curare debent, ut in actuali, eaq; fervente excedant: & ab articulo mortis inveniuntur, rapianturque, & præoccupentur: ut si fieri potest, cum Amoris actum, in quo ultimo à morte inveniunt, vivi, non finiant in hac, & cum hac vitâ: sed continuant, deferantq; illum in alteram, eumq; inibi perficiant pro æternitate, & per æternitatem.

P R A X I S.

DEVS, sub cuius nutibus Vitæ nostræ præsentis momenta decurrunt: suscipe preces ad te humiliter clamantium; ut hanc quidem mortalem vitam omnem, secundum voluntatis tuæ sanctissimæ beneplacitum, semper in abundantia bonorum operum, auxiliante Gratiâ tuâ decurramus: eius verò decursum, sancto, pleno, ac tibi placito fine, per vnigeniti tui, & Matris eius, Electorumq; omnium merita, & per misericordiam tuam concludamus.

E X E R C I T I V M III.

De Mortis bonæ desiderio frequentando.

1. **C**onstitue te in statu moribundi, & tanquam in proximo morituri: & simul in affectu illius, qui gemebat, Heu mihi,

Exerc: III. De Bonæ Mortis desiderio frequentando. 419

hi, quia incolatus meus prolōgatus est: multū incola fuit anima mea: & illius qui anhelabat: Cupio dissolui, & esse cum Christo.

2. Mortem bonam desiderant omnes, etiam ille, eiq; similes, qui dicebat: Moriatur anima mea morte iustorum, & fiant novissima mea horum similia: sed hoc desiderium passim est in hominibus sterile, & inefficax: quia ad consecutionem desideratæ mortis bonæ, media apta non adhibent. Non enim diligunt, neq; exercent vitam bonam: quæ tamen est vnicum, & omnino necessarium huic fini assequendo medium.

3. Sunt verò alij, qui ita Mortem bonam exoptant; vt simul vitam bonam strenuè consecretur: & ea quæ sunt morti bonæ consequendæ idonea, avidè, & providè conquirant: iidem tamen mortem ipsam, & nomen, mentionemq; ac memoriam mortis abhorrent, contristantur, aut etiam indignantur, illato de morte vel vno verbo. Hi sunt similes illis, qui nautigant mare, & licet pericula eius patiantur penè quotidiana: portum tamen, & excensum refugiunt.

4. His talibus prætermisissis, in persuasis, atq; certis habendū est: Esse quandā, nec mediocrem perfectionem, cupere mori: fuitq; hic affectus Sanctis ferè omnibus vsitatus: & est signum impensè DEVM amantis Animæ velle mori: cupere dissolui, desiderare liberationem è carcere, seu corpore mortis huius: sicut è contrà redolet Animam affixam corpori, aut mundo: aut saltem ipsi præsentī Vitæ: nec satis pericula eius sentientem quotidiana, plus æquo horrere mortem: vitamq; hanc amare: neq; cupere aut euolare in libertatem filiorum DEI, educi de custodia hac multis compedibus Animam vinciente, quin & multis sordibus inquinante, aut ad fruitionem Sanctissimæ Trinitatis quā primum, finaliter & beatificè peruenire.

5. Sit etiam persuasum atq; certū: cupere dissolui, & esse cum Christo: esse vnum ex singularibus medijs, præparationibusq; ad mortem, redolereq; optabilem salutis æternæ securitatem:

420 *Exerc: III. De Mortis bonæ desiderio frequentando.*

quam DEVS indulget ijs, qui ei fideliter, & rauriter seruire, eiq; placere, ac secundum Cor eius Diuinum esse semper studuerunt. Eiusmodi est illa indulgentissima inuitatio Diuina ad Animam; Surge, prope Amica mea: columba mea, formosa mea, & veni: & iterum; Surge amica mea speciosa mea, & veni: & rursus; Veni de Libano sponsa mea, veni de Libano, veni. Quidni ergo desideret, festinet, anhelet Anima: ad ita blandè, instanterq; inuitantem, & euocantem DEVM?

6. Assuescendū ergo est talibus desiderijs, & impensè quidem: quam ad assuetudinem proderit expendere, atq; vsupare familiariter sequentia motiua desideriorum talium.

1. Opto mori: quia mortalis sum naturā meā: & DEI creatoris mei sic factus sum Voluntate, fiat ergo Voluntas eius.

2. Opto mori in testimonium, & protestationem, tum supremæ potestatis, dominijq; in me Diuini: tum totalis meæ, rerumq; etiam omnium, & singularum, à DEO dependentiæ: tum fragilitatis, vilitatis, corruptibilitatisq; meæ: puluis enim sum, & in puluerem reuerti me necessum est. Sicuti ergo vitam viuendo, professus sum DEVM autorem dominumq; Vitæ: sic mortem obeundo, confitebor DEVM esse arbitrum definitoremq; mortis meæ.

3. Opto mori: vt primi originalis peccati poenam, etiam mihi ab iusto DEO merito inflictam, exoluam morte, tandemq; illud finaliter expiem: deletum quidem illud est in Sacro Baptismate: poena tamen mortis luenda remansit.

4. Opto mori: vt ex statu peccabilitatis, funditus emergam: transeamq; in eum statum in quo peccare amplius non possim, neq; per malitiam, neque per infirmitatem, neq; per subreptionem. Et sim extrā periculum omne, violandi, vel in minimo, Dignitatem, Maiestatem, Sanctitatem, Bonitatem, Charitatem, Voluntatemq; DEI mei, excidendiq; Gratiā eius: sed sim securus de Amore, & Amicitia eius in æternum. Nihil enim amantes DEVM Animas grauat iustius, aut amplius, in hoc mortali corpore,

quā

Et
quā
dere po
eius Am
commo
ta, & an
ninarum
derio p
vitz: &
5. O
mei, qu
mortu
nostri d
ita mar
norari
honora
6. Op
MARIA
mori ta
rarer;
& à no
7. C
per mo
tates, o
pleantu
figillo
8. Op
Iesv Ch
Christi
Maxim
tis, im
breui v
summa
eis, & a

Exerc: III. De Mortis bona desiderio frequentando. 421

quàm quòd, dum in eo degunt, DEVM in omni momento offendere possint: & interdum, saltem ex obreptione offendant: ab eius Amore vel excidant, vel tepescant, vel cessent, ob quod incommodum, periculumq; perpetuum, meritò fastiditur hæc vita, & anhelatur ad aliam: Non impatientiâ molestiarum, & ærurnarum, sed metu impotentis ad peccandum potentiæ, & desiderio perfectissimè, continuèq; amandi DEVM, in statu alterius vitæ: & illi tanquã sumo, & ultimo bono æternaliter inhærendi.

5. Opto mori: vt meâ morte, mortem IESV Christi, Domini mei, quâ me ille ab æternâ morte redemit, honorem, imiter, eiq; mortuo, & ipse mortuus assimiler. Sicut enim maxima Domini nostri dignatio in eo fuit, quia sese vsq; ad mortui statum demisit: ita maximè à nobis mors eius honoranda est. Magis autem honorari non potest, quàm mortem vicissim pro illo, mortisq; illius honore, ac imitatione subeundo.

6. Opto mori: vt sequar exemplum Pretiosissimæ DEI Matris MARIE, Dominæ meæ: quæ carens alioqui moriendi debito, mori tamen voluit & ipsa: vt suâ mortem mortem Filij sui honoraret; quare sicut illa suâ mortem mortem Filij sui honorauit, sic & à nobis decet mortem ipsius honorari mortem nostrâ.

7. Opto mori: & anhelosissimo quidem desiderio opto: vt per mortem meam, siue in articulo eius, omnes DEI mei Voluntates, omnia IESV Christi desideria, atq; intentia, circa me, impleantur absolutissimè: & vltimatè in me, & morte tanquam sigillo cõsignentur.

8. Opto mori: vt quàm primùm, definitus mihi à Deo, propter IESV Christi Merita, gratiarũ, & donorum gradus, in me ex iisdem Christi Redemptoris mei meritis adimpleatur, consummeturq;. Maximè, cum fiat sæpè, vt DEVS, in ipso transitu, & articulo mortis, impleat in Sanctorum suorum Animabus, ea omnia, quæ breui vitæ vsu, mortisq; adproperatione, præfinitæ illorum consummationi defuerunt: sicq; in illo breui puncto, explicantur in eis, & ab eis, tempora multa.

422 *Exerc. III. De Mortis bonæ desiderio frequentando.*

9. Opto mori: vt vltimi & summi finis, boniq; assequutio suprema, ac vltimata, quam à Creaturâ suâ, & habere potest, & intendit DEVS etiam in me, & à me, initium executionemq; habere tandem incipiat. Et hæc non est alia, nisi beatifica DEI exaltatio, glorificatio, possessio, fructio.

10. Opto mori: vt per mortem meam, augeam, & exequar mercedem Christo à Patre ex Iustitiâ debitam: quæ finaliter consistit in Glorificatione Patris, per beatificationem æternam à se Redemptorum.

11. Opto mori: vt practicè, ac reipsâ subijciam me juri quod Dominus meus IESVS, ex naturâ, & ex merito habet, in omnes viuos mortuosq; in omnes ad iudicium eius morte deuenientes.

12. Opto mori: vt etiam subdam me juri Pretiosissimæ DEI Matris: quod illa habet sibi à Filio concessum, in vltimum Agonem, & in Mortis instans, omnium quidem, at specialiter in suorum amatorum & clientum.

13. Opto mori: vt primo quoq; tempore, saluo tamen per omnia gustu Voluntatis DEI, per actum, & medium mortis, voluntariè deliberatè à me acceptatū, (esto aliàs naturâ mihi debitum,) vltimatè, & completè, DEO me subijciam, DEO obediam, ad DEVM perueniam, DEVM adorem, DEVM assequar, videam, confitear, possideam, teneam, fruor: vt item moriens, completè id quod DEO placuerit merear: merendique spatium moriendo concludam. Morte enim obitâ, iam non licebit crescere, aut proficere.

14. Opto mori: ex desiderio, quàm primùm accedendi ad Sanctos, eosq; videndi: tum Pretiosissimam DEI Matrem: Verbi quoq; Incarnati Sacratissimam Humanitatem, præ omnibus autem Vni Trinam Beatissimi DEI Essentiam; vt mediante morte meâ, tandem tandem, DEO æternaliter, ac beatificè coniungar, in gloriâ consummatâ: eiusque Sanctorum Societate potiar in æternum.

P R A.

Vel fia

1. V

2. Effu
nem

3. In de

4. Con
gno

5. Per

6. Cla

terr

7. Inte

Libe

8. Educ

me

1. C

& non

2. H

vel iust

futurus

3. D

Mors p

ria tua,

morte

1. A

P R A X I S.

Vel fiat ex positis orationibus: vel ex Psalmo Davidis 141. ad hoc propositum valde apto.

1. **V**oce meâ ad Dominum clamaui: Voce meâ ad Dominum deprecatus sum.
2. Effundo in conspectu eius Orationem meam, & tribulationem meam ante ipsum pronuncio.
3. In deficiendo ex me spiritum meum: & tu cognouisti semitas meas.
4. Considerabam ad dexteram & videbam: & non erat qui cognosceret me.
5. Perijt fuga à me: & non est qui requirat Animam meam.
6. Clamaui ad te Domine, dixi: Tu es spes mea, portio mea in terrâ viuentium.
7. Intende ad deprecationem meam: quia humiliatus sum nimis. Libera me à persequentibus me: quia confortati sunt super me.
8. Educ de custodiâ animam meam ad confitendum nomini tuo: me expectant iusti donec retribuas mihi.

E X E R C I T I V M IV.

De Morte malorum, iustorum, perfectorum.

1. **C**onstitue te vel in conspectu, vel in statu moribundi: cui dictum sit à Deo; Dispone domui tuæ: quia morieris tu, & non viues.
2. Hæc denunciatio quibus fiat, solent esse, vel mali ac impij, vel iusti ac boni: vel Sancti ac perfecti: quorum in classe an tu sis, futurus sis, aut esse velis, iam vide.
3. De morte malorum graphicè dictum est à Spiritu Sancto. Mors peccatorum pessima. Et; O Mors, quàm amara est memoria tua, homini. Pessima & amarissima est mors impij, tam ante mortem, quàm in morte, quàm post mortem.
1. Ante mortem: ob corporis ægri dolores, impatientias, que-

ri-

424 *Exerc: IV. De Morte malorum, iustorum, perfectorum.*

rimonias, etiam de DEO ipso; quasi autore iniquo, & importuno, eius infirmitatū. Ob Animi angores, tædia in & ex doloribus: mærores ex amissione omnium mundi bonorū iam iam ingruente: timores ex mortis, & mortem sequentium malorum aduentū, non dubio; ob scelerum certam conscientiam, multitudinem, enormitatem, nec non ob dæmonum præsentiam ad extrema vrgentium, & rapere ad suam societatem paratorum, vti leonum rugientium paratorum ad escam.

2. In morte etiam mors peccatorum pessima. Videt enim infelix peccator, suprā se quidem cælum æneum, inexorabile: Iudicem DEVM iratum: Sanctos elongatos, imò insensos. Intrā se conscientiam accusatricem, testem, conuicticem. Circa se dæmonum horribilium cateruas clamantium; Euge, Euge: deuorabimus eum. Infrā se os inferni apertum, & ardores sempiternos, iam paratos, & ascendentes, & in desperationem præcipientes.

3. Post mortem verò, tum demum mors peccatorum pessima. Omnia bona Fortunæ in rapinam abeunt: & sæpè ad non suos, sed ad alienos, ad hostes, ad ingratos. Bona corporis ab animā deserti, nulla remanent: succedit horror, fator, putor, vermium scaturigo, nausea, & abominatio. Animæ bona, si quæ inueniuntur, ea sunt pauca, imperfecta, manca, infecta, ingrata, mortua, & deniq; iam hac in vitā, suā mercede satis compensata: vitæ, & mercedi æternæ non idonea: porrò mala opera interna & externa, ex omni parte infinita, exosissima, iam DEO iudice recognita, & damnationi æternæ addicta: ipsa demum Anima, juri, & vnguibus dæmonum, æternisq; supplicijs tradita per sententiam; Discede à me maledicte.

4. Hæc mors: numquid placet tibi? eritnè tua huic similis? facisnè, & quomodo facis, ne sit similis? & quando facies, aut facere incipies, vt sit planè dissimilis? ô, quam diu cras, cras: quare non modò, quare non statim, finis turpitudinis, & impietatis?

Ah,

Exerc:

Ah, quæ
nulla su
te derin
deest, au
negligis
in meli
est, tibi

4. M

de illā d
riuntur.

1. Est e
pus: qu
lorum
quid co
ribus: c

amore l

tem: fa

per eos

2. Beati

quietus

pace, so

uenturi

bet, ob

de ami

amant,

expedit

et fact

nata, &

confun

Iustitia

mihi, i

quod ju

Exerc. IV. De Morte malorum, iustorum, & perfectorum. 425

Ah, quàm nihili, quàm vana, quàm fœda, quàm scelestâ, quàm nulla sunt, quæ te impediunt, à pœnitente, & emendatâ virâ, quæ te derinent in scelestâ & impœnitente viuendi ratione? DEVS nê deest, aut eius gratia? an tu tibi potius, qui DEVM, & eius gratiam negligis, contemnis, abijcis? Et quamdiu sic desipies? Vitamq; in melius non mutabis, mortemq; meliorem, dum vita super est, tibi non prouidebis?

4. Mors iustorum, per omnia opponitur isti perditorũ exitui: de illâ dicit Spiritus Sanctus; Beati mortui, qui in Domino moriuntur. Sperant enim Iusti in morte suâ;

1. Est enim iustus beatus ante mortem suam: beatus quoad corpus: quia etsi dolet, & morbos sentit, sensum tamen illum dolorum æquanimitè sustinet, & DEVM in eis laudat, nec stultum quid contra Dominum loquitur: vnit dolores suos Christi doloribus: offert illos pro suarum noxarum expiatione: condit illos amore DEI, & resignatione plenâ in sanctissimam Dei Voluntatem: facitq; ex eis sibi messem meritorum, & exsoluit purgatorii per eos, siue suum, siue Animarum aliarum.

2. Beatus quoque iustus ante mortem suam: quoad Animam: quietus enim & etiam gaudens mortem excipit: plenus quiete, pace, solatio, spe: quin & desiderio statûs melioris, breui sibi aduenturi. Non eum terret conscientia mala, quam pacatam habet, ob pœnitentiæ, & virtutum, & alia bona opera. Non dolet de amissione, aut relictione bonorum temporalium: quæ non amauit, & pridem animo dereliquit: rectè ijs vsus est: & libenter expedit se ab eis tanquam periculose habitis. Solatur illum, rectè factorum conscientia: non solùm emundata: sed etiam ornata, & ditata: ait cum Paulo: Bonum certamen certavi, cursum consummaui, fidem seruaui: in reliquo reposita est mihi Corona Iustitiæ: ait & cum Dauide; Lætatus sum in his quæ dicta sunt mihi, in domum Domini ibimus: & cum Aug: Domine feci quod iussisti: da quod promissisti.

H h h

3. Bea

426 *Exerc. IV. De Morte malorum, iustorum, & perfectorum.*

3. Beatus etiam iustus in morte. Nam supra se videt placatum Iudicem: bono animo esse iubentem, benignè ad se aduocantem. Circa se videt Coronam Sanctorum: DEI Matrem, SS. Angelos, & Patronos: Intra se habet conscientiam mundatam, quietam: sub se infernum conclusum, & daemones procul repulso, confusosque. Deniq; excipit sententiam salutis aeternae: & exit de corpore securus Vitae beatæ.

4. Beatus verò maximè iustus post mortem: quia vel triumphans statim in Cælum ducitur, lumine gloriæ, & visione DEI beandus, aut iam reipsa beatus: vel si ad Purgatorium ei diuertendum est; hoc ipsum est ei cum certitudine, & securitate salutis aeternae: & interim est in DEI Charitate: amatq; iustitiæ eius satisfieri in se: & aptari se, emundariq; dignè conspectu, & fruitione DEI.

5. Age Homo: nonnè mori iustorum morte desiderabile est? Inspice conscientiam tuam præsentem: eritnè mors tua mors iustorum? Si addubitas, si formidas: non tu insanis qui hoc negotium tibi dubium esse volens facis? quam dabis DEO, quam ipsi tibi obtrudes excusationem: sciens tantas te habuisse, & habere opportunitates, gratias auxilantes, exstimulationes, exempla? Numquid vides, quas in angustias, & anxietates animam tuam deduxerit, deducatq; negligentia, tepiditasque viuendi, dilatio emendandi, & in seruitio viâq; DEI feruendi?

5. Iam de morte iustorum, perfectorum ac Sanctorum dicit Spiritus Sanctus; Pretiosa in conspectu Domini mors Sanctorum eius. Et cur Pretiosa? utiq; quia admodum cara, admodum rara, admodum Cor DEI latificans, celos ornans, beatos omnes exhilarans: pretiosis, atque insignibus gloriæ tam substantialis, quam accidentalibus dotibus Animam Sanctam cumulans, & toti Cælo pretiosam reddens, Vtramque Ecclesiam DEI, tam Triumphantem, quam militantem excellenter ædificans, & perficiens.

1. Hæc pretiosa mors: habet omnia bona mortis iustorum, sed excellentius & copiosius, tantò, quantò Sancti per eam morientes,

Exerc. I
tes, & i
Quantu
& more
qualium
etiam eg
mortem
ditio sta
dat com
quam S
iustum
non sit,
Vitæ Ro
misq; n
gariūm
ri, Relig
ijs, tam
te Perfe
2. Nesc
Nescit
coram
facere s
plebe in
votatio
norum
Deo mi
reuera a
tia) ibi
Sancti
mini p
3. Hic
fessores
hoc reu

Exerc. IV. De Morte malorum, iustorum, & perfectorum. 427

tes, & ipsi excellentiores in vitâ suâ fuerunt, & in suâ morte sunt. Quantum igitur egregiè Sanctorû vita & mores superant vitam & mores iustorum (vt sic dicam) plebeiorum, atq; vulgarium; qualium ordinariè plena sunt domicilia Religiosorum: tantum etiam egregiè Sanctorum, ac Perfectorum mors, superare solet mortem vulgarium, ac de plebe iustorum. Et quia talis est conditio statûs Religiosi, attentis eis, quibus supra modum abundat commoditatibus, & auxilijs ad viuendum ex omni parte, quàm Sanctissimè, atq; perfectissimè; ita vt tantum vulgariter iustum esse, ac iustè viuere in Religione, non tantum laus magna non sit, sed ferme reprehensibile sit; sic etiam attentis iisdem Vitæ Religiosæ, tam plurimis, quàm singularissimis, efficacissimisq; medijs, & subsidijs, mori in Religione morte iustorum vulgarium, adeo vulgare, plebeiumq; est; vt propemodum, sic emori, Religiosis probrosum sit: necesse autem sit atq; obligatorium ijs, tam viuere quàm mori, vitâ & morte Sanctorum, vitâ & morte Perfectorum, vitâ & morte pretiosâ in conspectu Domini.

2. Nescit certè homo; (& loquimur de Religiosi statûs homine;) Nescit (inquam) religiosus homo; quæ sit spes vocationis suæ, coram DEO, quâ ad Religionem vocatus est, quisquis putat satis facere se obligationi, & spei vocationis suæ, si tantum curet de plebe iustorum esse: & quasi vnum de vulgo iustum mori. Hæc vocatio, hæc iustorum vita, & mors, omnium prorsus Christianorum est: ad quam, religiosæ vocationis gratijs, & sumptibus, DEO minimè opus est. Ergo vbi abundat DEI gratia, (quomodo reuera abundat, & plusquam abundat Vocationis Religiosæ gratia) ibi etiam abundare omnino debet tam Vita Religiosorum Sanctitate excellens, quàm mors eorundem in conspectu Domini pretiosa.

3. Hic verò iam quæritur, inter Perfectionis & Sanctitatis professores, sectatoresq; (Religiosos,) vt fidelis quis inueniatur: vt hoc reuera sit opere, quod est statûs professione; vt expleat spem

428 *Exerc: IV. De morte malorum, iustorum, & perfectorum.*
vocationis suæ, per exæquationem professionis suæ: vt per quinque Domini talenta superlucetür alia quinque: vt vnica Domini Mna, in eo decem Mnas acquirat: vt demum dignus sit a Domino audire; Euge serue bone: esto potestatem habens super decem Ciuitates. Hæc utiq; est pretiosa in conspectu Domini Mors Sanctorum eius.

4. Ad quam, quid tibi deest, ô Homo Dei: si tu ipse tibi non dees? & numquid curas ne desis? &: ah! quàm parux res, quàm magnas impediunt? Viri gloriosi: qui omnia Mundi, Carnis, Diaboli, vincula ruperunt, promissa spreuerunt, res & spes conculcauerunt: propter singulare scilicet, excellensq; obsequium Dei: vnâ negligentiam, tepiditatemq; vnâ dilationem & procrastinationem, vnum timorem, seu respectum humanum, vnâ consuetudinem, affectionemue, pervincere, non possunt, non audent, nolunt: vt Deo magis placeant quàm hominibus, vt Deo potius secundum Cor & Gustum sint quàm sibi: vt Deo amplius pretiosi in vitâ & morte sint, quàm despecti, & ridiculi, illusiq; diabolo, & in vitâ ignauâ atq; tepidâ, & in morte anxîâ atq; trepidâ.

Ergo quicumq; desideramus pretiosam mortem nostram esse in conspectu Domini; amemus, curemus, viuamus vitam eximie sanctam, perfectam, consummatamq; in obsequio Domini.

P R A X I S.

DEVS, sub cuius nutibus vitæ nostræ præsentis momenta decurrunt, suscipe preces humiliter ad te clamantiũ; vt hanc quidem mortalem Vitam omnem, secundum Sanctissimæ Voluntatis tuæ beneplacitum, in abundantia bonorum operum, adiuuante Gratiâ tuâ semper decurramus: eius verò decursum, sancto, pleno, pretioso, ac tibi placito fine, per Filij tui, & Marris eius, & Electorum omnium merita, & per misericordiam tuam, concludamus.

EXER-

E X E R C I T I V M V.

De Preparationibus ad Sanctam Mortem,

1. **C**onstitue te in statu moribundi: inque vicino mortem habentis: & quasi tibi dictum sit ab Apostolo; omnium finis appropinquauit: estote itaque prudentes, & vigilare: & ab alio; Confirmate corda vestra, quoniam aduentus Domini appropinquauit; da seriam operam, vt monitis eorum obsequaris: & iuxta monitum Prophetæ: quoniam finis venit, venit finis: fac conclusionem.
2. Conclusionem facere, vt arbitror, est sese ad venientem Vitæ finem, hoc est, ad mortem disponere, atq; præparare, ne nos imparatos seu mors, seu in morte Dominus reperiatur: atq; tanquam serui nequam, aduentum Domini, nec scientis, nec sperantis; partem nostram cum hypocritis possit.
3. Collige, & selige tibi iuxta statum tuum exigentiam, conclusionis, seu dispositionis, preparationisq; tuæ ad mortem praxes: quas exercendo, & frequenter, & diligenter, & constanter, inueniaris, (iuxta Domini nostri monitum) idoneus atq; dignus stare coram Filio Hominis iudicaturus, vel iudicante.
4. Suppono, ac proinde & sepono hîc, conclusiones, dispositionesq; alterius generis, puta ciuilis prudentiæ ac moris, iustitialis quoq; obligationis: vt est Testamentum condere, debita creditoribus, mercedes operarijs, stipendia familiæ, aliena suis Dominis, pia legata in Animæ subsidium, cæteraq; vsitata ac necessaria ordinare: quæ proposito meo præsentis non seruiunt ad tractandum.
5. Conclusiones præparationesq; mei propositi præsentis sunt spirituales: interiùs Animam morituri, ad mortem bonam atq; sanctam disposituræ: si fuerint practicatæ, & maturè, vsu, & exercitio frequenti, faciles, familiares, connaturalesq; redditæ.
1. Prima præparatio, Assuefacere mentem suam, longo, & cre-

430 *Exerc: V. De Preparationibus ad Sanctam Mortem.*

bro vlu, ad mortem futuram memorandam, amandam, rumi-
 nandam, desiderandam, imaginandam. Non quasi aliquid malū
 & triste, sed tanquam malorum remedium ac finem, portam ve-
 rō & reſerationem bonorum, & quidem æternorum. Non eſt fe-
 renda puerilis illa, & verè inſpida quorundam à mortis mentio-
 ne, vel cogitatione abhorreſcentia: horreant mortem gentiles,
 infideles, Dei hoſtes, peccatis infixi, carnales, auari, odium DEI
 & horrorem futuri ſeculi propter vehementem ad præſentis vitæ
 bona adglutinationem habentes: at juſti, amici DEI, operibus bo-
 nis, & ſanctis dediti, facientes DEI voluntatem ex animo, pla-
 cendi Deo ſtudio, & exercitiū, pulchritudiniſq; internæ æmu-
 lationem habentes, vt quid iſti mortem horreant? Impiorum
 mors, meritò ab impijs horretur: eſt enim oſtiū illis ad omnem
 calamitatem, & præcipitium in æternam perditionem. At pio-
 rum mors, tranſitus & tranſmigratio, eſt de miſerijs ad felicita-
 tem, de periculis ad ſecuritatem, de exilio ad Patriam, de mor-
 talitate ad immortalitatem, de mundo ad cælum, de lachryma-
 rum valle ad beatitudinis regnum, deniq; à ſe ad DEVM.

2. Procurare omni ratione, diligentiaq; conſcientiæ & animæ
 munditiem, ornatum, diuitias, cælo, & DEO dignas. Mundi-
 tiem, dabit fuga omnis peccati obſirmata: etiam tantum venialis,
 deliberati tamen, ac voluntarij, ac frequentati: cuius labes in
 Animâ nullomodo toleretur ex amore munditiæ. Sic enim con-
 ſequetur illud promiſſum Spiritus Sancti; Qui diligit Cordis
 munditiem, habebit amicum Regem. Ornatum conſcientiæ, da-
 bit Exercitatio Virtutum, & operum eximiorum copia, meri-
 torum quoq; Chriſti Domini communicatio. Diuitias verò ani-
 mæ dabit Grata DEI ſanctificantis abundantia. Ad iſta autem o-
 mnia, & ſingula, copioſè, facilè, certò conquirenda, & abun-
 danter cumulanda, ſuprà modum adiunabit;

3. Præparatio, quæ eſt; vt crebrò, accuratè, & dignè Sacra-
 menti, tam Pœnitentiæ, quàm Euchariſtiæ, quorum etſi primū
 præ-

Exerc: V. De Preparationibus ad Sanctam Mortem. 431

præcipuè sanat vulnera, & emundat ab inquinamentis conscientiam; posterius dirat, dorat, & saginat Animam diuitijs gratiæ, donisq; spiritualibus; si tamen vtrumq; ritè obeatur, & frequentetur; & prius Sacramentum Animam emundando locuplerat: & posterius eandem dirando clarificat & emundat: & coram Diuinis oculis pulchrescere admodum facit. Si Christi fideles velent, uti certè possent, agnoscere & æstimare, quàm multa, quàm salutaria, quàm certa efficaciaque, quàm expedita, & facilia habeant exposita, in horum duorum Sacramentorū frequenti vsu bona; non procrastinarent certè, in menses, aut annos differendo vsu eorum: sed more veterum, ac primorum Christianorū, in quibus & fides vivebat, & Charitas seruebat, quotidie hisce Sanctissimis Sacramentis vterentur: sed nunc admirandā nimis, & execrandā diaboli fraude; homines Christiani, ita sinunt, & amant se deludi; ut ex omnibus Christianæ fidei ac pietatis officijs, animarumq; suarum auxilijs, nullum minùs curent, nullum minùs æstiment, nullum minùs frequentent, quàm istorum duorum Sacramentorum vsu. Et hoc faciunt illi Christiani, qui vel maximè, ex statu animarū suarum, & ex modo viuendi suo, si se vel modicè expendunt, indigent omnino, crebro, ne dicam quotidiano, & insuper repetito, Sacramenti poenitentiae vsu, ac remedio, & lauacro. Quotidie enim peccant, & multa, & graua, & varia: quorum remedium Sacramento poenitentiae nullū certius, nullum efficacius, nullum expeditius: & tamen isti malunt fordescere, & tanquam iumenta putrescere in stercorebus iniquitatum suarum, viuāq; animarum suarum cadauera, atq; dæmonū mancipia, in massis corporum ignauorum circumferre: quàm per Sacramentum Poenitentiae, in lauacro pretiosissimi Sanguinis Christi ablui, atq; viuificari: & contra quotidianas suas infirmitates, quotidiano poenitentiae pharmaco sanari & confirmari. Tu quisquis sapias Christiane, facies tibi familiarem, & per hoc simul facilem, efficacemq; Sacramentorum Poenitentiae & Eucharistiæ vsu:

432 *Exerc. V. De Preparationibus ad Sanctam Mortem.*

usum : & tuo proprio felici experimento discēs. percipiesq; , tum munditiem, tum ornatum, tum opulentiam admirabilem, conscientia tua : multumq; egregiam, ac solatij solidi plenissimam dispositionem pro extremo Agone Mortis tuae.

4. *Præparatio* : Inducere in Animam frequentatione multâ, usum & praxim contritionis de peccatis. Contritionis dico, quàm formatissimæ, plenissimæ, & quantum fieri potest exaggeratissimæ, atq; cordialissimæ. Huius exercitationis magnus erit usus sub articulum mortis : quando finaliter cordiali, & cordialiter finali, maximè opus erit omnium peccatorum abolitione. Eam contritionem opus est curare talem fieri, quâ aboleantur ex Anima omnes culpæ, non solum quoad reatum peccatorum, sed etiam quoad reatum debitumq; poenarum, & in hac & in futurâ vitâ debitarum. Eandem contritionem opus est esse talem ; ut quantum ex homine est (nam Gratiâ Dei volenti non deest) sit ex vi eius impossibilitas quædam in mente cum peccato quouis : auellaturq; à peccato quocunq; omnis affectus, omnis etiam propensio, ac inclinatio voluntatis ad peccatum : & fiat in animâ, quasi quædam impossibilitas peccandi, cum sic, & in sic auersâ mente, voluntateq; à peccato. Hæc impossibilia non sunt cum Dei auxilio : & quamvis diuturna in Animo pro statu huius vitæ esse non possunt ; interdum tamen esse possunt : & ita animam constituere ; ut inueniatur coram Deo, sine omni obligatione tam culpæ, quàm pænæ : in quo statu si mori hominem contingat, purgatorio non gustato, abibit recta, ad fruendum Deo, in Cælum. Ad hoc verò consequendum, plurimum facit frequens Contritionis exercitatio, & in usum facilem deductio, cum Diuinâ gratiâ.

5. *Præparatio* : Insuefacere quoq; Animam actibus Virtutum præcipuarum, tam externis, quàm (præcipuè) internis : tum ut Anima talibus actibus, & per hos roboratis habitibus, & ornetur, & ditetur, coram Deo : tum ut eadem Anima in mortis con-

flictu,

Exerc: V, De Præparationibus ad Sanctam Mortem. 433

fiatu, dum corporis vires sensusq; concident, ipsa tamen, actus virtutum facile sola elicere, seq; contra tentationes tueri, & ad DEVM surrigere possit, præterito vsu facilitatem præbente. Ad-
suescat ergo Homo dum sanus est, actibus, Fidei firmæ: à certi-
tudine, dubijs aut dubiorum vmbri dimoueri, vel ad momentū
nesciente: non discutiente sensu & ratiunculis quibuscunq; arti-
culos fidei vllos: sed reuelationi DEI qui nec fallit, nec fallitur;
propositioni Ecclesiæ quæ est columna & firmamentum verita-
tis; inhæreat: tanquam inuiolabili, & omnibus inferni portis so-
lidiori Petræ. Adsuescat etiam exercitio spei & fiduciæ in DEVM,
in eius Misericordiam, & gratiam, & auxilium, & merita Christi
Redemptoris: vt sit in hac fiduciâ, sicut Mons Sion: & solidâ
cordis voce dicat cum Paulo: Scio cui credidi: & cum Dauide:
In te Domine speraui: non confundar in æternum. Adsuescat
vel maximè Actibus Charitatis DEI ardentibus, & super omnia
DEVM æstimantibus, appetitibus, desiderantibus. Item DEI
timori casto, filiali, sponsali, reuerentiali: vt & speret in bonita-
te ac miseratione: & vereatur Iustitiam ac Maiestatem: sic spe-
ret vt non præsumat: sic timeat, vt non desperet. Præterea ad-
suescat Humilitati: & sese fundet in cognitione sui nihili, suæ
quoad omnia paupertatis, nuditatis, indignitatis, immunditiei,
iniquitatis, si absit misericordia DEI, & Gratia Redemptoris
Christi: quæ nisi qualiacunq; hominis merita, vel opera, sublimet,
ac dignificet; omnia sunt quasi pannus menstruata. Adsuescat
Resignationi plenissimæ in omnem DEI Voluntatem bonam, be-
neplacentem, & perfectam, & omnia meliora homini prouiden-
tem. Adsuescat etiam speciali curâ & affectu illis actibus; qui-
bus Prima Veritas Iesus, peculiare & maximè expetibiles mori-
bundis assignauit adpromisitq; remunerationes. Eiusmodi A-
ctus sunt: 1. Condonatio iniuriarum nobis ab alijs irrogatarū:
de quo actu sic Dominus: Si dimiseritis hominibus peccata eorū
(in vos); dimittet & vobis Pater vester cælestis delicta vestra.

434 *Exerc: V. De Preparationibus ad Sanctam Mortem.*

2. Fuga iudicandi & censurandi alios: de quo actu ait Dominus; Nolite iudicare: & non iudicabimini. 3. Fuga condemnationis alienorum factorum: ait enim Dominus. Nolite condemnare & non condemnabimini. 4. Beneficentia in malefactores: de qua ita Dominus: Diligite inimicos vestros: benefacite his qui oderunt vos: Orate pro persequentibus & calumniantibus vos: & erit merces vestra multa: & eritis filij Altissimi: quia ipse benignus est super ingratos & malos. Hæc Dominus Et quis Morientium non velit eiusmodi gaudere in morte suâ priuilegijs? Viuentes ergo hisce Actibus insuescamus: vt eorum mercede in morte potiamur.

6. Præparatio: Postulare à Deo donum, gratiamq; finalis in bono, & gratiæ statu perseverantiæ, quod Donum purè Donum est, & in meritum non cadit: proinde cum magnâ sui diffidentiâ emendicari à Deo debet frequentissimè. Ex aliâ tamen parte, cum Perseuerantia sit etiam Virtus; constans, & frequens eius propositum, desiderium, exercitiumq; illius habendum est. Optimus Perseuerandi modus in Gratiâ, in Charitate, in bonis operibus, in sanctitatis, & perfectionis, & boni statûs studio, ille Sancti Pauli; Renouamini Spiritu mentis vestræ: &; Æmulamini Charismata meliora: & ille Augustini; Semper adde, semper ambula, semper profice, semper tibi displiceat id quod es, si vis peruenire ad id, quod nondum es.

7. Præparatio: Vivere perfectè, secundum statûs, & vocationis suæ exigentiam: in omnibus, etiam quæ minutæ videntur, obseruantijs. Hæc cura practicè in executionem deducta, omni quidem Christiano in suo statu morienti, ad sanctam mortem prodest; maximè tamen personis Religiosis, proprio jure, utilitatem, securitatem, iucunditatemq; præstat in morte: idq; ex eo capite, quia Religiosus, si reuera hoc est quod profitetur; certus est: se omnia agere semper, & ex Dei Voluntate, & iuxta illam: vnde certus est; etiam se omnia placitè Deo agere: accedit, quod

Re-

E
Relig
& Reli
bligati
merita
sibi ad
ligiosu
8. l
quiden
Cruce
partic
Et sing
ce, in
Corp
ne, qu
gratia
tione
propte
dicba
Amer
Iesv.
Elect
isti, p
9.
sissim
gonis
cet, a
nostr
10.
tio, e
Arch
11.
iuuan

Exerc: V. De Preparationibus ad Sanctam Mortem. 435

Religiosus status, naturâ suâ, est status poenitentiae atq; obedientiae & Religionis, seu Deuotionis; ob primum; expiat omnes suas obligationes culpæ & poenæ: ob secundum & tertium; amplificat merita suorū operū omnium coram Deo: gratiamq; & gloriam sibi adanget. Ideo perfectus regularum suarum obseruator Religiosus, ex hac vitâ, rectâ ad Cælum migrat.

8. Præparatio: Affici singulariter ad Domini nostri omnem quidem vitam, & vitæ exempla, sed potissimum ad Passionem, & Crucem, & Mortem: eiusq; tum meditationi, tum imitationi, tum participationi, affectu rationaliter tenero, & æstimatio vacare. Et singulariter; Agoni Christi in Horto, & per tres horas in Cruce, in instanti mortis, seu egressus eius Sacratissimæ Animæ de Corpore. Dignum est notatu ac fide, inprimis autem imitatione, quod referente Casario, quidam Religiosus impetrauerit sibi gratiam ex hac vitâ migrandi sine purgatorio ad cælum, hac oratione; Domine Iesv per illam amaritudinem, quam sustinuiisti propter me in Cruce, maxime, quando Anima tua Benedicta egrediebatur de Corpore tuo: miserere Animæ meæ in egressu suo. Amen. Eiusdem argumenti, & fructus est illa oratio; Domine Iesv, instanti mortis tuæ, & instanti mortis Matris tuæ, omniumq; Electorum tuorum, instans mortis meæ commendo: benedicisti, propter illa.

9. Præparatio: Tenerâ & Filiali deuotione affici erga Pretiosissimam DEI nostri Matrem. Hæc est enim constituta præses Agonis, & exitus nostri extremi: propter quod Sancta Ecclesia docet, ac iubet nos DEI Matrem inuocare specialiter pro mortis nostræ horâ.

10. Præparatio: Magna ad Sanctos cum Deo regnantes deuotio, eorumq; veneratio, & inuocatio: nominatim S. Michaëlis Archangeli, S. Custodis Angeli, Sanctorū specialium Patronorū.

11. Præparatio: Singulariter liberalem & assiduum esse in adiuuandis Animabus purgatorij: de quâ re plura inferius.

436 *Exerc: V. De Preparationibus ad Sanctam Mortem.*

12. *Præparatio*: Facere interdum, semel v. g. in mense aut bis, experimentum aliquod mortis, imaginarium quidem, attamen quasi practicum: hæc omnia, vel pleraq; faciendo in tali experimento, quæ facta velles in ipsâ reali tuâ morte: & talem mortem imaginariè subeundo: qualem velles reipsâ subire. Bonum etiam est: quotidie in lectulo ad somnum componere se tanquam in loculo & ad mortem: ibique, in manus Sanctissimæ Trinitatis, Christi Domini, eiusq; Matris, suam Animam commendare ac deponere.

13. *Præparatio*: Quotidianos lapsus, item quotidianâ satisfactione, expiationeq; abolere: & quidem cum fænore quopiam, ut ubi fortè abundauerit delictum, ibidem abundet etiam gratia, & emendatio: quod ita fiet; si unusquisq; defectus, pluribus actibus bonis, inprimis autem contrarijs lapsui, fuerit expunctus, aut compensatus.

14. *Præparatio*: Totum se, vel Animam suam, & cor suum, quotidie à malitiâ lauare, balneo contritionis, Charitatis, DEI, & proximi: in specie, amoris inimicorum, & condonationis offensarum, operum misericordiæ, & Eleemosynæ cuiuscunq; sed imprimis spiritualis: at peculiariter in balneo sanguinis, mortificque, ac Meritorū Iesv Christi. Nusquam enim efficacius Ægyptij nostri obruuntur, quàm in rubro mari sanguinis Iesv.

15. *Præparatio*: Quotidie Indulgentias legitimè concessas, ritè lucrari sæpius in diem, siue sint eæ plenariæ, siue partiales, & minores. Huius enim rei avaritia sanctissima & innocentissima est: & magnam in Morte fiduciam præstat: omni proinde operi Vitæ, iungatur vsus indulgentiæ.

16. *Præparatio*: Inexplētâ fame, sitiq; desideraret; ac quâ licet, procurare; assiduum, & semper maius ac maius incrementum diuinæ gloriæ: nec non propriæ Animæ, simulq; omnium, & singularum Animarum, salutem, atq; profectum: consecrando, & donando ad id omnia momenta Vitæ suæ, actionum, passio-

Es
sionum
ritoru
metho
passio
maru
17.
nōstra
ta car
anima
ment
sacra
sunt
ment
ria Sa
endi,
Dei n
crebe
quam
18
cem
hum
valde
est: c
gula,
solo
dem
pius
dem
est a
Dæi
scien
Dæi,

Exerc. V. De Præparationibus ad Sanctam Mortem. 437

sionumq; suarum, imò & omnium Creaturarum in vnione meritum Christi Domini: eiusq; Matris, & Electorum: atq; hac methodo faciendo; vt tota vita, imò totius vitæ, operumq; & passionum momenta, sint coram DEO zelus gloriæ ipsius, & animarum propter ipsum.

17. Præparatio: Curare, atq; facere, vt omnes, & singulæ vitæ nostræ actiones ac mutationes, seu passionés, singulaq; momenta earum, sint ex intentione nostrâ, dispositiones cordis & animæ, ad gratias tam actuales, quam habituales: in specie sacramentales, & sacrificiales: & ad ipsa Sacrificia, atq; Communiones: sacramentales, si fieri possent, spirituales verò, quoniam hæ possunt: Imò vt omnia vitæ nostræ actionumq; ac passionum momenta, sint nobis Communiones spirituales: siue vòta ac desideria Sanctissimæ Eucharistiæ reipsâ recipiendæ: nosq; Christo vniendi, pascendi, in eum transformandi: Exemplo Sanctissimæ DEI nostri Genitricis MARIÆ: quam tradunt, & Sacramentaliter creberrimè communicasse: & spirituales communionés nunquam intermisisse.

18. Præparatio: Assuescere, & familiarem sibi reddere, triplicem actum affectumque, homini ad veram internam solidamq; humilitatem cordis, & ad DEVM fidelitatem mentis fundandam, valde vtilem: omninoq; necessarium. Primus actus & affectus est: cognitâ penitissimè paupertate suâ omnimodâ, omnia & singula, à DEO quotidie, & sæpius emendicare bona: vt pote à quo solo bono cuncta procedunt. Secundus actus & affectus est: eadem omnia bona à DEO accepta, eidem quotidie, aut etiam sæpius ex toto restituere: & vt ab eo seruentur petere: quandoquidem DEI solius est, omne bonum: & quoniam bonis DEI, malè est apud hominem: qui partim est stultus puer, æstimare bona DEI nesciens: partim est absurdus helluo, bona DEI prodigere sciens, sed conseruare nesciens: partim est sceleratus fur, bona DEI, DEO surripere, sibi illa arrogare, ac de illis superbire, sciens,

438 *Exerc: V. De Preparationibus ad Sanctam Mortem.*

audens, & solens. Benè ergo, & necessariò adsuèscet homo, restituere DEO, omnem bonitatem, & bonitatis laudem, & gratiarum actionem: sibi verò reseruare suam pauperiem, malitiam, & malitiæ poenam, facieiq; propriæ confusionem: quæ sola, & omnia debentur homini: etiam pro ipsis bonis ac meritis eius, quatenus quidem ex ipso sunt, & ipsius sunt. Vnde homo, tam ipsum se, quàm omnia sua, qualitercunq; bona secum; vilificare, & in suo nihilo, in eiusq; vilitate demergere, & sic tam se, quàm illa appetiari debet. Quatenus autem bona, meritaq; nostra, à DEO, & eius gratiâ sunt; eatenus DEI reuera sunt: & ei attribui, reddiq; ex toto debent, cum laude, & gratiarum actione. Et quamuis in eis homo sperare sobriè potest, debet tamen etiam propter illa sibi timere: quia etsi sunt à DEO donata, remanserunt tamen hominis coram DEO debita: quorum stricta ratio erit reddenda. Tertius actus & affectus est: Gratiæ Diuinæ tam Sanctificantis, quàm Auxiliantis (atq; in hoc passu huius maximè) tenera, cordialisq; æstimatio: eidemq; per omnia inhæsiò: ita vt ex veritate persuasissimâ, cum Diuo Paulo, dicat Homo assiduè: Gratia DEI sum id quod sum: & id etiam; (Augustinus addit:) quod non sum: & gratia eius in me vacua non fuit. Non est autem vacua, si agnoscitur, amatur, prædicatur, laudatur, esse gratia.

Hiscè tribus actibus affectibusq; multùm frequentatis, & in mente, seu corde radicatis; indubiè Homo præclare, & cum quadam solidâ securitate, disponitur coram DEO, ad benè obcundum mortis negotium: omnem enim locum auferunt, adiuturq; isti actus affectusq; præcludunt superbix: quæ maximè insidiatur in morte hominibus, & in primis quidem iustis: proinde his actibus affectibusq; permunitos esse morientes oportet.

Has præparationes, vtiliter sibi comparabit, quisquis suam mortem coram DEO bonam, & beatam, & pretiosam esse desiderat. Porro alias præparationes quisq; arbitrato suo, iuxtà statum suum, iuxtà ductorum spiritualium consilium, iuxtà morem
& pra-

Et
& prae
Catho
go. i
anim
aufere
firma
quæ h
morti

D
quid
lunta
rum,
cto, p
rumq;

1. C
tione
2.
obui
tem,
id ter
tes, q
turja
3.
artic
esse:

Exerc: V. De Preparationibus ad Sanctam Mortem. 439

& praxim iustorum, & maximè iuxta mentem, & sensum Sanctæ Catholicæ Ecclesiæ præfiniet: duo hæc cordi habens quæ subiungo. 1. Vt maturè negotium hoc, & ad praxim, executionemque, animum, & laborem applicet: hîc enim reuera quod differtur, aufertur. 2. Vt in executione non deficiat, neq; lassescat, sed obfirmato animo constanter ad mortem perseueret. Omnis enim quæ hic subibitur fatigatio; optimè compensabitur pretiosæ mortis præmio.

P R A X I S.

DEVS, sub cuius nutibus vitæ nostræ præsentis momenta decurrunt: suscipe preces ad te humiliter clamantiũ: vt hanc quidem mortalem vitam omnem, secundum Sanctissimæ Voluntatis tuæ beneplacitum, semper in abundantia bonorũ operum, auxiliante gratiâ tuâ decurramus: eius verò decursum, sancto, pleno, ac tibi placito fine, per Filij tui, & Matris eius, Electorumq; omnium merita: & per misericordiâ tuam concludamus.

EXERCITIUM VI.

Summarium scrutinij Conscientiæ ante Mortem.

1. **C**onstitue te in statu moribundi, & iam responsum mortis in se habentis, atq; velocem fore sui tabernaculi depositionem aduertentis

2. Vide, vt sis vnus de prudentibus Virginibus: vt egressus obuiam Sponso, inueniaris habens lampadem ornatam, lucentem, ardentemque. & insuper oleo abundanti instructam: atq; id tempestiuè: ne tum primũ oleum aut mendices, aut emptites, quando Sponsus adueniet: & ad nuptias intrabit: & claudetur ianua: & tu cum fatuis audies amarum illud; Nescio Vos.

3. Cogita ergo, & præuide, atq; prouide nunc: quidnam in articulo Mortis positus, voles à te præuisum, prouisum, factumq; esse: quænam præcipuè fugisse, & fugasse, ac à te remouisse, à qui-

440 *Exerc: VI. Summarium scrupulij Consc: ante Mortem.*

quibus purgatus, & immunis, & expeditus esse, in quibus DEO, in quibus proximis tuis, tibi etiam ipsi, muneriq; tuo, ad plenū satisfecisse, quas Vitæ conscientiaq; labes expiasse, balneasse, suppleuisse velles?

4. Est tibi erratorum ac delictorum numerus, sicut arenæ quæ est in littore maris: supergressæ sunt iniquitates tuæ capillos capitis tui. Potes, imò debes dicere cum Sanctis, Delicta quis intelligit? ab occultis meis munda me Domine; & ab alienis parce seruo tuo. Scribis contra me amaritudines: & opprimere me vis peccatis adolescentiæ meæ. Delicta iuventutis, & ignorantias meas ne memineris Domine. Isti ergo sic: quorū vnum non reprehendit in omni Vitâ suâ Cor suum: alter teste DEO, Vir secundū Cor DEI, faciens omnes voluntates eius. Tibi verò, de te, quis sensus? quod conscientia, quod DEI testimonium?

5. Intelligisne delicta tua? tuæ Naturæ, Personæ, Corporis, Animæ, Intellectûs, Voluntatis, Memoræ, Phantasie, sensuum internorum, externorum, concupiscentiæ, sensualitatis, amoris, timoris, desiderij, iræ, cæterarumq; affectionum, omnium corporis membrorum, libertatis, iudicij, electionis, stultitiæ, ignorantia, temeritatis in iudicando, suspicando, decernendo, loquendo? sola lingua, quanta vniuersitas iniquitatis est: commissiones, omissiones, cum alienis complicitates, aliena, scandala, vanitates, repiditates, respectus (vt vocant) humani, brutæ affectiones, inconstantiæ in bono, obstinationes in malo, dilationes, inconstantia, reciduationes, præparationes ad mala agenda, ponderatio & conatus malitiæ voluntariæ in peccando, numerus sine numero.

6. Ista, & his similia omnia, habesne satis perspecta, discussa, abolita coram DEO? an respondebis ei vel vnum pro mille tunc; quando tibi, volenti nolenti, ostendet quantas habeas iniquitates? & quando arguet te, & statuet te contra faciem tuam? Et tamen ad singula horum respondendū esse articulus mortis clamabit: nec licebit ad vocem eius obsurdescere.

7. Nunc

Exe
7
& in
lium p
longe,
vita pa
Omnia
menta
Expia
tua pre
suspiri
quent
gentij
corpo
obliu
sincer
& inu
centia
ment
dusri
Christ
Elect
tione
plenā
per g

D
quide
tatis t
uante
no. ac
merit

Exerc. VI. Summarium scrutinij Consc: ante Mortem. 441

7. Nunc ergo, iudicij mortis, atq; Dei speculam tibi obijce, & inspicere; Nunc statue tibi speculam, coge concilium, ini consilium pro te, contra te, de ipso te: & hoc age, atq; perfice, ut & longè, & sæpè ante mortem vivere satagas: absq; omni (ut hæc vita patitur) obligatione, tam culpæ, quam pœnæ coram Deo. Omnia pacatæ, felicis, pretiosæ in Domino Mortis, & impedimenta submouere, & adiumenta adhibere satage: & consuesce. Expia maculas omnes: vitia, prauasq; consuetudines ab Animâ tua proscribe, & expia. Voluntarijs pœnis, lachrymis, gemitibus, suspirijs, orationibus, sacrificijs. Ecclesiæ & spiritualibus, frequentatione Sacramentorum Pœnitentiæ & Eucharistiæ, Indulgentijs, ieiunijs, abstinentijs, vigilijs, eleemosynis spiritualibus, corporalibus, dolore, luctu, contritione cordis: condonatione, obliuione, compensatione beneficiaria iniuriarum tibi illatarum: sincerâ dilectione inimicorum, & malefactorum, & ingratorum, & inuidientium, & detrahentium: abstinentiâ omnimodâ à censuratione alienorum, morum, factorum, talentorum: Supplementis, ac superogatorijs actionibus, passionibus, feruoribus, industrijs: Vnione omnium rerum tuarum, totiusq; Tui, ad IESV Christi sanguinem, & mortem: ad pretiosissimam Dei Matris, ad Electorum merita, & intercessionem, atq; Patrocinia: Tolerantione Crucis. post, & propter Christum: deniq; statum tui sanctâ, plenâ, perfectâ adimplentione: atq; in his omnibus consummatâ per gratiam DEI finali Perseuerantiâ.

P R A X I S.

DEVS, sub cuius nutribus vitæ nostræ præsentis momenta decurrunt: suscipe preces ad te humiliter clamantium: ut hanc quidem mortalem vitam omnem, secundum sanctissimæ voluntatis tuæ beneplacitum, in abundantia bonorum operum, adiuuante gratiâ tua, decurramus: eius verò decursum; sancto, & pleno, ac tibi placito fine, per Filij tui, & Matris eius, Electorumq; merita, & per Misericordiam tuam concludamus.

EXERCITIUM VII.

Refugia, & solatia Moribunai.

1. **C**ONstitue te in statu moribundi : & ab omnibus tam hominibus, quàm rebus tandem deferendi : nihil enim te horum in morte comitabitur, sed neq; Gloria tua descendet tecum. Opera tantum tua sequentur te, cetera quidem nudissimum : atq; adeo etiam temetipso spoliatum.

2. Quamobrem utere prudentiæ consilio : & pro diebus usq; adeo malis circumspice, & congrega tibi refugij locum, & momentum : & provide ; ne nudus ambules : sed habeas custodita vestimenta tua : iuxta monitum Spiritus Sancti.

3. Age rem serio : Mors enim valde seria est. Mori iocando quidem & ludendo contingit, sed nequaquam ioco, aut ludo id fit : quisquis moritur, seriissimè moritur : quare ex negotijs maximè serijs, vnum, ac fortè solum est, mori.

4. Corpori mortuo deponendo, provident passim homines, ipsi etiam mortui, ponunt in hoc sollicitudinem quandoq; ambiliosam : melius facerent, si Animab' suis, quærerent, aut pararent, caperentque, refugia : ne fugientes, aut ne potius fugatæ à morte, cadant in obscurum.

Refugia Animæ Christianæ, in quibus securissimè, & habitare, & latitare, & requiescere, si modò dignam se facere velit, & sciat, haud dubiè potest : sunt hæc ;

Primum latibulum, refugiumque, Animæ à Corpore parantis discessum, esto ipsa sacrosancta Trinitas Vnus Deus. Ad eius imaginem factus est Homo : haud ergo dubiè ibi locum habet : neq; amat Deus alibi suam esse Imaginem, quam apud se : cum ipse dixerit ; Reddite quæ sunt DEI DEO.

Alterum Refugium, reclinatorium, solatiumq; morientis Hominis est, idem Deus : quatenus est ultimus finis Hominis, summumque, & ultimum bonum eius : cuius quoq; Amore, ex abyssis Nihili sui, homo productus est. Ter-

Exerc: VII. Refugia, & solatia Moribundi. 443

Tertium Refugium Moribundi, est Verbum incarnatum, Deus Homo: ad quem vsu sui, ipsemet inuitat; venite ad me omnes, qui laboratis, & onerati estis: & inuenietis requiem Animabus vestris.

Quartum Refugium Moribundi, est idem Dominus noster Iesus Christus: eiusq; vulnera hiantia, & vniuersi labores, dolores, Crux quoque, & mors, ac sepultura eius. Ibi ille recipit, recondit, fouet, tuetur, solatur, lætificat omnem Animam confugientem. Columba mea in foraminibus Petræ, in cauernis maceræ,

Quintum Refugium Morientis est, Præsentia, signaculum, & Gratia Spiritus Sancti: ab eo enim & inhabitamur, & eundem inhabitamus: ab eo in Sacramentis, potissimum in Baptismo consignamur: quia & in ipso sepelimur.

Sextum Refugium Morientis, est Dei Voluntas, Prouidentia, atq; Nutrix omnium Gratia; quæ totius quidem Vitæ nostræ, at maximè in extremo decursu suam circa nos curam exerit, & salutis nostræ efficacem diligentiam, per sese, & per Angelos, aliosq; administratos gerit: & ideo si quando, tunc maximè, vita in voluntate eius: & tunc etiam est campus omnimodæ in Dei Voluntatem, prouidentiam, gratiamq; resignationis: atq; toto corde, totâ Animâ, totis viribus ei dicendi, & repetitò repetendi; Fiat Voluntas tua.

Septimum Refugium Moribundi, est Pretiosissima, Potentissimaq; Dei nostri Mater, Patrona morientium, Domina item, Mater, Heres, Hereditas, & Sponsa amatorum Filij sui, & suorū: sine dubio paratissimum, & securissimum est receptaculum periclitantium, & portus securus ex procelloso vitæ huius mari enauigantium.

Octauum Refugiū, Ecclesia Triumphans vniuersa: omniumq; iam beatorum Societas, atq; Ciuitas: in quam conscripti sumus: & iam non hospites, & aduenæ, sed domestici sumus: illuc ergo tam merito, quam securè, aspiramus, accedimusq;.

Nonum Refugium Morientis, est Ecclesia Militans tota, Dei

444 *Exerc: VII. Refugia, & solatia Moribundi.*

nostri Christi, dilecta & Sancta, Sponsa : cuius cum membra
simus omnes ; Communionem eius habemus : & quæ nos Chri-
sto Sponso immaculatè regeneratos offert ; hæc etiam hinc abun-
tès libens sanctificatos repræsentat.

Decimum Refugium Morientis est, sua cuiusque, in quâ vixit
Communitas : v.g. Religiosi, sua Religio : quam cum inimus, di-
cere & protestari, & profiteri, vouereq; solemus ; hæc requies
mea : hanc elegi, & hîc habitabo in sæcula : quod & votis firma-
mus : vt securè dicere possimus, tum semper, tum in articulo
mortis, Domini ego sum.

Vndecimum Refugium morientium, est Agonizans Iesus, &
inflans mortis eius, Matris quoq; eius, & Electorum eius.

Duodecimum Refugium moribundi est, nihilum suum, & o-
mnimoda tam naturæ, quàm Spiritûs egestas, mendicitasq; ;
ex quâ Homo, nihil est, nihil potest, nihilo dignus, (nisi contem-
ptu, odio, & supplicio, & perditione, ac obliuione) penitus est :
sed quidquid est, solâ solius Dei gratiâ est, omniâq; meretur.

Beatus moriens, qui suo nihilo, Christi merito, Dei misera-
tione circumseptus moritur. Is enim securè loquitur omnibus
inimicis suis in portâ.

5. Hæc Refugia, occupa : & occupare, inhabitareq; festina
Anima mea : hæc incole semper : ex his egredere nunquam. E-
gredere potius de Mundo : per contemptû eius, & si potes, etiam
per votum Paupertatis Christi, amplectendo nuditatem eius.
Egredere de carne & sanguine, odio & mortificatione illius : & si
potes, etiam voto perpetuæ castitatis propter Christum, sectan-
do puritatem eius. Egredere & à temeripsâ : abnegando plenè
teipsam, & voluntatis tuæ libertatem, propter Christum : firman-
do obedientiæ voto, exemplum eius : qui ne perderet obedi-
tiam, perdidit vitam in morte, morte autem Crucis.

P R A.

P R A X I S.

DEVS, sub cuius Nutribus, Vitæ nostræ præsentis momenta decurrunt: suscipe preces humiliter ad te clamantium: vt hanc quidem mortalem vitam omnem, secundum Sanctissimæ Voluntatis tuæ beneplacitum, in abundantia bonorum operum, auxiliante Gratiâ tuâ semper decurramus: eius verò decursum, sancto, pleno, ac tibi placito fine, per Filij tui, & Matris eius, & Electorum omnium merita, & per Misericordiam tuam, concludamus.





EXERCITIORVM

PARS XVII.

ERGA

Animas in Purgatorio.

EXERCITIVM I.

De Commiseratione super Animas Purgatorij.

1. **S**Tatue te coram Purgatorio, Animabus fidelium defunctorum pleno, varijsq; earum cruciatibus referto, & miserabilibus lamentis resonante.

2. Ex isto horribilis luctuosiq; loci conspectu; exsuscita in te vehementem commiserationem super Animas: ad easq; quàm studiosissimè iuuandas te ipsum prouoca. Ad quod iuuabunt te sequentes causæ.

1. Quia manus Domini tetigit eas: Manus (inquam) iustitiæ rigorosæ, nec per misericordiam vitæ istius, temperatæ. Manus illas, de quibus dicitur; Horrendum est incidere in manus DEI viuentis, DEI vlciscentis, DEI puram poenam purâ satisfatione exigentis. Ex quibus tamen manibus, tu eliberare potes has Animas, si velis.

2. Quidnî autem velis? cùm connaturale sit homini compati afflictis, non tantùm hominibus, sed etiam brutis. Ac si belluarû, vel nostra ipsorum Corpora in calamitate posita cernentes, miseramur instinctu naturæ; quantò magis Animarum; & quidem Sanctarum; in acerbâ earum afflictione misereri naturale erit: & ad subsidium ferendum accingi decebit?

3. Præ-

Exerc. I. De Commiseratione super Animas Purgatorij. 447

3. Præsertim; cum Animæ illæ sustineant, maximè, & inæstimabiliter appetitæ sibi rei (Dei nempe summi, & vltimi Boni) damnum, ac priuationem. Quod bonum, quantò iustius, purius, ardentius, incessabiliusq; amant; tantò sine dubio violentius dolorosiusq; ab eo arcentur, & eo priuantur: ad illiusq; fruitionem, & possessionem peruenire in pœnam delictorum prohibentur.

4. Accedit autem huic Damni pœnæ, sanè in hac vitâ incogitabili, & quoad suam acerbicatem imperceptibili, alia pœna sensûs & doloris, ab illo igne inflicti: qui in tantum exacutus est in suâ actiuitate, per omnipotentiam Dei; vt ipsos Spiritûs immateriales adurere, atq; excruciare possit, tam veris, quàm miris modis.

5. Auget Animarû calamitatem, quòd in vtriusq; his, maximè afflictiuis pœnis, nullum sibi auxilium, nullum solatium (præter Spem finis aliquando futuri, sæpè tamen, quando is futurus sit ignoti, in pœnam negligenter hîc curatæ salutis) omnino per se afferre possint: sed necessarium est illas rigorosam Dei iustitiam, satispatiendò adæquare, vsq; ad nouissimum quadrantem: absq; vllâ condonatione, diminutione, mitigatione: nisi hoc eis aliena Charitas, & suffragatio, apud Deum obtineat, pœnamq; ipsis debitam pro ipsis soluat.

6. Adæquare autem rigorosam Dei iustitiam, in illâ præsertim Vitâ, Animæ ibi patienti, nimis valde rigorosum est: sicut ipsa iustitia valde quoq; nimis exacuta, & à condonatione omni depurata, & detergita est: vt proinde etiam Animæ sit nimium pœnalis, & dolorosa. Quod totum videtur Dominus voluisse indicare illo suo exaggerandi futuras pœnas modo; Ligatis manibus, & pedibus, proijcite seruum inutilem, in tenebras exteriores. Vt enim qui ita colligati sunt, nullû sibi subsidium ferre possunt, nisi alienâ ope iuuentur; sic destinati ad illas pœnas, nullum habent apud seipsos subsidium.

3. Ex his metire si potes, rigorem iustitiæ Diuinæ: tum rigorem Animarum illarum pœnæ, vtrumq; purum, & nullatenus mitigat;

448 *Exerc: I. De Commiserat: super Animas Purgatorij.*

tigatum; ac demum metire studium tuæ super istas Animas miserationis; quod, & quantum te illis impendere conuenit?

4. Atq; hoc est, quod in presenti à te desideratur; hoc inquam est: quod poenis suis Animæ Purgatorij clamant, & postulant dicentes. Misere mini mei, &c.

P R A X I S.

Sit oratio Ecclesiæ. Fidelium Deus omnium conditor & redemptor, Animabus famulorum, famularumq; tuarum, remissionem cunctorum tribue peccatorum, vt indulgentiam quam semper optauerunt, pijs supplicationibus consequantur. Qui viuus & regnas in sæcula sæculorum.

Vel alia: quæ quoties dicitur, Animâ è Purgatorio liberatur.

DEUS, qui nobis in Sacrà Sindone, quâ corpus tuum Sacratissimum de Cruce depositum, à Ioseph inuolutum fuit: Passionis tuæ vestigia reliquisti: Concede propitius; vt per mortem ac Sepulchram tuam, ad Resurrectionis gloriam perducamur. Qui viuus, & regnas cum DEO &c.

E X E R C I T I V M II.

De Viscerosâ super Animas Purgatorij Commiseratione.

1. **S**tatue te coram Purgatorio, Animabus pleno, poenis refocto, & ciulatibus dolentium resonante.

2. Commoucantur in te viscera pijssimæ Charitatis, liberalissimæq; miserationis super eas.

3. Miserere illarum tanquam pupillarum orphanarumque; quas deseruit omnis caro, & Sanguis earum, in horâ summæ afflictionis ipsarum.

4. Miserere illarum tanquam infantularum, quibus omnis Materna, & Nutritoria cura; quàm maximè necessaria est; tam penitus deficit.

5. Miserere illarum vt exulum, vel vt leproforum expulso-
rum à facie

Exerc: II. De Visc: super Animas Purg: commiserat: 449

à facie Patris, Patriæ, Cognatorum, Conciuium, omniumque notorum: sed ablegatorum, deportatorumque: foras in terram desertam, & inaquosam, terram plenam sulfuris, & talsuginis, terram ad omnia solatia sterilem, ac tantummodo calamitatum, dolorum, poenarumque feracem.

6. Miserere illarum: tanquam Ouicularum lanienæ & occisioni, Mortique; destinararum; in suis doloribus, & cruciatibus mansuetissimè gementium: atque vnicâ se, in rigorosæ Dei iustitiæ voluntatem, plenissimâ resignatione solantium: & ad hominum piorum hæc viuendum, misericordem pietatem respectantium, & anhelantium.

7. Miserere illarum: tanquam pretiosi, & viuentis auri, quod in fornace fullonis, hoc est, in rigidissimi iudicii Diuini, conflatur, liquatur: donec ad purum omnis scoria separetur, & excoquatur ab eo: egrediaturque vas purissimum, vas auri solidum, vas celestis ciuitatis ædificatione dignum.

8. Miserere illarum: tanquam captiuatorum, & in vinculis detentorum, derelictorumque: tormentis, & quæstionibus, equalisque; assiduè subiectorum: nec nisi post plenissimè exactam, exhaustamque, suppliciorum decretorum seriem, ab infelici ergastulo eliberandorum.

9. Miserere illarum: tanquam seruorum, plus quàm 10. millia talentorum Domino suo debentium; nec ynde soluant habentium: ac ideo venundatorum: & in propriâ pelle debita luendo soluentium; nec dimittendorum; donec soluant vniuersum debitum, vsque ad nouissimum quadrantem.

10. Miserere earum; tanquam ægrotorum omni genere morbositatis æstuantium, & sub omni dolorum genere fatiscentium: insuperque; in omnibus his paralyticâ tæbe torpentium: quâ instar spirantium viuendumque; fascium colligati, nullum sibi met auxilium, vel tantillo motu, aut mutatione præbere possunt.

11. Hisce omnibus calamitosorum generibus Animæ purga-

450 *Exerc: II. De Viscerosâ super Animas Purg: commiser:*
torij non modò sunt similes; sed etiam exaggeratissimo excessu
misericiores.

12. Ex quo conijce: quàm te viscerosâ Charitate, quàmq; incessante pietate, profusum, & prodigum in solatia harum Animarum esse conueniat? & quantæ cruditatis, crudelitatisque, conuincantur esse fideles hîc viuentes: qui Animarum illarum nullâ, aut vix vllâ, commiseratione aliquando tanguntur?

P R A X I S.

Oratio Ecclesiæ: Fidelium DEVS &c. Vel de Sacrà Sindone: quæ habetur supra Exerc: I.

DEVS, qui nobis in Sanctâ Sindone quâ Corpus tuum Sacratissimum de Cruce depositum, à Ioseph inuolutum fuit, Passionis tuæ vestigia reliquisti, concede propitius, vt per mortem, & sepulturam tuam, ad Resurrectionis gloriam perducamur: Qui viuus & regnas cum DEO Patre, in vnitæte &c.

E X E R C I T I V M III.

Panas purgatorij grauiores esse vulgari sensu.

1. **S**Tatue te coram Purgatorio Animabus pleno, pœnis refersto, eiulatibus earum resonante.
2. Excita in te commiserationem super Animas: studiumq; iuuandi illas in te exacue: idq; tum hoc Purgatorij ipsius intuitu; tum rationibus sequentibus.

1. Animæ enim illæ in Purgatorio positæ, Sanctæ sunt: & omnino ab omni culpâ, etiam coram oculis DEI mundæ: obligatione tamen reatuq; pœnæ inueniuntur vinctæ: à quo nexu per se ipsas exsolui nequeunt vllâ industriâ: nisi patiendo satis ad æqualitatem debiri. Eo modo; quo truncus aliquis in igne positus, nullum sibi potest alleuamentum ab igneo ardore adferre: sed purè cogitur ardere; nisi quis extrinsecus aquam affundat. Aut co modo: quo later, olla, vitrum, aurum, tam diu in fornace suâ

vri-

Exerc. III. Pœnas Purgat: grauiiores esse vulgari sensu. 451
vritur, & ardet; quamdiu debitè ad artificis iudicium non ex-
coquitur.

2. Debitum verò pœnæ in illâ vitâ longè grauiissimum esse so-
let: grauius longè quàm à nobis hîc cogitari, ac præsumi solet,
vel etiam potest: eò; quòd Diuinæ Iustitiæ rigor, longè aliter,
nempe, seuerius, culpas in illâ vitâ ponderat, acrioriq; pœnâ di-
gnas iudicat, quàm nos hîc pœnas culpis nostris, aliorumue, taxa-
re solemus. Adeo vt leuissimæ, nostro sensu maculæ, maximo
supplicio expientur in iudicantis DEI iudicio.

3. Sæpè etiam nostris oculis virtutes videntur, quæ à Deo igne
purgatorio expiantur: iuxta illud dictum de Deo; Numquid
oculi tibi carnei sunt, aut sicut videt homo, & tu videbis? Ex
quo capite sæpè accidit: vt à nobis aliquæ Animæ præsumantur
iam beatitudine dudum perfrui, cum Deo: quæ interim acerbas
defectuum suorum pœnas in purgatorio luunt iustitiæ DEI.

4. Cuius rei causa illa est: quia nullus hominum ordinariè, po-
test peccati, defectusue sui, (ac multò minùs alieni) grauitatem,
vel leuitatem plenè cognoscere, scrutari, taxare: pœnamq; illi
debitam iustè definire: sed hoc solius est DEI: qui intuetur cor,
& scrutatur renes, cùm homo nonnisi ea ferè videat, quæ foris
patent. Inde fit; vt contra nostrum sensum vulgarem, iudicio
suo DEVS pœnas culpis nostris definiat: inde paruis & breuib;
culpis, longæ, & graues in purgatorio irrogantur pœnæ: quod
etiam accidit in pœnis huius vitæ, quas DEVS leuib; culpis infli-
xit. Inde iubemur de propitiato quamuis peccato securi non esse.
Inde purgatorium longiùs sæpè ferunt, qui hîc pauca peccasse
visi sunt.

5. Porrò ex multis & abditis (nostræ aciei) fontibus conditio-
nibusque; DEVS ponderat defectus nostros, nobis paruos. 1. Ex
suâ Dignitate. 2. Ex statu nostro. 3. Ex suis in nos beneficijs.
4. Ex suis nobiscum commercijs, seu contractibus in spiritûs fa-
miliaritate. 5. Ex specialibus nostris ad DEVM debitis, contractis

452 *Exerc. III. Pœnas Purgat: grauiiores esse Vulgari sensu.*

per nos, ob speciales etiam Dei fauores in nos. Cui enim plus datum est, plus requiretur ab eo. Maiorem obseruantiam exigit expectatq; Pater à filio, Mater à filia, Sponsus à sponsa, Dominus ab intimo cubiculario, quàm à culinario seruo, à focaria, à quouis postremæ familiæ vno. 6. Ex scandalo aliorum, seu ex dato malo exemplo, aut bono non dato alijs. 7. Ex voluntario, & aduertentiâ, deliberationeq; maiore: aut minore. 8. Ex affectûs vehementiâ rationalis, vel sensualis. 9. Ex tentationis vehementiâ, vel exiguitate. 10. Ex auxiliorum opportunitate neglectâ. 11. Ex rebellionem ad lumen Gratiæ & rationis. 12. Ex habitu peccandi, ac reciduatione. 13. Ex cōatu & pondere voluntatis ad peccatum, vel in peccando. 14. Ex diuturnitate moræ in statu peccati. 15. Ex defensione, excusatione uel peccati. 16. Ex complicitate in peccato. 17. Ex gratiæ, & amicitie Dei pluribus gradibus. 18. Ex tarditate. 19. Ex tepiditate pœnitendi. 20. Ex leuitate pœnitentiæ, seu satisfactionis, dolorisq; in præsenti pro peccato. 21. Ex lentitudine, & debilitate auersionis voluntatis à peccato, & peccando. 22. Ex destructione gloriæ Dei: boniq; Exempli damno per defectus nostros. Hæc, similiaque, peccatorum & defectuum nostrorum adiuncta, nostris æstimationibus imperuia sunt: Dei verò oculis planè nuda, & perspecta, faciunt; vñ aliud sit Diuini iudicii pondus in nostrorum defectuum pœnis, & aliud nostrum de iisdem iudicium. Faciunt etiam hæc: vt sano iudicio attento, non tam parui sint æstimandæ imperfectiones nostræ à nobis: nec tam leui dolore cordis, aut corporis, expiari posse putandæ. Cur enim non secundum has omnes rationes doleamus, & defleamus, expiemusq; nostros defectus, secundum quos videmus eosdem à Deo expendi, & pro eis pœnas exigi, siue in hac, siue in illa vitâ: Quæ animaduersio vrinant in Animis etiam perfectorum altè resideat! magis certè vitarentur defectus ordinarij, magis expiarentur, magis per actiones perfectas studiosè supplerentur.

6. Acce-

Exerc. III. Pœnas Purgat: grauiiores esse vulgari sensu. 453

6. Accedit: quod pœnæ Purgatorij, attentâ ratione, & conditione Purgatorij, nunquam sint tam leues, & molles, quomodo à nobis reputantur hic: etiam si sint tales quæ apud nos esse leues experimento sciuntur: sed leuis huius vitæ pœna, in purgatorio non potest non esse acerbissima: tum quia pœnam Damni semper adiunctam habet, cui nihil comparari potest: tum quia pura pœna est, purè crucians, & cruciando sensum nequaquam obtundens, vt solet fieri in huius vitæ pœnis: sed integram viuacitatem, sentiendiq; facultatem conseruans. Siquidem Anima Corpore nudata, plùs, & acriùs longè patitur, quàm pati solet, aut potest corpore vestita. Neque enim totus & purus cruciatus, ad Animam in corpore sitam & per illud patientem penetrat: sicuti ad ipsam nudam pertingit, tanquam nullatenus in corpore hebetatus. Deniq; quia nihil adiuncti alicuride solatiij habet, pœna purgatorij, prout nostrates pœnæ habent.

7. Adhuc autem grauitas pœnarum purgatorij tam eleuata est, & suprâ captum maior, vt nostræ pœnæ ips comparatæ, pictæ sint veris collatæ: ignisq; noster frigidus, ac pictus sit, illi flammæ purgatorię compositus. Animæ cuiusdâ experimento edoctæ, apud Cyrillum verba sunt, quæ sequuntur: & habentur inter opera D. Augustini: Si omnes, quæ in Mundo cogitari possunt pœnæ, minori cruciatui, qui in purgatorio est comparentur, solatia non pœnæ videbuntur. Mallet quilibet viuentium, omnibus, quæ hic videntur pœnæ, & tormentâ, (si illas experimento nosset) vsque ad mundi finem, simul, sine remedio cruciari pœnis, quas omnes homines, ab Adam, huc vsq; sigillatim pertulerunt, quàm vno die, in Purgatorio: minori quæ illic habetur pœnâ torqueri.

3. Excogita si quid potes ad pœnarum Purgatorij acerbitatem explicandam, accuratius: quod si nihil prætereâ, neq; super ea, in cor tuum ascendit; tandem ergo pœnas purgatorij incipe æstimare, & formidare: tandem te miseratio capiat, tot, tamq; San-

454 *Exerc: III. Pœnas Purgat: grauiiores esse vulgari sensu.*
starum, & subsidij indigarum, tamq; intolerabilibus cruciatibus
inuolutarum Animarum: & simul ad opem illis ferendam; simul
ad poenarum illarum obligationem, abs te ipso, dum hîc viuïs,
auertendam, abolendamque, omni studio accingere.

P R A X I S.

Oratio Ecclesia. Fidelium DEVS &c. Vel Oratio de S. Sindone: que quoties dicitur toties Anima liberatur.

DEVS, qui nobis in Sanctâ Sindone, quâ Corpus tuum Sacratissimum, de Cruce depositum, à Ioseph inuolutum fuit, passionis tuæ vestigia reliquisti: Concede propitius, vt per mortem & sepulturam tuam ad resurrectionis gloriam perducamur. Qui viuïs, & regnas cum DEO Patre in vnitæte Spiritus Sancti DEVS per omnia sæcula, &c.

E X E R C I T I V M IV.

De Motiuis excitantibus ad ferendam opem Animabus Purgatorij.

1. **S**tatue te coram Purgatorio Animabus pleno, poenis reposito, & eiulatibus dolentium resonante.

2. Excita te ad feruens studium satagendi pro Animabus illis: casq; quàm diligētissimè & efficacissimè à poenis illis expediendi.

1. Excitet te ad hoc studium, (præter iam in alijs Exercitijs prædicta) Sanctissimæ Trinitatis desiderium, atq; placitum: quo illa optat Animabus purgatorij à nobis subsidium fieri, qui adhuc in hac vitâ degimus, & maximam commoditatem ad id præstandum habemus. Nam cum Animæ illæ sint DEO dilectæ, desiderat vehementer DEVS admitti illas ad beatitudinem, ad fruitionem, laudationemq; sui: nisi adhuc obsteret iustitia sua. Huic ergo iustitiæ satisfieri cum à nobis commodissimè possit, impensè id DEVS vult, summèq; illi gratum est. Quoniam iustitiæ DEI fieri satis, idem est quod accelerari expletionem desiderij illius Diuini,

Exerc: IV. De Motiuis ad ferendam opem Animabus &c. 455

ni, quo Deus fertur ad Animas illas glorificandas, sibiq; ultimo fini, & summo Bono æternaliter vniendas: quod Deus non minore, imò longè maiore desiderio cupit Animabus præstare, quàm ipsæ sibi præstari desiderant Animæ.

2. Excitet te ad idem studium, IESV Christi, Domini, Redemptorisq; Animarum, voluntas sanè ardentissima. Quid enim IESVS magis cupiat, quàm Animas tantò suo labore, sumptuq; & suæ, & illarum, hic in Mundo vitæ tempore, quæsitæ; tandem tandem completionem salutis, & beatitudinis obtinere? in quo, cùm illas status purgatorij præpediat, ab hoc illas impedimento, per nostram pietatem, satisfactionemq; liberari, optatissimum, gratissimumq; Christo est. Maximè cùm Animæ illæ sint viua Christi Domini membra: eidemq; in illo statu, Charitate perfectâ vnitæ. Maximè item, cùm beatitudo Animarum, sit vltima merces omnium Christi laborum, passionum, ac meritorum: ideo non potest illis Animabus gratia præstari, vel negari à nobis, quin simul valde immediatè, vel præstetur, vel denegetur ipsi Christo.

3. Excitet te ad eandem pro Animabus Purgatorij sollicitudinem, Pretiosissimæ Dei Parentis studium: cuius sicut voluntas coniuncta est cum voluntate Filij; ita neq; Honor est separatus: neq; studium in iuuandas illas Animas dispar: quare sicut summè desiderat Beatissima Mater, finalem Animarum illarum in DEO requiem, per istudque, vltimam Dei à suis Creaturis exaltationem, nec non vltimam etiam Christi sui Filij meritorum mercedem; ita eas à nobis sollicitâ pietate iuuari, est eidem Matri Virgini gratissimum.

4. Excitet te ad eandem in Animas Purgatorij Charitatem, Angelorum, omnium quidem, qui per Animarum nostrarum beatitudinem, ruinas cælestis suæ Ierusalem instaurari tam gaudent, quàm optant: potissimum tamen custodum Angelorum studiū, in hanc rem est longè maximum. Auxilio enim quod nos præ-

stamus

456 *Exerc: IV. De moribus ad ferendam opem Animabus Sc.*
statum Animabus Purgatorij, acceleratur, completus fructus Custodiæ laborisq; ipsorum circa Animas: quod absq; dubio Angelis Custodibus est perquam gratum. Maximè quia tunc temporis, & in tali statu positis Animabus, nos auxilio sumus, quando Angelorum, etiam Custodum, circa Animas Purgatorij, vel cessat, vel fermè sterilis est, quantum ad alleviationem poenarum in eis, diligentia, & industria custodiendi. Tantum enim juuare possunt Animas, vel nos excitando: vel DEVM, vt nos excitet, precando, ad præstandum Animabus per nos subsidium. Quo solo modo Angeli Custodes, & Animas suas, & se ipsos solantur in suâ erga Animas easdem pietate, atq; Charitate: quæ & summa in eis est, & valde compassiua, ac proinde nostra pro Animabus cura, valde est illis grata.

5. Excitet te ad idem pro Animabus purgatorij studium, Sanctorum cum DEO regnantium, cupiditas eiusdem in te erga Animas illas studij. Amant enim Sancti illi, Animas hæc plurimum, & vehementer cupiunt earum secum in beatitudine coniunctionem: sicuti & valde dolent (quo dolere possunt modo) earundem à se adhuc abijunctionem durare: Cuius abiunctionis solutio, & conjunctionis accessio, non potest non esse Beatis jam sanctis, cum augmento accidentalis alicuius gloriæ, in Beatis omnibus, ac præsertim in illis, qui aliquando quapiam ratione magis coniuncti fuerunt, vel sunt, cum Animabus talibus. Quare quando nos de hisce patientibus Animabus benè meremur, & beatitudinem illarum nostrâ Charitate acceleramus: hoc etiam ipso plurimum meremur de ipsis Beatis in Cælo regnantibus.

6. Excitet te ad idem studium, desiderium ipsarum Animarum purgatorij: non illud solum, quo illæ optant à malis poenarum solui, & beatitudinis suæ bono potiri: sed illud præcipue, quo illæ DEVM optant propter DEVM: & propter eius gustum, atq; gloriam de se in DEVM redundaturam, optant etiam vniri DEO: eiq; vltimum fructum de seipsis reddere: & pro eius circa se Providentiâ,

Exerc
tiâ, ta
ti, tam
moro
exhibi
exhibe
illæ im
esto v
3. V
geloru
risq; n
Trini
ac lib
tiâ, se

Oratio

DE
ci
Passio
tem, a
mur.

1. S
2. Ex
Anima
huc se
1. E
Mattis

Exerc: IV. De motiuis ad ferendam opem Animabus &c. 457

tiâ, tantâ, tamq; efficaci similiter, tam sumptuosâ, tam constan-
ti, tam per suam multiplicem indignitatem, & ingratitude[m] morosâ, & molestâ, etiam in ipsâ purgatione per Purgatorium
exhibita, gratiarû actionem finalem, beatificq; consummatam,
exhibere. Ipsum enim Purgari, bonum Animarum est: & nollent
illâ impurgatâ ad Cælum, DEIQ; visionem beatificam venire,
esto vellet id Deus eis indulgere.

3. Vt ergo, tot, tam Sancta, tam iusta, tam magna vota An-
gelorum, Pretiosissimæ DEI Matris, Domini & DEI, Redempto-
risq; nostri IESV Christi, demumq; ac super omnia Sanctissimæ
Trinitatis, expleas; accinge te ad ardens, impensum, assiduum,
ac liberale studium; ferendi Animabus, prout cum Diuinâ gra-
tiâ, secundum statum tuum præualebis, auxiliû, atq; suffragium.

P R A X I S.

*Oratio Ecclesiæ. Fidelium DEVS &c. Vel de Sanctâ Sindone:
quæ quoties dicitur, toties Anima liberatur.*

DEVS, qui nobis in Sanctâ Sindone, quâ Corpus tuum Sa-
cratissimum, de Cruce depositum, à Ioseph inuolutum fuit,
Passionis tuæ vestigia reliquisti: concede propitius, vt per mor-
tem, ac sepulturam tuam, ad Resurrectionis gloriam perduca-
mur. Qui viuus & regnas cum Deo Patre, &c.

E X E R C I T I V M V.

De alijs motiuis iuuandi Animas purgatorij.

1. **S**Tatue te, coram Purgatorio Animabus pleno, cruciatibus
referto, & ejulatibus miserabilibus resonante.
2. Excita te, ad feruens, constansq; studium adiuuandi illas
Animas, tum isto statû earum miserrimi conspectu, tum alijs
huc seruientibus motiuis, atq; causis.

1. Excitet te, ad hanc pro Animabus sollicitudinem, Sanctæ
Matris Ecclesiæ, tum exemplum, tum desiderium, Manifestum

458 *Exerc. V. De alijs motiuis iuuandi Animas purgatorij.*

est enim : Ecclesiam nunquam obliuisci Animarum illarum : sed omnibus suis ad DEVM precibus, etiam suffragia pro defunctorum Animabus adiungere. Manifestum etiam est, id ipsum à filiis suis, pro iisdem Animabus, vt fiat, Ecclesiam velle : & si fiat multum probare : cedit enim hoc in ipsius Ecclesie solatium in hac vita, in præmium autem in alterâ : affert optimum, optatissimumque fructum Sponsi suo : & se in Animabus plenè putgaris, exhibet Virginem castam, non habentem rugam, neq; maculam, secundam tamen filiorum, DEI conspectu, & fruitione dignorum. Præterea, Mater Ecclesia, iuuando Animas illas, per nos filios suos hinc adhuc degentes, exercet viralem influxum charitatis, ac pietatis, in illa membra, tanquam pia Mater : minimè obliuioni tradens eos, qui à se hinc discedunt : sed eorum curam gerens nihilominus, opemq; illis ferens vtilem, opportunâ, & necessariam.

2. Excitet te ad hoc pro Animabus illis studium, vtilitas Animarum illarum optatissima, & opportunissima, in necessitatis extremæ articulo, exhibita beneficentia : quam proinde impossibile est illis non esse gratissimam ; Etenim nullum beneficium, maius, opportuniusq; possunt recipere Animæ illæ, quàm vt extrahantur de illo lacu miserrimo, vtq; soluantur pro ipsis debitum, vtq; eliberentur de Vinculis, de tenebris, de tormentis : adducantur autem ad summum & interminabile bonum, ad possessionem nimirum, fruitionemq; DEI æternam. Cui beneficio, secundum se spectato, manifestum est nullum in bonitate, & excellentiâ conferri posse.

3. Excitet te ad idem studium pro Animabus Purgatorij, tua propria, quæ in te ex hoc studio redundat vtilitas. Primò enim hac pietate, plurimum apud DEVM, totamq; celestem curiam mereris. 2. Exerces plurimos actus Virtutum multarum : Fidei, Spei, Charitatis DEI, & proximi, misericordiæ, & compansionis, iustitiæ, gratitudinis, fidelitatis, liberalitatis, aliarumq; intercurrentium in ipsis operibus, quæ pro ipsis Animabus fiunt, opti-

ma-

Exerc: V. De alijs motiuis iuuandi Animas Purgatorij. 459

marum actionum. 3. Exerces, & excitas in te, timorem Purgatorij, studiumque, & propositum curandi, ne & tu ipse aliquando venias in illum locum tormentorum: curam quoque efficacem viuendi, & existendi semper in statu gratiæ: sine quo, tua opera omnia (vtpote mortua, ac à mortuo profecta) nihil prodesse Animabus. 4. Excitas, & exerces in te, propositum fugiendi peccata, & malam vitam: agendi poenitentiam: prospiciendi Animæ tuæ de subsidijs, suffragijsq; post tuam mortem. 5. Excitas & exerces actu, poenitentia ipsa opera: Orationes, Eleemosinas, ieiunia, aliasq; afflictationes tui. 6. Excitas te ad studium, & exercitia perfectionis, puritatis Animæ, & conscientia, mortificationes, & victorias tui, strenuosq; actus pro tuâ ipsius salute. 7. Excitas in te, fidem & metum iudicij Diuini post mortem, eiusque seueritatis, & inde ad seueram, feriamq; morum tuorum, & inspectionem, & correctionem, censuramq; accenderis. 8. Facitas opera varia deuotionis quibus indulgentias sacras consequaris, in tuum, Animarumq; auxilium. 9. Facis tibi obligatas Animas, tum quæ in Cælo iam beate sunt: tum has ipsas; quas existentes in poenis, ab eis liberas: vt suo tempore, potientes beatitudine, tui singularem curam gerant, orando pro te, gratias tibi opportunas à Deo impetrando, & mortem sanctam, liberumq; à purgatorio hinc transitum obtinendo: Media congrua tam pro hac presenti, quam pro illâ alterâ vitâ prouidendo: vel vt à Deo prouideantur exposcendo. 10. Mereris; vt pro te mortuo, Deus excitet post modum multos ad orandum, & satisfaciendum, pro te in Purgatorio existente. 11. Mereris etiam; vt pro te mortuo, facta à viuis suffragia, efficaciter, infallibiliterq; tibi proficiant, & applicentur à Deo, sicq; citò è purgatorio libereris. 12. Mereris etiam; vt Deus in hac vitâ det tibi media, auxiliaq; multa, & efficacia, hinc viuendi, atq; moriendi, sine obligatione culpæ, & poenæ, vt ita sine purgatorio transeas ad cælum. 13. Excitas ipsas etiam Animas, etiamnum in purgatorio positas, vt pro te viuo,

460 *Exerc: V. De alijs motiuis iuuandi Animas Purgatorij.*

aut mortuo sint sollicitæ: vt pro te orent, tuasq; necessitates; DEO, speciali curâ commendent; pericula propulsent, gratiam tibi pro Gratiâ iam tunc referentes: facturæ idipsum absq; dubio plenius iam DEO in cælis fruentes.

3. Ista igitur omnia excitent te, ad singularem, constantemq; diligentiam, & liberalitatem, in afferendo Animabus illis Sanctis, sed nec dum Beatis, auxilio.

P R A X I S.

Oratio Ecclesiæ. Fidelium DEVS &c. Vel de Sacro Sudario: quæ quoties recitatur, toties Anima liberatur.

DEVS, qui nobis in Sanctâ Sindone, quâ Corpus tuum Sacratissimum, de Cruce depositum, à Ioseph inuolutum fuit Passionis tuæ vestigia reliquisti: concede propitius: vt per mortem ac sepulturam tuam, ad Resurrectionis gloriam perducamur. Qui viuus & regnas cum Deo Patre &c.

EXERCITIUM VI.

De alijs motiuis ad iuandas Animas Purgatorij.

1. **S**tatu te coram Purgatorio, Animabus pleno, pœnis earum Sreferto, ciulatusq; earum miserabilibus resonante.
2. Moueat te, ad commiserationem, & ad opem illis ferendam, tum iste illarum lamentabilis, calamitosusq; quem animo & fide cernis, locus, statusq; tum sequentes causæ.
1. Moueat te, ad commiserationem super has Animas hoc: quia nulli egeno, vel dignius, vel fructuosius, vel gratius, vel facilius, vel efficacius, vel solidius, auxilium, solatiumq; præstare potes, quàm Animabus Purgatorij. Animæ enim illæ, sine dubio dignæ sunt auxilio, cum sint Sanctæ & DEO charæ, in eiusq; Gratiâ, & Amicitia. Iuuantur verò in re summi momenti: nempe, in finali Beatitudinis æternæ, fruitionisq; Diuinæ affecutione. Appetunt summè iuari, & quidem iustissimo appetitu: quid enim iustius appe-

Exerc. VI. De alijs motiuis ad iuuandas Animas Purg: 461

appetatur, quàm DEI æterna possessio, & fruitio: Nulla certè miserabilior egestas, quàm DEO carere: nullæ maiores diuitiæ, quàm DEVM beatificè videre, & possidere. In hoc tali passu, Animæ illæ seipsas iuuare non possunt, nisi satisfaciendo: quæ est miserissima miserorum conditio: & hæc; ferè in solis Animabus purgatorii reperitur. Sunt etiam Animæ illæ nobis amicissimæ, & affectuissimæ, omnisq; boni nostri, ac potissimum salutis æternæ nobis cupidissimæ: pollent enim iam tunc perfectâ Charitate, tum DEI, tum proximi: & gratae sunt ex proprio experimento, statûs nostri: quamuis & aliunde illum scire possint, sciantque. Paruo satis labore, sumptu, impendioq; iuari à nobis possunt. Et quidem amplius, ac efficacius longè, quàm suâ perpeffione pænarum licet grauissimarum. Quoniam exigua nostra præsentis vitæ satisfactio pro illis oblata, plus illis solatij adfert, quàm magna & diuturna illarum tormenta. Iuantur præterea infallibiliter, & cum indubitato effectu nostrarû satisfactionum. Denique, non tantum nullo nostro dispendio iuantur, sed etiam cum magno nostro lucro & bono. Nihil siquidem nobis perit eorum, quæ pro illis impendimus, in id ad nos cum multiplici fænore rediens, in sinu nostro conuertitur omnis noster sumptus pro eis factus.

2. Moueat te, ad curam pro Animabus purgatorii: quia obliuio, & neglectus earum, præterquam quòd sit DEO, toti q; celo ingratus, & exosus; Christianâque Charitate planè indignus; insuper arguit in homine neglectore, obliuiosoque, magnam inesse socordiam spiritûs, totiusq; fidei: arguit dormientem, & sopitam, & in terrenis sepultam Charitatem DEI, & proximi: arguit quoq; magnam incuriam rerum æternarum, & futuri sæculi obliuionem, iudicijq; Diuini vilipensionem. Arguit item hæc obliuio Animarum purgatorii, magnum defectum Spei Christianæ, Timoris, Charitatis, itemq; Gratiitudinis, in benefactores, amicos, socios, familiares, ciues: ita vt negligentia ista, arguat propemodum infidelitatem, barbariem, & impietatem.

462 *Exerc: VI. De alijs motiuis ad iuuandas Animas Purg:*

Deniq; hæc negligentia, arguit paruam etiam propriæ Animæ salutisq; curam: parum viuax, & sanum Corporis Christi, & Ecclesiæ membrum: quod scilicet vitam, & vitæ effectum, communicationemq; non transmittat ad commembra sua, contrâ naturam vtiq; viui membri, in vno, eodemq; corpore siti.

3. Moueat te, ad studium feruens pro Animabus purgatorii hoc etiam; quòd sicut diligens cura pro talibus Animabus plurimas utilitates curanti adfert: ita negligentia plurima damna negligentibus adducit. Ac nominatim, quòd qui hoc modo alios iuuare neglexit, negligetur etiam ipse post suam mortem ab alijs: imò si quid pro illo fiet, id iusto Dei iudicio alijs impendetur: siue his, quibus ille impendere debuerat, sed neglexerat, siue aliquibus alijs iuxta Dei placitum. Ignorans enim ignorabitur. Et; Quâ menturâ menti fueritis, etiam remettebitur vobis: dixit Dominus.

4. Moueat te etiam, ad idem pro Animabus purgatorii studiũ; Odium erroris, & impietatis hæreticæ, odium fraudis diabolicæ per hæreticos negantis, subtrahentisq; subsidium pietatis Animabus defunctorum fidelium; odium item negligentia multorum frigidorum Catholicorum, qui de Animabus, mortuam planè curam, & fidem habent. Si Hæretici, vel nulli, vel pauciores essent, plures essent qui animarum istarum iuuandarum zelo & studio feruerent: nunc quò plures hac peste, impietateq; laborant, eò pauciores Animarum pij suffragatores sunt; Cura ergo tu; Zelo fidei, pietatisq; Catholicæ accendi: & supplere conuincere, vel omnium, vel plurimorum ex Hæreticis infidelitatem, ex Catholicis negligentiam, ex dæmonibus fraudulentiam, inuidentiamq;, Amore, & imitatione Sanctorum studiosè pro Animarum auxilio laborantium.

3. Hæc te animent accendantq; ad iuuandas sollicitè, copiosè, constanter, assiduèq; Animas.

PRA-

P R A X I S.

Oratio Ecclesiæ. Fidelium DEVS &c. Vel Oratio de Sacra
Sindone : quæ quoties dicitur : toties Anima liberatur.

DEVS, qui nobis, in Sanctâ Sindone, quâ Corpus tuum Sacra-
tissimum, de Cruce depositum, à Ioseph inuolutum fuit,
passionis tuæ vestigia reliquisti, concede propitius : vt per mor-
tem, & sepulturam tuam, ad Resurrectionis gloriam perduca-
mur. Qui viuis, & regnas cum DEO Patre, in vnitæte Spiritus &c.

E X E R C I T I V M VII.

De Motiuis ad iuuandas Animas purgatorij, ex statu Sacerdo-
tali, & Religioso.

1. **S**Tatue te coram Purgatorio, Animabus pleno, poenis earū
referto, lachrymosis earū planctibus, eiulatibusq; resonāte.
2. Excita in te studiū ad eas iuuandas ex tam misero earū statu.
3. Excita præterea hoc studium in te ex tuo statu spirituali, ac
in primis Sacerdotali: ex cuius naturā, non solum potes, sed etiam
debes, curam, & quidem singularem habere Animarum Purgato-
rij. Hic enim status, ad hoc à DEO in Ecclesiā est institutus, vt
Corpori Christi, tam reali in Sacrificatione, distributioneque;
quā mystico in eius ad salutem æternam directione, & cum Ca-
pite Christo, efficaci, ac finali coniunctione seruiat, potissimūq;
in eo laborer. Inde fit; vt Sacerdotes etiam ad Animas Purgato-
rij iuuandas peculiariter ferri teneantur: non solum quia sunt
membra Christi, sed quia membra talia, & in tali statu, in quo,
& viuā quidem sunt, & opis tamen valde indigā, sed opem sibi
met ferre nullam valentia: & in manibus Sacerdotum potissima
instrumenta sunt; quibus illa Christi membra iuuari efficacissimè
possunt: vt sunt Sacrificia Missæ, Sacramentorum, & vsus, & ad-
ministratio, Orationes Ecclesiæ, & propriæ, Mortificationes,
Puritas Vitæ, & Zelus Animarum.

4. Ex-

464 *Exerc: VII. De Motiuis ad iuuandas Animas Purg: &c.*

4. Excita præterea hoc studium iuuant Animas in te, ex peculiari ratione statûs tui Religiosi: ratione cuius, cum optima tibi pars ex Diuinâ largitate obuenerit, quæ in Ecclesiâ militante habetur, adeo ut optima quæq; ex bonis Spiritualibus, ac Diuinis, Ecclesiæ communicatis, Religiosorum sint; inde fit, ut maximus, & præcipuus fructus Pietatis, atq; Charitatis, non quæ sua sunt, sed quæ Dei, quæ Christi, quæ proximorum, quæ Animarum in purgatorio positarum quærentis, à Religiosis personis, ordinibusq; expectetur: & desideretur. Quare Animabus Purgatorij maximè tenentur opem ferre Religiosi: quia maximè possunt: possunt autem: quia præcipuis Gratiae Dei, meritorumq; Christi pignoribus, & muneribus abundant: medijsq; ac modis circumfluunt.

5. Adde; quòd status Religiosus, cum sit naturâ status Pœnitentiæ, mortificationis, satisfactionisq; omnimodæ, inde fit, ut facillimè, simul & efficacissimè, Animabus prodesse possint Religiosi, omni suo opere, dum modo non grauentur Animabus applicare. Quorû opera, etiam hoc seculo, quòd sint ratione statûs pœnalia, & pœnitentiæ: tamen propter solum statum, & simul Virtutem statui insertam Religionis, cæteris paribus, magis sunt placentia Deo, meritoriaque, ac impertratoria, satisfactoriaq; ac ad iuandas Animas purgatorij aptiora, quàm alia aliorû hominû opera.

6. Potes præterea, ac debes Animabus purgatorij præceptam opem ferre, ex ratione statûs tui Religiosi, huius in specie, in quo quisq; est: cuius naturam, & prærogatiuas específicas, ad hoc negotium seruientes, quisq; facillè viderit, quisquis se alicuius religionis filium nouerit, & amauerit. Ratio statûs Religionis Societatis Iesv habet suas in hac parte commoditates à suâ naturâ, ac proinde etiam ad strenuè iuuantum Animas purgatorij, obligationes suas proprias.

Societas Iesv in hunc finem instituta est; ut animas Iesv Christo lucretur, & coniungat, & eo nomine omnes labores exhaurit.

Opor-

Exe
Opor
Chari
rio: v
& in h
ipsa f
Chari
tinger
Ho
festa
marâ
cidit
hæc v
finem
vltim
Chri
Hæ
uens,
Iesv,
matè
pletè
Chri
psa e
pletè
rio, c
opor
cond
Nom
sv, ei
tuti F
id ell
literq
Ad

Exerc: VII. De motiuis ad iuuandas Animas Purg: Ec. 465

Oportet ergo, vt hunc suum circa Animas hominum laborem, Charitatisq; cursum prosequatur, impendatq; etiam in Purgatorio: vbi & Animæ sunt, & nec dum plenè Christo coniunctæ sunt, & in huius coniunctionis assecutione alienæ opis egent, cum sibi ipsæ ferre auxilium (nisi patiendo) non possint: ac proinde ibi Caritas Societatis IESV, & filiorum eius locum habet, imò pertingere debet.

Hoc nisi Societas IESV faciat; faciet suam Charitatem imperfectam, & mancā, & quidem in maximè principali: quia vltimatā, & finali portione Charitatis. Caritas enim nunquam excidit: ideoque, & fide, & spe maior, ab Apostolo prædicatur: hæc verò si Animas purgatorii non sequitur; excidit plenè: nec finem habet, (nisi ante finem,) quia Animas non deducit vsq; ad vltimam, summam, finalem, æternamq; beatitudinem, & cum Christo DEO suo beatificam coniunctionem.

Hæc finalis Caritas, & in finem Animas etiam purgatorii fouens, Societatem IESV decet ex titulo ipso suo, Nominis scilicet IESV, quod Saluatorem sonat. Saluator autem, propriè, ac vltimatè IESVS, non fit, nisi tunc; cum actualiter, efficaciterque, completè, & vltimatè, Animæ; salutem ac beatitudinem per IESV Christi merita recipiunt; DEOq; fruitiue potiuntur. Vt ergo recipi possit efficaciter, finaliterq; IESVS, sit IESVS; & Societas IESV completè, iuxta nomen suum sit Societas IESV; Animas ex purgatorio, operā, & studio illius educi, & cum IESV beatificè coniungi oportet. Quod etiam si omnibus IESV Christi seruis, (cuiuscunq; conditionis, statūs, & ordinis sint) competit: attramen vel solius Nominis, institutiq; causā, speciali quadam ratione Societati IESV, eiusq; filijs incumbet. Sic enim verè suo Nomini, atq; instituti Fini respondebunt; cum sui Ducis Nomen realiter facient id esse, quod sonat in se: & cum Merita sui IESV, efficaciter, finaliterq; effundent in Animas redemptas, & saluatas sanguine IESV.

Adhuc autem, cum Societatis IESV primarius finis & vnicus

466 *Exerc: VII. De motiuis ad iuuandas Animas Purg: &c.*

scopus sit, semper maiorem DEI gloriam curare; Maior autem Gloria DEI, nullatenus à Creaturâ esse possit, quàm peruenire ad Beatitudinem, & fruitionem DEI æternam; (hæc est enim, sicut maxima merces, ac Gloria, quam Deus facere potest Creaturæ, ita vicissim quam Creatura potest referre DEO: estq; hæc sola, cui vni, omnia seruiunt opera DEI ad extra;) Igitur Societas IESV, nullo modo efficacius fini vocationis suæ facit satis, quàm quando Animas, efficaciter, ac reipsâ in statu beatitudinis vltimatè collocandas, vltimatè adaptat. Hoc verò in nullo suo labore præstat certius, quàm quando Animas è purgatorio liberat.

Alij enim labores, Animabus viuentium impensi, sæpè steriles sunt: sæpè non finaliter efficaces, ac fructuosi: at verò Animabus Purgatorii impensi, nec steriles esse possunt, nec nisi efficaciter finales sunt: cùm hoc vnum spectent, sicut & hoc vnum restat, in quo Animæ purgatorii adiuuari egent, ac debent; vt Animas à Beatitudine præpeditas, ab impedimentis absoluant, & cælo idoneas reddant, & ad illud transmittant, demumq; supremam DEO Gloriam impendant, & impendi æternaliter faciant.

Ob quam etiam causam; Deus magis desiderat Animas purgatorii, in gratiam suam iuuari, & citò ad beatitudinem dirigi à nobis; quàm alias, siue iustorum, siue peccatorum, in hac vitâ degentium: quia ab illis promptissima est, & certa, & vltimata, seu suprema DEO Gloria: ab his verò non item: cùm præter statum viatorum conuertibilem semper, istæ sæpè remoram, obicemq; ponunt suæ in DEVM, & in se DEI Charitati. Vnde peccatorum Animas, etsi velit Deus iuuari, quodammodo tamen vult inuitus; vt pote sibi, proprio earum malo merito, exosas, & inimicas: Animæ autem purgatorii sunt confirmatæ, & consummatæ in Gratiâ, Charitate, Amicitiaq; DEI: quare ex toto corde suo Deus illas quàm studiosissimè, liberalissimèq; adiuuari desiderat, & gaudet.

Hæc igitur te moueant ad redundantiam Charitatis impendendam Animabus Purgatorii.

PRA.

P R A X I S.

Oratio Ecclesiae. Fidelium DEVS &c. Vel Oratio de S. Sindone: quae quoties dicitur, toties Anima liberatur.

DEVs, qui nobis in Sanctâ Sindone, quâ Corpus tuum Sacratissimum de Cruce depositum à Ioseph inuolutum fuit, Passionis tuæ vestigia reliquisti: concede propitius: vt per mortem & sepulturam tuam, ad Resurrectionis gloriam perducamur. Qui vivis & regnas cum Deo Patre in vnitatem &c.

E R G A

Animas Purgatorij.

Exempla & Praxis Liberalitatis Christiana.

FVit olim, & nunc etiam est in Sanctâ Catholicâ Ecclesiâ, is piorum ardor ad Animas Purgatorij adiuuandas, vt non contenti ordinarijs atq; solitis in Sanctâ Ecclesiâ, ipsas adiuuandi modis, eò liberalitatis erga ipsas, docente, & iuuante Deo, processerint; vt exspoliantes semetipsos omnibus suis satisfactionibus coram Deo, eas liberaliter conferrent in Animarum Purgatorij subsidium. Ita factum olim, à S. Gertrude Virgine legitur in libro Insinuationum Diuinæ Pietatis, ab ipsâmet hac Sanctâ, iussu Diuino exarato. Hoc idem liberalitatis opus exercitum, à P. Marcello Mastrillo, ex Societate Iesv, non ita pridem in Iaponiâ pro fide Christi Martyrium passo. Eadem liberalitate in Animas purgatorij vsum, P. Ignatium Lojoram, Fundatoris Societatis Iesv & cognominem, & eidem sanguine, Societatisq; instituto iunctum, in Paraquariâ Brasiliæ prouinciâ laboribus, & vitâ fundum; tradunt Annuæ literæ illius Prouinciæ. At vltcrius sese protulit liberalissima pietas in easdem Animas, Patris Hernandi Monsoy ex eadem Societate Iesv, vti scribit de eo Pater Ioannes Rho in

468 *Exerc: VII. Exempla & Praxis Liberalitatis Christianæ.*

Histor. Virtutum l. i. c. 4. §. 3. qui non solum suas satisfactiones, quas viuens habuisset omnes, verum etiam omnia suffragia quæcunq; pro illo, suâ vitâ functo, habenda essent, viuens DEO pro Animabus obtulit: Cupiens, vt ne quidem post mortem suam, Animas Purgatorij non iuuaret, modo quo posset.

Noui & ipse eiusmodi in Animas Purgatorij, liberalitate præditos, tum de Societate IESV, tum alios, etiam seculares statum, homines, quorum aliqui iam vitâ functi, aliqui etiamnum supersunt. Quos si quis aliquando, vel ex toto, vel ex parte, imitari volet; hæc ei, quæ subiungitur commodare poterit;

P R A X I S.

Liberalitatis in Animas Purgatorij.

Dignissima, & Sanctissima Trinitas, vnus DEVS meus: puro Tui amore, vt Tu exalteris, quantum per me potes, debes, scis, & vis, & das; quantum etiam ex Te dignus es; Vt IESV Christo merita sua compensentur, vt Pretiosissima Parens DEI MARIA, & tota cælestis curia exhilaretur; vt Animabus Tibi dilectis, sed nondum purgatis, tuoq; Beato conspectu necdum dignis, benè sit, vt earum SS. Angeli Custodes, ceteriq; Patroni Sancti, fructu curarum suarum, citò, & finaliter gaudeant;

Ego N. totius residuæ mortalis vitæ meæ operationibus, & Passionibus quibuscunque, Animas purgatorij iuuare cupiens, & statuens, omnes & singulas Actiones, & Passiones meas, vsq; ad mortem, ipsumq; mortis meæ articulum, & opus, Tuæ Diuinæ Maiestati offero, applico, dono, (voueo,) in omni earum applicabilitate, quâ pro illis applicari, & illis prodesse possunt: Exceptis solum ijs, quæ quia alijs ob alienam potestatem debeo, non est mei arbitrij Animabus illis donare. Ipsam tamen h. *nc* exceptionem, & exceptionis praxim quamlibet, pro ijsdem in auxilium offero, secundum gustum tuum, Domine DEVS meus. Nullum omnino fructum actionum, perpassionumue mearum
mihi

Exerc. VII. Liberalitatis in Animas Purgatorij. 469

mibi reservans, quicumq; aliquomodo Animabus prodesse possit, coram Te viutorum, & mortuorum DEO.

Præter hoc Domine, eodem affectu volo, (& voto promitto,) & permitto tibi illa omnia, quæcunq; post meam mortem, miserante te, justè passurus sum in Purgatorio; totum, propter Te, nunc acceptans, & quoad licet mihi, omni meliori modo meritum, satisfactoriumq; faciens; quantum possum, & quatenus prodesse Animabus Purgatorij, hoc etiam nunc potest, aut tunc forsati poterit, iisdem Animabus iam nunc dono, & applico.

Insuper offero Tibi DEO meo: omnes totius Ecclesiæ tuæ Sanctæ, omniumq; Tibi Gratorum satisfactiones: quin etiam omnes omnium Creaturarum actiones, atq; passionis, mihi per meam intentionem, quocunq; modo nunc iam appropriatas, & communicatas: & Animabus Purgatorij, juxta Sapientiam Tuam prodesse idoneas; atq; nunc iam, per me ad hoc applicatas: meas item satisfactiones, nec non omnium Creaturarum quascunq; mutationes, toti Sanctæ Ecclesiæ, ab eius Origine, ad vsq; finem mundi duraturæ, impersonatas; vniendo omnes tam has, quàm illas quascunq; Domini nostri Iesv Christi, omniumq; Electorū meritis, iuxta gustū Tuū, Animarūq; illarū indigentiam & utilitatem.

Insuper Domine, Tibi offero, promitto, permittoq; in subsidium Animarum Purgatorij, totum quodcunq; satisfactoriè offertur, & fit, & fiet vnquam, à quocunq;, & vbicunq;: siue in vniuersâ Ecclesiâ, siue in totâ nostrâ Societate Iesv, siue à quacunq; Confraternitate ac Sodalitate, cui ego participo, siue à quacunq; particulari Personâ, siue in quacunq; alia Tibi DEO Domino meo notâ placitâq; circumstantiâ, pro me viuento: Vniendo totum hoc, quantum ex me, Sanguini meritisq; Iesv Christi, omniumq; Electorum tuorum, iuxta gustum, & ad gustum Tuum.

Insuper Domine offero Tibi in Animarum Purgatorij subsidium, totū hoc; quod ego, tam in vitâ meâ præsentī, quàm post mortem meam, siue in ipso me, siue in quocunq; mei, sciens, ne-

470 *Exerci: VII. Liberalitatis in Animas Purgatorij.*

sciens, volens nolens, iam tamen ex nunc pro tunc volens, & libens, totaliter, siue in Animâ & bonis eius, siue in corpore, siue in famâ, commendatione, memoriâue mei, siue deniq; in quacunq; aliâ re, concernente, & attingente me, perpeſſurus ſum, vſq; ad extremum iudicij diem: Vniendo iam nunc omnem illam perpeſſionem Meritis & Paſſionibus Domini noſtri Ieſu Chriſti, ad fructum Animarum Purgatorij amplioſorem, ad Tuam verò gloriâ omni maximâ maiorem.

Insuper Domine, omnem ſi quem apud Te ex dono gratiæ tuæ, ex Chriſtiq; Meritis, pauperculus ego, habeo ſatisfactionum theſaurum, Tibi totaliter offero, dono, & permitto: vt eum diſpenſes in Animas Purgatorij, vſq; ad exinanitionem, & denudationem mei, quoad omnes ſatisfactiones meas, meritis, ſatisfactionibusq; Domini mei Ieſu Chriſti vnitas. Solas mihi ſatisfactiones, ſolaq; Domini mei Ieſu Chriſti merita reſeruando, ſine quibus Tibi gratus eſſe, ſalutemq; æternam conſequi neq; valeo; neq; volo: quæq; adeò infinitæ efficacitatis ſunt, vt earum virtus, & valor, nullis ad alios applicationibus, ab ipſis applicantibus (modò aliunde etiam capaces ſint) auocari poſſit. Reſeruans etiam mihi ſatisfactiones, & interceſſiones omnium Electorum Dei tanquam fratrum meorum, ſpecialiſſimè autem Pretioſiſſimæ Parentis Mariæ, tanquã Hereditatis meæ. Reſeruans etiam mihi, Animarum particularium designationem ad huius Donationis meæ fructûs percipiendos, iuxtà voluntatem, aut obligationem meam incidentem, tuæ tamen Diuinæ Voluntati ſubordinatam. Quâ meâ applicatione deficiente; Tu Domine, ſiue defectum eius ſupple: ſiue iuxtà tuum beneplacitum, applicationem diſpone, & diſpenſa.

Hæc porrò omnia ſuperiùs à me inſinuata, & à me Tuæ DEVS meus Maieſtati, in ſuffragium Animarum purgatorij oblata; oblata eſſe volo abſq; vſlo meo, (quatenus meo) præmio, mihi inde apud Te ſecuturo: ſed in Animas eaſdem ſatisfactoriè redundaturo,

Exerc. VII. Liberalitatis in Animas Purgatorij. 471

turo: Præmij loco, illud solum cupiens à Te, ut tu Domine, hanc pauperulam voluntatem meam acceptans, ac benedicens, per illam, in Tuis, & à Tuis Creaturis ampliùs, & ampliùs glorificeris: Ut quàm plurimis Ecclesiæ filiis, gratiam, & spiritum, efficaciter tenerum, compassium, liberalem, studiosum, constantem, erga Animas purgatorij iuuandas, vnà mecum largiaris: utq; per meam hanc, quam ex dono tuo concepi voluntatem, & propter Animas depauperationem, Tuæ quidem Gloriæ, Animarū verò beatitudini, aliquid, siue plenitudinis, siue saltem accelerationis accrescat.

Id ita totum Tuæ Diuinæ Voluntati, Charitati, Maiestati, ac Dignitati voueo, promitto, iuro, dono: sanguinisq; Iesv Christi Domini nostri, omniumq; Electorum, meritis configno: Nunquam ut scienter, prudenterq; ac deliberatè, quantùm ad me, sim retractaturus, tam in toto quàm in parte, vsq; ad mortem: ad quam vsque; esse volo, & ero, seruus, operarius, mancipium, Tuum propter Animas illas, Animarū autem illarum propter Te.

Tibi Deo meo, omnis, & semper maior Gloria, in sæcula sæculorum. Et fidelium Animæ per misericordiam Tuam Diuinam, requiescant in pace. Amen.

Alia Praxis breuior.

OMnipotens DEVS: Ego N. offero Diuinæ Maiestati tuæ, ad Animarum Purgatorij subsidium: omnes Actiones & Passiones meas, quatenus eæ satisfactoriæ sunt, totius vitæ meæ. Offero etiam Tibi, ad idem Animarum subsidium, totum id, quodcunque, à quocunque, tibi offertur, offereturū pro me viuo, vel etiam mortuo, quatenus id quoq; satisfactorium aut est, aut erit: iam nunc volens id, Animabus purgatorij prodesse: iuxta SS. Voluntatis tuæ beneplacitum, & secundum maiorem tuæ Maiestatis gloriam: Vniendo hæc omnia, hancq; oblationem meam, meritis Domini nostri Iesv Christi, & Pretiosissimæ DEI Matris MARIE, Omniumq; Electorum.

Quan-

472 *Exerc: VII. Liberalitatis in Animas Purgatorij.*

*Quantò quis liberalior in Animas Purgatorii,
tantò plus sibi per hoc proficit.*

1. Quia hæc liberalitas, liberali, non tantum nihil coram DEO meriti aut valoris detrahit, sed etiam, tantò maiorem fructum adfert, quantò ipsa est liberalitas maior: quæ nunquam coram DEO esset illi tam fructuosa, si non esset in Animas tam profusa.
2. Hæc enim Liberalitas quò est maior, eò liberaliorem apud DEVM meretur gratiam in hac vitâ, & gloriam in alterâ.
3. Hæc eadem Liberalitas erga Animas Purgatorii facit, ut per opera nostra, non solum non minùs, sed etiam longè ampliùs impetremus à DEO quorumcunq; Donorum.
4. Hæc quoq; Liberalitas Animabus impensa, non minùs, sed potiùs ampliùs satisfactoria, purgatoriiq; nostri apud DEVM diminutiva est: operaq; nostra facit: quàm illa essent, si animabus impensa non essent.
5. Hæc quoq; Liberalitas in Animas Purgatorii, facit nobis amplissimam in DEO, & coram DEO fiduciam: quòd intuitu liberalitatis huius, vel plurimum, vel etiam totum nobis de reatu poenarum purgatorii liberalissimè detrahet, condonabitq;e. Beatus enim qui intelligit super egenum & pauperem, in die malâ liberabit eum Dominus. Et; Beati misericordes, quia & ipsi misericordiam consequentur.
6. Hæc quoq; Liberalitas in Animas, non tantum non est contraria Charitati, quam quisq; sibi ipsi debet, sed est potiùs pro istâ Charitate. Sicut enim parcitas, aut negligentia in iuvandis illis Animabus, est contra Charitatem, non tantum illis, sed etiam ipsis nobis debitam: ita è contrâ, liberalitas erga illas, est valde secundum vtramq; Charitatem: & specialiter in hoc passu; ut per eam nos ipsi, pro nobis debito purgatorio, multum DEO, eiusq; iustitiæ satisfaciamus.
7. Nam cum (iuxta dicta) per hanc in Animas liberalitatem,
opera

Exerc: VII. Liberalitatis in Animas Purgatorij. 473

opera nostra coram DEO reddantur, magis & meritoria, & impetratoria, & satisfactoria: sequitur, quod, cum aliquis opera sua (præsertim si liberaliter) offert DEO pro Animabus illis, hoc ipso plurimum seruiat Charitati sibi a se debita. Qui autem in hac parte negligens, & parcus est, in suam ipsius Charitatem (maximè quoad Purgatorium sibi leniendum, abolendum) iniurius est.

8. Beatam Gertrudem cæperat aliquando penitudo aliqua, suæ talis in Animas Purgatorij liberalitatis: eo quod sibi videretur nuda comparitura coram Christo, erogatis a se suis omnibus in Animas. Cui Dominus solatium tale dixit; Mater quæ plures filias habet, singulis adultioribus vesticulas prouidet: solam autem infantulam habens nudam, suâ propriâ veste contegit, & fouet: Id ipsum ego tuæ paupertati nuditatiq; faciam, ait Dominus.

Alterâ vice eidem S. Virgini, similem Dominus mærorem absterfit, hoc modo: Voluit, ei ab omnibus Sanctorum Ordinibus conferri symbolam meritorum: quæ cum facta esset; incipiente Beatissima Deiparâ; apparuit Gertrudis ditissima. Atq; hisce modis ostendit Dominus, nihil deperdi de suis bonis, liberalibus eximie in Animas Purgatorij: quin imò securè, & magno cum fænore accrescere ipsis, plurima coram DEO bona.





EXERCITIORM

PARS XVIII.

De Æternitate.

EXERCITIUM I.

Quid sit, quòd sit, quotuplex sit Æternitas?

1. **S**Tatue te cum Dauide Sancto, cogitante dies antiquos: & annos Æternos in mente habente: hoc est: Memoria recolente, intellectu considerante: voluntate diligente, & acquirente.

2. Tu quoq; fac similiter. Nam eadem est tua, quæ & Davidis cum Æternitate causa, eadem conditio, eadem conuersandi, ac negotiandi, demumq; commanendi necessitas.

3. Transibunt Prophetæ Sancto, transibunt & tibi, & omnibus hominibus anni præsentis: de quibus nihil quisquam nostrum habet nisi transitum, & elapsum: succedent autem anni nunquam transituri, sed semper mansuri: quia æterni, quia Æternitatis, quia ipsa Æternitas.

4. Quid sit Æternitas; quæres? Si eam intellectus Creatus caperet; æternitas non esset: habet enim intellectus creatus, maximè humanus, capacitatis suæ in cognoscendo mensuram, & finem: quem æternitas non habet, nec habere potest: si ergo illam intellectus noster caperet; aut ipse finitus, aut æternitas infinita non esset.

5. Quid tamen est Æternitas? Est duratio semper manens, flans, iuxta immobilis, eadem, omnia finiens, ipsa infinita. Ex Tem-
po-

Ex
pore
euntis
non est
præsen
rum: n
ritum
tantiu
elabit
semp
sed q
semp
tate
6.
quia
esse
ætern
ras es
bile
7.
Nan
tas:
hab
est:
Prim
Hec
qua
for
con
aba
nun
re
red

Exerc: I. Quid sit: quod sit: quotuplex sit Æternitas? 475

M pore discamus æternitatem. Tempus est duratio motus transcuntis ex non est in Erit: ex Erit, in Est: ex est in Fuit, ex fuit in non est: huic opposita penitus est Æternitas: nimirum, duratio præsens, persistans, permanens, eadem semper. Non habet futurum: neq; post illud, habet præsens: neq; post hoc habet præteritum: neq; post, habet non est: sed semper totum, & idem, & tantum est. Quidquid est in tempore, transit cum tempore, & elabatur in non est: nihilq; erit semper. Quod in æternitate est, semper est, semper erit, nunquam præterit, nunquam mutatur: sed quasi inchoans semper, est semper, idem semper. Si enim non semper, aut non idem esset, iam æternū, non esset: nec in æternitate esset, sed in motu, mutatione, transitu, tempore, & fine esset.

6. Quod autem in rerum naturā sit Æternitas: ex eo patet; quia DEVS est: qui, si hoc est, quod esse naturā sua debet, & quod esse concipitur, quando verē, & debitē concipitur; necessario æternus est, proinde æternitate æternus est, ac proinde Æternitas est. Sicut enim impossibile est DEVM non esse; ita & impossibile est Æternitatem non esse.

7. Est igitur Æternitas in rerum naturā. Est autem duplex. Nam alia est completa, perfecta, & simplex, simpliciterq; æternitas: quæ & initium habuit nunquam ullum: neq; etiam finem habebit aliquando. Talis est Æternitas DEI, quā DEVS æternus est: imò DEVS, ipsa est hæc æternitas: & Æternitas hæc, ipse DEVS: Principium & finis: principium sine principio, Finis sine fine. Hæc Æternitas soli DEO competit: sicut soli DEO competit, nunquam non fuisse, sed semper essentialiter fuisse: & nunquam non fore: sed semper essentialiter esse, & fore. Alia est æternitas incompleta, dimidiata, participata, creata; quæ aliquando, imò ab æterno non fuit, sed aliquando, post non esse, incepit esse: & nunquam desinet esse defacto: etiamsi de possibili posset desinere esse: si DEVS, qui illi dedit Esse, vellet eidem accipere esse, & redigere illam ad eius pristinum non esse. Hæc Æternitas creatura-

476 Exerc: I. Quid sit, quod sit, quotuplex sit Æternitas.

turarum est, & ipsa creata est. Non omnium tamen creaturarum est, sed tantum Substantiarum immaterialium: quales sunt soli Angeli: & Homines etiam, ex parte Animarum suarum: & quarundam etiam materialium, ut cælorum, &c.

8. Quamquam homines, post ultimam resurrectionem, manet Æternitas etiam quoad corpora: ita ut toti Homines in æternum victuri, & duraturi sint, exulante iam omni corporum corruptione ab eis.

9. Est autem adhuc alia Æternitatis diuisio: alia enim est Æternitas beata, & beatificans, atq; in beatitudine, omniq; felicitate conseruans in æternum: alia est æternitas misera, miserum faciens, & in omni calamitate, infelicitate, atq; perditione seruans, in æternum. Illa prior, Beata Æternitas, subdividi potest in duas: Est enim vna completa, & absoluta: quæ Deus solus beatus, & æternus ante omnia secula, & in omnia, perq; omnia, ac post omnia secula, fuit, est, eritq; beatus. Ista enim æternitas est ipse essentialiter Deus: qui solus habet immortalitatem, solus potens, solus Beatus, solus felix, solus à seipso, ex seipso, seipso, propter seipsum, immensa, infinita, substantialis, essentialis, æterna beatitudo, beatitudinisq; possessio. At verò alia Æternitas Beata, est incompleta, & participata, & habens initium, atq; ex non beato faciens beatum: at nunquam desinens facere beatum. Ista Æternitas, competit solis Creaturis rationalibus, scilicet Angelis, & Hominibus: & ad hanc creatæ sunt omnes tales creature à Deo: ad hanc eadem omnes, à Deo per omnes circa ipsas operationes, diriguntur: sub conditione unicâ, & solâ hac, ut eæ Creaturæ, Deo factori suo subdantur, seruiantq; suâ spontaneâ, liberâque, quam in hunc finem à Deo acceperunt, voluntate: perseverantes in hac ad DEVM debirâ, & simul spontaneâ subiectione, dilectione, obedientiâ, laude, & honoratione, vsq; in finem, tempusq; à Deo statutum: quo elapso, accipiant à Deo istam Æternitatem beatam, beatificantem, & in omni beatitudi-

Exerc. I. Quid sit, quod sit, quotuplex sit Æternitas? 477

dine, illos conservantem: hoc est: Accipiunt à DEO DEVM ipsū, videndum, fruendum, possidendum sicuti est: cum omnibus bonis, & præmijs, cumq; omni plenitudine, & securitate, de habendis ijs, per omnes, perpetuasq; Æternitates.

10. Æternitatem miseram, & infelicem, quæ aliàs perditio, & mors secunda (nam mors peccati prima est) ac æterna dicitur, non fecit DEVS: neq; ab eo est: sed illam impij Angeli, & Homines, à DEO, & eius Sanctâ, & iustâ Voluntate rebellantes ac recedentes, ambabus manibus (vt ait Scriptura) accersuerunt: & cum eâ fædus pepigerunt nunquam dissoluendum. Etenim quia beatam æternitatem, sibi à DEO pro obedientiâ, & amore, atq; subiectione voluntariâ ac deuotâ, in præmium assignatam atq; promissam, per voluntariam suam inobedientiam, superbiam, rebellionem contra DEVM abiecerunt, & se eius assécutione indugnos fecerunt, conieceruntq; semetipsos ultro in eum perditionis, odijq; Diuini statum, ex quo illis esset impossibile vllis creatis viribus surgere, DEVM sibi reconciliare; inde Beatam quæ illos tanquam præmium summum atq; vltimum à DEO expectabat, Æternitatem, amiserunt in æternum: accersuerunt autem, atq; adeo procurauerunt sibi miseram, infelicemq; Æternitatem, in poenam, & supplicium vltimum & summum, & nunquam terminandum, & nullo non miseriæ, calamitatis, doloris, ac perditionis genere æternaliter, & interminabiliter, & immitigabiliter plenissimum.

11. Attende ad hæc, & expende hæc ô homo: & hosce æternos annos in mente semper habeto. DEO, suam æternitatem, æternaturo affectu congratulare: Sanctis tam Angelis quam Homini- bus beatam æternitatem adgaude: tibi eius cum ipsis Societatem desidera: Miseram verò Æternitatem, & eius cum demonibus, hominibusq; damnatis consortium exhorresce: & omnibus viribus effugere, tecum ipse statue: ac Diuinæ gratiæ, meritumq; Christi, & Electorum eius auxilium, humiliter, instant- ter, incessanterq; implora, & efficaciter adhibe. PRA-

P R A X I S.

O Æterne: ac totius Æternitatis fons DEVS: qui nobis per Filium tuum Æternitatis beatæ aditum, deuictâ morte reserasti: da nobis recogitare dies antiquos, & annos æternos, in memoriâ, intellectu, & voluntate semper habere; vt in tempore sæculi huius, sic omnia temporalia pertranseamus. vt & mala omnia æterna cuitemus, & omnia æterna bona consequamur. *Per eundem Dominum &c.*

E X E R C I T I V M II.

Aut beata, aut misera Æternitas omnibus subeunda.

1. **S**tatue te socium Dauidi Sancto, cogitanti, dies antiquos, & annos æternos in mente habenti, memoriâ retinenti, intellectu perpendenti, & voluntate deligenti.
2. Tu quoq; fac similiter. Nec enim quidquam vtilius, salubrius, honestius, iucundius, opportunius, & necessariè magis, totâ ratione, rationaliq; vitâ, voluere, ac reuoluere potes; quam æternos annos: quàm æternitatem.
3. Hoc enim, & tu, & omnis homo, apud se super omnia certissima certius habere debet: quod ad æternitatem factus, & ordinatus sit: quæ cum duplex sit; Beata scilicet vna: misera verò altera: in harum alterutrâ, necessariò, irrefragabiliter, ineuitabiliterque, omni homini demorandum, atq; habitandum est,
4. Quidquid ille vult, agat in hac vitâ: vtatur benè, abutatur in malum libertate suâ, & huius temporis bonis: tandem tandem tamen transibunt hæc temporalia omnia: succedent autem his æterna: & æternitas, responsura his quæ homo egerit in corpore, & tempore, siue bona, & DEI voluntati conformia, siue mala, & Sanctissimis DEI legibus dissona: responsura dico, vel vt præmia bonorum meritum, vel vt supplicia malorum factorum: æternitate admetienda.

¶ Ergo

Exerc: II. Aut beata, aut misera Æternitas omnibus sub: 479

5. Ergo in memoriâ, intellectu, ac voluntate tuâ depone, re-
conde, reuolue assiduò æternitatem, cuius alterutra portio tibi
necessariè omnino est obuentura : cuius necessariæ obuentioni,
te necesse est omnino tuamet propriâ voluntate, & voluntatis
spontaneâ operatione præparari, atq; adaptari : quæ adaptatio,
atq; præparatio, in hac tantum, & non in alterâ vitâ, abs te per-
agenda est : post hanc verò vitam exactam, & elapsam ; iam iuxta
Vitæ præsentis, adaptationisq; ac operationis in eâ qualita-
tem ; æternitas tibi, siue bona, & beata, in operationis bonæ præ-
mium ; siue mala, & misera, in operationis malæ supplicium, est
indubitanter, ac immutabiliter obuentura : atq; te suo inelucta-
bili sinu, complexura, atq; conclusura.

6. In æternum ergo, necessariò, ac infallibiliter, aut esse fe-
lix, beatusq; ; aut infelix, & per omnia miser, perditusq; ; debebis.
In æternum aut hædus, aut agnus ; aut piscis malus foras mittend-
us, aut piscis bonus in vasa seligendus ; aut granum in horreum
recondendum, aut palea igni inextinguibili comburenda ; aut
triticum metendum congregandumq; , aut zizania in fascicu-
los colliganda ad comburendum ; aut arbor ad Austrum, aut ad
Aquilonem lapsa ; aut lignum viride, aut lignum aridum ; aut
palmes fructuosus, aut palmes præcisus, & in ignem missus, ac
ardens, futurus es : & tuo quidem proprio arbitrio futurus, atq;
(vt dixi) in æternum futurus.

7. Et quoniam tuo proprio arbitrio alterutrum futurus es :
incumbit tibi omnino & inuitabiliter alterutrum eligendum
iam nunc : atq; ad alterutrius consecutionem, temet operatione
voluntatis tuæ disponendum. Qualis est, eritue vita præsens tua,
talis est, eritq; dispositio tua. Vis ad beatam æternitatem, siue
(quòd idem est) ad æternam beatitudinem disponi ? velis etiam,
& reipsâ præstes, seruare mandata, & incede iustus semper ante
DEVM in omnibus mandatis eius sine querelâ : quod si non placet
tibi incedere per viam mandatorum DEI, sed magis libet sequi
& exc-

480 *Exerc: II. Aut beata, aut misera Æternitas omnibus sub;*
& exequi prauitatem cordis tui, & esse operarium iniquitatis;
atq; ita perseuerare, neq; per pœnitentiam, fructusq; pœniten-
tiâ dignos ad DEVM conuerti; tunc expectat te decreti Diuini
contra impios clausula: Discedite à me operarij iniquitatis: &;
Ite maledicti in ignem æternum, qui paratus est diabolo, & An-
gelis eius: & tunc discedes cum omnibus impijs in combustio-
nem æternam: Iusti autem cum Christo intrabunt in Vitam
æternam.

8. Neq; tibi blandiri, aut illudere magis, velis, ex flore ætatis,
aut robore valetudinis, aut affluentia successuq; rerum, aut lon-
gioris vitæ spe. Si enim securè istiusmodi conditionibus confi-
dere homines possent; non diceret, nec præmoneret, Christus
salutis nostræ fidissimus amicus, & zelator, dicens: Vigilate,
quia nescitis diem, neq; horam, quâ venturus sit Dominus: &
tanquam illè Danielis lapillus, statux auro, argento, ære, ferro,
& testâ confatæ, pedem extremum percussurus, & cuncta illa
metalla in fauillam contriturus, ac dispersurus. Memento illius,
qui (enarratore Christo) dicebat Animæ suæ: Anima habes mul-
ta bona, posita in annos plurimos: requiesce, comede, bibe,
epulare: Dixit autem illi Deus: Stulte: hac nocte, animam tuam
repetent à te: quæ autem parasti, cuius erunt? Sic est qui sibi
thesaurizat, & non est in DEVM diues. Sic etiam est: qui hisce
temporalibus, quasi æternis, æternaturo animo immersus; æter-
na verè, & æternitati beatæ idonea, necessariaque, aut ignorat,
aut negligit, aut insipienter, periculoseque, & ancipiter procu-
rare differt: & in vltimas demum horas, momentaque, æterni-
tatis negoria referuat. Et tamen hominibus, ita desipientibus,
plenus, & superplenus est mundus, etiam Christianus.

9. O verè gens absq; consilio, & sapientiâ: & sine prudentiâ:
utinam saperent, & intelligerent, ac nouissima, æternaq; proui-
derent, procurarent, & condignis studijs affectarentur!

10. Tu homo vide quid eligas, quid agas, quid conquiras: in
quo

Exerc:
quo V
Beate,
nunc,
tui. N
vnqua

O
rafi:
mem
pore
la on
Per o

1. S
telle
2.
post
lend
Ad p
ad p
mis
Nat
3
quo
nec
aff
Glo

Exerc: III. Aut beata, aut misera Æternitas omnibus sub: 481
quo Vitam, laboresq; vitæ præsentis consumas? Aut æternum
Beatè, aut æternum Miserè esse, omnino te esse necesse. Eligere
nunc, arbitrij est tui: corrigere electionem; arbitrij nunquam erit
tui. Nam in delectu & mercatu Æternitatis, errare bis nemini
vnquam datur.

P R A X I S.

O Æterne, & totius Æternitatis fons DEVS: qui nobis per Fi-
lium tuum, Æternitatis Beatæ aditum, deuictâ morte rese-
rasti: da nobis recogitare dies antiquos, & annos æternos, in
memoriâ, in intellectu, & voluntate semper habere: vt in tem-
pore seculi huius, sic omnia temporalia pertranseamus, vt & ma-
la omnia æterna euitemus, & omnia bona æterna consequamur.
Per eundem Dominum nostrum &c.

E X E R C I T I V M III.

De his quæ mensurant Æternitatem.

1. **S**tatue te socium Dauidi sancto: dies antiquos cogitanti, &
Sannos æternos in mente habenti, memoriâ recolenti, in-
tellectu perpendenti, & voluntate deligenti.

2. Fac tu quoq; similiter: Et tibi enim ad æternitatis portum,
post, & per enauigatam istam mortalem vitam, indubiè appel-
lendum est. Sed interest quali appulsu? felici? an naufrago?
Ad portum beatæ æternitatis, qui reuera portus securus est? an
ad portum; magis autem, & reipsâ ad scopulum, charibdimq;
misere æternitatis, ac æternæ perditionis? Quod extremum
Naufragium est.

3. Vide ergo ac circumspecte sapè & diligenter Nauigium tuum
quo veheris: vide Nauarchum: Spiritusne Sanctus, an spiritus
nequam, mundus, dæmon, caro? vide remiges tuos: qui sunt
affectus & desideria tua. Vide Cynosuram & Acum nauticam:
Glorianè & Voluntas DEI, an propria voluntas & cupiditas sit?

P P P.

ea

482 *Exerc: III. De his quæ mensurant æternitatem.*

eanè quæ Christi Iesv, an quæ tua sunt quæris? Vide armamenta & instrumenta navis tuæ, vide commeatum: vide propugnatores. Vide onera, & merces, quibus navis onusta sit? sintnè omnia æternitati idonea, suffectura, peropportuna, pergrata? Num aurum, argentum, lapides pretiosos, an ligna, fenum, stipulam, deuehis? Virtutes, Perfectiones, Opera bona, Merita, Perfecta, Copiosa: an potiùs, peccata, vitia, iniquitates, opera mala, reatus multos, magnos, ingratos; iræ & vindictæ Dei thesauros? Hæc circumspice ô Homo in nauigio tuo, & in nauigatione tuâ. Sicut & illud; quid adhuc desit, portui æternitatis, & excensui necessarium? quibus ventis, quibus velis, vtaris? quomodo scopulos patentes ac latentes, prædones insidiantes, inuasurosq; declines? Ad ista, similiaq; recognoscenda, vacet tibi, si non assiduò (ac quidni assiduò?) frequenter saltem vita tua: diligentia tua: sollicitudo tua. Ne fortè, cùm te securissimè, placidissimè cursum tenere putaueris: tum ab ipsâ malatia maris pericliteris: ne inter scopulos & breuia, inter prædonum manus hæreas, traharisq; in prædam æternam.

4. Quid est hoc autem *Æternam*? quàm putas longum esse, diuturnumq; id, quod est æternum, id quod est *Æternitas*? *Mensura æternitatis* est longitudo, latitudo, altitudo, profundum, infinitum, & immensum. *Mensura Æternitatis* siue Beatæ, siue Miseræ, est DEVS, & eius æternitas: quandiu enim DEVS, erit DEVS, tandiu æternitas æterna erit: omnis enim æternitas est DEI æterna ætas. *Mensura* quoq; æternitatis est, initium vbique, medium & finis nusquam: quantumcunq; enim pergat æternitas, tantum inchoata est, medium & finem attinget nunquam. Initium in actu, & re semper habet: medium, & finem in impossibili. *Mensura æternitatis* est, Semper, & Nunquam. Semper esse, nunquam non esse: semper durare, nunquam cessare: semper venire, nunquam abire: semper stare, nunquam præterire. Ita æternitatis beatæ, est semper viuere, nunquam mori; siue; est viuere vitæ,
mor-

Exerc: III. De his quæ mesurant æternitatem. 483

morti mori: è contrà, æternitatis miseræ, est semper mori: nunquam viuere: siue; est mori vitæ, morti viuere. Itaq; vnam æternitatem mensurat vita æterna: aliam verò mensurat mors æterna. Si tamen, non rectius diceretur, quod vna æternitas mensuret vitam, faciatq; æternam: alia verò æternitas mensuret mortem, reddatq; æternam: at de modo loquendi parum est, quando de rei veritate constat.

5. Est verò etiam quædam æternitatis mensura magna & mirra, sed in sacris litteris vñtata: nempe, Vltra, siue Adhuc: Vt cum dicitur. Dominus regnabit in æternum, & ultra: siue; & adhuc. Quæso quid est, in æternum, & ultra: an post æternum est insuper aliquid ultra: Nihil quidem post æternum absolutè, est ultra: quia verè æternò non competit vnquam post: aut aliquid subsequens se, succedensuè sibi tanquam elapso: sed in eo quod dicitur, in æternum, & ultra, vel, & adhuc; exaggeratur immanis æterni æternitas; æternitatisq; æternum: vt sensus sit: v. g. Dominus DEVS regnabit in æternum, ita plenè, & absolutè, vt quidquid vnquam cogitaueris, cogitandoq; repetieris de Regni eius æternitate, adhuc supersit cogitandum de regno illius ultra. Pari ratione, Sancti cum DEO regnabunt in æternum & ultra: quia ita regnabunt æternaliter, & absq; fine, vt si per impossibile æternitas regni eorum transiret, adhuc illi regnarent ultra, & ultra, & adhuc. Similiter Dammati in inferno, in igne deuorante, & ardoribus sempiternis ardebunt, & cruciabuntur in æternum, & ultra: quia & æternum quidem eorum non præteribit vnquam: sed etsi per impossibile transiret, illi tamen ardebunt ultra, & ultra, & adhuc: quod ipsum est, in æternum.

6. Non est prætereunda æternitatis mensura, quæ Sancto Propheta maximè in vsu fuit. Anni nimirum æterni. Sed quæri potest: quomodo Anni sunt æterni, si anni: aut quomodo sunt Anni, si æterni? Omnis annus inuoluit reuolutionem à puncto ad punctum in motu cælorum, seu Solis: quæ peracta alteram in-

484 *Exerc: III. De his quæ mensurant æternitatem.*

hoat sol, & hæc est annus alter nouus: & non æternus: sed habi-
 turus tertium successorem: quod æterno minimè competit: an
 harum solarium reuolutionum successio erit æterna? at hæc fini
 mundi repugnat, in quo cessabunt cursus Cælorū & Solis. Quid
 sunt ergo, & qui sunt anni æterni? Anni æterni, siue, Annus æ-
 ternus, ipsa est æternitas: quæ talis est, vt dato anno æterno, vel
 annis æternis, numeroq; infinitis, absorptura sit illa omnes, ipsa
 vix dum sui initium auspicatura.

7. Hos annos æternos in mente habebat Dauid: hos annos
 æternos in mente habent Sancti cum DEO regnantes, & habe-
 bunt regnaturi: & exinde securi, ac certi sunt de suâ beatitudine,
 æternoq; regno: & eâ securitate beati sunt, & in sæcula sæculo-
 rum DEVM laudant. Hos annos æternos habent in mente omnes
 damnati, & exinde desperant de cessatione, ac fine malorum suo-
 rum: præ desperatione autem, in furorem, & rabiem malitiæ
 traducti, contra seipsos, contra omnia creata, contra perditio-
 nis socios, contra ipsum DEVM efferantur, furunt, intantur,
 malignantur in æternum. Nempe in malis maximum est, nullus
 malorum finis.

8. Hos annos æternos in mente habeto, semper, semper &
 semper, quisquis viuus hanc adhuc vitam: & omnem operam in
 eo pone: vt anni tui, qui tibi in hac vitâ fluunt, & effluunt, in il-
 lam Beatam æternitatem influant: & in annos æternos, æternè
 beatos, teq; beatificantes, ab æternitate beatâ transformentur.
 Væ tibi: si negligente, cæcutiente, procrastinante, insaniente te,
 anni isti, præfenter tibi elabentes, in illius æternitatis infelicissi-
 mæ sinum illapsi fuerint, & in annos æternos, æternè infelices,
 atq; te infelicitantes, ipsâ æternitate commutabuntur.

9. Tunc reuera erit Væ tibi, væ millicies: væ millicies millicies: væ
 in æternum, væ in æternum, & vltra, & adhuc. Væ in perpetuas
 æternitates. Si quis habet aures audiendi, audiat: Si quis habet
 mentis, & consilij sani micam; Annos æternos in mente habeat,
 memoriâ teneat, intellectu perpen dat, voluntate deligat.

P R A X I S.

O Æternæ, & omnis æternitatis fons DEVS: qui nobis per Filium tuum, æternitatis beatæ aditum deuictâ morte referasti: da nobis recogitare dies antiquos: & annos æternos in mente habere: vt in tempore sæculi huius, sic omnia temporalia pertranseamus, vt & mala omnia æterna euitemus, & omnia bona æterna consequamur. Per eundem Dominum nostrum, &c.

E X E R C I T I V M IV.

De his quæ mensurat, seu continet Beata æternitas.

1. **S**tatue te Socium Dauidi Sancto, dies antiquos cogitanti, & annos æternos in mente habenti, memoriâ reuoluenti, intellectu consideranti, voluntate seligenti.
2. Tu quoq; fac similiter: & tibi enim eadem omnino æternitatis cura incumbit: cui superindormire nec tibi nec ulli hominum licet: nisi ei, cui perdere bonam, lucrari malam æternitatem libet.
3. At certè ista cura DEO inter primas est: vt homines ad Beatam æternitatem tandem inducat. Peruestiga omnes DEI operationes: & inuenies, nullam hac vnâ curâ vacasse. Ab æterno DEVS semetipsū suâmet adimplebat tam beatâ æternitate quàm æternâ beatitudine: & poterat tum esse, tum videri, solutus procuratione omnis alienæ tam æternitatis quàm beatitudinis: nihil enim penitus intererat illius, vt etiam aliquis vnquam esset æternè beatus, vel beatè æternus. Et tamen ille DEVS, soli suæ immensitati, & immensæ Entitati beatificandæ, immensâq; per omnem modum beatitudine explendæ ac exsatiandæ satis occupatus, deditus, contentusque, reperit per Sapientiæ, Potentiæ, Bonitatisq; suæ diuitias, ab omni æternitate spatium, & modū, quo & cogitaret, & decerneret hominibus procurare, & elargiri suam æternam beatitudinem, beatamq; æternitatem.
4. Et

486 *Exerc: IV. De his quæ mensurat Beata æternitas.*

4. Et quod apud se ab æterno decreuit, hoc demum in molitione constitutioneq; mundi perfecit; in consummatione eiusdem vltimâ consummaturus: dicente Domino nostro Iesv Christo; Venite Benedicti Patris mei, possidete paratum vobis regnum à constitutione mundi. Itaq; DEVS in vniuersâ mundi molitione, vnum præ oculis habuit beatam æternitatem rationali creaturæ suæ Angelicæ atq; Humanæ communicandam.

5. Sic ergo vniuersa DEI Sapientiæ, Potentiæ, Bonitatis, Sanctitatis, Iustitiæ, Misericordiæ, Veritatis, Charitatis, in creando gubernando, conseruando, justificando, sanctificando, legibus & veritatibus, præceptisq; erudiendo, minis & pœnis in officio coercendo, præmijs atq; beneficijs excitando, auxilijs Gratiæ suæ etiam supernaturalis suffulciendo, exemplis, etiam suis proprijs, aliorumq; informando, lapsus & errata creaturarum misericordissimè sustinendo, condonando, abolendo, vniuersa inquam hæc DEI profusio, occupatio, atq; (vt sic loquar) exercitatio & impensa; aliud nihil spectauit & adhuc spectat, nihil egit & adhuc agit, nihilq; actura est vsq; ad mundi finem; nisi negotium communicandæ beatæ æternitatis tam Angelis, quàm Hominibus; specialissimè verò Hominibus.

6. Hoc sibi vult vniuersa Incarnationis Verbi, & DEI hominis, Oeconomia: hoc rota series Redemptionis humanæ: hoc vniuersæ DEI hominis in hac vitâ progressiones, operationes, virtutes, & virtutum exempla, miracula, merita, prædicationes, mandata, consilia, exinanitiones, passiones, dolores, odia, contemptions, reprobationes: deniq; mysterium simulq; probrum Crucis, & in Cruce Mortis: sepultura post mortem: Descensus ad inferos, Resurrectio ex mortuis, Ascensio: ad Patris æterni dexteram confessus, & abinde Spiritus Sancti ad Ecclesiam à se hic institutam missio, eiusdemq; Ecclesiæ perennis per omnes gentes humanas propagatio, gubernatio, protectio: cum eademq; in admirabili, ineffabiliq; Eucharistiæ Sacramento, nec
no n

Exerc: IV. De his quæ mensurat Beata æternitas. 487.

non Sacrificio, ad vsq; finem mundi cohabitatio, & dignantissimi Præsentia realis exhibitio.

7. Ecclesia quoq; Christi tota, ab origine mundi fundata, deinde per legem propagata & erudita, demumq; per Christum, & eius Gratiâ perfectâ, quantaquanta est, quidquid in se habet, a Sponso, & DEO suo Christo communicatorum bonorum, doctrinarum, Sacrificiorum, Sacramentorum, meritum, potestatis, auctoritatis, infallibilis certitudinis, inexpugnabilis firmitatis, irreprehensibilis sanctitatis; quidquid agit in omnibus ritibus, ordinationibus, obseruantijs, orationibus, psalmodijs, ieiunijs, cordium corporumq; asperitatibus, exercitationibusq; filiorum suorum in Christum credentium: omnibus his æternitati beatæ suorum militat: per hæc omnia suos ad æternitatem beatam dirigit: à miserâ æternitate arcet, auocat, defensat: Meritis, siue meritum, operumq; bonorum in Gratiâ DEI, & Vnione Christi factorum, diuitijs, thesaurisque, beatæ æternitati deseruitur, ditat, & locupletat, & conseruat: & cum his eos à se ex hac vitâ, ad eandem se in alteram vitam, æternitatem scilicet beatam dimittit, deducit, introducit: ibiq; beatè æternaturos, seculè mansuros, æternum regnaturos, cum DEO, & Sancto Sponso suo Christo fundat.

8. Ecce sic DEVS, & Christus eius, & vniuersa Ecclesia eius, & vniuersus mundus tam inuisibilis quàm visibilis eius, per omnia beatæ æternitati ab Hominibus consecrandæ, consequendæq; deseruit. Homines verò ista cura, quo nam modo tangit? Heu! ac si res aliorum, ac si bouum, asinorumuè ageretur; ac si res de lanâ caprinâ, umbræ asininâ, & nescio quo titiulicio esset; ita hoc nihil homines, nihil æternitati creatos tangit, nihil aduertit, nihil admordet: tam securi æternitatem beatam negligunt, ignorant, prostituunt, deperdunt; ac si ea esset omni vilior algâ, omnibus quisquilijs abiectior. Scilicet plus DEI, & Christi eius, interest homines in æternum beatos esse, & æternam perditio-

488 *Exerc: IV. De his quæ mensurat Beata æternitas.*

ditionem euadere, quàm hominum ipsorummet. Scilicet etiam est DEI, & Christi eius malum grande nimis, homines à beatâ æternitate excidere, in æternumquè perditos esse: hominum autem summum bonum est, æternum perijsse, & æternum beatam æternitatem amisisse. O cæcas hominum mentes! sed his immoratum est nunc satis. Expendenda sunt ea, quæ mensurat, seu quæ in se habet, possidenti; se largitur æternitas Beata.

9. Horum Primum, & Primus est DEVS: totusquantus in Vnitatem trinus, in Trinitate vnus. Beatus, Gloriosus, Omnipotens, Summum bonum: Laudabilis: & is quidem hominis Amicus, amator, amatus, possessus, & in æternam fruitionem gaudiumq; datus.

2. In beatâ æternitate, est ipse Beatus: Viram, omni ex parte felicem, felicitate Animi corporisq; repletissimam viuens.

3. Visio, fruitio, laudatio, tentio, hereditatio, DEI plena, prout est DEVS in se, gaudium de ipso, & lætitia sempiterna.

4. Societas, & multitudo Sanctorum, & Beatorum conuiuentium, collætantium, conregnantium. Incipiendo à Christo Domino, & eius Matre Pretiosissima, vsq; ad omnes Angelos & Homines: quæ Societas tædium non habet: sollicitudinem, metumq; non habet: sed DEVS est omnibus omnia & in omnibus omnium: & quisq; ita est omnibus sicut sibi: ita omnium, sicut suus.

5. Merces ac remuneratio omnis boni etiam minimi copiosa, & multa nimis: eaq; non alia quàm ipse DEVS, cum omnibus quæ sunt DEI.

6. Locus beatitudinis: qui est ipsamet DEI sedes, domicilium, regnum, sanctum, pacatum, securum, beatitudini Diuinæ, & omnium Beatorum eius, planè, & dignè factum: expers omnis incommodi: plenum omni verâ felicitate.

7. Aeternitas ipsa; quæ nisi esset, nihil in eâ beatum esset: nam ipsa expectatio finis, esset venenum beatitudinis. Summum enim

Exerc:
enim

10.
hæc quæ
summum
posside
nam:
Possid
seculo
sibi
eorum
ceden
erit n
habip
Regn
DEO:
in re
beata
est: n
O
te: h
Eccle
terni
tis: d

O
sti;
mor
secul
omn
Per

Exerc: IV. De his quæ mensurat & continet Beata æterni: 489

enim in bonis bonum est, finem bonorum non expectare.
10. Ergo homo, si in beatam æternitatem deuenieris, omnia hæc quæ recensui possidebis. Possidebis DEVM. DEVM summè & summum bonum, vltimum quoque, & omne bonum: & simul possidebit te DEVS tuus, vt bonum suum. Possidebis vitam æternam: omne desiderium captumq; tuum bonis tuis excedentem. Possidebis, videbisq; DEVM sicuti est: & laudabis illum in sæcula sæculorum: nec deficies, quia merces tua erit in laudando. Possidebis Christum Salvatorem, eiusq; Matrem, & omnes Sanctos, eorumq; fruëris, & gaudebis æternâ Societate. Possidebis mercedem, aut magis possidebit te, merces tua, magna nimis: nec erit mercedis tuæ remunerationisq; vllus finis. Possidebis & inhabitabis Cælum: locum, & sedem Maiestatis DEI, in quo est Regnum, quo DEVS regnat in Sanctis, & Sancti regnant in DEO: & resident in pulchritudine pacis, in tabernaculis fiduciæ, in requie opulentâ. Possidebis deniq; possidentem vicissim te beatam æternitatem: cui addi boni nihil potest: quia beatitudo est: nihil etiam detrahi: quia æternitas est.

O homines hanc curam curate: hanc sollicitudinem sustinete: hoc vnum & solum agite: vt DEO auxiliatore, Christo Duce, Ecclesiâ Sanctâ magistrâ, omni creaturâ seruiente, ad beatam æternitatem profutura, necessaria, digna, totis viribus elaboretis; deferatis.

P R A X I S.

O Æterne; & omnis æternitatis fons DEVS: qui nobis per Filium tuum, æternitatis beatæ aditum, deuietâ morte reserasti; da nobis recogitare dies antiquos, & annos æternos in memoriâ, in intellectu, in voluntate semper habere: vt in tempore seculi huius, sic omnia temporalia pertranscamus: vt & mala omnia æterna euitemus, & omnia æterna bona consequamur. Per eundem Dominum nostrum &c.

E X E R C I T I V M V.

De his quæ mensurantur continenturq; miserâ Æternitate.

1. **S**atue te Socium Dauidi Sancto, dies antiquos cogitanti, & annos æternos in mente habenti, memoriâ recolenti, intellectu expendenti, voluntate designanti, ac deligenti.

2. Fac tu quoq; similiter: quoniam hoc negotium, est negotium omnium negotiosissimum: ita vt si hoc vnicum rectè curandum, conficiendumq; pro totâ vitâ tuâ tibi designes; & assumas; satis, superq; sis vitam tuam, & occupaturus: & perquam utiliter, perhonestèq; impensurus.

3. Stultitia humana, dum quid prægrandi molimine, formicarū instar elaborasset, exegisse monumentum ære perennius, atq; æternitati ipsi exæquasse se mussitabat. Insaniunt & hodie sic homines: terram & mare verrunt, vertuntque, propter explendas cupiditates suas: quarum omnium crederes proiectionem esse, vel vltrâ ipsam æternitatem. Vident cæci suas spes quotidie collabi, nec momento subsistere, se morte abripi, omnesq; curas funerari secum: & tamen sunt, qui his succedant non in curas tantum, verum & in ipsas insanias: quas ipsas excedere insaniendo nituntur: & inter hæc; ne quidem nomen veræ, & propriæ, & nullis viribus ausibusque excutiendæ declinandæue æternitatis admittunt. Vnde quotidie innumeris eorum accidit: vt in abyssalem æternitatis miserrimæ nassam decidant, deuoluanturq; ; nunquam inde extricandi: prius quàm se, vel passū vnum, ad eam admouisse opinarentur. Ignorabant scilicet, aut magis ignorare volebant: sese quocunq; modo viuerent, quidquid agerent, quidquid molirentur, volentes nolentes, curantes negligentes, scientes ignorantes, æternitati appropinquare: & veluti fluuiales aquas in mare inuehi, mariq; absorberi.

4. Quod vtinam sentire aliquando vellent homines, atq; in eâ cæcitate, vesaniâque, omnium vesanissimâ sese circumspicere,

re,

Exerc: V. De his quæ mensurantur continenturq; Ec. 491

re, tempestiuè, maturè, seriò, & prorsus ex animi proposito, atq; destinato: dantes, & seponentes sibi; iustam, legitimam, & idoneam vitæ portionem: quam æternitati memorandæ, expendendæ, seligendæ; procurandæ quidem Beatæ, auerrendæ autem miseræ consecrent: ac impendant. Vtinam sciant, & velint temporalibus vitæ huius negotijs, & tempori dieiq; mortis, spatium opportunum, imò necessarium interponere: in eoq; curis vitæ, ac negotijs, moderationem, aut melius finem; tempori & negotio mortis præuisionem, prouisionemq; ipsi æternitati ianuam, beatæ quidem aperturam, miseræ autem obstructuram elaborare.

5. Vtinam sterilissimis valedicentes cogitationibus, vnā æternitatem semper, & vbiq; & in omnibus, in corde, in mente, in memoriâ, in manibus, in operibus, in sermonibus, in amore, in timore, in sollicitudine, in præmeditatione, in præparatione habere consuescant. Ista est enim genuina Sapientia: scire ad æternitatem intendere, pergere, peruenire: scire inquā, non errare, non dubium hære, non casui, & fortunæ, tantum negotium permittere: deniq; quid in æternitate ambias, quid defugas, scire.

6. Et proximè quidem vidimus bona æternitatis beatæ: nunc profiti videre mala æternitatis miseræ. Horum;

Primum est, damnatus, & perditus quisq;: durabit enim infelix, & mensurabitur immensâ æternitate: desiderabit mortem, sed mors fugiet ab eo: in morte erit, sed tamen mortuus non erit: quia in morte immortalis erit.

2. Quod miserâ infeliciq; æternitate mensuratur, seu continetur; est: Societas aliorum damnatorum, tam hominum, quàm dæmonum: hoc est, omnium omnibus pessimis peiorum, ac in malitiâ maledictorum.

3. Vermis quisquis ille, certo certius tamen erit: vermis conscientie cuiusq; propriæ, qui nec vnquam morietur, nec vnquam à morsu, remorsuq; amarissimo cessabit.

Qq q 2

4. Do-

492 *Exerc. V. De his quæ mensurantur miserâ æternitate.*

4. Dolor cordis ac pœnitentia inutilis, quia serâ. Cùm enim vult non potest, vtiliter pœnitere, qui quando potuit noluit fructus dignos pœnitentiæ facere.

5. Impœnitentia, & obduratio, & obstinatio finalis: quâ nec velle possunt, nec posse volunt auerti; à malitiosâ in DEVM, & in omne bonum voluntate.

6. Combustio ignis inextinguibilis, nunquam tepescens, nunquâ remittens, nunquâ cessans, semper incipiens, nunquâ consumens pabulum suum infelix, ad pœnas suas semper viuens, semper integrum, semper vegetum, & sanum.

7. Locus illatibilis, omne triste habens, solaminis nihil admittens. Omni spurcitiarum genere, veluti mundi repurgati sentina, repletissimus.

8. Congeries omnium tormentorum, cruciatuumque, omnibus & singulis sceleribus in vno quoque per omnes potentias peccatrices castigandis, idoneorum. Ibi & tortores æterni, & qui torquentur æterni, & tortura ipsa æterna.

9. Amissio DEI benedicti, DEI Amici, DEI Amantis, DEI summi & vltimi, summæ & vltimatæ Boni: experimentum verò DEI reprobantis, odientis, vindicantis, nunquam placandi. Ignis (ait) accensus est in furore meo, & ardebit vsq; ad inferni nouissima. Et iterum; Discedite a me maledicti in ignem æternum: nec benedicendi à me in æternum.

10. Aeternitas ipsa: & ex eâ surgens desperatio desperatissima de fine malorum: & certitudo certissima de perpetuitate illorû.

8. Istæ sunt miseræ, infelicisq; æternitatis opes æternæ: has tibi conquies æternum possidendas, quisquis æternitatem istam hereditaueris. Habebis immortalitatem vitæ ad pœnas æternas suffeaturæ. Habebis societatem omnium damnatorum hominû & dæmonum, sub quorum etiam potestate eris in æternum. Habebis vermem conscientie æternum. Habebis & pœnitentiam inutilem, & impœnitentiam rabiosam in æternum. Habebis, &

Exerc. V. De his quæ mensurantur miserâ æternitate. 493
patieris combustionem æternam. Habebis locum mansionis tuæ
æternæ infernum. Habebis congeriem omnium cruciatuum, &
fumum tormentorum tuorum ascendentem in æternum, & in
sæcula sæculorum.

8. Carebis DEO summo & ultimo, incomparabiliq; bono: eiusq;
possessione, laude, hereditate, beatitudine: & faciem eius ad
quam videndam creatus eras, non videbis in æternum. Carebis
DEI Hominis Christi, eiusq; Matris, atq; Sanctorum Angelorum,
& Hominum beatâ Societate in æternum. Carebis vitâ & gloriâ
& beatitudine omni in æternum; Carebis omnibus bonis Ani-
mæ, dotibusq; Corporis gloriosi in æternum. Carebis cælo, do-
micilio illo DEI, & sanctorum, omniq; gloriâ, & ornatu, & pace
illius in æternum. Carebis æternitate beatâ: hereditabis autem
æternitatem infelicem vsq; in æternum.

9. Quid horum tibi arrideat, ô homo; nunc dispice, nunc de-
lige, nunc decerne. Semel errasse, æternum est errasse.

P R A X I S.

O Aeternè: & omnis Aeternitatis Fons DEVS: qui nobis per
Filium tuum æternitatis beatæ aditum, deuictâ morte refe-
fasti; da nobis recogitare dies antiquos: & annos æternos in me-
moriâ, intellectu, & voluntate semper habere, vt in tempore se-
culi huius, sic omnia temporalia pertranseamus, vt & mala o-
mnia æterna euitemus, & omnia Bona æterna consequamur.
Per eundem Dominum nostrum &c.

EXERCITIUM VI.

Occupationes Beatorum, & Damnatorum in suâ Aeternitate.

1. **S**tatue te Socium Dauidi Sancto, cogitanti dies antiquos
& annos æternos in mente habenti, memoriâ recolenti,
intellectu consideranti, voluntate designanti, & diligenti.
2. Tu quoq; fac similiter: Nam reuera non est vlla excusatio

494 *Exerc: VI. Occupationes Beatorum & Damnat: &c.*

vlli similiter non facienti. Vlli dico Christiano, & DEI notitiâ, fideiq; Christi Inmine prædico, & Ecclesiæ Sanctæ filio: qui enim foris, & extra Ecclesiam sunt, de his non libet iudicare.

3. Est apud quosdam, nec insipiens prouer-
bium: aiunt illi: inter Christianos, ad eorum delicta, vel coer-
cenda, vel castiganda, duplici carcere opus esse, aut Sanctæ Inqui-
sitionis in quem suspecti de fide, ac Hæreseos conuicti conijcian-
tur: aut mente captorum, siue insanorum. Aiunt enim, sic, ar-
guantes: Christianorum neminem, si reuera Christianus sit; de-
linquere in DEVM non posse; nisi aut non sincerè credat, quæ
Deus proponit, præcipitque, vel agenda, vel vitanda: aut cre-
dendo talia; nihilominus ea seruare, vel transgredi, pro nihilo
ipsi sit. Primum horum est de fide suspectorum: quos proinde
carcer Inquisitionis meritò maneat. Alterum est mente emoto-
rum, quibus suum quoq; ergastulum debeat.

4. Esse porro Christianos peccatores in alterutrâ classe præ-
dictâ; probare satis potest, vel hoc vnum; quòd Deus observa-
toribus mandatorum suorum promittit in præmium vitam æter-
nam: transgressoribus autem decernit supplicium æternum.
Hoc si Christianus quis credit, & nihilominus mandatis Diuinis
contraire præsumit, vitæq; æternæ præmio renunciat, supplicij
æterni reatum subit, vltro ob exiguum, quia temporale commo-
dum, plus DEI voluntate æstimatum: quis hunc talem, aut; non
plenè fidelem, aut non mente motum meritò iudicabit?

5. Quidquid verò sit de rigore prouerbij: quantum obsecro
discedunt Christiani homines, vel à fidei, vel à mentis errore;
qui & fide credentes, & ratione scientes, se alterutri æternitati
omnino, & inuitabiliter destinatos, & nullo modo in istis tem-
poralibus perennaturos, sed iuxta eorum ordinatum, vel præ-
posterum vsum, æternitatem beatam, vel miseram assécuturos:
passim tamen omnes, sic memoriam omnis æternitatis depo-
nunt, sic temporalibus inhiant, incubant, adglutinantur; quasi
aut

Exerc: VI. Occupationes Beatorum & Damnator: Sc. 491
aut in his perennaturi, aut cum his ad æternitatem aliquam commigraturi sint.

6. Quid his facias? quid remedij adhibeas? si carceri alicui addicas; necesse erit totum mundum carcerem esse. Ratione, & oratione conuincas, & ad saniora consilia inducas? En habent Moysen & Prophetas: imò habent DEVM, & Sapientiam, Verbumq; eius Christum: si hos non audiunt; quem alium audient?

7. His tamen non obstantibus; timendum est: quod Ezechieli Prophetæ comminatus est DEVS, nimirum Sanguinem Impij requisiturum se de prophetæ manu, si is non fuerit locutus impio, vt auertatur à viâ suâ impiâ: timendum & illud: quod Paulus sibi metuit; Vx (inquiens) mihi, si non Euangelizauero. Inculcentur ergo Hominibus istorum temporalium bonorum amatoribus, atque propter illa peccantibus, DEVM obliuiscantibus, ac etiam contemnentibus, bona æterna negligentibus, mala æterna accersentibus: inculcentur (inquam) illæ, quæ sunt æternitatis, tum beatæ tum miseræ occupationes: vt nunc discernant, & decernant, eligantq; quibus distineri sint, & distineri velint per totam æternitatem.

8. Et occupationes: quidem eorum quibus beata obuenerit æternitas: erunt e.g. istæ.

1. Videre DEVM, sicuti est, facie ad faciem, & quæ hîc in ænigmate docebat fides, reuelatâ facie contemplari in ipsâ DEI Veritate, atq; Entitate.

2. DEVM amare beatificè, incessanter, possessiuè; frui DEO, & gaudere de illo, tenere, & hereditare illum, & inhabitare vniuersa bona eius: satiariq; illis in æternum, & non ad mensuram, sed ad omnem plenitudinem.

3. Laudare DEVM quantusquantus est in se, & laudare in amore, sicuti & amare in laude; non satiari laude, quia & laudandi DEI satietas non est, finis non est, modusq; non est.

4. Videre, & obtinere omnes diuitias Vitæ DEI, Veritatis DEI,

Sa;

496 *Exerc: VI. Occupationes Beatorum & Damnatō: &c.*

Sapientiæ, Potentiæ, Charitatis, Bonitatis, Iustitiæ, Misericordiæ, Immensitatis, Maiestatis, Pulchritudinis, Dulcedinis, Dignitatis, Voluntatis, Æternitatis, & Beatitudinis. Has diuitias scrutari, cognoscere, obtinere, amare, mirari, prædicare, &c.

5. Videre Christum IESVM, DEVM Hominem, vniuersamq; Oeconomiam illius mysteriorum, decretorum, gestorum, officiorum, dignitatum, meritorum, donorum, præmiorum, gloriæ quoq; & Potestatis omnis, regni item cum DEO, in Sanctis. Hæc omnia quæcunq; Christi sunt clarè nosse, intueri, obtinere: ipsi pasci, & frui, gaudere, & congaudere: DEVM in Christo, & pro Christo, & pro vniuersâ eius communicatione, potestate, gloriâque prædicare: Christi in se Vnum, pariter in omnes, beneficia omnia dilaudare,

6. Pretiosissimam Christi DEI Hominis Matrem omnîsq; Creaturæ ac inprimis DEI Electæ, Dominam, & Heredem videre: ac diligere viscerosè, ac inexplebiliter: eius Gratias, prærogatiuas, glorias, munera, præmia, potestates, in DEVM, in Filium, in Electos omnes; officia, obsequia, & profusiones, cernere, mirari, glorificare, gratulari.

7. Sanctos omnes, Angelos & Homines, familiariter, & intimè nosse, ac purâ amicitia prosequi: omnium coram DEO statum, gradum, merita, pretia, glorias, præmia videre: DEI circa omnes prouidentiam, misericordiam, liberalitatem, iudicia, agnoscere, stupefcere, demirari, deprædicare: ex omnibus, tamquam ex suis, sibiue exhibitis gaudere, gratulari, DEVMq; exaltare, superq; exaltare.

8. Ipse sibi vnusquisq; Beatus erit infinita occupatio, & occupationis inexhausta materia: dum sese in arcanis Diuinæ Voluntatis, Sapientiæ, Charitatis totum intuebitur: qualiter à DEO ab æterno præuisus, ad creandum ex nihilo designatus, ad vitam æternam sine vllis meritis suis Electus, ac prædestinatus: deq; totâ serie existentia, ac permanentia omnibusq; medijs, soli DEI Sa-
pi-

Exerc: VI. Occup: Beat: & Damn: in sua Æternitate. 497

pietia peruestigabilibus, prouisus, & instructus, eductus demum in naturam rerum; in his circumstantiis: tam apta, tam congrua, tam efficaci, tam suaui, tam infallibili serie, & coniunctione; ut hoc in Animum hominis ascendere nunquam possit, nisi in Lamine DEI, eiusque Substantia beatifice penetrata, seu perspecta. Quæ hæc materies beatæ iam menti, perspectam clarissime habere omnem structuram suæ saluationis, & ad æternam vitam efficacis, infallibilisque deductionis! Opus reuera solius DEI Bonitatis, Sapientia, Potentia, & Gratia: Christi quoque meritorum labor, & præmium: inter tot anfractus, inter tot scopulos, insidias, fraudes, & pericula, inter tot impedimenta, fragilis, insipientis, deprauata, rebellis, ingrata, contumacisque, toties ac toties, miseratori suo, naturæ. Quis ista cogitando, aut enarrando percurrat? Beatus tamen quoque tota æternitate decurret, recognoscet, Domino DEO suo confitebitur in laude, & iubilo, per secula seculorum.

9. Parem materiam admirationis, perscrutationis, prædicationis, congratulationis, habebit quilibet Beatus, ex alijs quoque omnibus secum Beatis: incipiendo à Christo DEO Homine, & eius Matre: pergendoque per seriem Saluationis singulorum Angelorum, atque Hominum.

10. Occupatio Beatorum in suâ Æternitate erit: intueri infelicissimos labores, dolores, calamitatesque ineluctabiles eorum omnium, quos misera Æternitas suo concludet sinu. Videbit illud diluuium ærumnosissimarum ærumnarum, beatus in suâ beatitudine positus: & laudabit quidem sanctissimam DEI iustitiam in omnibus filiis perditionis: at simul etiam infinitas aget gratias Gratia, & Misericordia super se diffusa, & sicut nunquam hac agendi gratias materia Beatus priuabitur; ita etiam nunquam ab hac agendi gratias, laudandi; DEI super se misericordias occupatione, & illarum in æternum decantatione cessabit.

11. Cognoscere res huius mundi & vitæ: orare DEVM pro eis assidue, iuxta placitum eius voluntatis.

Rrr

9. At-

498 *Exerc: VI. Occup: Beat: & Damn: in sua Æternitate.*

9. Atq; istæ sunt strictim enarratæ occupationes beatæ Æternitatis. Proponendæ iam veniunt occupationes incolentium infelicem Æternitatem.

Prima harum erit, perpeſſio omni dolorum immanitate immaniorum, cruciatuum: tam in corpore, quàm in animâ, & in omnibus bonis eius, absq; vlllo ſolatio, leuamento, ceſſatione, commiſeratione.

2. Odium, & furor, atq; rabies, inexplicabilis, vt pote animi deordinatiſſimi, perturbatiſſimiq;: hoc Damnatus exercebit omni poſſibili malitiæ ſuæ impotentia in DEVM, in eius omnem maiestatem, & perfectionem, in omnia eius benefacta, & beneficia, & gloriam: in omnem eius Bonitatem, Charitatem, Miſericordiam: in omnem eius Iuſtitiam, prouidentiam, voluntatem, poteſtatem.

3. Occupatio erit, horrendas, impias, & infernali ſtatu etiam indignas, in DEVM blaſphemias eructare, & vomere, & nunquam ceſſare: nunquam DEVM videre: imò viſionem eius execrari.

4. Reſpuere DEVM: eumq; nolle exiſtere, nolle bonum, nolle juſtum eſſe: velut in injuſtum debacchari: tanquam malum, peſſimumq; execrari.

5. Chriſtum, eius Matrem, omnes Sanctos odiſſe, execrari, blaſphemare: beneficia abhorrere, & abnegare.

6. Maledicere perpetim omnia. Cælum, & omnia quæ in cælo, terram, maria, contenta in his: Infernum quoque, & omnia quæ in eo ſunt, ignem, ſulphur, fumum, factores, factitates, clamores, ſempiternum horrorem, vermes, damnationis ſocios, damones.

7. Chriſti Incarnationem, Vitam, Paſſionem, Mortem, Gloriam, Virtutes, Merita, Fidem, Doctrinam, Sacramenta, Eccleſiam, & quidquid eſt ſalutis, ſanctitatis, benedictionis, in Redemptore, ac redemptione, execrari, deteſtari, odiſſe.

8. Odiſſe & eiurare omne bonum, ſiue DEI, ſiue Chriſti, ſiue Sanctorum, ſiue viuentium hominum, ſiue etiam damnatorum, ſiue

Exerc. VI. Occup: Beat: & Damn: in sua Aeternitate. 499

sive suum propriū. Odit enim damnatus etiam suum Esse, suam vitam, animam, personam, corpus: odit quidquid fortè boni gessit in vitâ suâ: odit virtutes tam suas quàm alienas: odit ipsa peccata propria, & aliena, non ad pœnitentiam tamen, sed ad iram.

9. Occupatio, odisse Sanctos, illis inuidere, insultare, exprobrare lapsus, dolere de inuentâ apud DEVM gratiâ ac veniâ: sugillare eorum pro DEO, Christo, Cælo labores.

10. Odisse seipsum, & scelera sua: odisse impios omnes, etiam dæmones, & omnia eorum scelera: & pœnas suas: eorumque odisse creationem, conceptionem, natiuitatem, ætatem, vitam: omneque vitæ momentum: omnem statum, omnem occasionem ad bonum & salutem: omnem occasionem ad peccata: omnem materiam, socium, magistrum, imitatore, complicemque; peccatorum suorum: omne tempus, horam, diem, locum, modum peccandi: omnem peccatorum, voluntatem, segetem, materiam, fomenta.

11. Desperare, desperatè agere, viuere, vociferari, rabire, rugire, eiulare, flere, dentium stridore concuti, præ desperatione vilius boni, & præ desperatione finis, vel minimi malorum suorum mali. Scit enim quilibet infelix, Aeternitatis inuincibili repagulo obstructa esse omnia.

10. Ecce hi sunt, non dubij, æterni tamen omnino labores eorum, quos miseræ æternitatis abyssus absorbuerit. Quisquis es ô Homo; expende ista, corde tum fideli, tum attento. Delige, quam tibi prouenire velis æternitatem. Tua res agitur: tua solius interest: nemo pro te: sed tu in personâ tuâ, aut beatus, aut miser esse debes in æternum. Ex te quærit, quod ex omnibus quærit, Isaias; Quis ex vobis poterit habitare cum igne deuorante: cum ardoribus sempiternis? Tibi quoque affirmat, quod omnibus affirmat Christus; Gaudete, & exultate quoniam vestra merces copiosa est in cælis. Habes ante te Mortem, & Vitam: ad

500 *Exerc: VII. De Arcâ, & Spatiosa via ad Æternitatem.*
quod extenderis Manum; hoc est, Operationem tuam, Morte,
aut Vitâ æternâ dignam; dabitur tibi.

P R A X I S.

O Æterne, & omnis æternitatis fons DEVS; qui nobis per Fi-
lium tuum Æternitatis beatæ aditum, deuidâ morte resera-
sti: da nobis recogitare dies antiquos, & annos æternos in me-
moriâ, intellectu, & voluntate semper habere: vt in tempore sæ-
culi huius, sic omnia temporalia pertranseamus, vt & mala o-
mnia æterna euitemus: & omnia æterna bona consequamur.
Per eundem Dominum nostrum &c.

E X E R C I T I V M VII.

De Arcâ, & Spatiosa via ad Æternitatem.

1. **S**tatue te cum Dauide Sancto cogitante dies antiquos, &
annos æternos in mente habente, memoriâ recolente, in-
tellectu considerante, voluntate diligente, & acquirente.
2. Tu quoq; fac similiter: Nam & tu Homo es, exigui super
terram temporis: habens quotidie, quin omni horâ, atq; adeo
momento, in temetipso responsum mortis, atq; ad emigrandum
hinc, indictam inuictamquæ necessitatem. Vnde necesse est te
omni momento vitæ tuæ sic comparatum esse, vt in omni pariter
momento, non tam hinc migrare ipse paratus sis; (hoc enim siue
nolente, siue volente te fiet,) quam vt omnia ad iter æternitatis
necessaria, profuturauè, collecta, conuassataq; habeas: vt te ad
beatam æternitatem comitentur, eiq; toti, siue in eâ tibi, abundè
sufficiant, impleaturque in te illa Benedictio; Beati mortui qui
in Domino moriuntur. Opera enim illorum sequuntur illos: &
illa alia; Dicite iusto, quoniam benè, quoniam fructum adin-
ventionum suarum comedet. Porro illam quæ inibi mox sub-
iungitur euadas miseræ æternitatis maledictionem; Væ impio
in malum: retributio enim manuum eius fiet ei.

3. Con-

Exerc: VII. De Arcta, & Spatiosa via ad Aeternitatem. 501

3. Concurti solent frequenter homines, quæstione, ac simul dubitatione illâ, satis quidem perplexâ, satis & prægnante: Numquid sum ex Electis à Deo ad Vitam æternam? an verò reprobatus ad mortem item æternam? O si hoc scire possem! ô vnde hoc scire possem? Quæstio sat digna cui satisfiat: & dubitatio iusta quæ expediatur. Et præstant hoc ex sapientibus multi: at nemo meliùs quàm Sapientiâ ipsa.

4. Dominus noster IESVS Christus, Magister viam DEI in veritate docens: ita quæstionem, & dubitationem hanc soluit. Interrogatus enim à quopiam; Domine, si pauci sunt qui saluantur? Dominus ita satisfecit; Contendite intrare, siue; intrate per angustam portam: quia lata porta, & spatiosa via est, quæ ducit ad perditionem, & multi sunt qui intrant per eam: quàm angusta porta, & arcta via est, quæ ducit ad vitam: & pauci sunt qui inveniunt eam.

5. I nunc quisquis es quare, si pauci sunt qui saluantur? Inunc quare vnde sciam; Electus ad vitam, an reprobus sim ad mortem? Ecce mi homo, duas vias, duas portas habes ante te. Vna; arcta via & angusta porta: altera; spatiosa via, & lata porta: prior ducit ad vitam, intellige æternam: posterior ducit ad perditionem, pariter æternam: priorem pauci inveniunt, pauciores verò intrant: non enim omnes etiam qui inveniunt, eam intrant: posteriorem multi intrant. Ergo pauci sunt, qui viam & portam vitæ æternæ intrant: ac ideo etiam pauci sunt qui saluantur: rursus verò, multi sunt qui viam & portam perditionis æternæ incunt, ac per hoc multi sunt qui pereunt.

6. Nunc ergo mi homo tu circumspice: vis nosse; electus ad vitam, an reprobatus ad mortem sis; attende: quam ex duabus hisce vijs, atq; portis ineas, & per quam incedas. Intras per angustam portam, per arctam viam? vadis tu ad vitam, & electus es ad illam, si perseueras vsq; in finem: at verò si intras per spatiosam viam, & incedis per latam portam: sicuti indubiè vadis ad

302 *Exerc: VII. De Arcta, & Spatiosa via ad Aeternitatem.*
perditionem, & reprobatus ad illam: nisi maturè discefferis ab
eâ: & per arctam viam angustamq; portam contenderis intrare
ad Vitam.

7. Sed fortè nescis quæ sit hæc, in Christi Domini sensu arcta
via, & angusta porta ducens ad Vitam? & quæ item spatiosa via,
& lata porta ducens ad perditionem? Audi etiam de hoc infor-
mantem te, ipsam DEI Magistram Veritatem; Arcta est via, &
angusta porta quæ ducit ad vitam: teste Domino: si vis ad vitam
ingredi, serua mandata. Arcta est via etiam eodem teste; Si quis
venit ad me (vtiq; ad vitam) & non odit patrem suum, & ma-
trem, & uxorem, & filios, & fratres, & sorores: adhuc autem &
animam suam, non potest meus esse discipulus. Et; qui non ba-
iulat Crucem suam & venit post me non potest meus esse disci-
pulus. Arcta est via & illa; Si vis perfectus esse, vade, vende o-
mnia, quæ habes, & da pauperibus, & sequere me, & habebis
thesaurum in cælo. Deniq; arcta est via illa; Beati pauperes spi-
ritu: beati mites: beati qui lugent: beati qui esuriunt iustitiam:
beati misericordes: beati mundo corde: beati pacifici: beati qui
persecutionem patiuntur propter iustitiam: &; cùm maledixe-
rint vobis, & persecuti vos fuerint, & dixerint omne malum ad-
uersum vos mentientes, propter me: quoniam vestrum est re-
gnum cælorum, & merces copiosa in cælis.

8. Iam verò quæ sit spatiosa via, & lata porta in eiusdem Do-
mini nostri sensu: audi ipsum Dominum definientem. Inuitati
ad cænam, vt venirent, quia parata sunt omnia: cæperunt omnes
excusare. Primus dixit inuitanti seruo: villam emi, & necesse
habeo exire, & videre illam, rogo te, habe me excusatum. Et alter
dixit: iuga bouum emi quinq;: & eo probare illa: rogo te habe
me excusatum: Et alius dixit: Vxorem duxi, & ideo non possum
venire: de his omnibus dixit Dominus: Nemo virorum illorum
gustabit cænam meam. Audi adhuc, eundem Dominum de ea-
dem viâ monentem; Attendite vobis, ne fortè grauentur corda

ve-

Exerc: VII. Arcta, & Spatiosa via ad Aeternitatem. 503

vestra in crapulâ, & ebrietate, & curis huius vitæ, & superueniat in vos repentina dies illa iudicij extremi. Et iterum dicentem Dominum audi de spatiosâ viâ; Sicut factum est in diebus Noë, ita erit & in diebus Filij Hominis. Edebant, & bibebant: vxores ducebant, & dabantur ad nuptias: emebant, vendebant: plantabant & ædificabant. Audi etiam, imò vide exemplum Hominis spatiosâ viâ tendentis ad perditionem; Homo quidam erat diues, qui induebatur purpurâ, & bysso: & epulabatur splendide: ad eius januam Lazarus mendicus, vlceribus plenus jacebat, cupiens saturari de micis, quæ cadebant de mensâ diuitis, & nemo illi dabat. Mortuus est autem diues, & sepultus est in inferno.

9. Sed audi etiam Apostolum Christi, vtramq; viam spatiosam, & arctam designantem: illam quidem, sub nomine operum carnis, & fructuum spiritûs: Aut ergo: Manifesta sunt opera carnis: quæ sunt, fornicatio, immunditia, impudicitia, luxuria, idolorum seruitus, veneficia, inimicitia, contentiones æmulationes, iræ, rixæ, dissensiones, sectæ, inuidia, homicidia, ebrietates, comessationes, & his similia: quæ prædico vobis, sicut prædixi: quoniam qui talia agunt, regnum DEI non consequentur. Fructus autem spiritus est; Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Qui autem Christi sunt, carnem suam crucifixerunt cum vitijs, & concupiscentijs. Si spiritu viuimus, spiritu & ambulemus.

10. Ecce habes homo definitam suis coloribus viam vtramq;. Vis nosse an sis electus ad vitam? an reprobatus ad perditionem? aduerte quam insistis & calcas viam, & scito, compertissimumq; habeto: quia electionis ad vitam, æternitatemq; beatam, signum est testatissimum; arctam viam amare, inire, decurrere, & vsque in finem perseuerare. Nam qui perseuerauerit in finem hic saluus erit. Reprobationis autem ad miseram æternitatem, signum est indubitatissimum, spatiosam viam, secundum carnis desid-

ria,

304 *Exerc. VII. De Arcta, & Spatiosa via ad Aeternitatem.*
ria, & opera insistere, decurrere, consummare. Secundum hæc
ergo mi homo, fac deliberationem, fac electionem, fac conclu-
sionem.

11. Neq; verò confugas ad infinitorum hominum deceptri-
cem procrastinationem: scilicet fundatam super illam Domini
promissionem, quâ promittit peccatori cuiq; veniam, si ille ab
omnibus suis peccatis poenitentiam egerit, & omnia præcepta
Dei custodierit. Ne inquam huc confugas, & malè sanæ fiducia
tuæ hanc periculosam umbellam præendas. 1. Quid si enim tibi
respondebit, Dominus idem, ille promissor veniæ; vocavi, & re-
nuisti, despexisti omne consilium meum: ego quoq; in interitu
tuo ridebo? 2. Quid si Dominus, qui poenitenti veniam promi-
sit: poenitendi tempus negabit? etsi enim legis, veniam promi-
sam tibi poenitenti, nunquid etiam legis, tempus promissum tibi
poenitendi? 3. Quid si, Dominus, cuius donum, & magnum qui-
dem, est poenitentia vera, negabit tibi: quod ut denegat, tu mil-
lies sceleribus tuis, maximè procrastinationibus, & in spem pec-
catis repetitis, demeruisti tibi? 4. Quid quod ex millenâ poeni-
tentia serâ, vix vna reperiatur coram Deo vera? Quis credet tuæ
poenitentia tunc primum conceptæ, quando tibi defluxit tem-
pus etiam sceleratè agenda vitæ? tunc tu poteris nullo negotio
verè poenitere, contra omnem morem tuum, quando iam nec
consueta longo vsu scelera poteris patrare iuxta pristinū vsu?
vriq; difficilius contra vsu poenitere, quam secundum vsu
diuturnum delinquere. 5. Homines pii, & suæ salutis perstudio-
si, qui quotidie plures in diem exercent actus contritionis, ac poe-
nitentiæ, raros tamen, suo etiam iudicio attingunt perfectos actus
poenitentia: tu cui de peccatis, seriò præsertim dolere, negle-
ctissimum, & inusitatissimum est; promittis tibi, in ultimo, vel
penultimo vitæ halitu, contritionem cordis, & poenitentiam o-
mnino veram, & seriam? Possè illam à te haberi, cum Diuinæ
gratiæ auxilio, non dubito: sed habiturum te defacto, & reipsâ,
tu

Exerc:
tu quid
bo: &

Hor
nuncia
Homin
admo
Ecce r
gratiâ,
lis tan
aterni

No
tentia
statim
non a
viam,
trare:
sed att

O
sti: d
mori
culi h
mnia
Per e
2
offau

1. S
telles

Exerc: VII. De Arcta, & Spatiosa via ad Aeternitatem. 505
tu quidem nunquam mihi comprobabis : & ego semper dubita-
bo : & ex millenis talibus, vix vnus reperietur corā Deo, ita felix.

Horresce homo, & caue experiri in te illud Domini nostri pro-
nunciatū : non tantū super Ierusalem, sed etiam super omnem
Hominem. Quoties (sapius) volui congregare filios tuos, quem-
admodum gallina congregat pullos suos sub alas, & noluisti ?
Ecce relinquetur vobis domus vestra deserta. Deserta à Deo, à
gratiā, à salute, ab omni bono, à vitā, & beatitudine æternā : so-
lis tantummodò peccatis, peccatorumq; supplicijs, in miserā
æternitate inhabitandā.

Noli ergo Homo, noli in spem peccare : noli in spem; pœni-
tentiam, & emendationem procrastinare : citò, citò, ac prorsus
statimstatim, detrahe pedem tuum de spatiosā viā & latā portā :
non attende multos euntes, sed multos pereuntes : ad arctam
viam, ad angustam portam, te omnino admoue : & contende in-
trare : & omnino intra : Non attende, quia pauci illac intrant :
sed attende, quia ad vitam æternam intrant.

P R A X I S

O Æterne, & omnis Æternitatis fons DEVS : qui nobis per Fi-
lium tuum, æternitatis beatæ aditum, deuictā morte resera-
sti : da nobis recogitare dies antiquos, & annos æternos in me-
moriā, intellectu, & voluntate semper habere ; vt in tempore sæ-
culi huius, sic omnia temporalia pertranseamus : vt & mala o-
mnia æterna euiemus, & omnia æterna bona consequamur.
Per eundem Dominum nostrum, &c.

*Quoniam perutile est plusculum circa Aeternitatem occupari, idcirco
octauum & nonum Exercitium addere visum est.*

E X E R C I T I V M VIII.

De Industrijs quotidiana conuersationis cum Aeternitate.

1. **S**tatue te cum Beato Dauide, cogitante Dies antiquos, &
Sannos æternos in mente habente, memoriā recolente, in-
tellectu ponderante, voluntate diligente & acquirente.

Sff

2. Tu

306 *Exerc: VIII. De Industrijs quotidiana & conuers: cum Æter:*

2. Tu quoq; fac similiter: & tu enim æternis annis, siue æternitati natus es: præfixusq; tibi etiam est terminus æternitatis: ad quem interminabiliter determinandus es.

3. Quoniam ergo cum æternitate aliquando mansurus & permanens es; perquàm optimo vteris consilio; si in præsentis vitæ & tempore, insueueris conuietui & familiaritati illius: si cum illâ occupari, ad illam disponi, atq; præparari, illam tibi demereri atq; promereri studueris: vt cum dies eius aduenerit, bonam tibi, beatam, beatificantemq; te obtineas & possideas.

4. Ad quod proderit tibi Industria, siue occupatio cum Æternitate.

1. Indubitanter, & certocertius scire: omnino expectari te ab æternitate: & te totis passibus, omnibusq; vitæ tuæ tam momentis quàm actibus ad Æternitatem tendere atq; festinare. Et cum duplex sit Æternitas, ad alterutramq; te peruenire omnino necesse sit; omne vitæ tuæ præsentis instans, eâ tibi conditione excurrit, vt te in æternitatis pelagus inuehat: & omnis vitæ tuæ præsentis motus ea pariter conditione abs te fiat, vt te in alterutram Æternitatem comitetur: eamq; tibi conciliet: tecum in eâ duraturus perenniter. Nonnè prudentis est animi, & hoc indubitanter scire, & hanc curam nunquam deponere, vt beatam potiùs exploratâ certitudine; quàm miseram, necessitate voluntariâ incurras, obtineasq; semper descendam æternitatem?

2. Industria: cum æternitate quotidiana conuersationis, perpetuam memoriam æternitatis bonæ aut miseræ habere: perpetuò (quantùm vires animi & corporis sinunt) de æternitate cogitare: atq; cum Dauide annos æternos tibi omni momento aduenientes, totisq; passibus accelerantes in mente habere. Siue tu cogites de æternitate, siue non cogites; venit illa tibi. Siue cogites, cures, agas, ames, consecretis, labores, spiritualia, cælestia, Diuina, æterna; siue oblitus horum & negligens, cogites, congreges, labores carnalia, mundana, caduca, maligna, Deo & eius

vo-

Exerc:
volun
nus tib
go me
que ac
quand
me in
ternita
tem in
boro; n
potius
ta, Di
3. Ind
volent
atq; v
nimin
hanc v
vide, &
tate l
perdi
quæ
Nam
conc
beat
cert
pac
tui q
4. In
tuæ
sed
cura
non
rum

Exerc: VIII. De Industrijs quotidiana conuers: cum Æter: 507

voluntati inimica, diabolo soli amica & placita; venit nihilominus tibi æternitas: cogitationibus laboribusq; tuis condigna. Ergo memento semper & inter omnes curas tuas æternitatis: vnâque ac sola tibi in mente voluatur æternitas. O Æternitas! ô quando, ô qualis aduenies mihi æternitas! O Æternitas, quantum me inuenies: qualem te inueniam? O quid curo, si beatam Æternitatem non curo? O quid incurro, si maledictam æternitatem incurro? Si sciens nesciens, si volens nolens, æternitati laboro; non insanissimus & reprobatissimus sum, si volens sciensq; potius infelicissimæ, & diabolicæ, quàm beatissimæ, DEO placitæ, Diuinæq; Æternitati laborem?

3. Industria: Resoluere sese animo pleno, prudente, sciente ac volentè, ad Æternitatem, eiusq; ingressum, & inhabitationem: atq; veluti pactum indissolubile cum eâ iam nunc pacisci: quòd nimirum, & dum hîc viuïs, de eâ semper curam gerere, & post hanc vitam ad eius complexum suamq; velis demigrare. Sed vide, & per omnia diligenter vide: vt hoc pactum sit cum æternitate bonâ, beatâ, diuinâ, non verò cum misera & infelici atque perditâ. Vide: vt hoc pactû exciter te semper ad ea procuranda, quæ sunt beatæ, ad expurganda ea, quæ sunt miseræ æternitatis. Nam nisi hoc, in pacto isto tuo contentum, atq; à te inter primas condiciones curatum fuerit; pactum quidem pactum erit: sed beata æternitas valde in ancipiti, misera autem in explorato atq; certo tibi erit. Quotidie ergo dispicito ipse tecum: cuinam tuum pactum deseruiat, teq; adaptet æternitati. Itemque, cuinam actus tui quotidiani deseruiant æternitati?

4. Industria: sperare, optare, desiderare totis atq; cunctis vitæ tuæ momentis & actibus æternitatem: sed beatam, sed felicem, sed Diuinam: & simul eiusdem assiduam & condignam gerere curam. Nulla tibi viuendi, nulla agendi particula excurrat, quæ non in beatam æternitatem vnâ tecum incurrat, in câq; thesaurum tibi componat, & cumulet. Nullum sit agendi momentum,

308 *Exerc: VIII. De Indust: quotid: conuers: cum Æternitate.*
quod ad miseram æternitatem quantulocumq; modo te inclinet, vel disponat. Sed omni possibili diligentia attende tibi, & vitæ tuæ, & operibus tuis: atq; illa ad normam æternitatis tam beatæ quam miseræ examina: iustumq; de illis iudicium juxta censuram momentumq; æternitatis decerne.

5. Industria: Timere, horrere, execrari, deprecari, fugere & fugare à se totis viribus, diligentissque, imò & laboribus atq; sumptibus, miseram æternitatem: ac simul attentè peruidere, ne quid in vitâ tuâ, nequid in desiderijs, studijs, curis, operibus quibuscunq; tuis, resideat; nequid in vllis latebris cordis mentisq; tuæ delitescat; quod misera æternitas in te inueniens, suum recognoscat; & tecum in sese deuoluat, atq; absorbeat. Sit tibi Anima tua, hoc est, opera omnia Animæ tuæ, in manibus tuis semper: quidquid enim ad Æternitatis negotium prodest, nimium esse non potest.

6. Industria: Confundi, atq; tum apud propriam, tum apud Diuinam conscientiam erubescere, de præteritâ, & de præsentî circa negotium æternitatis negligentia: simul & de damnis incursis, de bonis amissis, malis perceptis ex eadem. Quisquis de rebus salutis rectè iudicat, fateri cogitur omnia siue bonorum Animæ suæ lucra, siue eiusdem omnia detrimenta, ex neglectu & obliuione Æternitatis sibi prouenisse: nunquam prouentura; si condigna in mente de annis æternis, deq; negotio æternitatis, cura & diligentia viguisset. Cuius asserti tot sunt testes experimentales, quot seu Beatam, seu miseram Æternitatem hætenus incolunt.

7. Industria: Ascendere identidem (& quidni sæpè?) mente, ad Beatæ Æternitatis incolas; descendereq; item ad miseræ æternitatis mancipia: & vtrorumq; statum, omnibus quoad licebit ram Animi quam Corporis sensibus, explorare & perscrutari: adire, & alloqui ipsosmet: ex ijsq; intelligere accuratè; quid boni desit, quid mali adsit his atq; illis: intelligere ex illis; quibus modis, qualiū operū subsidijs; isti beatam sibi demeruerint, illi, in infelicem

d c-

Exerc. VIII De Indust: quotid: conuers: cum aternitate. 509
deuoluti sint æternitatem. Auditis verò vtriusq; partis enarra-
tionibus, & nimium veracibus testimonijs, proprium circumspi-
cere statum, propriam cum vtriusq; conferre conscientiam, com-
ponereq; causam, & videre cui potissimum parti assimilata acce-
dat: & quorum se esse similem, sibi expediat. Vtilissimè in huius-
modi confabulatione cum beatè miseræq; æternis, temporis con-
sumetur quàm plurimum. Neq; metuendum est; ne in superflua
vel noxia, vel otiosa; cordis vel oris sermo defluat. Omnia enim
hoc in congressu visa, audita, cogitata, dicta, toti deseruiunt
æternitati.

8. Industria: Dolere, atq; poenitere ex animo, idq; crebriusculè,
damna præteritæ negligentæ, ignorantæ, dilationis, cessationis,
vilipensionis: sunt enim damna æternitatis, quæ semel incurris-
se, satis est: repetere autem illa, nonnè extremæ insanix est? In
hoc comprobanda est DEO & conscientiæ nostræ vera nostra de
præteritis damnis poenitentia: si sese ad nos nunquam deinceps
reuoluat pristina in negotio æternitatis incuria.

9. Industria: Proponere, atq; etiam ipsum numerum tempusq;
certum definire: quo singulis diebus negotium æternitatis per-
tractetur: an, & quoties, & quomodo, & quo profectu Animæ
pertractetur: quibus curis hoc negotium impediatur, quibus am-
plius adhuc promoueri possit? Omnino peruidendū: prouiden-
dumq; est efficaciter in hoc negotio: ne parux & nihili ad æter-
nitatem res; magnas, & nimium quidem magnas, quoniam æter-
nas impediunt: quod tamen fieri, sicut stultissimum & pernicio-
sissimum, ita & vtilitissimum est.

10. Industria: Cum Animo suo quàm firmissimè decernere: atq;
statuere: curam negotiumq; æternitatis semper in mente memo-
riâq; habere: idq; inter prima vitæ totius studia numerare: omnes
alias sibi curas intercipi facilius permittere: at negotium curamq;
æternitatis æternâ, æternaturâq; diligentæ firmitate retinere ac
defendere. Qui æternitate saluâ amisit quamuis omnia, nihil ami-

510 *Exerc: VIII. De Indust: quotid: conuers: cum æternitate.*

fit: qui æternitate perditâ saluauit omnia; perdidit is omnia.
11. Industria: Hoc animi Decretum, accuratè & profundâ mentis de suis viribus diffidentia. DEO recommendare, auxiliumque gratiæ illius constantissimâ frequentia implorare.

12. Industria: In harum aut similium industriarum vsu quotidiano, nunquam fatigari, nunquam tepescere: sed ob repentem ex infirmitate nobis vsiratâ languorem, innouare: atq; cum ope æterni DEI, meritisq; Iesv Christi, & Matris Virginisq; æternæ, & omnium Beatæ æternitatis incolarum, precibus & exemplis reassumere, & quotidie ampliùs vigori restituere, atq; in eo roborari.

Hiscæ industrijs, addat qui volet, seu plures, seu alios suo statui, spiritui, placito, prudentiæ suæ alienæuè seruientes: malum superfluumue esse non poterit; quidquid æternitati obtinendæ, infelici effugiendæ profuerit.

P R A X I S.

O Æterne, & omnis æternitatis fons DEVS; qui nobis per Filium tuum, æternitatis beatæ aditum deuietâ morte reserasti: da nobis cogitare dies antiquos: & annos æternos in memoriâ, intellectu, voluntate, semper habere: vt in tempore sæculi huius, sic omnia temporalia pertranseamus, vt & mala omnia æterna euitemus, & omnia æterna bona consequamur. Per eundem Dominum nostrum, &c.

E X E R C I T I V M IX.

Qualibus operibus obtinetur æternitas misera vel Beata?

1. **S**tatue te cum Beato Dauide, cogitante dies antiquos, & annos æternos in mente habente, memoriâ recolente, intellectu ponderante, voluntate diligente & acquirente.

2. Tu quoq; fac similiter: Non enim licet tibi quoq; excutere jugum æternitatis: sed velisnolis; subire illud, ac æternaliter portare debes.

3. Est

Exerc: IX. Quibus operibus obtineatur æternitas &c. 511

3. Est autem hic Rhodus, hic saltus: hac in vitâ operam dare; ut jugum hoc reddas tibi tuo labore portabile & appetibile, suaue & iucundum, pretiosum, honorificum, nunquam fastidiosum, semper, amplius, ampliusq; desiderabile, amabile, sitibundam satietatem, satiabundamq; sitim ac famem perenniter fouens. Non autem sit importabile, abominabile, exosum, execratum superq; omnia meritò detestanda, sed nunquam pro merito satis detestanda.

4. Et cum huic negotio, negotiorum omnium negotiosissimo atq; grauissimo, sola penitus opera huius mortalis vitæ idonea sint, & iuxta eorum tantum qualitatem, misera vel Beata assignetur attribuaturq; æternitas; Operæ pretium est: scire quibus & quilibus operibus hac in vitâ obtineatur, alterutra ex prædictis æternitas. Ut enim in Rebus publicis, mercibus quibudam assignata sunt certa pretiorum genera, quæ necesse est omnino ab Eupatore præsentari, si merce aliquâ vult potiri; ita etiam in Republicâ Dei atq; futuri sæculi, meriti æternitatis siue miseræ, siue beatæ, assignatum est pretium operum hac in vitâ elaboratorum, atq; in futurâ exhibendorum: ut merx æternitatis, vel miseræ, vel Beatæ obtineatur.

5. Et seruiunt quidem ad hoc propositum, dicta supra Exercitio septimo, huius partis: quæ tamen hoc loco adducuntur, explicatiora sunt, & dilucidius rem proponunt: quoniam expressius qualitatem operum æternitati vtrique deseruientium manifestant.

Primum igitur: ad Beatam æternitatem nihil profunt, imò verò obsunt: ad miseram verò æternitatem deducunt ac deuoluunt: opera mala omnia, legi & voluntati Diuinæ contraria, eiusq; transgressiua, lumini recte rationis repugnantia, proptereaq; iniqua & perversa, doctrinæ item Fidei Christianæ dissona. De his operibus Ioannes Apostolus disertè ita pronunciat; Timidis, & incredulis, & execratis, & homicidis, & fornicatoribus,

& ve-

512 *Exerc: IX. Quibus operibus obtineatur aternitas &c.*
& veneficis, & idololatriis, & omnibus mendacibus, pars illorum
erit in stagno ardenti igne, & sulphure, quod est mors secunda.
Et rursus idem alio loco, ait; Foris canes, & venefici, & impu-
dici, & homicidæ, & idolis seruientes, & omnis qui amat, & facit
mendacium. Paulus quoq; Apostolus, longum texit catalogum
eorum operū quæ excludunt à beatâ: concludunt autem in mi-
serâ æternitate: ait enim; Manifesta sunt autem opera carnis,
eademq; perditionis: quæ sunt, fornicatio, immunditia, impu-
dicitia, luxuria, idolorum seruitus, veneficia, inimicitia, con-
tentiones, æmulationes, iræ, rixæ, dissensiones, sectæ, inuidiæ,
homicidia, ebrietates, comestationes, & his similia, quæ prædico
vobis, sicut prædixi: quoniam qui talia agunt, regnum DEI non
consequentur. Et rursus alibi sic ait; Sicut non probauerunt
DEVM habere in notitiâ: tradidit illos DEVS in reprobum sen-
sum: vt faciant ea quæ non conueniunt: repletos omni iniquita-
te, malitiâ, fornicatione, auaritiâ, nequitia, plenos inuidiâ, ho-
micidio, contentione; dolo, malignitate, susurriones, detracto-
res, DEO odibiles, contumeliosos, superbos, elatos inuectores
malorum, parentibus non obediētes, insipientes, incompofi-
tos, sine affectione, absq; fædere, sine misericordiâ: qui cum iu-
stitiam DEI cognouissent, non intellexerunt, quoniam qui talia
agunt, digni sunt morte, & non solum qui ea faciunt, sed etiam
quia consentiunt facientibus. Adhuc autem alio loco pronun-
ciat; An nescitis, quia iniqui regnum DEI non possidebunt?
Nolite errare: neq; fornicarij, neq; idolis seruientes, neq; adul-
teri, neq; molles, neq; masculorum concubitores, neq; ebriosi,
neq; fures, neq; auari, neq; maledici, neq; rapaces regnum DEI
possidebunt. Possunt huc adduci & illa ex eodem Apostolo;
Qui volunt diuites fieri, incidunt in tentationem, & in laqueum
diaboli, & desideria multa inutilia & nociua, quæ mergunt ho-
mines in interitum, & perditionem; Radix enim omnium ma-
lorum est cupiditas: quam quidam appetentes, errauerunt à fi-
de

Exerc: IX. Quibus operibus obtineatur Æternitas &c. 513

de & inseruerunt se doloribus multis, ijsq; etiam æternis. Non est prætermittenda hæc etiam Domini nostri ipsius IESV Christi denunciatio, dicentis; Quæ de corde exeunt, ea coinquinant hominem. De corde enim exeunt, cogitationes malæ, homicidia, adulteria, fornicationes, furta, falsa testimonia, blasphemix. Hæc ergo & his similia opera, aditum ad Æternitatem, beatam quidem intercludunt; ad miseram verò aperiunt: atq; in eam præcipitant.

Iam verò opera quæ ex fide Christianâ non sunt, seu quæ fides supernaturalis non imperat, non sublimat, non facit; sed intrâ puræ naturæ ordinem subsistunt; ad beatam æternitatem, neq; perueniunt: neq; deducunt: Non enim natura potest pertingere ad supra naturam: cum sit inferioris ordinis. Est autem Beatitudo, siue Beata Æternitas, maximè supernaturalis: imò clausula & finis consummatioq; omnium supernaturalium. Ideo dixit Apostolus: Omne quod non est ex fide peccatum est: hoc est; ad vitam æternam non prodest operanti. Sicut & Dominus IESVS eodem sensu affirmavit; Sine me nihil potestis facere: quod nimirum prosit ad vitam beatam: sed oportet operantem, in Christo esse: in Christum credere: in Christo vivere: & per Christum ac per vnionem eius operari. Iustus enim ex fide viuit.

Opera etiam quæ non sunt in DEO facta; hoc est; quæ extra gratiam & amicitiam DEI facta sunt, ad Beatam æternitatem, neq; perueniunt: neq; perducunt. Scriptum est enim; quia sine Charitate nihil sum, nihil mihi prodest, ad vitam æternam. Talia enim opera, quia non procedunt, à subiecto operante viuente vitâ Gratiâ DEI sanctificantis; nec particeps meritorum Christi; ideo sunt mortua, & inutilia ad salutem.

Opera quoque, bona quidem naturâ suâ & ordine suo; at malâ intentione deprauata, ad beatam æternitatem non profunt: sunt enim infecta veneno intentionis malæ, vitio amoris proprii, vel superbix, vel alicuius alterius. Talia sunt opera illorum: qui faciunt

314 *Exerc: IX. Quibus operibus obtineatur Aeternitas &c.*
ciunt; vt videantur ab hominibus: & laudentur orantes, ieiunantes, Eleemosinam facientes: talibus dicitur: receperunt mercedem suam: non ergo recepturi diuinam: æternam.

Opera item bona quidem, & benè ac ex fide per Charitatem in gratiâ DEI facta, sed postmodum superueniente mortali, etiam vnico peccato mortificata; ad beatam æternitatem non profunt: nisi denuo per condignam huius vitæ pœnitentiam, ad vitam gratiæ & Charitatis redeunte Animâ, viuificentur etiam ipsa.

Mitto opera facta sine rationis vsu, & arbitrio libero: vt sunt amentium, infantium, dormientium, ebriorum, coactorum coactione graui, ignorantium etiam inuincibiliter, casu, fortuitoq; operantium: & hæc enim beatæ æternitati non profunt: cum etiam vulgò apud homines nullam approbationem aut pœnam habeant. Et non deducunt hæc quidem ad perditorum æternitatem, nihilominus etiam in beatâ eis locus non est.

Ad beatam ergo æternitatem necessaria, vel proficua opera, vt sint aliqua; debent esse talia.

Primò, Vt sint naturâ suâ & ex obiecto, vel simpliciter bona, & honesta, ac licita: vel saltem ex se quidem indifferentia, ac nec bona nec mala, sed tamen intentione bonâ & rectâ & supernaturali honestata, ac sublimata: ex ordineq; naturalium ac indifferentium educta.

Secundò, vt sint opera Humana: hoc est liberè & deliberatè facta.

Tertiò, vt sint facta in Charitate & gratiâ, & ab amico DEI.

Quartò, vt sint vel ex se, vel ex intentione saltem, supernaturalia: & proportionata fini suo, nempe vitæ æternæ.

Quintò, vt sint opera, à conditionibus circumstantijsque malis associatis non inquinata. Nam v. g. DEVM orare, & odium proximi in corde fouere; ieiunare, & maledicere; vel vindictam meditari; aut auaritiæ studere; ex rapto eleemosinam dare; non placet DEO: neq; DEVM placat: sed potius iram eius & indignationem.

Exerc. IX. Quibus operibus obtineatur Aeternitas &c. 515
tionem accendit: nec beatæ sed miseræ æternitati seruit: iuxta illud: Fiat oratio eius in peccatum. Et; Cùm multiplicaueritis orationem non exaudiam: manus enim vestræ sanguine plenæ sunt. Item; Ecce in ieiunijs vestris inuenitur voluntas vestra.

Ad istas conditiones bonorum operum tanquam necessarias, accedere possunt aliæ: non planè quidem necessariæ; si tamen adsint, multum valoris operibus bonis addunt: vt beatam æternitatem, condignè mereri, seu mereri possint: eiusmodi sunt.

1. Facere opera bona, sublimi defecataq; intentione: purà ad puram Dei gloriam, eamq; maiorem semper, & ad quam maximum gustum contentationemq; gustus Diuini, & Voluntatis eius: absq; intuitu proprii commodi, quatenus proprii, etiam spiritualis: sed purè gratis, propter solum purumq; Dei placitum.

2. Facere in vnione meritorum Christi, ex imitatione, & cum imitatione, & gloriâ Christi, Beatæ Virginis Matris, & omnium Electorum.

3. Facere ex purâ, & cum insigni, intensaq; & appretiante summe DEVM, Charitate.

4. Facere ex plurium Virtutum, etiam quoad gradum excellentium motiuo, imperio, exercitio actuali.

5. Facere ex insigni, & cum eximio seruire animi, ac voluntatis: cum liberali in DEVM affectu, affectûsq; conatu: eoq; incessabili, infatigabili, insatiabili.

6. Facere cum extensione ad plura bona: potissimum; Zeli Gloriæ Dei, Animarum salutis, perfectionis tam propriæ quàm alienæ, &c.

7. Facere cum adiuncto condimento aliquo bono: v. g. Mortificationis internæ & externæ: Victoriæ affectûs alicuius sui: propter amorem & gloriam Dei, Christi, Beatæ Virginis & Charitatis in proximos: condonationis injuriæ: Eleemosinæ corporalis vel spiritualis: speciatim erga Animas purgatorii.

8. Facere omnia cum verâ & internâ spiritûs proprii humili-

516 *Exerc: IX. Quibus operibus obtineatur Æternitas &c.*
tate: suiq; diffidentiâ: cum attributione omnis boni, vni, & soli
Deo: eiusq; gratiæ, ac miserationi: & Christi Domini Meritis:
iuxta illud eiusdem Domini nostri monitum; Cùm omnia fece-
ritis, quæ præcepta sunt vobis, dicite: Serui inutiles sumus: quod
debuimus facere fecimus. Hæc conditio non tantum superoga-
tionis, sed etiam planè necessaria est.

P R A X I S.

SANCTISSIMA Trinitas vnus Deus, Pater, Fili, Spiritus Sancte.
Ego N. creatura tuâ, mancipiumq; tuum naturale, volunta-
rium, Æternum.

Volo, esse & mutari, facere & pati, ex tuâ Gratiâ sine quâ nihil
sum, cum quâ omnia sum & possum, ex Voluntate & Electione
meâ deliberatâ;

Omni voluntatem tuam, ad Voluntatē tuam, & secun-
dum Voluntatem tuam.

Affectu, gustu, Corde tuo Diuino, sponsali autem in Te meo.
Adæquatē omni obligationi, & capacitati meæ.

Impersonatē etiam ad omnes Creaturas, & simul pro omnibus
illis: Sacrificatiuē, & Holocaustificatiuē, seu, faciendo tibi me,
& ex me, per omnia Sacrificium, atq; Holocaustum.

Heroicē, sublimiter, perfectē & super habitum.

Iuxta mensuram Gratiæ, Auxiliq; tui.

Omni intentione, omni intensiōe, omni extensiōe.

Omni proportione, omni circumstantiâ.

Atomicē, seu per omnes atomos mei, & omnis Creaturæ: a-
byssaliter, insatiabiliter, incessabiliter, infatigabiliter.

Cuncticreatē, cunctibearē, cunctiseraiphicē, Marianē, Chri-
stouniter, Christoformiter, Deiformiter, Diuinē.

Sine

Exerc: XI. Quibus operibus obtineatur Æternitas &c. 517

Sine vlllo mereri meo; certè non propter mereri meum: sed ad solum, purum, omniq; magno maiorem, Gustum Diuinum tuum.

Sine nidulo quietis meæ, sine portu voluntatis meæ, sine respectu, & compendio Amoris mei proprii atq; priuati.

Desperatiuè prorsus de me: speratiuè in solo Te Deo meo.

Cum expectatione censuræ, linguæ, ingritudinis, contemptus, sterilitatis, impedimenti ab omnibus Creaturis.

Ad confusionem faciei meæ.

Ad spem, amorem, desiderium, gustum Crucis.

Ad mensuram Dignitatis tuæ, debitiq; mei; ad mensuram amabilitatis tuæ, ad mensuram amariuitatis meæ.

In finem Adorationis, Imitationis, Gratiarū actionis, Laudis, Satisfactionis, in Misericordiæ tuæ, & Christi sanguine Balneationis, postulationis & impetrationis omnium quorum tu scis, potes, vis, suppletionis damni, debitiq; mei omnis, dispositionis quoq; ad omnes gratias actuales, habitualesque, ad Sacramenta, & Sacrificia.

Tanquam primum & vltimum, efficacq; medium meæ salutis, tuæ verò Diuinæ laudis & exaltationis.

Tanquam ex Voto: semel, pro semper: cum abyssali reuerentia Præsentia tuæ.

Dignè te, toto me, Toto Te.

Vt tibi placeam, quia mihi places, vt mihi placeas, vt omnibus placeas, vt tibi omnes placeant: amplius & amplius in æternum: deniq; vt sis id quod es in æternum & vltra, & quandiu Tu es: Sanctissima Trinitas DEVS meus, & omnia mea, & omnium. Amen, Amen, Alleluja, fiat fiat in æternum, & vltra, & adhuc.

518 *Exerc: IX. Quibus operibus obtineatur Aeternitas &c.*

O Aeternae, & omnis Aeternitatis fons DEVS, qui nobis per Filium tuum, aeternitatis aditum deuicta morte reſeraſti: da nobis cogitare dies antiquos: & annos aeternos in memoriâ, in Intellectu, in Voluntate ſemper habere; vt in tempore ſaeculi huius, ſic omnia temporalia pertranſeamus, vt & mala omnia aeterna euitemus, & omnia aeterna bona conſequamur. Per eundem

Dominum noſtrum IESVM Chriſtum, qui viuit & regnat

DEVS, in ſaecula ſaeculorum,

Amen.

A. M. D. G.



IN.



INDEX
PARTIVM
ET
EXERCITIORVM.

PARS I.
Erga Vnum & Trinum DEVM.

- Exercitium 1. *Quid sit, & quòd sit DEVS?*
Exerc: 2. *Quid sit Creatura?*
Exerc: 3. *Quid sit DEVS Creatura?*
Exerc: 4. *Quid sit Creatura DEO?*
Exerc: 5. *Quid DEVS debet Creatura?*
Exerc: 6. *Quid Creatura debet DEO?*
Exerc: 7. *Exhibitio eius debiti DEO, quod Creatura debet DEO.*

Pars II. Erga Sanctissimam Trinitatem.

- Exerc: 1. *Confessionis, & Postulationis beatitudinis in omnibus.*
Exerc: 2. *A SS. Trinitate emendicationis omnium, & omnibus.*
Exerc: 3. *In Voluntatem SS. Trinitatis traditionis sui.*
Exerc: 4. *In SS. Trinitatis Providentiam projectionis.*
Exerc: 5. *Cum SS. Trinitatis Dignitate Collationis sui.*
Exerc: 6. *In SS. Trinitatis Charitatem, eniscerationis Vniuersi.*
Exerc: 7. *Debiti SS. Trinitati exsolutionis.*
Erga SS. Trinitatem Exercitium speciale.

VVV

Pars

I N D E X.

Pars III. Erga Diuinam Præsentiam.

- Exerc: 1. Decet Hominem semper Dei sui meminisse.*
Exerc: 2. Periculosum est Homini Dei sui non meminisse.
Exerc: 3. Pulcherrimi Dei præsentia memoria facit nos quod pulchros.
Exerc: 4. Memoria Dei nobis præsentis, vult, & facit nos Sanctos.
Exerc: 5. DEVS nobis præsens semper: adiuvat nos semper.
Exerc: 6. De fructibus quos nobis profert memoria Præsentia Dei.
Exerc: 7. De fructibus quos in nobis facit memoria Præsentia Dei.

Pars IV. Erga DEVM amandum & reuerendum.

- Exerc: 1. De Necessitate, Æquitate, Vtilitate Amoris & Reuerentia DEI.*
Exerc: 2. De fontibus Amoris & Reuerentia Dei.
Exerc: 3. De Reuerentiâ Dei propter eius Dignitatem.
Exerc: 4. De Reuerentiâ Dei propter eius Sanctitatem.
Exerc: 5. De Reuerentiâ Dei propter eius Omnipotentiam & Dominium.
Exerc: 6. De Reuerentiâ Dei, quia Sapiens, Rex, Pater, Iudex.
Exerc: 7. De Reuerentiâ DEI propter Hominis vilitatem, Virtutisq; præstantiam.

Pars V. Erga DEVM ex toto corde diligendum.

- Exerc: 1. DEVS amandus est, quia per omnia Amabilis est.*
Exerc: 2. Amandus est DEVS quia ipse amat se.
Exerc: 3. Amandus est DEVS, quia & ipse amat nos.
Exerc: 4. Ex quibus libris Amor in DEVM discendus est.
Exerc: 5. Quæ sit excellentia Amoris nostri in DEVM.
Exerc: 6. Quod Amor Dei, graua alleniet, leuia aggrauet: aliena sua faciat.
Exerc: 7. De Amoris Dei perfectâ plenitudine.

Pars VI. Erga Æternam Sapientiam propter nos Incarnatam.

- Exerc: 1. Per Indiuinationem in ipsam.*
Exerc: 2. Per Exercitationem Virtutum.
Exerc: 3. Per subiectionem omnium ad ipsam.

Exerc:

I N D E X.

Exerc: 4. Per Exinanitionem nostri coram ipsâ.

Exerc: 5. Per eius ad nos appropriationem.

Exerc: 6. Per asstimationem sumptuum eius pro nobis.

Exerc: 7. Per Gratiarum actionem pro gratuito illius in nos Amore.

Pars VII. Erga IESVM Christum pro nobis passum.

Exerc: 1. Qualis propter nos factus, tales nos propter illum fiamus.

Exerc: 2. Quam nos dissimiles Christo Passo simus?

Exerc: 3. Quid IESVS Passus loquatur ad nos?

Exerc: 4. IESVS Passus, Aqua Medica, in ablutionem & sanitatem.

Exerc: 5. IESVS Passus, quantus Inimicorum amator?

Exerc: 6. IESVS Passus, quantus Dei Patris, eiusq; Gloria, & Voluntatis Amator.

Exerc: 7. IESVS Passus nobis bona omnia.

Pars VIII. Erga Sanctiss: Eucharistiæ Sacramentum.

Exerc: 1. Christus in Eucharistiâ omnium bonorum thesaurus.

Exerc: 2. Christus in SS. Sac: colendus, quomodo à Dei Matre cultus.

Exerc: 3. Christus in Euchar: colendus ad Exemplar Angelorum.

Exerc: 4. Christus in Euchar: colendus ad exemplar Sanctorum omnium.

Exerc: 5. Christus in Euchar: triumphatus, veluti Amore victus.

Exerc: 6. Christus in Euchar: tanquam in Cælo Empyreo.

Exerc: 7. Christus in Euchar: ut peritissimus Artifex.

Exerc: 8. Christus in Euchar: Rex ditissimus: medicusq; optimus.

Pars IX. Erga Christum Iudicem omnium.

Exerc: Christus D. Iudex placandus Oratione crebrâ, humili.

Exerc: 2. Christus D. Iudex placandus muneribus.

Exerc: 3. Christus D. Iudex placandus iudicio nostri præiudicio.

Exerc: 4. Christus D. Iudex placandus neminẽ iudicando, censurando, condemnando.

Exerc: 5. Christus Iudex placandus debitorum condonatione.

Exerc: 6. Christus Iudex placandus voluntariâ peccatorum expiatione.

Exerc: 7. Christus Iudex placandus Misericordiâ.

Litania, seu Corona ad Christum D. Iudicem placandum.

I N D E X.

Pars X. Erga DEI Matrem Virginem.

- Exerc: 1. De P. Parentis cum DEO arctissimâ Coniunctione.*
Exerc: 2. De P. Parente nostrâ Dominâ Matre, Herede, Hereditate, Sponsâ.
Exerc: 3. De P. Parentis per Dei Maternitatem exaltatione.
Exerc: 4. De P. Parente, Naturali Dei, sicut Matre, ita & Amatrice.
Exerc: 5. Quòd P. Parens sit omnium Creaturarum eminentissima.
Exerc: 6. Quòd per P. Parentem maximè DEVS magnificetur.
*Exerc: 7. Quòd DEVS plus amet solam Mariam, quàm totam Ecclesiam, rerumq;
Vniuersitatem, seclusâ Mariâ.*

Pars XI. Erga Sanctos Angelos.

- Exerc: 1. De Naturâ, Gratiâ, Gloriâ, Studijs, operibusq; SS. Angelorum.*
Exerc: 2. De SS. Angelis, Archangelis, Virtutibus.
Exerc: 3. De SS. Principatibus, Potestatibus, Dominationibus.
Exerc: 4. De SS. Thronis, Cherubinis, Seraphinis.
Exerc: 5. De SS. Angelis Custodibus nostris.
Exerc: 6. De Sanctis septem Principibus Angelis.
Exerc: 7. De Sancto Michael Archangelo.
Encomia Sancti Michaelis Archangeli.

Pars XII. Erga Sanctos omnes.

- Exerc: 1. Ad quid DEVS Sanctos apud se in Calo habeat?*
Exerc: 2. De Amore erga Sanctos.
Exerc: 3. De Sanctorum veneratione.
Exerc: 4. De Communicatione cum Sanctis in bonis eorum.
Exerc: 5. De fructu Dei ex Sanctis suis.
Exerc: 6. De Dominio Sanctorum, & subiectione ad ipsos nostrâ.
Exerc: 7. De Desiderio Societatis Sanctorum.

Pars XIII. Erga Cœlestem Beatitudinem.

- Exerc: 1. De Cœlestis Beatitudinis Magnitudine.*
Exerc: 2. De Cœlestis Beatitudinis Amore, & aspiratione.
Exerc: 3. De Cœlestis Beatitudinis Desiderio.
Exerc: 4. De Cœlestis Beatitudinis per laborem acquisitione.

Exerc:

I N D E X.

Exerc. 5. De Cœlestis Beatitudinis super labores excessu.

Exerc. 6. De tadio ad cœlestem Beatitudinem.

Exerc. 7. De cœlestis Beatitudinis gustatione.

Psalmus anhelantis ad DEVM: eumq; sitientis.

Psalmus, Dissoluti, & Patriam cœlestem cupientis.

Psalmus Inidipsum.

Contemplatio gloria cœlestis, ex D. Bernardo, D. Gregorio, V. Bedâ, Cypriano.

Amor, & Desiderium Celi.

Pars XIV. Erga Semetipsum & Notitiâ sui.

Exerc. 1. De Notitiâ sui Nihili.

Exerc. 2. De Notitiâ suâ Cœcitatâ.

Exerc. 3. De Notitiâ suâ Malitiâ.

Exerc. 4. De Notitiâ suâ Infirmitatâ.

Exerc. 5. De Notitiâ suâ Ruinositatâ.

Exerc. 6. De Notitiâ suâ Imperfectionis.

Exerc. 7. De Notitiâ suâ Paupertatâ.

Pars XV. De Contritione.

Exerc. 1. De Substantiâ Contritionis, & Motivis ad eam.

Exerc. 2. De Contritione ex Dei & Hominis peccantis collatione.

Exerc. 3. De Contritione ex Dei, Hominisq; comparatione.

Exerc. 4. De Contritione, ex Hominis collatione cum DEO Incarnato.

Exerc. 5. De Contritione ex Celi & Inferni aestimatione.

Exerc. 6. De quotidiano Anima Purgatorio.

Exerc. 7. De Contritione, ex DEI, Patris, Benefactoris, Domini, Iudicisq; consideratione.

Pars XVI. De Mortē.

Exerc. 1. De Mortis Naturâ, Conditionibus, Effectis.

Exerc. 2. De Vario, & de optimo genere Mortis.

Exerc. 3. De Mortis bonâ desiderio frequentando.

Exerc. 4. De Mortē Malorum, Iustorum, & Perfectorum.

Exerc. 5. De Preparationibus ad Sanctam Mortem.

Exerc. 6. Summarium scrutiny conscientia ante Mortem.

Exerc. 7. Refugia, & solatia Moribundi.

Pars

I N D E X.

Pars XVII. Erga Animas in Purgatorio.

- Exerc: 1. De Commiseratione super Animas Purgatorij.*
Exerc: 2. De Viscerosâ super Animas Purgatorij commiseratione.
Exerc: 3. Penas purgatorij grauiores esse vulgari sensu.
Exerc: 4. De Motiuis excitantibus ad ferendam opem Animabus Purgatorij.
Exerc: 5. De alijs Motiuis iuuandi Animas Purgatorij.
Exerc: 6. De alijs Motiuis iuuandi Animas Purgatorij.
Exerc: 7. De Motiuis ad iuuandas Animas Purgatorij ex Statu Sacerdotali & Religioso.
Erga Animas Purgatorij, exempla & praxis liberalitatis Christiane.
Alia Praxis breuior.
Quânto quis liberalior in Animas Purgatorij, tantò plus sibi met per hoc proficit.

Pars XVIII. De Æternitate.


- Exerc: 1. Quid sit, quòd sit, quotuplex sit Æternitas.*
Exerc: 2. Aut Beata, aut misera Æternitas omnibus subeunda.
Exerc: 3. De his quæ mensurant Æternitatem.
Exerc: 4. De his quæ mensurat, seu continet Beata Æternitas.
Exerc: 5. De his quæ mensurantur, continenturq; Misera Æternitate.
Exerc: 6. Occupationes Beatorum, & Damnatorum in suâ Æternitate.
Exerc: 7. De Arctâ, & Spatiôsâ Viâ ad Æternitatem.
Exerc: 8. De Industrijs quotidiane conuersationis cum Æternitate.
Exerc: 9. Quibus operibus obtineatur Æternitas Misera, vel Beata.

F I N I S.



rali &


rofici.



Biblioteka Jagiellońska



stdr0029844



A.
Auct. Lat.
N^o 28